

Ex Bibliotheca  
majori Coll. Rom.  
Societ. Jesu  
III. 20. c

51-2-72.  
51  
F  
78





















# DISSERTATIONES

A R I O V I S T I

E T

V E N A N T I I

DE SCRIPTO QUODAM,


Tum prout sub nomine Doctoris HEN-  
NEBEL sparum est, tum prout mu-  
tatâ phrasi ac ordine est typis editum  
ab aliquot Belgis Theologis,

*Collectæ & digestæ*

P E R

NICEPHORUM BORRADIUM

*Sac. Theologiæ Professore.*



L E O D I I,

Apud HENRICUM STREET:

1699.





# A D LECTOREM.

**S**criptum tam Doctoris Hennebel, Lector benevole, quàm aliquot aliorum Belgarum Theologorum, quod haud ita pridem comparuit in Belgio, examinatum est in hisce Dissertationibus, quas in lucem emitto, non ad defendendum Memoriale Palazolii contra Censuram ( quidquid enim Eminentissimi Patres in eo improbandum censuerunt, ego pariter improbo ) sed ad multiplices ejusdem Hennebelli aliorumque jam dictorum Theologorum detegendas fraudes. Nam hi per speciem criminandi Palazolii, liberè in suo Scripto propugnant totam doctrinam eorum qui adversantur Belgii Episcopis, & palam prædicant nullas esse in Belgio Novitates, nullum Rigorismum, nullum Jansenismum.

Quod quidem istiusmodi hominum consilium

## A D L E C T O R E M.

*lium non videtur posse spectare aliò, quàm ut nullum contra eas pestes afferatur ab Ecclesiæ Moderatoribus remedium, atque ita universa Baji, Jansenii, aliorumque recentiorum illis adhærentium doctrina de Summorum Pontificum Bullis ac Constitutionibus aliquando triumphet, & ex Belgio Fides profligetur Catholica. En tibi, Lector, totum & unicum scopum hujus scriptionis. Si quid incauto excidit, quod meritò quis possit judicare alio fine Scriptum, aut ulli Pontificio Decreto utcumque contrarium, id planè erasum & inductum cupio.*

*Verùm est & aliud quod te monitum velim. Inter multa ac varia Typothetarum errata, quorum Elenchum invenies ad calcem hujus Operis, ponitur pag. 24. vers. 11. virgula interpunctionis post hæc verba Propositiones ex libro Jansenii excerptas, quæ sunt verba S. D. N. Innocentii XII. in Brevis Apostolico, 6. Februarii anni 1694. edito. Dele, obsecro, illam interpunctionis virgulam, utpote quæ in exemplari Româ misso non cernitur.*

*Hic error multis fortassè videbitur levior neque ullius momenti. At talis visus non est Illustrissimo ac Reverendissimo Antverpiensium Episcopo Joanni Ferdinando Van Beu-*

## A D L E C T O R E M.

*Beughem venerabilis memoria : quippè cum error iste in Exemplaribus , quæ pro usu suæ Diœceseos imprimenda curaverat , pacto nescio quo irrepsisset , illa Exemplaria omnia perpetuis damnavit tenebris , & jussit imprimi alia , eamque interpunctionis virgulam expungi. Metuebat profectò Antistes ille vigilantissimus , ne quando subdoli Cavillatores istac interpunctione abuterentur ad rudiores fallendos. Et meritò quidem hoc metuebat , quia illis non est novum ad interpunctionem cavillari , eamque more Ariannorum transponere pro libidine.*

*Item pag. 362. circa medium pro posteriore modo lege priore modo ; & è contrario pro priore lege posteriore. Deniq; pag. 380. vers. ultimo dicitur Concilium Brabantiae publico Decreto prohibuisse Theses D. Gummari Huygens de Castitate. Ego autem ( id quod pace Ariovisti dixerim ) multum dubito , an istæ Theses à Concilio verè ac propriè prohibitæ sint. Videntur potius ab eo tantum suspensæ & quasi sequestratæ. Ecce quàm nolim rebus incertis à quopiam fidem adjungi.*

*Hæc sunt , Lector benevole , quæ præfari debui , neque æquum est te à me detineri pluribus , ubi te Ariovistus & Venantius cum suo Lovaniensi Baccalaureo expectant.*

OR.

# O R D O DISSERTATIONUM

## DISSERTATIO I.

<b>D</b> E Libello supplice Hennebelli.	pag. I
DISSERT. II. <i>De Proœmio quod Hennebellus præmittit suæ Responsioni ad Memoriale Patris de Palazol.</i>	36
DISSERT. III. <i>De occasione &amp; necessitate Memorialis.</i>	66
DISSERT. IV. <i>De gravibus animadversionibus circa hoc totum factum.</i>	81
DISSERT. V. <i>De patrocinio, quod Decreta Regia semper præstiterunt Decretis Pontificiis in Belgio, &amp; quomodo Jansenistæ his semper contradixerint.</i>	90
DISSERT. VI. <i>De integra conformitate Decretorum Regis Caroli II. cum Brevis S.D.N. Innocentii XII.</i>	119
DISSERT. VII. <i>An detur ullus Jansenista in Belgio.</i>	134
DISSERT. VIII. <i>De Rigoristis &amp; Novatoribus Belgii.</i>	193
DISSERT. IX. <i>De præcipuis artibus &amp; dolis malis, quibus utuntur Novatores in præsidium suæ Sectæ.</i>	231
DISSERT. X. <i>De Conclusionem Hennebelli.</i>	284
DISSERT. XI. <i>De ejusdem Memorialis confutatione edita in Belgio per Belgas Theologos.</i>	308

DIS-

# DISSERTATIONES

ARIOVISTI ET VENANTII

CONTRA SCRIPTUM

QUODDAM SUB NOMINE

DOCTORIS HENNEBEL

ROMÆ SPARSUM,

DISSERTATIO I.

*De Libello supplice Hennebelli.*

**A**RIOVISTUS & VENANTIUS duo doctissimi eruditissimique homines, & summo necessitudinis vinculo juncti inter se, secesserant tantisper in hortum suburbanum, ut à severioribus studiis relaxarent animum. Ecce autem, ubi primùm eo pervenerant, Venantio redduntur Romæ littæ, quas cum perhumaniter, petitâ ab Ariovisto facultate, coram resignasset, iis adjunctum vidit Scriptum quoddam sub nomine Hennebel Romæ sparsum, & ut præ se fert, oblatum sanctissimo D. N. Innocentio XII.

Hoc Scriptum aliquamdiu secum legit tacitus, ac deinde cernens quid rei contineret, en, inquiebat, fidissime Arioviste, quid Româ accipiam. Lucubratio est Hennebelli continens accusationem, quantum apparet, bene longam Memorialis à P. Palazol Societatis Jesu oblata Regi Catholico nomine Rever. admodum P. Thyrsi Gonzalez ejusdem Societatis præpositi Generalis.

A

Istud

Istud Scriptum, ait Ariovistus, vidi jam inde à diebus facile duodecim. Missum fuit ad nescio quem Lovaniensis Academiae Doctorem ab aliquo qui Eminentissimo D. Cardinali.... à secretis est. Eodem cursore accepi ego aliquot in istud scriptum Animadversiones, quæ dicuntur Romæ pariter per manus vagari. Accusator, ut video, inquit Venantius, liberè & audacter profitetur se esse *Joannem Libertum Hennebel Academiae Lovaniensis Doctorem*.

Tum Ariovistus; quis est, Venanti, quem Doctor ille accusare non audeat? Nec Regi quidem suo parcit, nec universo Concilio statûs, neque suo Ordinario Archiepiscopo Mechliniensi, nec denique ipsis Sanctis in Cælo quod velut olim Gigantes aggreditur. Subridens Venantius dixit; hic non iniucundè alludis ad Theses, quas Hennebellus edidit Lovanii ad obtinendam Doctoris Lauream: nam in iis non exhorruit S. Salesio labem Semipelagianismi aspergere, licet Ecclesia in Officio Canonico dicat ejus libros esse *Cælesti doctrina refertos*. Sed bene habet. Parem etiam Gigantibus pœniam luit, quia hæ theses ietæ sunt Vaticano fulmine.

Hoc antiquum est, inquit Ariovistus, & notum omnibus; dicam ego aliquid recentius minusque notum. Belgii Hispanici Antistites omnes & Vicarius Apostolicus Silvæ-Ducensis scribunt huic Accusatori dicam calumniæ in communibus litteris ad Innocentium XII. datis 19. Julii 1696. Denique (inquiunt) *Beatissime Pater, est aliquid, quod nos & bonos omnes gravissimè affligit, dignitati Episcopali ab uno Hennebello in conspectu Romanæ Curiae illata per calumniam injuria: ausus hic est in quodam à Sanctitate Vestra directo libello supplice prorsus indignè, irreverenter & falsò Archiepiscopum ordinarium suum sub falso Universitatis Lovaniensis nomine traducere & denigrare, inter cetera, quasi non promulgasset decretum & breve Sanctitatis Vestræ, de quo supra; & quidem eo processisse dicitur ejusdem Doctoris temeritas, ut criminationem pertinaciter prosequi ausus sit, postquam testimonium publicè evidenter elisa est: quæ profecto audacia cum non modo Italia, sed etiam*  
toti



toti Belgio, per quod descripta, & ex Latino in Italicum translata exemplaria passim vagantur, sit notissima, non potest non ingenti scandalo fovere calumniatorum impudentiam, & Episcopalem dignitatem & auctoritatem cujusvis subditi insultibus exponere, si relinquantur impunita: contra hanc, Beatissime Pater, Sanctitatis Vestrae pro Episcopali dignitate vindicanda zelum atque aequitatem omnes imploramus: ut juxta Canonem CLERICUS 3. q. 14. & Canonem SI QUIS 11. q. 1. vel aliter, prout Sanctitati Vestrae ad publicum exemplum fuerit visum, puniatur: ut poena docente semel tandem cognoscat quantum per similes inverecundas, notorias, publicas & atroces calumnias in suum Antistitem displiceat Vestrae Sanctitati, & poena illius sit metus aliorum, praesertim dum videmus, & indubiè Sanctitati Vestrae innotescit, quod conniventia indies fiant deteriores: utque etiam antequam ad nos redeat, expiet ejusmodi excessus, si forte nondum sit plenè incorrigibilis, cessentque majores difficultates, quae forent, si non publicè Romæ punitum ad nos rediret.

Rursus iidem omnes Antistites cum eodem Vicario Apostolico querelam instaurant in Epistola ad Pontificem data 23. Aprilis 1697. quod à Sanctitate Vestra, inquirunt, per ultimas nostras rogaveramus, rogamus iterum & speramus fore ut non tam verbo quam facto responsum accipere digni simus, videlicet ut exemplum statuatur in Doctore Hennebel, qui Archiepiscopo & Ordinario suo in conspectu urbis & orbis calumniam impegit tam enormem, & nondum tamen de illo statutum intelligimus, uti temeritas illius mereri videbatur.

Hisce auditis, Venantius non potuit, quin Ariovistum interpellaret, eique applauderet, dicens; Hennebellum minimè parcere suo Archiepiscopo, Arioviste, non meliùs demonstraret Archimedes. Quid enim ad hoc demonstrandum afferri potest uberius, quid magis efficax, quàm istorum Episcoporum & Vicarii Apostolici concors querela? Nihil, respondet Ariovistus, quia summi momenti est talium virorum auctoritas. Sed non minus apertas & intolerabiles calumnias esse, quas in Regiam Majestatem & supremos ejus Ministros

## 4 DISSERTATIONES ARIOVISTI

facere ausus est, videbimus postea. Jam enim juvat novam ejus accusationem inspicere; fallor si non & hic antiquum Hennébellus obtineat, & probæ accusationis loco non afferat perpetuam fraudum & calumniarum seriem.

Illud equidem, inquit Venantius, fecero libentissimè. Quamquam hic putem falli te, vel certè adhibere auxesim: non est enim credibile illam fraudum calumniarumque seriem nusquam interrumpi. Ut ut est, inspiciamus. Saltem initium ducitur à palmari & manifestissima calumnia. Criminatur Hennébellus P. Joannem de Palazol in suo ad Regem Memoriali, & Reverendum admodum P. Thyrsium Gonzalez Societatis Præpositum Generalem, qui illud offerendum mandavit, *manifestè infringere, & evertere studere, quidquid ad sanciendum inter Belgii Theologos pacem, Sanctitas, inquit, Vestra jam pridem decrevit.* Imò potius, quisquis hoc Memoriale legit (uti genuino, quo compositum est idiomate legi ego) clarissimè perspicit, unicum illius scopum esse accuratissimam Constitutionum omnium Pontificiarum observationem: ad quam in Belgio obtinendam & stabiliendam in perpetuum utilissima, & quodammodo necessaria est inviolata Regiorum decretorum contra novitates executio. Cum autem tam contra saluberrima hæc decreta, quàm contra Apostolicæ Sedis sanctiones turbulenti inaudita hætenus audaciâ insurgant, neque potentiorum quorundam & quidem Senatorum patrocinio destituantur, Regi supplicat Memorialis auctor, ut, quemadmodum in gravioris momenti negotiis assolet, ne gravetur designare Theologos aliquot & Ministros statûs, pietate ac sapientiâ præstantes, præsertim ex iis qui in Belgio aliquando habitaverunt, ut facta, quæ referuntur, examinent, omnibusque maturè perpensis, Regi suggerere possint adjumenta quæ ad continendos in fide, religione, ac debita Sedi Apostolicæ legitimoque suo Principi obedientia populos opportuniore judicaverint. Quænam hic est species *infringendi ac evertendi quidquid ad sanciendam inter Belgii Theologos pacem Sanctissimus Dominus non ita pridem decrevit?*

Nec

Nec ego, subdebat Ario vultus, id inter legendum assequi ullo modo potui. At major te, Venanti, tenebit admiratio, ubi expenderis quas Hennebellus hujusce suæ accusationis affert probationes. Cedo mihi, obsecro, Hennebellianum scriptum. Lege ista verba: *Imprimis, Beatissime Pater, exautorare volunt breve Sanctitatis Vestrae die 6 Febr. 1694. ad Episcopos Belgii missum: siquidem art. 4. dicunt, illud magnorum clamorum vi, multorumque adherentium potentia esse extortum: Et iterum n. 13. dicunt illud per importunas querelas & sinistras informationes fuisse impetratum, adeo ut mirum non sit, quod brevi sic extorto parum admodum deferant. Verum tantum abest, ut Memorialis Auctor velit exautorare istud Breve vel non multum ei deferre, ut eodem num. 4. vocet illud Breve Decreta sancta & quæ adversarii perperam jactant sibi favere. Amplectitur Memorialis Autor brevium tum primum, tum secundum, ut sanctissima & utilissima. Num. 8. disertè sic proficitur, non intendit hoc Memoriale, ut Vestra Majestas manuteneat decreta sua, opponendo illa brevibus Apostolicæ Sedis, quod sine maxima erga Majestatem Vestram verè Catholicam irreverentia proponi non posset, estque remotissimum à mente ejus, qui libellum hunc supplicem offert illi Monarchæ, qui in summa potentia, propriæ sibi laudi & gloriæ ducit filialem præ ceteris omnibus & submississimam erga Christi Vicarios reverentiam. Hæc omnia declarat Memorialis Autor in eodem prorsus paragrapho, in quo juxta Hennebelli criminationem, vult breve Sanctissimi Domini exautorare. Deinde eodem illo numero ita prosequitur idem Autor: *Finis unicus est demonstrare, quod decreta Vestrae Majestatis contra Jansenistas justissima sint, utpote eisdem decretis Pontificiis ad amissim conformia. Ubi evidens fit per Decreta intelligi secunda Pontificis mandata, quæ brevibus Innocentii XII. ad Belgii Episcopos continentur.**

Doctor Hennebellus, prosequabatur Ario vultus, legit hæc omnia eodem quem accusat, paragrapho & quasi non vidisset, truncata quædam protulit Autoris verba, quæ

si jam citatis conjuncta retulisset, perspicua fuisset vanitas accusationis. Sed & immediate præcedentia nihilo minus confirmant accusatorum verborum innocentiam. Num. 3. Autor totus in hoc est, ut ostendat insignem esse adversariorum fraudem, dum *ubique miserabiliter lamentantur quasi ob vagam & minime fundatam Jansenismi suspicionem, dignitatibus & officiis omnibus excludantur viri piissimi & doctissimi & meritis undique excellentes*: tum num. 4. dicit quod *ejusmodi clamoribus, quibus tribunalia passim fatigant, & sibi adherentium autoritate effecerunt ut quedam sancta, & quæ immerito sibi favere divulgant, decreta à Sede Apostolica emanarunt*. Quod autem ea querulis istis minimè faveant, neque in ullo apice mandatis Regis opponantur, demonstratum est in motivo Juris pro iisdem decretis, c. 6 & 7. & à P. Palazol §. 4. atque à nobis fortè amplius videbitur suo loco, si me, amicissime Venanti, hac super re differentem audire sæpe placuerit. Interea, quid in tota superiore oratione reperias, quod Patrem Palazol & P. Generalem Pontificio Brevi parum tribuere, nedum illud *exautorare velle* vel per umbram aut somnium significet? Allòqui Hennebellum liceat verbis Vigilii Papæ ex lib. 4. contra Eutychetem: *inhonesto uteris officio, religiosis callidè insidiari, ut superiora demendo, & sequentia non addendo, ita media eligas, ut verba sententis exuens, de eorum nuditate, pro arbitrio ludas: redde igitur suis omnia locis, & propria sententiis indumenta restituas, & noli insidiosis fraudibus calumnias innectere*.

Hæc vigilii verba, ait Venantius, in Hennebellum conveniunt, quàm in quem maximè. Ex his quoque apparet, cujus vestigia Hennebellus premat. Apage il liberale artificium, quia nullus est error, nulla opinionis labes, nulla hæresis, cui ipsas sacras Tabulas patrocinari eodem artificio non faciam. Sed antequam magis hic meus concitetur animus, tu prosequere Arioviste.

Extemplo Ariovistus, cui nihil erat jucundius quàm in similibus obsecundare amico, sic prosequutus est: *Ipsi Hennebelli sequaces non modo voce, verum &*  
scriptis

scriptis publicis, ut nuper Abbas du Manoir ubivis prædicant & gloriantur, quod primum breve, de quo propriè controversia est, informationibus suis obtinuerint: sunt autem informationes illæ, quas tot libellis & scriptionibus ab iis explanatas legimus, quasque dein in pauca contulerunt Autores duorum Memorialium, alterius impressi, alterius manuscripti, quæ contra decreta Regia offerre Bruxellis à biennio & eo amplius ausi sunt Statibus Brabantiae, sed ab iisdem repulsam passi, uti & ante passus fuerat Hennebellus ab Academia Lovaniensi, cujus nomen mentitus, obtulerat Innocentio XII. famosum istud memoriale, propter quod *calumniator* ab omnibus Belgii Episcopis declaratus est, & indignationem Lovaniensis Academiae incurrit, si non & eandem ob rationem, licet hæc expressa non fuerit, delegati autoritate in Comitibus generalibus exspoliatus.

Quid juvat repulsa, quærit Venantius, quid ista exspoliatio, si Hennebellus malitiosis suis commentis adhuc nocere pergat? Hic dicit quod P. Palazol *restituere velit rejectas additiones Archiepiscopi Mechliniensis*, nempe ad jurandi formulam quæ ab Alexandro VII. præscribitur. Commentum est quo non potest ullum excogitari malitiosius: nec enim P. Palazol *Additionum* ullarum sive Archiepiscopi Mechliniensis, sive ullius alterius usquam mentionem facit; imo putem ego quod quænam eæ *additiones* fuerint, numquam in Hispania audiverit, nec legerit. Et sanè R. Adm. P. Generalis, cujus nomine & jussione ille P. Palazol Memoriale composuisse & Regi exhibuisse se dicit, de additionibus ad juramentum instaurandis ne cogitavit quidem.

Hic æquus Ariovistus non statim assensit suo Venantio, sed dixit: contrarium ait Accusator abundè patere ex eo, quod dicunt num. 60., ubi cum *fassi fuissent Theologos, quos exagitant; in Academia Lovaniensi jurasse, quod recipiant, ac religiose observaturi sint Bullas contra 5. propositiones, nihilominus eos toto Memoriali tanquam hæreticos & sectarios traducunt, non aliam*

## 8 DISSERTATIONES ARIOVISTI

*ob causam, ut ex contextu patet, quam quod suspicentur Bullas Pontificias alio sensu ab iisdem Theologis accipi, quam in his additionibus eas exposuit Mechliniensis Archiepiscopus. Ipsum scriptum, Venanti, si lubet, consule.*

Quod ubi Venantius paululum inspexisset, sic locutus est: ait id quidem Accusator, sed non probat. Et certe si vel verbum aliquod, eo saltem perumbra collimans, reperisset Hennebellus; censeri futurum, Arioviste, ut illud prætermisisset accusationi suæ inferere, quemadmodum undique conquirat alia quæ truncata & explicata dolosè, duriorum reddant Memorialis sensum, & ab Autoris mente, etiam prout in Memoriali ipso expressa est, prorsus alienum? Putavit forte Hennebellus Memoriale, utpote Hispanico contextum idiomate, à paucis Romæ legendum, sibi-que tantâ confidentiâ apud Sedem Apostolicam asserenti fidem ab omnibus vel plerisque habendam. Sed bene habet. Romæ visa est Memorialis in linguam Italianam versio, & typis quidem edita, ut ad me Româ scribit Abbas aliquis. "Illic cernere est n. 5. & sequentibus, scribebat ille Abbas, veras causas easque non in sola suspitione. sed in horrendis dogmatibus sitas, ob quas non soli Jesuitæ, sed quilibet, qui novitatum fursure aspersus non est, recusabit, ejusmodi Theologos inter genuinos Catholicos & S. Sedis, quales se prædicant, reverentes atque obediens filios numerare., Nec immerito sic scribit: quis enim Arioviste, tale prædicet eos, qui subreptitias & nullius roboris hodieum vocant Pii V. & Gregorii XIII. constitutiones in quibus 79. propositiones condemnantur ut hæreticæ & aliis respectivè censuris afficiuntur? Quis tales prædicet eos, qui universam Baii doctrinam mordicus propugnant velut Augustinianam, postquam ipse Baius scripto publico professus est plurimas ex iisdem sententiis in nonnullis libellis à me olim & ante emanatam Sedis Apostolicæ super iis censuram, conscriptis & in lucem editis contineri & defendi, etiam in eo sensu, in quo reprobantur. Denique declaro me, inquebat, in præsentiarum ab iis omnibus recedere, & damnationi à S. Sede factæ acquiescere, neque

*neque posthac ullas docere, asserere, aut defendere velle.* Quis tales prædicet eos qui Bullam Alexandri VIII. contra propositiones 31. hæreticas, schismaticas &c. respectivè, dicunt esse non modo inutilem, sed etiam perniciosam Ecclesiæ, injustam, & ipso jure nullam? Quis tales prædicet eos qui effutiant, ut Eugenius de Gelder Brugensis in ultima voce zelatricis innocentiae pag. 115., *multas propositiones Molinos vix à propositionibus fundamentalibus ab Augustino propositis distingui posse; ita ut Jesuitæ per condemnationem Molinos & prætensæ ejus doctrinæ videantur voluisse eliminare illud parum quod restat supernaturalis operationis spiritus Dei vivificantis.* Quis tales prædicet eos qui Bullas Urbani VIII., Innocentii X., & Alexandri VII. contra Cornelium Jansenium obreptionis postulant, qui universam ejusdem Jansenii doctrinam, quamvis, ut digito demonstrari potest, continentem plusquam 50. propositiones à Sede Apostolica variis constitutionibus fulminatam retinere pergunt, & declarant non esse aliam, quam S. Augustini, S. Thomæ, & Ecclesiæ Catholicæ: denique eas quotidie tradunt propositiones, quas Eminentissimus Cardinalis de Aguirre & alii probè Catholici Theologi testantur, se nullâ ratione posse à proscriptis in Jansenio opinionibus discernere?

Interim ubi ad suscipiendum vel gradum Academicum, vel Ordinem sacrum, vel Ecclesiasticum beneficium, necesse est, aiunt omnes, se obedientiam & reverentiam promittere constitutionibus Innocentii X. & Alexandri VII. contra 5. propositiones: & quamvis perspicuum sit, eos proprium istarum sensum, etiam obvium, non alium agnoscere, quam commentitium, & à nullo unquam in Ecclesia Theologo traditum vel defensum, is tamen qui hac qualicumque obedientiæ larvâ contentus non est, is, inquam, juxta Heinnebellum reus est impugnati Brevis Apostolici & restituere machinatur rejectas Archiepiscopi Mechliniensis additiones, quamvis de iis ne cogitet quidem, & forte nesciat, quanam fuerint.

Hic pœnè risus excussus fuit Ariovisto, non quod adhuc

huc existimaret Memorialis Autorem velle restituere dictas additiones, sed quod ista Venantius declamaret tam patheticè tantàque contentione tum animi, tum corporis. Unde satis facetè dicebat: Hic tibi, Venanti, nihil defuit præter pulpitem. Usque adè omnes fontes eloquentiæ aperuisti. At quid mihi cum immodicis istis clamoribus? Non his ego moveor, sed rationum momentis quæ adduxisti longè gravissima. Non igitur, ut video, P. Palazol molitur istas additiones instaurare; verùm (si velimus dicere id quod res est) Hennebellus hoc suo verborum involucri machinatur instaurare Epistolam suam ad Archiepiscopum Mechliniensem datam 27. Februarii 1694. & jussu congregationis S. Officii à se retractatam 14. Septembris ejusdem anni.

Hæc porrò Epistola in hoc tota erat, ut persuaderet sufficere condemnationem 5. propositionum in sensu obvio, præcindendo à sensu cujuscumque libri vel auctoris, non indagandum nobis quis sensus libri Jansenianj fuerit, satis esse librum aperte non defendere, licet ejus doctrina quanta quanta est, tamquam innoxia retineatur. Quod solícite Hennebellus ubique cævet ne dum propositiones 5. nominat, unquam eas adscribat Jansenio. Non ita profectò Romani Pontifices, etiam Innocentius XII. qui ut eas in sensu obvio damnatas esse declarat, ita etiam ex libro Jansenii *Augustinus* appellato pronuntiat *excerptas in sensu obvio*, ne quis videlicet cavillator concludat; ergo alio sensu damnatæ sunt, alio apud Jansenium tenentur atque defenduntur. Id ipsum & sibi in mentem venisse assererat Venantius, cui continuò Ariovistus aiebat; *Magna ingenia sæpè conspirant.*

At verò, prosequebatur idem Ariovistus, transcamus jam ad argumentum alterum, quo Hennebellus probet Memorialis Autores *exautorare velle Breve Innocentii XII.* Est autem hoc, quod, inquit, *religionis interesse putent, ut ipsi non servent silentium eodem Brevi præscriptum, quia, ut ajunt n. 34., cum sanguine apparente istius Brevis, vellet Theologi quos im-*  

pug.



*pugnant, dolose imponere silentium parti Catholica; Regi Regisque Ministris. Istud argumentum quod tibi arridet, Venanti? Reponit Venantius; Ne minimi quidem momenti instar habet. Nam ex iis verbis nullus argumentator, quantumvis subtilis, unquam conficiet, quod illi Auctores velint præscriptum illo Brevis silentium rumpere, multo minus quod religionis interesse putent mandatum istud pessumdare. Hoc autem ut planum fiat, accipe Brevis Pontificii verba quibus silentium indicitur. Ad præcavendas, inquit Pontifex, omnes dissidiorum causas, quæ Christianam pacem dilacerant, nos quoscunque alios sensus Formularii, præter eum quem ipsius verba per se exhibent afferri vel usurpari, aut de his disputari interdiximus, ac super ejusdem formularii interpretatione sicut & prædictarum propositionum in alios sensus præter eum, quem ipsa verba per se exhibent, perpetuum silentium imponimus, ut ex nostris decretis tam super ipso silentio, quam super prohibitione omnium librorum editorum & edendorum in hac materia plenius innotescet; cum ad Summum Pontificem duntaxat pertineat sensum, quem in his propositionibus damnaverit, & ut damnatum à fidelibus credi censuerit, declarare.*

Ita & illi Auctores, non obstantibus verbis quæ eorum Memoriali supra adduxit Hennebellus, censere possunt, & quantum ego ipsos novi, ita reverà censent; ac propterea longissimè refugiunt ab omni Formularii & c. propositionum sensu allegando præterquam obvio. Nullum, inquam, alium sensum volunt in controversiam disceptationemque deducere. De quovis alio cupiunt fileri; atque aded plene cumulatèque observari quicquid illo Brevis præcipitur. Quid enim? An quia illo Brevis indicitur tale silentium, idè quòque prohibetur Catholicis, ne hujusmodi constitutionum Pontificiarum audaces prævaricatores verbo aut scripto reprimant? An ideo vetatur, ne Rex decreta ulla edat ad vindicandam Apostolicarum definitionum, auctoritatem? ne sibi, ne statui suo, ne Monarchiæ, ne subditorum tranquillitati salutique prospiciat? Ne probatissimæ vitæ, fidei, ac doctrinæ viros in officiorum Benefi-

neficiarumque distributione anteponat suspectis? ne hanc regulam servari à Ministris suis & subiectis sibi Magistratibus imperet? Vultne Hennebellus, ut Catholici Principes quàm Ecclesiastici quàm seculares cum Theologis omnibus immoti & muti hæcant, dum inauditâ poit hominum memoriam temeritate, quidquid decretorum Episcopaliū est, quidquid constitutionum Pontificiarum contra hujus temporis novitates infamibus libellis indignè proscinditur & conculcatur? Ita scilicet homines novi Breve Pontificium aliis explicari vellent, ut interim ipsi quidquid libet, possent impunè. En tibi sensum, Arioviste, quo, ut in Memoriali dicitur, adversarii nostri favore non vero, sed *apparene istum Brevi, vellent doloſe imponere ſilentium parti Catholicæ, Regi, Regiſq̃ue Miniſtris.*

Æque ac tu, subdebat Ariovistus, persuasum habeo non præcipi in Brevis Pontificio istud silentium quod modò exposuisti: quippè istud tale est, quale execratur vates Isaias cap. 6. dicens, *Veni mihi, quia tacui, quia vir pollutis labiis ego sum.* Et Ezech. cap. 13. *Vae Prophetis insipientibus... qui nihil vident. Quasi vulpes in desertis Prophetæ tui Israël erant: non ascenditis ex adverso, neque opposuistis murum pro domo Israël, ut staretis in prælio in die Domini.* Nam ut ait Hieronymus præfat. in Dialogum contra Pelag. *Minoris peccati est sequi malum, quod bonum putaveris, quam non audere defendere, quod bonum pro certo noveris.* Idem in Apologia adversus Rufinum, sub finem: *In uno tibi consentire non potero, ut parcam hæreticis, ut me Catholicum non probem. Si ista est causa discordiæ, mori possum, tacere non possum.* Tamen non satis possum assequi, quare loqui debeant aliqui Monachi, quare Jesu Societas.

Ego verò, respondebat Venantius, non satis possum assequi, quare tu Arioviste, qui tam versatus es in priscis historiæ monumentis, ista mihi objicias, quasi non sit memoriæ proditum vetustos Monachos, relictis silvis ac solitudine, repetiisse urbes & populi frequentiam, ut ingruentes hæreses coercerent. Ad Societatem Jesu quod attinet, de ea sic testatur Ecclesia in Canonico

nonico S. Ignatii Officio: *Constans fuit omnium sensus, etiam Pontificis confirmatus oraculo, Deum sicut alios aliis temporibus Sanctos Viros, ita Luthero ejusdemque temporis hæreticis Ignatium, & institutam ab eo Societatem objecisse, adeo: ut nisi hic loqueretur, à primævo suo spiritu & vocatione deficeret. An tibi factum est satis?*

Scrupulus, inquit Ariovistus, mihi alius injicitur, dum lego illud Hennebelli; *Quibus verbis satis apertè significant, nolle se servare silentium à S. V. præscriptum in Formularii negotio: neque enim præfati Theologi aliud unquam ab eis exegerunt silentium, quam quod præscribit præfatum Breve Sanctitatis Vestræ, quodque ipsi disertè dicunt non placere parti Catholica.*

Hoccine, inquit Venantius, tibi scrupulum injicit? Quot sunt in illa oratione verba, tot mihi videntur esse falsitates: nam primùm, toto illo numero, qui hic ab Hennebello accusatur, nihil omnino est de formulario sive de formula jurandi. Deinde nihil consequenter est de silentio circa eandem formulam. Tertium agitur illic contra Memorialia, quæ Hennebelliana factio Bruxellis obtulit Statibus Brabantæ, & Madritum misit ad impugnanda Decreta Regis contra suspectos de *Janseismo, Rigorismo & Novitatibus*: & quidem in uno ac præcipuo ex illis Memorialibus toto §. 2. conqueruntur Hennebelli commilitones, quod pridem à Jesuitis traducti sint ut Janseistæ; toto §. 3. dolent se ab iisdem ubique describi ut Rigoristas; toto §. 4. conantur à se propulsare infamem titulum *Novatorum*. Atqui satis norunt omnes quod non propter formularium vocentur *Rigoristæ*, & quod plura alia complectatur titulus *Novatorum*. Postremùm quis ignorat, quod antequam Episcopi in Belgio de proponendo formulario cogitarunt, Theologi aliqui propter propositiones nihil de formulario tractantes habiti sint tanquam suspecti Janseismi nomine, & quod eam de se suspicionem non in solo Belgio, sed & in Hispania, & alibi motam esse sæpè acerbissimè *deplorarint*, tum voce, tum etiam scriptis & impressis apologiis, quæ usque adhuc omnium mani-

manibus teruntur. Quæ jam tibi, Arioviste, surgit sententia? Nonne dum hæc consideras, mirabilem vides esse confidentiam Hennebelli asserentis *præfatos Theologos aliud nunquam scientium à nobis exegisse, quam quod in Brevis præscribitur circa formularium?* Silentium quod Regi & Regis Ministris impositum Hennebellus voluit, nequaquam spectat *formularium*, verum abolitionem Decretorum, de non promovendis iis, qui *Jansenii doctrinam tenere deprehenso fuerint, vel de hac suspecti habiti*, uti & de *Rigorismo aliisque novitatibus*. Tale silentium imponi *parti Catholicae, Regi, Regisque Ministris* si Hennebellus dixisset nobis non placere; nihil dixisset à veritate alienum: clarum enim est atque evidens de hujuscemodi solum silentio agi toto numero 60. qui reprehenditur.

Hæc vix dixerat Venantius, cum Ariovistus subjunxit: Rectissimè hunc mihi ex animo scrupulum exemisti. Et verò (jam memini) hæc omnia ante legi in illis, quas supra mihi Romæ missas commemorabam, animadversionibus. Has animadversiones & abs te lectas esse jurarem, si adjunxisses neminem citius magisque perniciosè infregisse legem de silentio, quàm Hennebellum ipsum. Ubi, interrogat Venantius, Hennebellus hanc legem unquam infregit? In illa famosa, respondet Ariovistus, ad Archiepiscopum Mechliniensem Epistola, de qua supra aliquam mentionem fecimus. Etenim paucis post diebus, quàm Pontifex legem illam silentii sanciverat, scripsit epistolam; atque ea quatuor prius mensibus, quam redderetur Mechliniensium Archiepiscopo cui inscripta erat, aperta & in Gallia & in Belgio per Confœderatorum manus ambulare debuit, ut omnes de modo intelligendi formularium & jurandi crudirentur.

Non illepidi istæ animadversio est, inquit Venantius; sed hæc Epistola Hennebello quam caro stetit! In declaratione, quam jussu S. Congregationis dedit die 14. Septembris debuit tateri *Epistolam suam S. Congregationi multum displicuisse, nupote quam Eminentissimi Patres Decreto Apostolico die 6. ejusdem mensis (Februarii) emanato*

com;

*contrariam esse judicaverint; Et ibidem declaravit, quod huic S. Congregationis de Epistola sua iudicio per omnia se submittat improbens quidquid Eminentissimi Patres in præfata Epistola improbandum censuerint &c. Ea quoque declaratio typis edita est atque divulgata.*

Scio, inquit Venantius, & adhuc ejus declarationis exemplar unum domi reconditum habeo in scrinio. Sed ideone putas, optime Artoviste, prædictam Hennebelli Epistolam nihil damni attulisse parti Catholicæ? Ego certè timeo, ne plurimi pertinaciter teneant ea quæ ex illa Epistola didicerunt. Timeo, inquam, ut aliter excerentur s. propositiones, aut aliter Formularium accipiant, aut aliter in illud jurent, quàm secundum sensum qui ibidem ab Hennebello adstruitur. Nec panicus meus ille timor est: id enim apertè præ se ferunt in scriptis publicis, quibus quidquid in illa Epistola traditum est, liberius instaurant, jamque ea omnia satis indicata & inculcata esse profitentur, ut omnes non aliter ac secundum distinctiones & interpretationes, quas semper prætenderunt, jusjurandum suum intelligere aut debeant aut possint, etiamsi illæ modò, vetante Innocentio XII., inter jurandum exterius non proferantur. Denique jam pridem Cornelius Segers apud Cardinalem de Aguirre in Defensione Cathedræ S. Petri disp. 19. sect. 2. de Lovaniensium quorundam juramento dicebat esse negotium ambulans in tenebris? Ad silentium autem, quod aliqui ab hoc Eminentissimo Cardinale optabant circa Bajanismum & Jansenismum, ita respondet ipse Cardinalis tom. i. Theologiæ S. Anselmi in Prolegomenis pag. 11., *si ii* (Theologi Belgæ) qui damnata ab Alexandro VII. opiniones instaurare videntur totidem pæne verbis, *religioni non ducunt tergiversari, resistere, aut nolle plane assentiri Apostolicæ Sedis iudicio in ea re, quamvis prætextu multiplici aut variis coloribus quesitis, cur non liceat cuilibet Theologo Scriptori communem Orthodoxorum Matrem fideliter amanti, auctoritatem illius sartam tectam servare, ac novis lucubrationibus rejicere ea dogmata, & quædam alia cum iis connexa, donec refractariis quibuscumque mutis esse liceat.*

Au-

Auditā tali Cardinalis responsione, non se Ariovistus cohibuit, quin exclamaret; Mascula oratio, planēque digna viro tam egregio! Si quis, ille saltem scrutatus est Ecclesiæ Concilia & priscas historias. adeoque pernovit quā noxium sit communem orthodoxorum Matrem non defendere. Sed nos repetamus textum Hennebelli: *Sic partem sibi addictam*, ait Hennebellus, *eamque solam vocare audent Catholicam; partem autem contrariam vocant numero 101. damnatam, & passim per totum Memoriale Sectarios, Hæreticos.*

Ad hoc è vestigio respondit Venantius; Jure merito nostram partem vocamus Catholicam, quamvis Janse-  
nii & Baii defensores hoc tempore non pertimescant scribere, quod *Ecclesia ferè tota sit Pelagiana*, idque ut ajunt, culpā Romanorum Pontificum, utpote in quibus *Apostolicus vigor deseruit*. Ita iustinet Martinus du Chesne in disquisitionibus duabus anno 1696. pag. 78. Quid, quod invictam fidei custodem Romam ipsam, in arcana Clavi prope Aldenardam inventa, appellent *Massiliam* seu nidum & receptaculum Semipelagianorum; Pontificem autem *Patrem Generalem*, nempe Massiliensem. Si tales doctrinæ Janse-  
nianæ à tot Pontificibus damnatæ ut hæreticæ prophigatores post damnationem obstinatos non annumeremus Catholicis, quis Catholicorum id nobis vitio verterit? Prorsus nemo, reponit Ariovistus.

Sed, cum pergebat idem, præproperā tuā responsione impediveris, quo minus Hennebelli textum supra recitaverim integrum, cum nunc pace tua prosequar: *Partem contrariam num. 14. vocant Theologos obstinatissime addictos doctrinæ damnatæ sui Fanse-  
nii, quorum dissimulatus Spiritus, ut ajunt num. 29. superat dissimulatum spiritum Calvinii, quo Hæresiarcha ille Belgio extremam perniciem attulit. alii-  
que ejusmodi flosculi toto Memoriali sparguntur contra Theologos, quorum partes agit Doctor Hennebel, postquam jurarunt formulam Facultatis Theologica Lovaniensis contra 5. propositiones, omniaque præstiterunt, quæ ad eluendam Janse-  
nismi notam fieri præscribit Sanctitas Vstra, adeo ut non*

possint autores Memorialis manifestius, quam invidiosis istis nominibus infringere, quod Breve Sanctitatis Vestrae Belgii Episcopis præscribit: ne scilicet quemquam vagâ istâ accusatione & invidioso nomine Jansenismi traduci aut nuncupari sinant, nisi prius suspectum esse legitimè consisterit aliquam ex quinque propositionibus docuisse aut tenuisse. Hactenus Hennebellus, rectène an secus nostrum est jam discutere. Non alii Theologi hîc dicuntur obstinatissimè addicti doctrinæ damnatæ sui Jansenii, nisi qui tales esse probantur adductis pluribus eorum sententiis in tota Memorialis serie atque contextu, præsertim à num. 57. ad 97. usque? Quod si plures desideras, adi libellum tibi satis familiarem, cui titulus est: *Propositiones per Belgium disseminate*, parte 4.

Hoc tamen, Venanti, hic notatum velim: quemadmodum Pontifices, dum in multas simul propositiones censuras varias, puta hæreseos, schismatis, impietatis, temeritatis &c. indefinitè distringunt, non singulas volunt propositiones onerare universâ censuratum istarum congerie, sed respectivè eas intelligendas monent; ita etiam dum Theologi, Scriptores polemici, & nominatim Memorialis Autor censuras aliquas à Sede Apostolica pronuntiatas adhibent, aliisque subinde ad illarum normam utuntur nomenclationibus durius sonantibus, non ita hæ intelligendæ sunt, tamquam si omnes convenirent in singulos istarum partium Theologos, quos impugnant, sed respectivè prout relatæ ex eorum scriptis vel aliter testificatæ opiniones promereri censebuntur.

Notasti hæc, subdit Venantius, subtiliter perque acutè. At verò quid dices ad *dissimulatum spiritum*? Mox Ariovistus ait: Nihil mihi potest esse facilius, Venanti, quam & tibi & Hennebello hac in re respondere. Quid enim? An non constat in promptuque est omnibus, quod *dissimulatus* ille quorundam recentiorum *spiritus* superet *dissimulatum spiritum Calvinii*? Non potuit hic indomitum suum adversus Apostolicam Sedem totamque Ecclesiam furorē tamdiu alto corde preme-  
te; non potuit damnatos suos errores, ancipitem ver-

B

borum

Auditâ tali Cardinalis responsione, non se Ariovistus cohibuit, quin exclamaret; Mascula oratio, planèque digna viro tam egregio! Si quis, ille saltem scrutatus est Ecclesiæ Concilia & prisca historia, adeoque pernovit quàm noxium sit communem orthodoxorum Matrem non defendere. Sed nos repetamus textum Hennebelli: *Sic partem sibi addictam*, ait Hennebellus, *eamque solam vocare audent Catholicam; partem autem contrariam vocant numero 101. damnatam, & passim per totum Memoriale Sectarios, Hæreticos.*

Ad hoc è vestigio respondit Venantius; Jure merito nostram partem vocamus Catholicam, quamvis Jansenii & Baii defensores hoc tempore non pertimescant scribere, quodd *Ecclesia ferè tota sit Pelagiana*, idque ut ajunt, culpâ Romanorum Pontificum, utpote in quibus *Apostolicus vigor deseruit*. Ita sustinet Martinus du Chesne in disquisitionibus duabus anno 1696. pag. 78. Quid, quodd invictam fidei custodem Romam ipsam, in arcana Clavi prope Aldenardam inventa, appellent *Massiliam* seu nidum & receptaculum Semipelagianorum; Pontificem autem *Patrem Generalem*, nempe Massiliensem. Si tales doctrinæ Jansenianæ à tot Pontificibus damnatæ ut hæreticæ profligatores post damnationem obstinatos non annumeremus Catholicis, quis Catholicorum id nobis vitio verterit? Prorsus nemo, reponit Ariovistus.

Sed, cum pergebat idem, præproperâ tuâ responsione impediveris, quo minus Hennebelli textum supra recitaverim integrum, cum nunc pace tua prosequar: *Partem contrariam num. 14. vocant Theologos obstinatissimè addictos doctrinæ damnatæ sui Fansejii, quorum dissimulatus Spiritus, ut ajunt num. 29. superat dissimulatum spiritum Calvinum; quo Hæresiarcha ille Belgio extremam perniciem attulit, alique ejusmodi flosculi toto Memoriali sparguntur contra Theologos, quorum partes agit Doctor Hennebel, postquam jurarunt formulam Facultatis Theologica Lovaniensis contra 5. propositiones, omniaque præstiterunt, quæ ad eluendam Jansenismi notam fieri præscribit Sanctitas Væstra, adeo ut non*



possint auctores Memorialis manifestius, quam invidiosis istis nominibus infringere, quod Breve Sanctitatis Vestre Belgii Episcopis præscribit: ne scilicet quemquam vagâ istâ accusatione & invidioso nomine Jansenismi traduci aut nuncupari sinant, nisi prius suspectum esse legitime constiterit aliquam ex quinque propositionibus docuisse aut tenuisse. Hactenus Hennebellus, rectene an secus nostrum est jam discutere. Non alii Theologi hic dicuntur obstinatissimè addicti doctrine damnatæ sui Jansenii, nisi qui tales esse probantur adductis pluribus eorum sententiis in tota Memorialis serie atque contextu, præsertim à num. 57. ad 97. usque? Quod si plures desideras, adi libellum tibi satis familiarem, cui titulus est: *Propositiones per Belgium disseminatæ*, parte 4.

Hoc tamen, Venanti, hic notatum velim: quemadmodum Pontifices, dum in multas simul propositiones censuras varias, puta hæreseos, schismatis, impietatis, temeritatis &c. indefinitè distringunt, non singulas volunt propositiones onerare universâ censuratum istarum congerie, sed respectivè eas intelligendas monent; ita etiam dum Theologi, Scriptores polemici, & nominatim Memorialis Autor censuras aliquas à Sede Apostolica pronuntiatas adhibent, aliisque subinde ad illarum normam utuntur nomenclationibus durius sonantibus, non ita hæ intelligendæ sunt, tamquam si omnes convenirent in singulos istarum partium Theologos, quos impugnant, sed respectivè prout relatæ ex eorum scriptis vel aliter testificatæ opiniones promereri censebuntur.

Notasti hæc; subdit Venantius, subtiliter perque acutè. At verò quid dices ad *dissimulatum spiritum*? Mox Ariovistus ait: Nihil mihi potest esse facilius, Venanti, quam & tibi & Hennebello hæc in re respondere. Quid enim? An non constat in promptuque est omnibus, quod *dissimulatus* ille quorundam recentiorum spiritus superet *dissimulatum spiritum Calvinii*? Non potuit hic indomitum suum adversus Apostolicam Sedem totamque Ecclesiam furorē tamdiu alto corde premere; non potuit damnatos suos errores, ancipitem ver-

B

borum

borum involucris, fucis, pigmentis & quasi obedientiæ larvâ occultare; non potuit aliud apud Ecclesiæ Rectores fingere, aliud docere plebem; non potuit, tam constanter mentiri pietatem & submissionem, non hæere in sinu Ecclesiæ, esque in speciem ablandiri, dum Sanctæ Matris viscera adjinstar viperæ crudelissimè discerperet. Sed hos dolos, has fraudes versare didicerunt ab Arianis defensores Baii & Jansenii, ob eamque causam magis idonei sunt qui circumveniant non solum rudem & imperitum populum, verum etiam Sacerdotes, Theologos & Præsules Ecclesiæ. Quare liceat mihi usurpare verba S. Ambrosii. lib. de orthodoxa fide contra Arianos, *multas quidem*, inquit, *& graves hæreses novimus à pluribus ebullire, & veneni vice ad intimam pectus canceris sui virus infundere, sed vinci illi vel facile possunt, vel facile vitari, quorum prima propositione omne consilium pectoris prodit. At verò his quibus multa nobiscum paria sunt, facile possunt innoxias mentes & soli Deo deditas; fraudulenta Societate percutere, dum malorum suorum virus per bona nostra defendant; nihil enim periculosius his hæreticis esse potest, quam qui integrè per omnia decurrant; uno tamen verbo ac si veneni gutta meram illam & simplicem fidem Dominicæ & exinde Apostolicæ traditionis inficiant.* Et ut addit S. Bernardus serm. 45. in Cantica. *Longè plus nocet falsus Catholicus, quam si verus appareat hæreticus.*

Substitit hic subito Ariovistus, cumque meditaretur plures SS. Patrum locos in hanc rem adducere, illum Venantius sic affatus est. Si talium *Theologorum partes agat Doctor Hennebellus*, video verum esse id quod nuperrimè offendi apud Autorem nescio quem, nempe nulla est tanta fœditas, quæ non alicubi patronum inveniat. Sed ediffere mihi, doctissime Arioviste, quoniam sint illi Theologi quorum partes Hennebellus hic agit. Nullum eorum omnium elenchum, respondet.

- Ariovistus, Hennebellus edidit usque adhuc; quare nihil est necesse de his omnibus sigillatim respondeam. Autor verò Memorialis solummodo infectatur eos, quorum sententias & facta refert constitutionibus Apostolicis & Decretis

eretis Regiis Pontificia stabilientibus apertò adversantia.

Quoniam mihi, inquit Venantius, non vis illos Theologos prodere, sciscitabor ex aliis, aut ipse proprio Marte inquiram. Interim quicumque illi sint; teste Hennebello, *jurarunt formulam Facultatis Theologicæ Lovaniensis contra 5. propositiones, omniaque præstiterunt quæ ad eluendam Jansenismi notam fieri præscribit sanctissimus Dominus.* Nunc saltem videtur Hennebellus dicere aliquid. Itane vero? ait quasi indignatus Ariovistus. An ergo tibi excidit istud Priscillianistarum axioma; *Jura, perjura, secretum prodere noli?* An excidit quod de Henricianis dicit D. Bernardus term. 65. in Cant. *Indixere latebras sibi; firmaverunt sibi sermonem nequam,* prædictum scilicet axioma? An quod S. Hieronymus epist. 65. ad Pammachium & Oceanum de suæ ætatis novatoribus; *Facile dicunt cum juramento, quod postea aliò solvunt perjurio?* Venantius respondit se istorum neuti-quam oblitum esse; sed quo minus aliquid tale de illis Theologis suspicaretur, religione impediri.

Ad hæc illico Ariovistus; & mihi aliquando fuit isthæc religio, at eâ me exsolvi, postquam legi Epistolam 2. Antonii Arnaldi ad Andegavensem Episcopum quæ anno 1696. typis vulgata est. Ibi de suis propositiones 5. in sensu Jansenii seu libri ejus externè ejurantibus sic loquitur Arnaldus; *subscriptiones illas, quasi meras ceremonias spectant, quibus necesse non sit congruere interiorem mentis assensum; atque adeo hac persuasione imbuti, licet quinque propositiones in Jansenio extare non credant, tamen in subscriptione sua confirmare nihil verentur.* Notum est magnam eruditorum partem, ex quibus ejusmodi subscriptiones extortæ sunt, hoc animo quod postulabatur præstisse. Accedit Leonardus Gautius qui in thesibus publicis Lovanii anno 1696. 23. Jul. sustinebat, *mendacii malitiam nequaquam ab oppositione cum jure alterius, cui loquimur repetendam; quare, inferebat, cessante hoc, aut ab alio eminentiore absorpto, nulla fuerit hæc malitia.* Quid jam dicis? An adhuc ea tibi remanet religio? An nondum vides, Venanti, nondum sentis, quod subscriptio

formularii quæ in aliis videri posset non obscura Jansenismi detestatio, suppositis ejusmodi principiis aliisque cavillationibus, potius videatur Apostolicarum constitutionum elusio & pallium Jansenismi? Quamquam neque solis quinque illis propositionibus veluti suis limitibus ac cancellis, damnata Jansenii doctrina circumscribitur. Plures alias continet damnatas in Baio; & longè adhuc plures accusantur in novis Theologis, quarum absurditatem piæ aures exhorrescunt.


Hanc Arnaldi Epistolam, aiebat Venantius, prius numquam legeram, uti nec theses Leonardi Gautii. Hinc semper conatus fui istam à me propellare suspicionem. Reliqua autem quæ supra ex Hennebello recitasti, frivola sunt ac prorsus inania: nec enim in Memoriali uspiam improbatur lex Pontificia de nemine vocando Jansenista, *nisi quem prius suspectum esse legitime constiterit aliquam ex 5. propositionibus docuisse vel tenuisse.* In his verbis quidem exultat & triumphat Hennebelli oratio, sed quam nullâ de causa, videbit quisquis hæc Pontificis verba penitiùs inspexerit. Quid enim? An putat Hennebellus propositiones illas necessario iisdem planè vocibus efferri debere, & efferentem de hoc debere antè in judicio *convinci*, quam habeatur *legitime suspectus*? nemo profectò dixerit tantum ad *suspicionem legitimam* requiri & postulari, quantum ad *criminiis convictionem*. An putat non fore *legitimè suspectum* qui apertè profitetur se tenere universam Jansenii doctrinam velut apprimè sanam & orthodoxam? Certè si ego in Calvinismi suspicionem vocavero quempiam, quem videro pro Calvino & universâ ejus doctrina tamquam Catholica sentid ac pertinaciter decertantem, unusquisque me temeritate absolvet, idque etiamsi nullum particulare traditum à Calvino dogma expressisset.

Ita est, ut dicis, inquiebat Ariovistus. Atqui, suburnebat Venantius, non est ovum ovo similis, quam hic casus similis est nostro qui in disceptatione versatur. Eia age, fingamus animo illum qui ob jam dictam causam suspectus est de Calvinismo, esse candidatum aliqujus gradûs in Academia Catholica, aut Ordinis Sa-

cri;

cri, aut Ecclesiastici beneficii; atque ut eò perveniat, offerre se ad pronuntiandam formulam fidei ordinariam à Concilio Tridentino præscriptam. Quin imo fingamus illum exterius sacramentum dicere. Tamen si hoc dicto sacramento, eundem illum Calvinii defensorem rursum identidem audiamus pro Calvino ejusque doctrina tota non secus ac prius, veluti pro aris & focis contendentem; an immeritò suspicabimur quod illud sacramentum parum candidè & sincerò dixerit? An immeritò, inquam, suspicabimur quod sub tam generali Calvinii & totius ejus doctrinæ defensione *defendat ac teneat* non aliquod solummodo ejus dogma, verum etiam omnia quæ S. Mater Ecclesia in Calvino execratur? Non, non Hennebelle. Igitur de Calvinismo talis legitimè suspectus foret, licet definitiones Ecclesiæ & fortè sua opinamenta ita involveret locutionibus ambiguis & cavillis, ut sensum præ se ferrent duplicem, alterum in speciem Catholicum erroribusque Calvinii repugnantem; hæreticum alterum & cum universis ejusdem Calvinii erroribus facilè conciliandum.

Tum Ario-vistus subjungit; ita & mea fert sententia: quis enim nesciat Arianos, Pelagianos, aliosque nobis ætate conjunctiores hæreticos, usos fuisse versipelli istà ambiguitate verborum? In omnes convenit illud Justiniani in edicto de tribus Capitulis: *solent hæretici, ut simpliciores decipiant, vocibus quidem uti, quæ ab Orthodoxis piè dicuntur; rectum autem eorum intellectum, & expositionem ad suam impietatem transferre.* Juvat, Venanti, quædam ex singulis libare specimina. Nihil istud necesse est, reponit Venantius, tum quod ea ipse non ignorem, tum quod expediat redire ad eum, quem de Calvinismo legitimè suspectum fecimus: nam hujus appositione exempli clarius veritas patefiet. Attende itaque. Quid si dein talis, ubi propter doctrinæ Calvinianæ suspicionem se ad munia & dignitates inter Catholicos non promoveri perspexerit, sed aliis non suspectis postponi; quid si, inquam, talis conqueratur se immeritò excludi, injustè in suspicionem Calvinismi vocari, postquam juravit in formulam *Tridentini omnia-*



que præstitit, quæ ad eluendam Calvinisimi notam fieri præscribit istud Concilium? Eritne, te Arioviste iudice, statim ab omni suspicione liber existimandus, neque in promotionibus postponi poterit aliis integerrimæ ac probatissimæ fidei & doctrinæ Viris? Hæc, ut faciliè possunt, Jansenismo applicantor, & cernet Hennebellus nihil habere se, cur conqueratur. O utinam hîc adesset atque ista audiret!

Exploderet ista omnia, inquit Ariovistus, diceretque in te esse *præcipitem accusandi intemperiem*, quemadmodum dixit de Autoribus Memorialis. En tibi ejus verba, " Hic tamen, Beatissime Pater, non sinit præceptum præfatos Theologos accusandi intemperies; sed plus audent & dicunt num. 34., eos toties ac tam manifestè à principio suæ sectæ sprevisse & adhuc quotidie spernere tot Decreta Pontificum summorum Pii V., Gregorii XIII., Urbani VIII., Innocentii X., Alexandri VII. & Alexandri VIII.; & num. 106. sustinent, inquit, Theologi isti sententiam à duobus Pontificibus contra Janlenium latam esse temerariam, & æquitati contrariam, ob defectum legalem, quod una tantum pars audita fuerit: hinc & profequuntur 107. intendit inflexibilis istorum hominum audacia reformabiles esse definitiones doctrinales summorum Pontificum ex Cathedra. "

Post hæc Venantius: hancine Hennebellus vocat *præcipitem accusandi intemperiem*? Næ ille mirabilis vir est: nam si Memoriale legit, sicut profectò legit, illic debuit videre singula manifestis probationibus convicta. Cur probationes illas supprimit? cur non refutat? cur non ostendit vel sententias, quas adversarius adducit, non esse citatas fideliter; vel fideliter citatæ si sint, non esse sat absurdas, ut earum Autores dicantur Bullas ac definitiones Pontificias contemnere? Cur convertit se ad arma muliebria, ad solos planctus, ad lamenta? Non diu hic hæsit Ariovistus, sed è vestigio respondit, & peracutè quidem, hunc in modum; Iste Hennebelli planctus, ista lamenta debent nobis, Venanti, argumento esse, quod & fidelissimè citatæ sit illæ sententiæ, & manifestior sint hic Pontificiarum

ciarum definitionum contemptus, quam ut ullis cavillationum fucis obduci aut occultari queat: nam si quas Doctor Hennebellus habuisset rationes, etiam has ad commovendum benignissimum optimi Pontificis pectus adhibuisset; non indulgisset solis planctibus, lamentis, miserabilibusque querimoniis, armis viro tam indignis.

Sed heus Arioviste, inquit Venantius, hic uterque fallimur: quippè Hennebellus videtur mox aliquid probationis aggredi, dicens.

„En Beatissime Pater calumnias prorsus intolerabiles, „ad quas manifestè revincendas, scire tantum opus est, „quomodo præfati Theologi nuperimè Sanctitatis Vestræ Brevia amplexi fuerint: sed hæc omnia dissimulant inverecundi eorum accusatores; quibus sufficit si „Catholicæ Suae Majestati sive per jus, sive per nefas „persuadere possint, quod dicunt num. 110. aliud curandum non esse, quam ut observentur constitutiones „doctrinales Innocentii X. & Alexandri VII., comprimendo & castigando eos, quos legitime constat esse „contumaces earum transgressores. Ceterum, ut ajunt, „n. 9. & 109., rem esse claram, quod coram S. Sede „actum non fuerit de puncto ullo doctrinali, nec ullum esse tale punctum, ob quod partes ad iudicium „S. Sedis remittendæ sint. ”

Probatio illa, ait Ariovistus, ut inanis est, ita statim corruet. Quamquam quos hic iterum, per præfatos Theologos, Hennebellus intelligat, haud equidem satis assequor; utpote quorum nomina neque hic neque usquam alibi recensentur. Interdum quidem de Theologis Lovanienfibus Hennebellus indefinite loquitur, perinde ac si omnes vel plerique saltem à sua starent parte. Sed id falsum esse probè novimus: non enim sola Facultas Theologica præcipuè egit, ut Hennebello adimeretur potestas Delegati; verum etiam compertum est plerosque Theologiæ Professores Academicos, & ex Religiosis omnes, uno aliterove excepto, communes contra eum ejusque doctrinam litteras Romam aliquando dedisse. Quod si inter præfatos illos, quos appellat Theologos, com-



plectatur eos, quorum sententias auditu horridas commemorat Memoriale, præsertim à num. 65. usque ad 88., vide an non de multis eorum dici possit suspensionem illam duorum Brevium esse *protestationem actui contrariam*, adeoque apud jurisperitos esse nullius ponderis aut fidei. Quomodo E. C. Ignatius Eykenboom Pontificia Brevia *amplexus est*, qui post Breve, quod Innocentius XII. anno 1694. 6. Februarii edidit & in quo declarat se *constitutionibus Innocentii X. & Alexandri VII. firmiter inherere*, eas in suo robore fuisse & esse: nempe contra 5. *propositiones ex Libro Jansenii excerptas, in sensu obvio*: quomodo, inquam, Ignatius ille Eykenboom Breve istud amplexus est, qui post istud, nimirum an. 1696., in Libro, quem inscribit "Adumbrata tam Ecclesiæ Romanæ defensionem contra Leydeckerum Calvinistam, sic scribit pag. 33. Si intelligit Jansenium ob Augustini doctrinam Jesuitis, aliisque recentioribus Pelagianis invisum, & eos illam ob causam animo tacite retentam urfisse, ut illa ob errorum, quos ipsi affricabant obtentum, Romæ damnaretur, nemo, qui, quæ ea in causa gesta sunt, novit, Leydeckerodissentiet. *Et eadem pag. 33. ait* Jansenii nomine vulgò intelligi hæresim, quem Jesuitæ & alii Jansenii hostes ipse adscripserint, quamque Pontifex damnavit in Jansenio, etsi nec Jansenius, nec alius quis Ecclesiæ Romanæ Theologus eam uspiam tenuit & docuit. Inde Phantasmatis nomen obtinuit iste Jansenismus seu fictitia hæc hæresis Janseniana. *Ibidem dicit, se vanam ridere* Leydeckeri gloriationem, veram simul ejus cæcitatem lugendo aut detestando malam fidem, si id vel nescivit, vel nescire se finxit:" atqui ut jam fidem fecimus, etiam Innocentius XII. id nescivit in suo Brevi, ubi contrarium planè exprimit; sic igitur Innocentii XII. *cæcitatem ridet* iste Theologus: plura ejusmodi tum ex ipso, tum ex aliis proferri possunt: Amicissime Venanti, nunquid id belle est *amplecti Brevia Innocentii XII. & cum illis constitutiones Innocentii X. & Alexandri VII.* ? Præterea credisne, ullum propter Brevia ista mutasse sententiam?

Qui



Qui id factus sit, dicit Venantius, hætenus legi neminem; neque ullum mihi assignare poterit ipse Hennebellus, *sudet multum frustraue laboret*. Et hoc observare fortasse è re nostra fuerit, videlicet quod Pontificiis Constitutionibus repugnent complura, quæ non pertinent ad 5. propositiones Jansenii, & de quibus nullus in utroque Brevi sermo instituitur. Hoc rectè observasti, inquit Ariovistus; sed, ingeniosissime Venanti, nonne & observasti Hennebellum foedissime imponere quando asserit dici num. 110. "Aliud curandum non esse, quam ut observentur constitutiones doctrinales Alexandri VII. & Innocenti X. comprimendo & castigando eos, quos legitimè constat esse contumaces earum, transgressores." Obsecro, Memoriale inspicere, & invenies illic dici quidem tales "esse comprimendos & castigandos, sed Belgii Episcopos diligentissime à Rege monendos, ut non procedant secundum accusationes vagas de Jansenismo, neve tali prætextu affectato Theologos aliquos à promotionibus excludant." *Ita, addit P. Palazol, "Majestas Vestra plenè ac cumulatè impleverit quidquid circa hoc particulare noster Sanctissimus Pater decernit. Vides, Venanti, circa hoc particulare? Hoccine idem est atque asserere simpliciter nihil aliud curandum esse in quacunque materia?"*

Sed nondum hic se cohibuit imponendi libido; quod ut cernas, Venanti, velim iterum inspicias Memoriale num. 9. quem Hennebellus supra appellabat. Illum inquam, numerum inspicere iterum iterumque & scrutare, an ibi sit vel apex aut jota unum, ex quo colligi possit ibi vel formaliter vel æquivalenter "dici rem esse claram, quod coram S. Sede actum non fuerit de ullo puncto doctrinali, nec ullum esse tale punctum, ob quod partes ad judicium S. Sedis remittendæ sint.

Porrò Venantius sicut aliàs, ita & nunc Ariovisto voluit dicto audiens esse; eumque Memorialis numerum perlégit semel, iterum, tertio; ac tandem sic pronuntiavit; jam video luce clariùs hic agitantummodo de re pertractanda in *juncta* ut vocant seu coetu Ministrorum Regionum & Theologorum: "Non petitur,

*inquit*

plectatur eos, quorum sententias auditu horridas commemorat Memoriale, præsertim à num. 65. usque ad 88., vide an non de multis eorum dici possit suspensionem illam duorum Brevium esse *protestationem actui contrariam*, adeoque apud jurisperitos esse nullius ponderis aut fidei. Quomodo E. C. Ignatius Eykenboom Pontificia Brevia *amplexus est*, qui post Breve, quod Innocentius XII. anno 1694. 6. Februarii edidit & in quo declarat se *constitutionibus Innocentii X. & Alexandri VII. firmiter inhaerere*, eas in suo robore fuisse & esse: nempe contra 5. *propositiones ex Libro Jansenii excerptas, in sensu obvio*: quomodo, inquam, Ignatius ille Eykenboom Breve istud amplexus est, qui post istud, nimirum an. 1696., in Libro, quem inscribit "Adumbrata Ecclesiæ Romanæ defensionem contra Leydeckerum Calvinistam, sic scribit pag. 33. Si intelligit Jansenium ob Augustini doctrinam Jesuitis, aliisque recentioribus Pelagianis invisum, & eos illam ob causam animo tacite retentam urfisse, ut illa ob errorum, quos ipsi affricabant obtentum, Romæ damnaretur, nemo, qui, quæ ea in causa gesta sunt, novit, Leydeckerodis dissentiet. *Et eadem pag. 33. ait* Jansenii nomine vulgò intelligi hæresim, quem Jesuitæ & alii Jansenii hostes ipse adscripserint, quamque Pontifex damnavit in Jansenio, etsi nec Jansenius, nec alius quis Ecclesiæ Romanæ Theologus eam uspiam tenuit & docuit. Inde Phantasmatis nomen obtinuit iste Jansenismus seu fictitia hæc hæresis Janseniana. *Ibidem dicit*, se *vanam videre* Leydeckeri gloriationem, veram simul ejus cecitatem lugendo aut detestando malam fidem, si id vel nescivit, vel nescire se finxit." atqui ut jam fidem fecimus, etiam Innocentius XII. id nescivit in suo Brevi, ubi contrarium planè exprimit; sic igitur Innocentii XII. *cecitatem videt* iste Theologus: plura ejusmodi tum ex ipso, tum ex aliis proferri possunt: Amicissime Venanti, nunquid id belle est *amplecti Brevia Innocentii XII. & cum illis constitutiones Innocentii X. & Alexandri VII.* Præterea credisne, ullum propter Brevia ista mutasse sententiam?

Qui

Qui id factus sit, dicit Venantius, hæcenus legi neminem; neque ullum mihi assignare poterit ipse Hennebellus, *sudet multum frustra que laboret.* Et hoc observare fortasse è re nostra fuerit, videlicet quod Pontificiis Constitutionibus repugnent complura, quæ non pertinent ad 5. propositiones Jansenii, & de quibus nullus in utroque Brevi sermo instituitur. Hoc rectè observasti, inquit Ariovistus; sed, ingeniosissime Venanti, nonne & observasti Hennebellum fœdissime imponere quando asserit dici num. 110. "Aliud curandum non esse, quam ut observentur constitutiones doctrinales Alexandri VII. & Innocenti X. comprimendo & castigando eos, quos legitime constat esse contumaces earum, transgressores." Obsecro, Memoriale inspicere, & invenies illic dici quidem tales "esse comprimendos & castigandos, sed Belgii Episcopos diligentissime à Rege monendos, ut non procedant secundum accusationes, vagas de Jansenismo, neve tali prætextu affectato Theologos aliquos à promotionibus excludant." *Ita, addit P. Palazol,* "Majestas Vestra plenè ac cumulatè impleverit quidquid circa hoc particulare noster Sanctissimus Pater decernit. Vides, Venanti, *circa hoc particulare?* Hoccine idem est atque asserere simpliciter *nihil aliud curandum esse* in quacunque materia?"

Sed nondum hic se cohibuit imponendi libido; quod ut cernas, Venanti, velim iterum inspicias Memoriale num. 9. quem Hennebellus supra appellabat. Illum inquam, numerum inspicere iterum iterumque & scrutare, an ibi sit vel apex aut jota unum, ex quo colligi possit ibi vel formaliter vel æquivalenter "dici rem esse claram, quod coram S. Sede actum non fuerit de ullo puncto doctrinali, nec ullum esse tale punctum, ob quod partes ad judicium S. Sedis remittendæ sint.

Porrò Venantius sicut aliàs, ita & nunc Ariovisto voluit dicto audiens esse; cumque Memorialis numerum perlêgit semel, iterum, tertio; ac tandem sic pronuntiavit; jam video luce clariùs hic agitantummodo de re pertractanda in *juncta* ut vocant seu cœtu Ministrorum Regionum & Theologorum: "Non petitur,  
*inquit*

„*inquit P. Palazol* ut in ista juncta examinentur & de-  
 „terminentur puncta doctrinalia censurando propositio-  
 „nes: novit enim, *inquit*, Vestra Majestas, neque nos  
 „ignoramus istud privativè pertinere ad supremam au-  
 „thoritatem Vicarii JESU-CHRISTI, successoris S. Petri,  
 „in quo stat Columna & Firmamentum Veritatis cum  
 „judicio falli nescio circa controversias fidei. Tantum  
 „petitur, ut illa juncta possit informare Majestatem Ve-  
 „stram de quæstione facti, an doctrina toties à Ponti-  
 „ficibus condemnata defendatur etiam in Belgio cum  
 „contemptu definitionum Ecclesiæ. ” Hic igitur, con-  
 „cludebat Ariovistus, nihil invenisti eorum, quæ objicit  
 „criminator Hennebellus, nihil reprehensione, nihil ce-  
 „râ miniaturâ dignum.

Sed videamus, prosequebatur idem Ariovistus, an  
 melioribus avibus accusaverit numerum 109. Illo nu-  
 mero diluitur calumnia, quam Hennebellus in suo ad  
 Pontificem Memoriali impegerat Decretis Regiis, qua-  
 si hæc ” non modo suspenderent Sedis Apostolicæ Man-  
 „data pro executione eorum quæ per definitivam sen-  
 „tentiam illa determinaverat, sed etiam omnia statue-  
 „rent contraria. *Et quidem*, in materiis doctrinalibus,  
 „atque ad fidem pertinentibus, circa quas Rex utramque  
 „contententium partem ad Sedem Apostolicam spon-  
 „tè remiserat: Ad hoc respondendum est, *inquit Palazol*,  
 „quod Doctör ille affectet manifestam æquivocatio-  
 „nem: evidens est enim hic non agi, neque cum Apo-  
 „stolica Sede actum esse de aliquo puncto doctrinali fi-  
 „dem concernente, sed de quæstione facti, an accusa-  
 „tiones quas Episcopi circa Theologorum quorundam  
 „Janseninum Madritum mittunt, sint accusationes  
 „vagæ & prætextus affectati, vel non: & ubi constite-  
 „rit, quemadmodum constat Majestati Vestræ, quod  
 „accusationes legitimæ sint & innixæ factis verissimis, ut  
 „in hoc Memoriali demonstratur, clarissimum est De-  
 „creta Majestatis Vestræ esse Brevi Innocentii XII. in  
 „nullo contraria. ” Huc oculos, huc animum,  
 „Venanti; an hic ullo modo dicitur, ” quod nullum sit  
 „punctum doctrinale, ob quod partes ad judicium S.  
 Sedis



„Sedis remittendæ sint? ” Minimè gentium, respondet Venantius, Hoc autem, inquit Ariovistus, hîc tantum dicitur, quod *quæstio facti* superius memorata possit examinari à Ministris Regiis Theologisque deputatis, doctrinæ verò quæstiones ad Sedem Apostolicam necessario remitti debeant: neque ibi negat Palazol missas ad Sedem Apostolicam ejusmodi quæstiones atque de iis agi cœptum; sed negat ad doctrinam spectare istud, quod Hennebellus ajebat esse in judicio contradictorio ab Innocentio XII. definitum, & cui dicebat adversari Decreta Regia.

Quod si vis Hennebellum adhuc videre clarius convictum, adi, Venanti, Memorialis numerum 111. ubi Palazol ita interrogat: ” Quomodo Mandatum Episcopis impositum de nemine afficiendo ulla infamia, aut molestia ob accusationes vagas, & prætextus affectatos, potest intelligi sententia definitiva Suæ Sanctitatis, nisi in Schola D. Hennebel idem sit mandare, ac definire? ” Aut quomodo persuadere mundo poterit, Sanctissimum Dominum sententiâ definitivâ declarasse, quod Reverendissimi illi Episcopi juxta accusationes vagas processerint subditos bene meritos injuste repellendo ob prætextus affectatos de Jansenismo, quod præterquam quod sit falsissimum, quid habet commune cum puncto doctrinali ad fidem pertinente? & quomodo poterit haberi judicium contradictorium in obligatione tam perspicua; ” quam habent Episcopi non repellendi quempiam ob accusationes vagas & prætextus affectatos? Ibidem ” quomodo induci in animum potest, quod Rex tam Christianus & pius misisset Decreta adversantia tali præcepto? Quod etiam si à Christi Vicario non emanasset, ratio naturalis dictabat ejus obligationem irrefragabilem? ” *Et num. 110. dictum fuerat:* ” Videtur, spectare proprie ad Regem, tanquam Ecclesiæ protectorem efficere, ut definitiones doctrinales Innocentii X. & Alexandri VII. observentur reprimendo & castigando eos, quos legitime confuterit esse contumaces illarum transgressores. ” *De hoc ita querit:* ” quodnam punctum istud erat ob quod Regia Majestas necessario debuisset partes remittere

mittere ad Judicium Sedis Apostolicæ? " Videſne nunc, Venanti, depullis ambiguitatum & truncationum tenebris, ubique pateſcere pudendas calumnias?

Video, reponit Venantius, nec ſatis mirari poſſum, quod hæc Hennebellus inſpectante Româ audeat. Inſpectante Româ dico? Imo verò quod hæc audeat Sanctiſſimo Domino obtrudere. Sed nondum ſtatim finis, ſubdebat Arioviſtus; hæc hæc præterea Hennebellus effutit: " Sane, Pater Sancte, aliud agere non videntur hujus Memorialis Autores, quam ut exautorato, primo Brevi Sanctitatis Veſtræ, nunc quoque everſant ſecundum, die 24. Nov. 1696. ad eodem Belgii Episcopos miſſum, quo tam expreſſe declarat Sanctitas Veſtra varias circa Sacramentorum adminiſtrationem controverſias coram Apoſtolica Sede pendere, & in præſens magna ſolicitudine diſcuſſioni propoſitionum, quæ inter alias abunde delatas, ad hoc argumentum ſpectant, allaborari à Conſultoribus & Qualiſicatoribus ſupremæ Inquiſitionis, difficultates autem quæ Formularium ſeu Conſtitutiones Innocentii X. & Alexandri VII. ſpectant, nullo negotio poſſe terminari, ſi executioni mandetur primum Breve, quod nulla prorſus egere explicatione, aptumque eſſe, ubi in ipſo præſcripta adimpleantur, efficax atque opportunum aſſerre remedium, à Sanctitate Veſtra conſtanter aſſeritur; aded ut vix capi poſſit, qua fronte dicant Memorialis Autores, ſolum laborandum eſſe pro exequendis Conſtitutionibus Innocentii X. & Alexandri VII., ac de cetero nullas eſſe controverſias doctrinales, quæ vel coram Apoſtolica Sede pendeant, vel ad ejus judicium à Catholica Sua Majeſtate remittendæ ſint."

Hic Venantius veritus ne Arioviſtus actum ageret, ſic ajebat: Apertam calumniam eſſe, quod P. Palazol meditetur primum Breve exautorare, ſatis ſuperque, Arioviſte, ſuperius demonſtraſti; quare hæc miſſa facito & ad alia progreditor.

Non ita feſtinato opus eſt, Arioviſtus inquit; igitur pace tuâ, Venanti, dixerim quodd iis quæ ſuperius protulimus, adjungi poſſit totus Paragraphus quartus qui  
ſic

fic inferibitur: "Integra conformitas inter Decreta Regis Nostri Caroli II., & Breve SS. Patris Nostri Innocentii XII." *Paragraphi autem hoc est initium;* "pervenimus ad principale hujus Memorialis assumptum, ut universo Orbi evidentissime constet, omni etiam apparenti ratione destitutam esse audaciam Doctoris Hennebel in accusando Rege Nostro, ejusque Ministris Madritensibus de inobedientia erga Breve Sanctissimi Patris Nostri Innocentii XII., quasi non solum peccassent omissione, sed etiam commissione, videlicet non tantum non obediendo, verum etiam mandando contrarium." Quam P. Palazol hic fidem adstringit, eandem solidissime clarissimeque liberat à num. 45. usque ad 57. quos potes recolere, si visum fuerit.

Nil cunctatus Venantius numeros illos integros legit elata voce. Et cum absolvisset, exclamavit; hic certe Hennebellus convictus est de calumnia in Regem ejusque Ministros. Atque ideo, Ariovistus subjungit, de Decretis Regiis jam altum silet, & caluniam convertit in Memoriale. Sed si hic adesset, sic eum aggredere: Dic modò Hennebelle; vultne P. Palazol evertere Decreta Regia? Minime gentium, responderet: nam nihil Patri illi istis Decretis carius est. Tum subsumerem; atqui *principale assumptum istius Memorialis*, ut Pater ipse Memorialis Autor testatur, est ostendere integram conformitatem inter Decreta illa Regia & Breve Innocentii XII. ergo evidens est; quod nulla ratione evertere velit illud breve, cum nullo modo velit evertere Decreta Regis, eidem Brevi ubique conformia. Nervosum profecto illud argumentum est, ait Venantius, neque Hennebellus omni sua Chrysippæ arte, ejus vim aut robur infringeret. At verò quid est, Arioviste, de secundo Brevi? An Autor Memorialis conator illud saltem evertere, ut eum supra arguit Hennebellus?

Autor Memorialis, inquit Ariovistus, de illo secundo Brevi ne meminit quidem. Tantum abest, doctissime Venanti, ut illud evertere moliat. E contrario illud firmissimè corroborat, quando ubique prædicat

re.

reverentiam & obedientiam summam indefinitè & ita limitatè exhibendam esse mandatis Supremæ Sedis, quam obedientiam meritis laudibus extollit in Rege Catholico, sibi que sacrosanctam esse ac fore profiteretur num. 8. ac toto passim Memoriali: verba quædam ejus huc facientia supra dedimus.

In memoria habeo, subjungit Venantius. Verum non æquè recordor, an Autor Memorialis non dixerit "solum laborandum esse Cardinalibus & Pontifici pro exequendis Constitutionibus Innocentii X. & Alexandri VII. ac de cetero nullas esse controversias doctrinales, quæ vel coram Apostolica Sede pendeant, vel ad ejus judicium à Catholica Sua Majestate remittendæ sint.

Ubinam, inrerrogat Ariovistus, Autor ille hoc dixerit? quo Paragrapho? quo numero? Ait quidem ille Autor num. 110., "quod videatur spectare propriè ad Regem tanquam Ecclesiæ protectorem efficere, ut definitiones doctrinales Innocentii X. & Alexandri VII. observentur." Istud quidem non negaverim, sed hoc cine est dicere in hoc solum laborandum etiam Pontifici, etiam Cardinalibus? Pontificis est, non Regis, definire quæ credenda sint. At Regis est Pontifici auxilio esse, ut "definitiones servantur, contumaces autem, & refractarii puniantur ac reprimantur," ut citato numero 110. habet ille Autor.

Venantius curiositate ductus hunc numerum perlegit totum, ac deinde dixit; video, Arioviste, verum esse id quod asseruisti. Video præterea eundem illum Autorem ibidem dicere quod in *Brevi*, videlicet primo, ubi agitur de "non repellendo quoquam ob accusationes, vagas & prætextus affectatos, non agatur punctum doctrinale, quod remittere Rex debeat ad Pontificem, ut determinetur, sicut in omni casu remittere deberet, si ita foret;" id est, si foret punctum doctrinale. Tum Ariovistus sine mora inferebat: Non ergo affirmat P. Palazol, "nullas esse controversias doctrinales, quæ vel coram Apostolica Sede pendent, vel ad ejus judicium à Catholica Majestate remittendæ sint:" cum solum



solum asserat, quod ejusmodi punctum, non sit istud”  
 „de reprimendis & castigandis iis, quos legitime con-  
 „stituit esse Constitutionum Innocentii X. & Alexan-  
 „dri VII. contumaces transgressores, ” ut idem nume-  
 rus 110. habet.

At cedo mihi, inquit Venantius, an variae quæ Ro-  
 mæ coram Apostolica Sede pendunt controversiæ, sunt  
 tantum de Sacramentorum Administratione? Respon-  
 dit Ariovistus: ita quidem Hennebellus videtur hic sup-  
 ponere, vel certe nescire se simulat eas etiam esse de  
 variis dogmatibus. Quod quî facere potuerit, ego non  
 intelligo. Non enim ignorat dogmaticas propositiones  
 amplius mille collectas esse curâ Archiepiscopi Mech-  
 linienfis, & non modò ad Summum Pontificem & S.  
 Congregationem, verùm etiam ad Regem missas, ut  
 hic earum examen & censuram, apud Sedem Aposto-  
 licam urgere dignaretur. Non ignorat, inquam, exa-  
 men illud fuisse promissum Archiepiscopo ab Innocen-  
 tio XII., & jam inde eò promotum, ut ex immenso  
 illo numero excerptæ fuerint ducentæ circiter, quæ vi-  
 debantur præcipuè promereri censuram, ab Archiepis-  
 copo omnibusque bene Catholicis, atque in primis  
 Societate avidissimè expectatam. Has propositiones in-  
 telligit Autor Memorialis à Pontifice dici in 2. Brevi  
*aliàs abundè delatas*, utpote quarum copia maxima est,  
 neque ad solam pertinent administrationem Sacramen-  
 torum, sed & ad Constitutionum Apostolicarum, Au-  
 toritatis Pontificiæ, & SS. Congregationum contemp-  
 tum, ad Jansenismi, Bajanismi, imò & Quietismi re-  
 stauracionem.

Ufque adeone, inquit Venantius, imponere Hen-  
 nebellus amat? Sicut vides, reponit Ariovistus. Istud  
 autem quod ait, ” difficultates quæ Formularium seu  
 „Constitutiones Innocentii X. & Alexandri VII. spe-  
 „ctant nullo negotio posse terminari, si executioni man-  
 „detur primum Breve, quod nulla eget explicatione,  
 „aptumque est, ubi in ipso præscripta adimpleantur,  
 „efficax atque opportunum asserre remedium, ” à ne-  
 mine negatur, nisi à Paulo Aurelio in Panegyri Janse-  
 niana.

Imo

Imo puto ego, inquit Venantius, quod vel sola Innocentii X. Constitutio efficax erat remedium contra 5. Jansenii propositiones, si ab omnibus, ut par est, mandata fuisset executioni. Sic & difficultates circa Jansenii sensum, essetne damnatus & Catholicis omnibus execrandus prout in Jansenii Libro exprimitur, nullo negotio terminatæ fuissent, si omnes attendissent ad Constitutionem Innocentii X. datam an. 1653. pridie Kal. Jun. & ejus Decretum an. 1654. 12. Apr. quo declarat Sanctissimus Dominus "condemnata in 5. propositionibus esse Augustini Cornelii Jansenii Episcopi Iprensis doctrinam: & ne occasione doctrinæ prædictæ in mentes Christi fidelium aliquod dubium vel error irrepat, eundem Augustinum Cornelii Jansenii &c. iteratò.... prohibet & damnat," sed propter cavillationes *filiorum iniquitatis*, ut eos vocat Alexander VII., opus fuit Bulla ad SACRAM an. 1656. quid hac prudentius? quid fortius dari vel excogitari poterat? adeoque extinguendo Jansenismo sufficiebat quidem adundè Bulla ista, si ab omnibus religiosè observata fuisset; verum, cum (ut testatur idem Alexander Pontifex in Constitutione *Regiminis Apostolici* data octo annis post) nempe an. 1664. "Janseniana hæresis, in Galliis præsertim serpens....adinstrat colubri tortuosi, cujus caput attritum est, in varios gyros & cavillationum deflectus iret," necessaria fuit Constitutio nova cum Formulario, "quia 5. propositiones ex Cornelii Jansenii Libro, cui nomen Augustinus, excerptas, & in sensu ab eodem Autore intento, prout illas per dictas Constitutiones, Sedes Apostolica damnavit, sincero animo rejicere ac damnare, & ita jurare" juebamur. Quod si ab omnibus adimpletum fuisset, non opus fuisset Brevi Innocentii XII., & quantumcunque id efficax sit, quamdiu tamen cavillari aliquibus libuerit, ut Hennebello imprimis libuit, qui ut jam diximus, eodem quo Breve datum est mense Epistolam dedit, quam Eminentissimi Patres Decreto Apostolico die 6. ejusdem mensis emanato contrariam esse decreverunt." Et quamvis eam Epistolam ex Mandato S. Congregationis retracta-

tractaverit : tamen cum hæc retractatio quasi coacta sit, nihil movet ipsi adhærentes. Pergunt quò coeperunt, Libellos Pseudonymos spargunt in vulgus, atque omnes planè eandem cavillationes intolerabili audaciâ instaurant. Sic itaque, spectatis quorundam ingeniis in cavillationes pronis, ut semper vel antiquas recusitent, vel parturiant novas, minimè mirum foret, neque contra prioris Brevis dignitatem, si, quantumcumque illud in se efficax fuerit, tamen sive ab eodem Innocentio XII. sive ab ejus Successoribus nova aliquando constitutio opportuna & fortè necessaria censeretur.

Hæc Venantii dicta suspexit Ariovistus, maximoque opere dilaudavit : gravis, inquebat, & cedro digna hæc tua oratio est, Venanti, quamque ego protulissem, nisi tu me prævenisses. Jam sola superest Hennebelli conclusio, quamquam haud scio an operæ pretium sit, in ea legenda aliquid temporis ponere : quippè cum non aliis nitatur basibus ac fundamentis, quàm falsis suppositis ac calumniis quas modò funditus evertimus, necesse est his labentibus illam quoque labi per se atque concidere. Juvat tamen illam legere, ait Venantius, quia quemadmodum quo minimè reris gurgite, interdum piscis delitescit, ita etiam ubi minimè reris, nova fortè calumnia aut falsitas se prodet.

Faciam ut tibi lubet, dicit Ariovistus, totamque recitavit Hennebelli conclusionem, quam cum Venantius audiret, Deus bone ! quot indignantis animi indicia præ se tulit. Sic autem sonabat conclusio : " Verum, „Pater Sancte, hæc fingere oportuit ad imponendum „illudendumque Suæ Majestati, & ab ea extorquendam „prætersam Junctam, seu Congregationem de qua num. „6. quam alias à Sua Majestate, cujus pietas in Apostolicam Sedem notissima est, postulare nunquam aucti essent. Cum autem indignissimum sit per tot artificia, fraudes ac figmenta exautorando, infringendo, „ac planè evertendo Brevia Apostolica, sic iludi Catholice Suæ Majestati, atque ad obtinendam ab ea Junctam seu Congregationem, quæ Belgii dissidiis finem imponat, sic dissimulari verum rerum statum, totque

C

Inno.

„Innocentissimos Theologos, Apostolicæ Sedi addi-  
 „tissimos, & obedientissimos tanquam gravissimo-  
 „rum in eam criminum reos, traduci scripto pu-  
 „blico, quod in capite præfert, nomen ac mandatum  
 „Generalis Societatis JESU, cujus vocem magno cla-  
 „more innumeri alii sequuntur, nisi quantocius con-  
 „gruum atque efficax adhibeatur remedium; sese ite-  
 „rum ad S. V. pedes orator prosternit humillime sup-  
 „plicans mandari Nuntio Hispaniæ, ut Catholicam  
 „Suam Majestatem melius informet de toto rerum sta-  
 „tu, impediaturque ne Juncta seu Congregatio petita con-  
 „cedatur, ac eodem tempore mandari Congregationi S.  
 „Officii, ut diem dicat Patri Thyrsô Gonzales Societa-  
 „tis JESU Præposito Generali, eique præscribat respon-  
 „dere super articulis supra memoratis; ut responsis ejus  
 „à S. Congregatione auditis, examinatis, ac relatis, de-  
 „cernat Sanctitas Vestra, quid in illum, quid in Joan-  
 „nem Palazol Procuratorem ejus & Memoriale ab iis  
 „Catholicæ Sux Majestati oblatum statuendum sit.

Legerat hæc Ariovistus, cum subdit: Nonne ut ante  
 dixi, ista conclusio eodem quo superiora, labefacta  
 motu tota concidit? Concidit, aiebat Venantius, &  
 mox Ariovistum sic interrogabat: In quo Arioviste, ea  
 Juncta seu Congregatio, si impetretur, contraria potest  
 esse Regiæ pietati vel autoritati Sedis Apostolicæ? E  
 contrario ad hanc contra tot Libros & Scriptores famo-  
 sos, contra contemptores & impugnatores audacissimos  
 omnium passim Bullarum, definitionum, Decretorum-  
 que Pontificiorum ac SS. Congregationum stabiliend-  
 dam simul & avertendam à Provinciis perniciem caven-  
 damque rebellionem contra Deum & legitimum Prin-  
 cipem, ut à similibus intiis superiori seculo experti su-  
 mus, unice à Rege institueretur, & ut confidere licet  
 de Ministris ac Theologis à Rege in juncta illa consti-  
 tuendis, eorum scopus & consilia consentanea essent Re-  
 giæ pietati.

Neque ego capio, addit, Ariovistus, quid in juncta  
 illa tantopere horreat Hennebellus, ut tanto contra eam  
 feratur impetu & quidquid est summæ in Ecclesia au-  
 to-

toritatis, contra cam commoveat? Si *Sedi Apostolicæ sit addictissimus*, si *obedientissimus*, deberet cum suis omnibus quocumque potest modo collaborare, ut Memorialis Autores junctam illam quam citissimè adipiscerentur. Quid enim scandalosius? quid perniciosius magisque infame Sedi Apostolicæ & omnibus ejus constitutionibus, etiam maximè dogmaticis scribi potest, quam quod innumerabilibus libellis, quibus redundat Belgium, scriptum est & sparsum annis hisce posterioribus? In illa juncta sanciri poterit, quo modo Scriptores isti conscii-que typographi, & distributores detegi possint, quomodo in eos inquiri, quomodo deprehenso castigari, quomodo provideri, ne impedimentum injiciatur à quibusdam Magistratibus.

Præterea, inquit Venantius, si Hennebellus ejusque Theologi tam innocentes sint, ut passim jactitant, si nihil ad eos istorum librorum pertineat, si potius ab adversaria parte ad conflandam eis invidiam conscripti sint, quid timent? Quid contra junctam vociferantur? Hæc poterit eorum innocentiam & adversariæ partis, si verè ejus sit, malitiam ac fraudem in lucem protrahere. Et tum facilè cessabunt accusationes vagæ, quin imò adversariis plenis & oppressis confusione, ora in perpetuum obstruentur. Contra verò tanta Hennebelli anxietas, tot machinæ, tot clamores contra *Junctam* tantorum bonorum procreatricem, & quæ nulli, nisi quem conscientia redarguit, potest esse formidabilis, sicut & clamores nuperi ac calumniæ contra Decreta Regia, quibus nemo nominatim impetebatur, sed soli Jansenistæ, Rigoristæ, Novatores, eisque adhærentes, & merito suspecti, causam illorum apud quoslibet alioquin indifferentes longè deteriore reddunt, plurimis vel ex hoc solo sinistram de iis opinionem concipientibus.

Sic est, inquit Ariovistus, tanta Hennebelli anxietas, tanta formido aliaque quæ nunc recensuisti, sunt signa mentis sibi non rectè conscia.

At, dicit Venantius, quid jam de Hennebelli temeritate censes? Hanc, respondet Ariovistus, relinquamus castigandam aliis. Nobis satis esse debet detexisse frau-

des hujus libelli supplicis. Velim tamen, inquit Venantius, tecum discutere Hennebelli prolixius Responsum ad Memoriale ejusdem P. Palazol. Nequid nimis, ait Ariovistus; oportet jam relaxare animum. Quare confabulemur potius de rebus aliis, & lustremus tuum hortum tot amœpissimis distinctum arcolis, tot ornatum statuīs, & dulci salientium fontium susurro resonantem. Itaque cō itum est, & inter illos convēnit de revertendo ad Hennebellianum scriptum postridie, quamquam hoc factum non sit nisi post dies aliquot, propterea quod Ariovistus eodem vespere acciperet litteras quæ eum multo mane domum revocarent ad peragenda quædam alia summi momenti negotia.

## DISSERTATIO II.

*De Proœmio quod Hennebellus præmittit suis Responsioni ad Memoriale Patris de Palazol.*

**U**Bi Ariovistus negotia sua confecerat, nihil habuit potius quàm redire ad Venantium, ut pactas de prolixiore Hennebelli Responso dissertationes cum eo auspicaretur. Quem in finem scripta secum attulerat varia, Jansenismo repugnantia alià, alià faventia. Venantium autem offendit adhuc occupatum volvendo scripto Hennebelli, ipsique assidentem aliquem Academicæ Lovaniensis Baccalaureum, qui Hennebellianæ factioni favebat impensius. Ingressus Ariovistus, hem amicissime Venanti inquebat, quid jam de ista Hennebelli Responsione judicas.

Illico respondit Venantius, ejus libellus supplex, quem nos proximè examinavimus, est hujus Responsionis compendium, neque adeo mihi opus est examine longiore. At isti doctissimo Domino Baccalaureo opus est. Quare si hoc examen coram illo Domino mecum instituere volueris, multam à me inibis gratiam. Volo, ait Ariovistus: hoc enim & data fides & necessitudo nostra postulat. Et quo cuncta discutiamus  
accura-

accuratius. hæc mecum monumenta afferenda curavi.

Factum bene, inquit Venantius, age incipiamus; & statim cœpit recitare Proœmium, in quo R. D. Hennebellus Lectorem suum edocet *de vero*, ut ait, *rerum statu*. Initium ergo Proœmii tale est: "Tanta confidentia Theologos illos ( quorum partes agit Doctor Hennebel ) in ipso Memorialis sui limine perniciosissimæ dissimulationis accusat Reverendus Pater de Palazol, ut si fides illi habeatur, nec Ariani, nec Valentiniani, nec perditissimi quilibet Hæretici artificiosius unquam Ecclesiæ illuserint. Fallitur autem vehementer bonus ille Pater, si *inverecundâ* tantum accusandi licentiâ opus esse arbitretur, ut persuadeat dissimulasse eos Romæ sensum suum, quem eos illic non tantum non dissimulasse, sed nec dissimulasse potuisse, res ipsa loquitur. Sextus enim annus est, ex quo Romæ causam suam agunt per Doctorem Hennebel deputatum suum, accusante eos ibidem Mechliniensi Archiepiscopo, qui contra eos commovere nititur omnes Belgii Episcopos, omnes mundi Potestates, omnes Regulares, sed præcipuè Patres Societatis Jesu. Res tota palam agitur in facie Ecclesiæ &c. Qua de re agitur? Utique de gravissima, & quæ Apostolicam Sedem proximè tangit. Quæstio enim est, an præfati Theologi circa Pontificias Constitutiones ac præcipuè circa Constitutiones Innocentii X. & Alexandri VII. sensum suum dissimularint: Ego vero ingenuè fateor, quod si in circumstantiis jam memoratis sensum illi suum circa præfatas Constitutiones dissimulasse dicendi sint, ignorare me, quid tandem ad mentem, sensumque clarissimè aperiendum requiratur. " Ita, optime Arioiviste, scribit Hennebellus.

Sed cur suos illos Theologos in ipso Memorialis limine à P. Palazol tam atrociter accusari dicat *perniciosissimæ dissimulationis*, ut *nec Ariani, nec Valentiniani, nec perditissimi quilibet Hæretici artificiosius unquam Ecclesiæ illuserint*, non satis perspicio.

Hoc est, dicit Arioiviste, quod nec ego satis possum adinirari: nam *in Memorialis limine* agitur de solis ob-

*firmatis sequacibus doctrinæ Cornelii Jansenii de Hæresi ab Ecclesia condemnatæ:*” Hic nullus ex Theologis istis nominatur alius, sicut nec in Decretis Regiis, contra quæ Hennebellus tantos civit strepitus, tantos clamores.

Hoc loco hærebat uterque quasi mutus & cogitabundo similis, cum ex improvise exclamat Ariovistus: Heus tu, Venanti; mihi succurrit illud S. Hieronymi ad Ctesiphontem, ” *nullius in hoc opusculo nomen tangitur, adversus Magistrum perversi dogmatis locuti sumus, qui si iratus fuerit, atque rescripserit, suo quasi mus prodetur indicio.* ” Quid si ergo suspicemur Hennebellum suis clamoribus, muris illius instar proditum? Et certe si famoso contra Decreta Regia Memoriali non prodidisset se esse eorum, adversus quos Decreta Regia edita erant, protectorem, forte ne toto quidem scripto Patris Palazol expressum legeretur *Doctoris Hennebelli* nomen: quid enim opus erat illius nominis aliàs meminisse?

Sed Hennebelli temeritas, inquit Venantius, alicubi in illo Memoriali reprehenditur. Quid tum? Reponit Ariovistus; anne propterea erat consultum sibi ultro attrahere, quidquid toto illo opere in obstinatos Jansenii propugnatores jacitur? Neque etiam quidquid his propugnatoribus indefinitè & verè tribuitur, id statim de singulis intelligendum est? Quippè multa de factione aliqua & gente sive in laudem sive in vituperium dicuntur, quæ non in omnes distributive, sed copulativè seu collectivè tantummodo acceptos conveniunt, Non procul accersendum est exemplum; quamvis Janseniana factio omnes Hæreticorum sectas dissimulatione & artibus verè superet; quis tamen est, qui ignoret quod inter Jansenii defensores aliqui nec simulationis nec moderationis regulas satis noverint, ut minimè noverat Eugenius de Gelder, & à biennio Pastor N. in Flandria, qui coram Episcopo non suo, & pluribus viris honoratissimis optabat, *ut omnes essent Jansenistæ;* nec tamen erubescere in venerando isto cœtu effutire & gloriari, quod eodem die antè sacrificum extendisset manus ad ubera duarum Virginum, ac nihilominus sacrificasset non præmissâ confessione. Testimonium autenti-



tenticum Episcopi aliorumque qui scurrilem istam gloriationem coram cum summa indignatione audiverunt, penes me est, adscripto nomine Pastoris, & illud legitime rogatus exhibebo. Gloriationem autem illam non inanem fuisse falsa est pariter altera ex virginibus, quæ tum aderat, & à Pastore per insidias id sibi insciæ factum protestabatur. Etiam in Missionè Hollandica quædam ad concionem palam in laudem Jansenii ejusque doctrinæ confirmationem dicta esse plurimorum testimoniis perhibentur; quæ nec Dominus Hennebel, nec quisquam alius haud planè imprudens publicè & tam crudè declamari approbaverit.

Sæpè fuit, addit Venantius, hæreticorum Doctorum ea calamitas, ut quod ipsi testè timideque docent ne quis orthodoxus audiat, id omne in lucem efferant minus cauti discipuli, & *quæ in aure audiunt, prædicant super tecta*. Sensit calamitatem Pelagius, parum dissimulatè loquente Cœlestio; senserunt alii hujusce farinae homines.

Ne abeamus à proposito, inquit Ariovistus. Quamvis & inter Jansenistas, non satis dissimulaverint aliqui, ut jam vidimus; nunquid tamen magna ars est, & quâ Janseniana & Bajana Secta omnibus aliis longè præcellit, quod, cum suam doctrinam plusquam in centum articulis damnatam perspiciat, atque eam mordicus semper sustinere decreverit, idque scriptis & typis passim evulget, tamen plusquam seculo integro se contineat in Ecclesiæ sinu, & nescio quâ pietatis, submissionis, rigoris specie, aliisque dolis, machinis, fallaciis ac præstigiis fascinet oculos etiam non prorsus imperitorum, atque utinam populi tantum, & non Magistratum ac Principum? Quænam, amabo, Hæreticorum in Secta tamdiu Ecclesiæ adhæsit, blandita est, illusa? Neque difficile foret fidem facere, quod fere quidquid dolorum & fraudum per omnes alias Sectas dispersum fuit, nova Secta simul collectum, nec levibus cumulatam auctariis in praxim redigat. Si adhuc dubitas, percurrere omnium hæresum fraudes, quas collegit Franciscus Simonis. Nemo est rerum, quæ à novis Theologis

gestæ sunt, utcumque gnarus, qui in singulis illic fraudibus velut in speculo, novam Sectam non contempletur. Idem & ego censeo, inquit Venantius.

Baccalaureus autem ratus hæc ultro citroque dici ad sui ludibrium, infremuit, & diuturnioris silentii impatiens; quid, inquebat, oratio vestra in hisce luxuriat? *Fallitur vehementer*, ut Eximius Dominus ac Magister meus Hennebellus affirmat, *bonus ille Pater Joannes de Palazol*. Plura Baccalaureum proloqui non sinebat ira, quam animo conceperat maximam.

Porro hunc perquam modestè affatus est Venantius hoc pacto: Mi Domine Baccalauree, non adeò vecors est P. de Palazol, ut arbitretur, *inverecundâ tantum opus esse accusandi licentiâ*: novit ipse, quibus id proprium sit, & spero te quoque id intellecturum ex hac nostra dissertatione. Scimus probationibus legitimis opus esse ut persuadeamus adversarios Romæ *sensum suum dissimulasse*, neque probationes ejusmodi prætermittit ille Pater, præsertim §. 5. ubi enormes Pontificiarum Constitutionum contemptus magnâ accuratione ex recentioribus producit; & tamen quot artibus Romæ inculcatur; nullam esse in Ecclesia novam Sectam, nisi in Jesuitarum cerebro, nullos Theologos legitimè de Jansenismo, Bajanismò, aut ejusmodi novitatibus suspectos, nullum periculum, quod Ecclesiæ ab iis imminere jam pridem denuntiarunt omnes Episcopi Belgæ, septem ordinum Provinciales, & non pauci nec infirmi inter Lovanienses S. Theologiæ Professores etiam Academici.

Notum Romæ est, addebat idem Venantius, & quibusdam Eminentissimis Patribus exhibitum scriptum quoddam typis editum, cui titulus "*specimen doctrinæ traditæ ab a. 1691. ad usque annum 1696. inclusive*;" illic & absurdissima leguntur & fidelissimè citata; primò de resuscitata & summopere laudata universa doctrina Michaëlis Baii contra Bullas Pii V., Gregorii XIII., & Urbani VIII. Secundò de pertinaciter defensâ tota doctrina Jansenii contra Constitutiones Urbani VIII., Innocentii X., & Alexandri VII. Tertiò de contemptu Constitutionis Alex-  
andri

andri VIII. & contra 31. propositiones. Quartò de pertinaci & scandalosa defensione novi Testamenti Montensis à Clemente IX. gravissima censura perstricti. Quintò de vilipensione aliorum Decretorum contra libros noxios. Sextò de promiscua lectione Scripturæ Sacræ in lingua vulgari contra prohibitionem Indicis Tridentini, autoritate Pii IV., aliorumque Pontificum confirmatam.

Non dubito, inquit Baccalaureus, quin sagax Hennebellus, *speciminis* istius exemplar Romæ viderit. Neque ego dubito, ait Venantius, idèdque miror, quod tam confidenter insultet Patri Palazol tamquam experti omnis probationis, dum plurimas eum habere non ignorat, easque meridianâ luce clariores. Illud autem, quod addit Hennebellus: "*non potuisse Theologos istos Romæ sensum suum dissimulare, res ipsa loquitur*:" facillè diffilatur, quia ab actu ad potentiam semper valida argumentatio est. *Sextus*, quidem, *annus est, ex quo Romæ*, ut idem Doctor gloriatur, *causam suam agunt per Doctorem Hennebel*. Sed quinam illi? Agedum, Domine Baccalauree, illos nobis pande. Nihil est quod scire tam intoleranter desiderem, ut abhinc diebus aliquot indicabam Ariovisto.

Sed Baccalaureus tantum quinque nominavit, nempe Gummarum Huygens, Guilielmum vande Nessè, Baerts, Baxs, Geet. Quibus auditis, dicit Ariovistus: nihil affers novi: nam hos quinque viros ante scivimus nominatos in Commissione Hennebello data. Et quod animadvertendum est, ex his solus primus Theologiæ Doctor est; nullus Professor publicus, nullus qui in Theologia vel controversiis aliquid unquam scripsit præter solum primum, cujus *Methodus remittendi & retinendi peccata* ab Inquisitione Hispanica gravibus censuris notata est, Compendium Theologicum Romæ prohibitum, uti & quædam ejus Theses. Quare huic soli videbatur opus esse, ut ejus causam Hennebellus ageret. Alii qui antea vix noti erant, capita quodammodo factionis videri voluerunt committendo Hennebello & commissioni subscribendo *suo & plurimorum aliorum* sed innominatorum *nomine*, nisi quod dicantur esse *Lovanien-*  
ses,

*ses, Bruxellenses, Mechlinienses, Antverpienses, Gandenses*: quinam innominati illi sint, dic nobis, Domine Baccalauree. Hoc est quod scire cupimus & quod inquiri curabit Juncta, si hæc impetretur, uti & quinam sint illi Autores & distributores tot novarum quotidie librorum anonymorum, qui Belgium implent & pessumdant. Numquid horum Patroni saltem indirectè sunt & Ecclesiæ præfertim Belgicæ & seculari quoque statui perquam perniciosi, qui tantum malum Præsules Ecclesiæ celari volunt, & inculcando quod malum in Belgio nullum sit, impediunt, ne remedia efficacia adhibeantur. Cum, ut observat Pallavicinus lib. 14. cap. 25. ubi de Luthero: "*homines distenti negotiis, adeoque Principes lubenter inducant in animum id, quod ipsos curarum molestia... liberat.*"

Desinat itaque Hennebellus, pergebat Ariovistus, verbis ambiguis ludere. Quosnam per Theologos suos, *quorum partes agit*, intelligat, cum ipse non explicet, non est nostrum examinare operosius, neque, etiam divinare lubet. Interea Societatis Generalis & P. Palazol contra librorum perniciosorum Autores potissimum agunt, sive pro suis eos Hennebellus agnoscat sive non; Agunt autem contra Hennebellum quoque, quatenus Decreta Regia calumniando & quantum in se fuit, subvertendo, omnium novatorum patronum ac defensorem se præstitit, & quidem adversus legitimum Principem atque omnes Belgii Episcopos, quorum precibus & informationibus fuerant obtemperata: sic verè omnium, quos hi insectantur, causam sustinet, quidquid alibi dicat, se libellos anonymos eorumque Autores pro suis non agnoscere.

Ariovisto hæc dicenti Venantius applausit, ac dein conversus ad Baccalaureum, quid est, inquebat, quod in hoc Ariovisti sermone castigari queat? Aut ergo Hennebellus desinat *similes libros & Autores* contra Regem ac Episcopos defendere, aut patiatur se inter eorum fautores non infimo loco numerari. Interim bonus Baccalaureus partes sese in omnes versabat, ut inveniret aliquid quod ad hæc omnia responderet. Tandem sic dicebat; quidquid hæcenus attulistis, solvit ipse Hennebellus, inquitens supra: "Erit qui credat, quod ipsa Apostolica Sedes tanto tempore

„tempore dissimulationem, Ecclesiæ & statui tamper-  
 „niciosam, sibi que injuriosissimam tolerarit? Qua  
 „enim de re agitur? utique de gravissima, & quæ Apo-  
 „stolicam Sedem proximè tangit: quæstio enim est,  
 „an præfati Theologi circa Pontificias Constitutiones  
 „Innocentii X. & Alexandri VII. sensum suum dissimu-  
 „larint.”

Risit Venantius dixitque: ô Patheticam Hennebelli  
 exclamationem! sed quid ista conficit? credisne tu Do-  
 mine Baccalauree, Pelagium & quidem postquam ab  
 Innocentio, ejusque decessore & Africanis Conciliis dam-  
 natus fuerat non exiguo tempore illussisse Zozimo Pon-  
 tifici? Dissimulatio ejus & ficta obedientiæ professio  
 planè similis erat isti, quâ quidam erga S. Sedem Apo-  
 stolicam utuntur hoc tempore: fidei suæ confessionem  
 his conceperat hæreticus terminis, qui doctrinæ ortho-  
 doxæ apprimè congruerent in sensu obvio, hæreticum  
 vero dolosiùs occultarent. Articulos sic concludebat: ”  
 „Hæc est fides, Papa beatissime, quam in Ecclesia Catho-  
 „lica didicimus, quamque semper tenuimus, in qua si  
 „minus peritè aut parum caute aliquid fortè positum sit;  
 „emendari cupimus à te, qui Petri & Sedem & Fidem  
 „tenes: sin autem hæc nostra confessio Apostolatus tui  
 „judicio comprobatur, quicumque me maculare vo-  
 „luerit, se imperitum vel malevolum, vel etiam non  
 „Catholicum, non me hæreticum comprobabit.” Hæc  
 Pontifex intelligens non continuit se præ gaudio, nec  
 moratus est quin ad Africanos Episcopos statim scribe-  
 ret, ut eis eximere niteretur sinistram, quam de Pela-  
 gii fide opinionem ante conceperant. ” Litteras, inquit,  
 „suas Pelagius purgationem continentes abundantissimè  
 „misi. .... Utinam ullus vestrum, dilectissimi Fratres,  
 „recitationi litterarum interesse potuisset! quod Sancto-  
 „rum Virorum qui aderant gaudium fuit? Quæ admi-  
 „ratio singulorum? Vix fletu quidem se & lacrymis  
 „temperabant. Tales etiam absolutæ fidei infamari po-  
 „tuisse? Estne ullus locus, in quo Dei gratia vel adju-  
 „torium prætermisum sit? ” Tandem ab eodem Pon-  
 tifice detectâ fraude Pelagius iteratâ sententiâ condem-  
 natus

natus est. Credisne Wicleffum, ubi malè cœperat audire in Anglia, ea scripsisse ad Urbanum VI. Pontificem, quibus ad sincerissimæ obedientiæ professionem nihil deesset? "Gaudeo, inquiebat, planè detegere cui, cumque fidem meam, & specialiter Romano Pontifici, quia suppono, quod si sit orthodoxa, ipse fidem meam humiliter confirmabit: &, si sit erronea, emendabit. . . . Volo humiliter etiam per mortem, si oportet, emendari, & si in personâ propria ad votum poterô laborare, vellem præsentiam Romani Pontificis humiliter visitare: " Credisne Lutherum Thesium suarum analysim inscripsisse Leoni Pontifici? " Hic verò, Beatissime Pater, inquit, prostratum me pedibus tuæ Beatitudinis offero, cum omniibus, quæ sum & habeo. Vivifica, occide, voca, revoca, approba, reproba, ut placuerit. Vocem tuam, vocem Christi in te præsentis & loquentis agnoscam. Si mortem merui, mortem non recusabo."

Ariovisto autem visum fuit exemplum adungere multo recentius, credisne, inquiebat, quod Michaël Molinos plus quam *sex annis* spurcissimam suam hæresim sub pietatis specie velaverit? Nondum omnes, bone Baccalauree, occubuere soles, & futurum certo confidimus ut adversariorum hypocrisis non solum in Belgio, sed etiam Romæ aliquando detegatur: illuc fortè conferre aliquid poterunt nuperæ Epistolæ Religiosissimi & pro Fide Catholica, quam ad infideles propugnaturus tendit, zelosissimi Antistitis Ancyranî. Sic ex Belgio Hollandico ad amicum Romam Italicè scripsit die 6. Nov. 1697. "Commendo Dominationi Vestræ maledictam illam Jansenismi radicem, quæ per hæc Provincias nimium propagata est. Hanc ob causam, velim Pontificem adeas meo nomine, atque dicas, me tamquam Ecclesiæ filium, quamvis indignum, jurare; quod eò malum excreverit, ut quando extirpare illud voluerit, futurum non sit ut possit. Tres modo menses sunt, cum dego in his Belgii Provinciis: egi cum personis nullo ductis partium studio aut passione; egi cum omnibus Legatis Catholicis, & cum

Christia-

„Christianis hujus Regionis maximè zelosis: omnes autem uno ore proclamant, tolle tolle.... Romæ videri, volunt zelosi Catholici, negant quod hîc prædicant, atque divulgant. Dic istud meo nomine Pontifici & „Cardinalibus quibus judicaveris convenire: Non se „decipi sinant: Sunt enim ex eorum numero, qui veniunt in vestimentis ovium, intrinsecus autem sunt „lupi rapaces: sufficiunt hæc, ut conscientiam meam „exonerem, Dominationis autem Vestræ obligem.”

Ita scripsisse Ancyranum adhuc audiui ex aliis, ait Baccalaureus. Sed illum malè à quibusdam edoctum arbitror. Nam demus tantisper Jansenianam hæresim non esse merum phantasma; unde obsecro, hæc irrepit in Missionem Hollandicam? Non ab his, inquit Ariovistus, qui Romæ studuerunt in Collegio de Propaganda Fide, aut in Academia Colonienfi, ubi quid Bajus, quid Jansenius docuerint, vix auditur: non ergo apparet unde ejusmodi merces in hanc Missionem invehi potuerint, nisi ex tua Academia Lovaniensi maximè vicina, & ex qua veluti ex equo Troiano maxima Missionariorum turba hoc tempore egreditur. Atque de his præcipuam querelam esse accipio. Et quid mirum? In Hollandia multo tutius, majori successu & plausu diffunditur quidquid haustum fuit alibi & tantisper premi oportuit silentio. *Sola hæc hæresis est*, scribebat olim Hieronymus ad Ctesiphontem, ” quæ publicè crubescit loqui, quod se- „cretò docere non metuit: Magistrorum silentia profert ra- „bies discipulorum, quod audierunt in cubiculis, in te- „stis prædicant, ut si placuerit auditoribus quod dixerint, „referatur ad gloriam Magistrorum; si displicuerit, culpa „sit discipuli, non Magistri: idèd crevit vestra hæresis & „decepit plurimos..... qui semper docetis, quod negatis.”

Hic miser Baccalaureus, quò sese verteret nesciebat: neque enim carissimam sibi factionem deserere ullo pacto volebat, neque in Ariovistum & Venantium audebat invehi acerbius, propterea quod non desperaret de opulento ab iis sacerdotio obtinendo. Dum pendet animi, venit ipsi in mentem illius parcemiæ *Medio tutissimus ibis*. Igitur interrogavit dumtaxat & satis timidè,

timidè, an possent appositione aliquot exemplorum ostendere factionem illam *semper docere quod semper negat*. Imo verò, respondet Ariovistus, & de re quidem, quam Hennebellus confitetur esse "*gravissimam & quæ Apostolicam Sedem proximè tangit, videlicet de Constitutionibus Apostolicis*." De his quemcumque Romæ interrogaveris, imò & in Belgio, saltem publicè sive in iis circumstantiis, in quibus castigatio vel offensio metuenda Novatori est, respondebit se admittere & revereri Constitutiones omnes Apostolicas & Decreta, sive libros feriant sive sententias: sed quid revera iidem illi sentiant, quid loquantur, ubi tutis loqui licet, quid scribant & typis divulgent tacito vel mutato nomine, planum fit ex iis quæ improbo labore ex variis illorum scriptis aliquando collegi, & digessi in ordinem. Habeo autem ea penes me, & tibi prælegam.

Primò, de Constitutionibus Pii V. adversus propositiones 79. Baii & quorundam aliorum hæreticas, & aliis respective censuris notatas, Autor editionis operum Baii cum notis & vindiciis an. 1696. parte 2. pag. 233. "Ani-  
 „advertendum, inquit, nihilominus primò quod illi  
 „delatores & impostores suis fraudibus ac mendaciis  
 „Pium V. ita circumvenerunt, ut tandem ab eo censu-  
 „ram ac diploma adversus has sententias extorserint,  
 „Michaëli Baio non solum inaudito, nec vocato, sed  
 „nulla quæ sciatur nisi levissimâ institutâ disquisitione &  
 „absque librorum Michaëlis Baii examine, quos si vel  
 „aperuissent fraudem delatorum comperissent & nequi-  
 „tiam." Sic olim, Venantius interpellat Autor, Apolo-  
 „giæ pro Petro Abailardo, "damnatur, pro dolor! absens  
 „inauditus & non convictus. Quid dicam? Quidve non  
 „dicam? .... Cujus unquam, JESU bone, culpa tam  
 „cæcos habuit Judices, ut non utrimque causæ latera  
 „ventilarent? .... Isti clausis oculis palpant negotium,  
 „& quasi oculati rerum cognitores, arcu iniquitatis in-  
 „tento, toxicum subito jaculantur." Querela hæc, ait  
 Ariovistus propria reorum est, præsertim hæreticorum,  
 ut cernere est etiam in multis aliis, nominatim in Lu-  
 thero, qui ubi Leonis X. Constitutione afflictos sensit  
 errores



errores suos, negavit in ea servatum esse stylum & processum Romanæ Curiae, afferuitque "verosimillimum, esse, hanc prolem esse monstri illius Joannis Eckii, hominis ex mendaciis, simulationibus, erroribus, hæresibus confusi & confuti." Sed in gratiam Domini Baccalaurei prosequamur audite recentiorum nostrum Baii contra Pii V. Bullam audacissimum defensorem. Eadem parte secundâ & eadem pag. 233. sic habet: "Animadvertendum secundò hac Pii V. Bullâ articulos, in quibus vix aliquis pravus sensus potest deprehendi, & qui intellectum fidei ac Catholicæ S. Augustini doctrinæ planè consentaneum præ se ferunt, nundè ac simpliciter proscribi in multam Sedis Apostolicæ injuriam, & grave omnium eruditorum scandalum. pag. 234." Ex quibus æquiores arbitri deducunt, non inutilem modò, sed fovendis & augendis, quàm sedandis ac componendis contentionibus aptiorem, imo magis in Catholicæ veritatis perniciem, quàm in errorum extirpationem latam arbitrantur esse censuram, hanc &c."

Secundò, de Bullis Gregorii XIII. & Urbani VIII. superiorem Pii V. confirmantibus: Ignatius Eykeboom in Adumbrata Ecclesiæ Romanæ defensione an. 1696. pag. 17. "in eo, ait, falsus est ac fallit (*adversarius*) quod à Gregorio XIII. in prædicta Bulla confirmatam, assleverat Pii V. Bullam, rursusque damnatos articulos, qui in Piana notati sunt: scimus quidem ipsam Urbani VIII. Bullam id declarasse...verum id malis artibus Jesuitarum, Urbani VIII. Bullæ ab Albizio eorum cliente insertum; imo nemo est eruditorum, qui dubitat, &c." Sic ubi quælibet nefanda contra Pii V. Bullam effutisset pag. 20. subjungit: "hoc est eruditorum inter Catholicos de Piana Constitutione judicium."

Tertiò, de Bullis Urbani VIII., Innocentii X. & Alexandri VII. contra doctrinam Jansenii Eugenius de Gelder Brugensis an. 1689. in ultima voce zelatricis innocentiae pag. 30. "An autem Summi Pontifices in causa Jansenii fuerint decepti, facti quæstio est, quæ ex deceptorum confessione vel ex aliis exterioribus probationibus verè dependet. Quod Urbanus VIII. fuerit de-

„deceptus patet ex propria ipsius Bullas. *Ibid*: quod Innocentius X. fuerit deceptus ad oculum demonstratur: pag. 31. quod Alexander VII. fuerit deceptus ex eo, constat quod liber Jansenii numquam Romæ ritè fuerit examinatus & quod prima propositio à qua ceteræ dependent... sit Catholicissima: "prima autem propositio est hæc; " aliqua Dei præcepta hominibus justis violentibus & conantibus secundum præsentēs, quas habent vires sunt impossibilia: deest quoque illis gratia, qua possibilia fiant. " Autor qui se vocat Priorem Sancti Martini an. 1691. in sua *Morali laxiore*, contra Archiepiscopum Mechliniensem pag. 61. " si hæreticus est, *inquit*, qui asserit sensum (*primæ propositionis Jansenii*) esse Catholicum, oportet doctrinam, S. Augustini & D. Thomæ etiam esse hæreticam. *Idem* pag. 70. " his qui veram Jansenii historiam nobis descripturi sunt, illorum factorum relinquo declarandam veritatem, & demonstrandum librum Jansenii neque sub Urbano VIII. neque sub Innocentio X. neque sub Alexandro VII. ritè fuisse examinatum " Reflexiones religionis & status an. 1692. pag. 16. " si igitur Alexander Papa VII. paucis antè annis declaraverit 5. propositiones ex Jansenii libro excerptas, easque in sensu Autoris fuisse condemnatas: & si Formulæ consecrerit in quo factum illud expressum erat, apparet satis, ejus successoris credidisse, cum hanc declarationem & hoc Formulæ non nisi per subreptionem fecisse, " quia nempe in Jansenianæ doctrinæ defensores non ubique inquiri iusserunt Pontifices, ut eos punirent, censentur doctrinam illam duxisse non improbabilem. Ita Sedis Apostolicæ benignitate abutuntur, quos non incongruè S. Ignatii Martyris satellitibus, sive ut ait " *Leopardis comparēs, quibus cum bene feceris, pejores fiunt.* " "

Quartò, de Innocentii XI. Constitutione adversus propositiones Michaëlis Molinos scribentem vidimus Eugenium de Gelder in ultima voce zelatricis innocentie pag. 115. " quod Jesuitæ per condemnationem Molinos & præsentis ejus doctrinæ videantur voluisse eliminare illud parum quod restabat supernaturalis operationis spiritus Dei vivificantis. Quin-

Quintò, De Decreto Alexandri VIII. contra propositiones 31. hæreticas, schismaticas & aliis respectivè censuris proscriptas, Le Prêtre Abbas Frigidæ Vallis in quæstione juris Pontificii an. 1693. pag. 12. " Decretum, „inquit, de quo hic disputatur est obreptitium. pag. 9. „Decretum de quo hic agitur est per se injustum. Pag. „5. est ipso jure nullum. " Autor difficultatum propositarum Domino Steyaert an. 1692. parte 9. pag. 292. „facillimum fuit post 40. annos procurare condemnationem hujus 31. propositionis ut temerariæ, Bulla „Urbani VIII. in eminenti est subreptitia, & vel hoc „argumentum est, ut dixi, Decretum quod hanc propositionem condemnavit, ut subreptitium esse amandandum. "

Profectò, inquit Venantius, nunquam existimaveram tam multa in hanc sententiam proferri posse. Quod si, Ariovistus reponit, desideres magis generalia, & hæc habeo in hunc commentariolum relata. Epistola Ecclesiastici de mente S. Augustini circa auctoritatem Pontificis impressa an. 1687. pag. 1. sic habet " Decreta Romana plerumque conduntur sine debita cognitione „causæ & per factionem. " Litteræ Abbatis ad quemdam Romanæ Curie Prælatum an. 1691. pag. 30. " certum est Decreta Civilia magis justa esse quam Decreta „Curie Romanæ. " Rursus Autor Epistolæ de auctoritate S. Augustini pag. 1. " Pontifex in Decretis Romanæ Curie modicam aut nullam habet partem: " superaddit Abbas proximè citatus in suis litteris pag. 31. " sat notum esse quàm parum Pontifex comparatus „sit, ut multum ad illa conferat: *Ibid.* maxima pars Cardinalium & Theologorum " qui adhibentur ad censurandas propositiones, " nihil intelligit. *Idem* pag. 43. „Censores Romani exiguum habent antiquitatis notitiam, imo sæpè ignorant, quod in Theologis est optimum. " Gravius in eos insurgit Autor Epistolæ de mente S. Augustini pag. 29. " plerique Censores „laxis opinionibus addicti sunt & purioris ethicæ adversarii. *Ibid.* laxioris ethicæ & perversæ doctrinæ propugnatores subsidium & patrocinium inveniunt in Roma-

„nis Tribunalibus, ubi deberent proſcribi & condem-  
 „nari. *Idem pag. 1.* unum Decretum indicis, una teria  
 „V. imo una teria IV. eripit nobis libros optimos & ſa-  
 „luberrimus. p. 29. optimi libri in maximo periculo ſunt ne  
 „centſurentur.” Autor difficultatum propoſitarum Domi-  
 „no Steyart pag. 9. p. 46. ” Hoc igitur exemplum inviſtè  
 „probat eſſe quaſdam librorum prohibitiones quas  
 „noxium foret obſervare.” Superſedeo reliquis, quæ ſi  
 enumerare voluero, oportebit illadem in nūcem inclu-  
 dere. Domine Baccalauree, dic mihi, noſtine vel unum  
 præter Eugenium de Gelder nunc vitâ functum, qui ta-  
 lis ſeu Romæ ſeu alibi, ubi conveniri, & caſtigari poteſt,  
 vult apparere, qualis eſt? nunquid omnes in publico,  
 præſertim Romæ, videri ardent Conſtitutionum Apo-  
 ſtolicarum plurimùm reverentes obſervantesque? Vides  
 itaque, quod *bonus ille Paſtor*, ut per contemptum eum  
 Hennebellus vocat, non *inverecundâ licentiâ*, ſed firmis  
 manifeſtiſque probationibus nitatur, dum arguit iſtorum  
 Novatorum maximè fraudulentum ſpiritum & alia ſi-  
 mulantem in publico, alia in oeculto ſeminantem.

Sed quidni potius tranſimus, ait Arioviſtus, ad lo-  
 cum illum ubi Hennebellus conqueritur de ” Archie-  
 „piſcopo Mechlinienſi *quod* contra Theologos ſuos com-  
 „movere nitatur omnes Belgii Episcopos, omnes mun-  
 „di Poſteſtates, omnes Regulares ſed propriè Patres So-  
 „cietatis Jeſu?” Baccalaureus reſpondet: ſcio Arioviſte,  
 quorſum iſta evadant. Vis dicere, quòd ille Archipræ-  
 ſul concitetur potiùs ab aliis, nempe à Jeſuitis. Quam  
 propè, inquit Arioviſtus, rem acu tetigeras! Non ego  
 iſtud dico, ſed dicunt Hennebelliani illi Theologi in  
 famoſo Memoriali, quod contra Decreta Regia à duo-  
 bus annis & medio obtulerunt Statibus Brabantie, ubi  
 ita declarant §. 6. ” Si hi Theologi in caſu præſenti co-  
 „gantur declinare iudicium Archiepiſcopi Mechlinien-  
 „ſis, erga quem ſemper conſervabunt ſpiritum reveren-  
 „tiæ & obedientiæ in omnibus, non id facient, niſi  
 „ſummam ſibi vim inferendo, ſed quandoquidem ſum-  
 „mo ſuo luſtu videant inimicos ſuos eum quodammo-  
 „do obſidere; ab eo præcipuè audiri & æſtimari &c.”

Ibi-

Ibidem deplorant, quod se ita sinat eorundem consiliis suggestionibusque contra tam sanctos Theologos præveniri & concitari. Alibi apertius omnia, quæ Archiepiscopus contra prætenfos Jansenistas agit, tribuuntur Jesuitis; hic autem " Archiepiscopus omnes præcipuè Jesuitas nititur contra illos Theologos commovere, vere. " Secundum Abbatem Du Manoir Archiepiscopus nimis duci & concitari se finit à Martino Steyart Doctore & Vicario Apostolico Silvæducenti : huic alii subindè addunt alios ; nunc ab Domino Hennebello omnes liberantur invidiâ, quæ in solum Archiepiscopum conjicitur. Vide quàm præclare hic Hennebellus cum suis Theologis consentiat. Dominus Baccalauree, an inter omnes mundi Potestates quas ex Hennebelli judicio Archiepiscopus contra Theologos istos nititur commovere, non est Turcarum Imperator? Quæ istæ quæstio est? Respondit Baccalaureus. Tum Ariovistus subdit : non legisti, ut conjicio, quæ Gregales tui scripserunt à quinquennio in Monitis Politicis pag. 8. num. 12. " Archiepiscopus, inquit, suis & Jesuitarum artibus omnes Potestates, etiam iniunicum communem in suas partes pertraxit. "

Baccalaureus captum se videns, hic nil aliud respondit, quàm ; Nunquam tibi, Arioviste, deerunt sales, facetiæ aut lepores. At quid dices ad rationes alias quas ad probandam prætenforum Jansenistarum innocentiam atque integritatem subnexuit idem Doctor Hennebellus, & quibus ait nihil cogitari posse convenientius. Primò, inquit, " sanè, suum circa Constitutiones illas " ( Pontificias ac præcipuè Innocentii X. & Alexandri VII. ) " sensum dissimulasse dici non potest qui semper palam professus est, se summa cum veneratione amplecti " Brevia Apostolica ad Belgii Episcopos missa " quibus constitutiones Innocentii X. & Alexandri VII. confirmantur : " atqui quotidie tam suo, quàm Theologorum, quorum partes agit, nomine palam hæc profertur Doctor Hennebel coram Sede Apostolica. Secundo, sed & ipsi Belgii Episcopi fateri coguntur, neminem se hætenus in Diocesisibus suis reperisse, qui non sit paratissimus Formulario Alexandri subscribere

„juxta modum ac normam Brevibus Apostolicis præ-  
 „scriptam: Tertio, si neque Patri Palazol neque Re-  
 „verendissimo Patri Thyrso hæc sufficiant, ut nostram  
 „in præfatas Constitutiones observantiam testemur, jam  
 „saltem facere incipiant quod hætenus non fecerunt,  
 „apud Apostolicam Sedem agant; coram illa fraudes,  
 „artēs, dissimulationesque nostras ostendant, ego verò  
 „spondeo quòd, si iis auditis, disertius aliquid præscri-  
 „bendum nobis censuerit Sedes Apostolica, quàm  
 „promptissimè obsequemur ita ut non Apostolicæ Sedi  
 „tantùm, sed etiam insipientibus & sapientibus satisfa-  
 „ciamus: ”

Hæc affert Hennebellus, non eo inficias, inquit Ario-  
 vistus. Quid, quod ei ultro concedam esse hoc tempore  
 neminem qui publicè interrogatus Brevia ad Belgii Epis-  
 copos missa non suscipiat, & ubi opus fuerit sive ad conse-  
 quendum beneficium sive ad amoliendam à se fidei non  
 sanæ suspensionem, non sit juraturus in Formulare Alex-  
 andri VII. verùm putasne hinc consequens esse ut om-  
 nes sensum quoad Constitutiones Pontificias sincerè ape-  
 riant suum? ut omnes earum reverentes sint atque ob-  
 servantes? Cæcus sit qui ex allatis superius specimini-  
 bus non facilè videat contrarium. Atque hæc minima,  
 ut nosti, pars est eorum quæ proferri possent & qui-  
 dem satis recentia.

Tum Baccalaureus dixit: Martinus du Chesne in Præ-  
 fatione ad disquisitiones duas ” *de gratuita prædestinatione*  
*& gratia se ipsa efficaci* ” anno 1697. non modò suscipit  
 Apostolica illa Brevia, sed etiam laudum præconiis ef-  
 fert quantis potest maximis. Novi, ait Ariovistus, & cum  
 eum librum penes se haberet, en tibi ipsius textum, in-  
 quiebat, quo ibi alloquitur supremos fidei Quæsitores.  
 „Quanto, inquit, zelo Eminentiae Vestræ allaborent in  
 „illis comprimendis qui Theologos, quorum unum  
 „crimen est se S. Augustini profiteri discipulos, & ve-  
 „ræ Christi gratiæ vindices, calumniis opprimere, & viis  
 „omnibus persequi, ducunt Religioni, jam toti pæne  
 „orbi Christiano innotuit ex novissimis S. Sedis Decretis  
 „ac Brevibus ad Episcopos Belgii & ad Academiam  
 Lova-

„Lovaniensem. *Tum dicit* ea summo omnium pacem  
 „amantium applausu & gratulatione esse recepta: ” Ta-  
 „men non omne aurum, quod hic micat: etenim quàm  
 „idem ille Theologus cum suis reveretur & observet  
 „Constitutiones Apostolicas, liquidò constat ex eadem  
 „præfatione in qua disertis terminis ita loquitur contra  
 „Bullas Pii V. Gregorii XIII. & Urbani VIII. ” obrep-  
 „tionis vitia quæ in Pontificiis quibusdam diplomatibus,  
 „unde Ecclesiæ hostes sua adversus eam arma conflant  
 „occurrere, nemo negare potest, qui ejusmodi disputatio-  
 „num novit historiam: quamdiu enim censuræ in Baium  
 „lata, quem Catholicum S. Augustini intellectum, circa  
 „proscriptos articulos tradidisse nemo cordatus & in Au-  
 „gustino versatus potest inficiari, ceu legitima absque ul-  
 „la subreptionis nota, ritèque promulgata Ecclesiæ Ro-  
 „manæ judicia habebuntur; tamdiu argumentatione hac,  
 „ut ipsis videtur inexpugnabili, omnes Ecclesiæ vindices  
 „prement: Romana Ecclesia Michaëlis Baii sententiam  
 „reprobavit ac proscripsit.... ergo Ecclesia Romana sen-  
 „sum Michaëlis Baii reprobando Catholicam S. Augusti-  
 „ni doctrinam reprobavit.” Contra quam Calvinistarum  
 „argumentationem ait rectè processisse eum, qui notas  
 „nuper edidit in Baii opera, rejiciendo Bullas illas Pon-  
 „tificias: ” Ut hanc, adjungit, calvinianorum argumen-  
 „tationem funditus everteret, is qui Baii opera collegit,  
 „nihil illi fortius, brevius ac tutius visum est, quam  
 „confiteri ac ostendere, quomodo ejusmodi censuræ  
 „non habendæ sint ceu Romanæ Ecclesiæ judicia, cum  
 „falsis suggestionibus aliisque artibus obtentas, nec us-  
 „quam ritè promulgatas fuisse certum testatumque fa-  
 „ciat fides & accurata ejusmodi contentionum narratio:  
 „satiùs enim existimavit certos confiteri ejusmodi cen-  
 „surarum defectus, quàm illas quantumvis minus le-  
 „gitimas defendendo, Romanam Ecclesiam blasphemis  
 „hæreticorum convitiis dimittere deturpandam & dila-  
 „cerandam. *Ibidem.* Nonne magis extra omnem pro-  
 „scriptionis aleam positus esse debet, qui ut ipsammet  
 „Ecclesiam vindicet, subreptum confitetur Pontifici qui  
 „in 76. articulos tulit censuram?” Deinde pag. 48. &

49. Cornelium Jansenium inter præclaros divinæ Gratiæ vindices, ejusque famosum opus *Augustinus* appellatum & *parallelum* approbat, ac plurimas alias Constitutiones Pontificias apertè transgreditur. Et is tamen, inquit Venantius, initio præfationis recipit & extollit "De creta ac Brevia ad Episcopos Belgii & ad Academiam Lovaniensem." O hypocrisim non ferendam!

Posthæc Ariovistus obtulit librum Baccalaureo. At illo renuente accipere, accepit Venantius, qui dum librum pervolveret curiosiùs, sic Ariovistus prosequetur. Abbas du Manoir eadem anno 1697. librum scripsit cui titulus "Defensio duorum Brevium Sanctissimi Domini Nostri Innocentii XII. ad Episcopos Belgii." Potestne quis clarius non reverentiam modò, sed & zelum erga Sedis Apostolicæ auctoritatem in speciem ostendere? Videamus autem quomodo Constitutionem Alexandri VII. in Brevibus illis disertè confirmatam tueatur. pag. 105. "En totum, inquit, mysterium istarum vocum INIQUITATIS FILII" quæ habentur in Constitutione Alexandri VII. "Ad sacram, & quarum tam frequens & tanta cum ostentatione usus est, quæque aliud non probant, quam fuisse illo tempore æquè ac modò enormes calumniatores, & quæstionis statum falsis relationibus involutum & sepultum sub calumnia, expositum fuisse magna cum infidelitate, vel ignorantia iis, qui de illo deberent esse præ ceteris omnibus instructissimi." Ibidem alloquens Martinum Steyart Doctorem Lovaniensem & Dioceseos Silvæducensis Vicarium Apostolicum, "vide, inquit, quâ conscientia, quo fundamento, quâ cordis dispositione ausus fueris scribere in Thesi anni 1692., 26. Jul. hæc verba, furoris plena, filii iniquitatis non pridem judicio Alexandri VII. fuerunt & irrevocabiliter erunt, qui iudicia S. Sedis circa sensum Jansenii non acquiescent: proinde dum noti sunt ad munia nulla Ecclesiastica admitti possunt." Contendit scilicet Abbas contra Vicarium Apostolicum, imo potiùs contra Alexandrum VII. quod qui universam Jansenii doctrinam defendunt, non propterea sint filii iniquitatis, licet Alexander VII. id declararit.

Domi-



Dominus Germain in Defensione Ecclesiæ Romanæ & Summorum Pontificum contra Leydeckerum edita an. 1696. cum approbatione, ut præfertur, Domini Joannis le Beau examinitoris Synodalis Leodjensis, totus est in extollendo & explicando primo Brevi Innocentii XII. ad Belgii Episcopos & pag. quidem 143. explicandum suscipit hanc partem Bullæ Alexandri VII.

„quinque illas propositiones ex libro præmemorati Cornelii Jansenii Episcopi Iprensis cui titulus est Augustinus, excerptas, ac in sensu ob eo Cornelio Jansenio intento damnatas fuisse definimus & declaramus, & uti tales, inustâ scilicet eâdem singulis notâ, quæ in prædicta declaratione & definitione unicuique illarum sigillatim inuritur, iterum damnamus.” Ad hanc partem, quantum attinet ad excerptiorem propositionum ex libro Jansenii, & ad damnationes in sensu illic intento, ita cavillatur Dominus Germain hoc loco, „quem- admodum hæ non sunt propositiones nisi imperfectæ, sive non adeò considerantur ut propositiones Pontificis, quàm ut propositiones quas conceperat ante suum Pontificatum, quando tempore Innocentii X. Romæ passim attribuebantur 5. propositiones Jansenio, quàmvis ejus liber illic non fuerit examinatus, sed solum fides habita relationi & extractis quibusdam ejus adversariorum... definitio Pontificis non afficit propositiones illas incidentes.” Et pag. 202. supponimus quod ipsi Pontifices in examine facti doctrinalis, „an liber Jansenii contineat propositiones hæreticas, „ fuerint decepti, „quod neque Innocentio X. neque Alexandro VII. Pontifici accidit, cum certum sit eos nunquam illud examinasse. *Idem pag. 76.* verum est hunc Pontificem „( *Alexandrum VII.* ) addere particulare aliquid circa „Episcopum Iprensensem; asserit enim hujus librum, cui „titulus Augustinus, lectum fuisse cum diligentia & maturitate, quamvis non dicat lectum fuisse jussu S. Sedis, vel à quo, neque an à judicibus, an ab adversariis, an à delatoribus, an à personis indifferentibus:” Pag. 448. adoptat illud Pauli Irænæi dicentis „Summum Pontificem ex Hallerii & Jesuitarum sermonibus du-

„rius Jansenii mentem interpretatum esse & quasdam  
 „sententias Jansenianas putasse, quæ revera Jansenii non  
 „essent; ideòque in Jansenii quidem sensu propositio-  
 „nes damnare voluisse, non tamen revera damnavisse,  
 „quia verus Jansenii sensus longè diversus esset ab eo,  
 „quem tamquam Jansenii sensum proscripserat.” Illi,  
 Domine Baccalauree, sunt præcones ac defensores  
 Brevium Innocentii XII., Constitutionum Innocentii  
 X. & Alexandri VII. Illi in hæc Constitutiones jurare  
 parati sunt, illi in hoc Formulare Alexandri VII. ” Ego  
 „N. Constitutioni Apostolicæ Innocentii X. datæ die  
 „31. Maii 1653. & Constitutioni Alexandri VII. datæ  
 „16. Octob. 1656. Summorum Pontificum me subjicio,  
 „& 5. propositiones ex Cornelii Jansenii libro, cui no-  
 „men Augustinus, excerptas, & in sensu ab eodem Au-  
 „tore intento, prout illas per dictas Constitutiones Se-  
 „des Apostolica damnavit, sincero animo rejicio, ac  
 „damno, & ita juro, sic me Deus adjuvet, & hæc sancta  
 „Dei Evangelia.” Certè, dicit Venantius, multos in  
 scenam produxisti.

Nondum sunt omnes, Ariovistus reponit. Videamus  
 Jacobum Gilbert, qui Lovanio in Gallias profectus,  
 & inde redux in Belgium, Duaci lectionem Theolo-  
 gicam obtinuit. Hic cum apud nonnullos Jansenismi  
 nomine suspectus esset, de ea suspicione tamquam de  
 summa injustitia non minus graviter, quàm Dominus  
 Hennebellus in hoc scripto, questus palam est, in tract.  
 de Gratia quæst. 109. sect. 2. §. 4. ubi ait, ” oportet in  
 „memoriam revocare, quòd antequam adivi possessio-  
 „nem dignitatis, ad quam singulari Dei providentiâ  
 „nullis meis meritis evectus sum, præmiserim profes-  
 „sionem à Rege imperatam juxta Formulare contra pro-  
 „positiones condemnatas; & quod præterea Formulari  
 „addiderim me propositiones illas condemnare in om-  
 „nibus sensibus, quibus per Apostolicæ Sedis Constitu-  
 „tiones damnatæ sunt, aut deinceps damnabuntur.

His auditis quærit Baccalaureus: quonam igitur pacto  
 fieri potuit, ut is in suspensionem Jansenissimi venerit?  
 Illud ipsum est, dicit Ariovistus, quod ibidem ille Gil-  
 bertus

bertus admiratur, " cum Jansenium, inquit, numquam viderim. " Id quod de libro quidem ab omnibus intellectum fuit, non tamen sine admiratione, quandoquidem tractatus ejus totus videretur ex Jansenio compositus, sæpè ne vocibus quidem mutatis, sed fortè hic usus fuerit quadam mentis restrictione & subintellexit Jansenium hominem à se nunquam visum : nam paulo pòst inter ejus libros *Augustinus Jansenii* deprehensus est, & professoris illius tractatus de gratia hanc censuram an. 1687. Jan. 28. subiit à Doctoribus Parisiensibus ad examen istud à Rege deputatis. " Legimus dictos, quaterniones debitâ attentione, & invenimus in illis, doctrinam Jansenii Episcopi Iprensis, Constitutionibus Innocentii X. & Alexandri VII. ubique receptis damnatam, stabiliri non obscure, leviter aut paucis, sed apertè ex professo, summo studio, summâ pertinaciâ, non prætermittendo terminos contumeliosos, plenos, amaritudine & Novatorum spiritum redolentes : illic Pontificum decisiones interpretationibus chimericis, eludi, detorquendo eas in sensum peregrinum & ab eorum mente prorsus alienum : denique istud virus quo nullum potest esse scholis periculosius, adeò in scriptis istis ubique occurrere, ut impossibilis foret eorum correctio, neque contra scandala quæ scripta illa attulerunt, aliud superesse remedium, quàm claram eorum abjuratorem : quare judicavimus tolerari non posse, ut eorum Autor docere pergat, alioquin perdendam Universitatem Duacensem."

Ejus censuræ jam reminiscor, inquit Venantius; neque censurâ dissimili, Episcopus Atrebatensis, qui Duaci ordinarius est, eundem tractatum notavit, & Autorem compulit ad retractationem. Hæc porrò retractatio quam sincera fuerit, colligitur ex paulo pòst secuta ejusdem appellatione, & invectivis contra eundem suum Antistitem & Episcopum, & ex ejus Epistola ad amicum data : " Sanasti, inquit, gratiam Evangelicam JESU-CHRISTI à vulnere, quod ei Alexander VII. Constitutione sua inflixerat & cujus cicatrix nondum satis obducta est."

dicat

Dicat modò Hennebellus, inquit Ariovistus, vel dictu Domine Baccalauree, numquid valdè seriò & sincerè iste Gilbertus subscripsit Formulari? nullum tamen dubium est, quin subscribere iterum iterumque detrectaturus non sit, & Brevia ad Belgii Episcopos data non minore animi propensione amplectatur quàm tu & Hennebellus, aut quisquam alius toto Belgio. Saltem de Henrico De Swaen Lovaniensi Doctore & Hennebelli fido Achate, cujus procul dubio & præcipuè partes agit, non finimur dubitare, quin his maximè sincerè subscribere velit Formulario; uti & Gummarus Huygens de quo supra; item quin sincerè subscripserit Joannes Martinus De Hont, atque ita subscripturus sit Carolus De Bont, uterque Lovaniensis Academiae Licentiatus. Certè, subdit Baccalaureus, omnes illi ad suscipiendum Gradum juxta Universitatis præscriptum jurare debuerunt, "se  
 „5. articulos per Constitutiones Summorum Pontificum  
 „Innocentii X. & Alexandri VII. damnatos damnare,  
 „isdemque Constitutionibus Religiosam Observantiam  
 „præstare." Atque idipsum etiam Hennebellus animadvertit in his ipsis scriptis, quæ vos nunc ita carpitis & exagitat, ac si essent annales Volusi.

Habemus tamen, dicit Venantius, testimonia autentica quibus Joannes Martinus De Hont jam Gradu Academico insignitus, perhibetur dixisse *sæpè reipsa in his* Definitionibus errasse Romanos Pontifices. Pænè horret animus, Arioviste, meminisse verba quibus hanc suam mentem declaravit: "Ego, inquebat, ex mea sede  
 „loquor, sicut Pontifex ex Cathedra; ex 5. propositionibus  
 „famosis damnatis ab Innocentio X., & Alexandro  
 „VII., nullam reperire est in libro cui titulus Augustinus  
 „Jansenii." Quidquamne dici potest impudentius, aut etiam fingi? Mimico sale suam sedem æquiparat Petri Cathedræ ex qua tot funduntur falli nescia oracula. Et hic tamen sincerè subscripsit Formulario. Credite posteris. Sed veniamus ad Carolum De Bont. Ex autentico Doctoris Lovaniensis constat testimonio, quòd ille Carolus vulgaverit fabulam de exhibitis Alexandro VII. quinque propositionibus in una eademque Jansenii

nii pagina, adeòque de Pontifice decepto in condemnatione 5. propositionum, ut excerptarum ex Jansenio & damnatarum in ejusdem sensu. Hoc idem, ait Ariovistus, ausus est in schola publica effutire, ut D. Baccalaureus adhuc potest meminisse: aderat enim, neque illud *Dominus splendide mentitur* quod tunc De Bont à Doctore Augustiniano P. Clenaerts meruit audire, obliteratur tam facilè. Baccalaureus hic iterum tacere maluit quàm adversus solem loqui.

At Venantio in mentem venit Eximii Gummari Huygens: quì enim fieri poterat àlter, cum tales ac tanti Academiae Lovaniensis Heròes recenserentur? Dominus Gummarius, inquebat, quid jam rerum agitat? Certè cum ego adhuc Lovanii degèrem, Doctor ille crebrò rogatus fuit, ut saltem sine jurisjurandi Religione, E. C. in Thesi aliqua vel libello fateretur, 5. propositiones libro Jansenii contineri & ibidem sensum habere falsum & condemnatum. Numquam autem ad hujuscemodi confessionem adduci potuit. Neque jam potest, asserit Ariovistus; satis Pontificiis Constitutionibus tribuisse se putat, quando nomen Jansenii reticet, quidquid interrim ejus doctrinæ ubique maximè consentiens tradat: *Novi ego*, ait in Thesisibus an. 1693. 5. Feb. *quibus displiceat* resuscitari antiquam contentionem de sensu Cornelii Jansenii: " quod me attinet, ob Religiosam Ob-servantiam, quam illis debeo, firmiter statui ea de causa Jansenium, (idem dico de Baio) non solum in his-,,ce Thesisibus, sed & in nullis aliis ne nominare quidem."

Pace vestra, pergebat Ariovistus, hic quoque adjunxerim Dominum De Swaen, qui simili modo sæpè ab abversariis suis pressus, ut agnosceret errores aliquos damnatos contineri in libro Jansenii: respondit in Thesisibus an. 1689. mense Octobri defensis, " ad componendam ,,controversiam de gratia nihil opus est Jansenii ullatenus ,,meminisse: " ibidem ulteriorem rationem & magis sinceram mox reddit sui de Janseniano sensu silentii, " quis ,,ait, non videat periculum imminere non infundatum, ,,si propositiones famosas condemnarem in sensu ab Au-  
tore

„tore intento, ne hinc inferat aliquando (*adversarius*) „me non meam tantum, sed etiam majorum meorum „doctrinam imprudenter damnasse.” Hic est ille locus, interjecit Baccalaureus, quem isti Doctores toties adversarii objiciunt, quemque cogimur in tot Thesibus ac libellis legere. Nescio quid humanum passus fuerit vir ille, dum ista scriberet. Vir ille, inquit Ariovistus, hic mentem suam aperuit candidè. Atque haud scio, an non multo candidiùs, quam alii illi, qui rogati vellent ne jurare in Formulare Alexandri VII. prout jacet sine ulla additione vel explicatione, nolle se responderunt, paratos tamen esse qui jurent juxta sensum Brevis Innocentii XII. Hunc autem sensum ita interpretantur ut omnem Jansenii & libri ejus doctrinam integram & intactam servant. De qua cavillatione edoctus idem Innocentius, ad eandem elidendam jussit jurari in Formulam Alexandri VII. in sensu obvio, quem ipsius Formularii verba per se exhibent, neque est admittenda hæc additio *juxta mentem Innocentii XII.* cum ab eo neque Formulare, neque Constitutio Alexandri VII. in ullo apice mutata sit vel reformata, sed in omnibus confirmata & probata. Jam saltem, dicit Venantius, capti sunt ii quibus fixum est à sensu Jansenii non recedere; omne iis præcluditur effugium; nihil invenitur quo sese extricent. Utinam, Venanti, vera prædices! subdit Ariovistus. Verùm Abbas Du Manoir dicit frustra suis sibi que prohiberi hanc explicationis additionem, quia semper subintelligenda est, cum plus vice simplici protestati fuerint se hoc sensu & non alio juraturos. Sic tota illa Pontificiarum Constitutionum admissio, exterioris obedientiæ apparatus, omnis subscriptio & juramentum ab ejusmodi Theologis non refertur nisi eo, ut retineant totam doctrinam Jansenii; abdicato solo sensu imaginario quem ipsis placet vocare *obvium*, & ut ita omnes contra Jansenium Constitutiones atque ipsa Innocentii XII. Brevia, quibus Constitutiones illæ confirmantur, fucatâ specie submissionis eludant?

Quæ cum Baccalaureus audiret stupens, ut se recepit; Quid, inquit, causæ est quod talium Theologorum ad-

adversarii has fraudes non referant ad Sedem Apostolicam? Hoc videtur cupere ipse Hennebellus: nam adversarios suos hortatur, ut si quid amplius ad detegendas tales fraudes necessarium judicaverint, eidem S. Sedi proponant. Tanta est causæ fiducia. Istud Hennebelli consilium, ait Ariovistus, non abjicitur ab adversariis, & ut puto, jam dudum mandatum executioni est. At verò quidnam opportunissimum efficacissimumque futurum sit ad similes fraudes in factis potissimum consistentes adhuc detegendas clariùs, optimè discuteretur in illa *Juncta* sive Congregatione Hispanica; nec fortasse opus erit Constitutione novâ, sed tantummodo sedulâ executione earum quæ editæ nunc sunt & quæ pertinent ad Regem ejusque Ministros atque in primis Antistites. Quid enim juvat Constitutionum multiplicatio, ubi Pontificum & Congregationum autoritas adeò vilipenditur? plusne deferent Novatores centesimæ Constitutioni quàm primæ? Non equidem opinor, nisi forte obscuritatis aliquid invenire possint aut fingere in postrema, quod in alienum sensum detorquendo opponant prioribus; quasi illas mitigaret, corrigeret, retractaret in favorem Novaturientium.

Sed si Hennebellus cupiat, dicit Venantius, ut S. Sedi proponatur quidquid ad detegendas fraudes necessarium judicatum fuerit, cur movet omnem lapidem, ut illa *Juncta* impediatur? Videtur profectò metuere ne fraudes nimis aperte detegantur & conveniens deinceps adhibeatur remedium. Si remedium quod in *Juncta* approbabitur, requireret auctoritatem Pontificiam, ea interpellabitur: novit enim nullam esse in Ecclesia nationem, absit verbo invidia, reverentem magis & observantem Apostolicæ Cathedræ, quàm Hispanam. Verùm quid in Hennebelli Proœmio immoramur tamdiu? Discutiamus potius ejus Responsum ad Memoriale Patris Palazol. Ad eam discutiendam, inquit Ariovistus, nunc animum adjungerem, si viderem finem parergorum. Ubi Hennebellus habet ulla parerga? rogat indignans Baccalaurcus. Parerga habet, si ita appellare lubeat tres illos paragraphos, quos adhuc interjicit de perpetua Lovanien-



vanienſium erga Apoſtolicas Sanctiones ſubmiſſione; „ut, inquit, Lector diſcat, quod Lovaniienſes Theologi ſuum circa has Conſtitutiones ſenſum diſſimulare „nec poſſint nec velint, utpote qui in Conſtitutionibus „illis tam recipiendis quàm obſervandis, nullis cujuſ- „cumque nationis aut ordinis Theologis umquam ceſ- „ſerint.” Narrat quomodo Conſtitutio Innocentii X. eo- „dem, quo edita eſt anno; ” In ſolenni Univerſitatis Con- „gregatione prælecta & ab omnibus reverenter accepta „fuerit, *quodque* Facultas Theologica ultra *eidem Pontifi-* „ci, obtulerit, neminem ad Gradus Academicos admit- „tere, qui non juraret Religioſam Obſervantiam præ- „fatæ Conſtitutionis. ” Præterea, quod idem ſpontè „rurſus obtulerit Facultas Theologica Alexandro VII. „ac dein reipſa ” decreverit ut conſueto graduandorum „juramento adderetur hæc clauſula, jurabis te quinque „articulos per Conſtitutiones Summorum Pontificum In- „nocentii X. & Alexandri VII. damnatos damnare & iſſ- „dem Conſtitutionibus Religioſam Obſervantiam præ- „ſtare. ” Denique demonſtrandum Hennebellus ſuſcipit „quòd neque aliis Conſtitutionibus Apoſtolicis obſtrepant „eidem Theologi, & tamen, inquit, ” eos ſed eàdem „ſemper fide accuſat Pater Palazol, quod ” obſtrepant „Conſtitutionibus Pii V., Gregorii XIII. & Urbani VIII. „verùm ad retundendam accuſationem tam manifeſtè „falſam, ſcire tantum opus eſt, quod ſicut Lovanii gra- „duandi omnes damnare debent 5. propoſitiones jam re- „latas, ita quoque rejicere debeant 79. famoſas damna- „tas in Conſtitutionibus Pii V., Gregorii XIII. & Urba- „ni VIII. Ad hæc Parerga uter veſtrum reſpondeat?

Baccalaureum autem ſic excepit Arioviſtus; cum hæc „vox *Parergum* tibi, Domine Baccalauree, tantopere diſ- „pliceat, per me licet, non adhibeatur. Itaque reſpon- „ſum ſine Parergis accipe. Inter Lovaniienſes Theologos, „quorum multos tales eſſe & ſemper fuiſſe, quales Henne- „bel deſcribit S. Sedi obedientiſſimos, non inficior: omnes „verò tales eſſe & ſemper fuiſſe non probant ea quæ idem „adducit, ſpecimina litterarum, quas Facultas aliquando „ſcripſit S. Sedi Apoſtolice, neque quod graduandis præ- „ſcrip-



scripsit iusjurandum: nam constat res ejusmodi non semper definiiri consensu animorum, neque sustinent subinde aliquid palam opponere etiam illi, qui maximè vellent: quippè coërcentur metu, ne incurrant infamem notam Jansenistæ vel refractarii Constitutionibus Pontificiis. Deinde à posteriori patet generales Bullarum receptiones, professiones reverentiæ & obedientiæ non impedire semper efficaciter, ne cavillatores aliqui, quod ore professi sunt, reipsa negent, & Pontificum diplomata cavillationibus reddant inutilia, ac penitus quantum in ipsis est, subruant atque evertant. Sed ubique semper numero plures fuisse obedientes, sive in Facultate Theologica sive in Universitate Lovaniensi compertum est ex iis quæ contra Urbani VIII. Bullam Lovanii annis pluribus gesta sunt, & testantur plurimum ipsius Urbani, tum Innocentii X. Brevia ad Franciscum De Mello & Archiducem Leopoldum successivè Gubernatores Belgii, ad singulos Belgii Episcopos, ad Academiam Lovaniensem, aliosque transmissa. Quantum luctæ ante passâ sit Bulla Pii V., quàm submissionem à Baio ejusque sequacibus obtinuerit, testatur imprimis audax Epistola Baii ad Pium V. & necessitas quæ Gregorium XIII. compulit decessoris sui Bullam novâ Constitutione firmare, imo & suum ex Urbe Concionatorem Franciscum Toletum mittere cum potestate. Quantum Pii V. Constitutionibus, & Gregorii VIII. contra Baii articulos tribuerit Jansenius, & tribuant omnes ejus defensores, docet nos Bulla Urbani VIII. *In eminenti*, ubi declaratur multas ex propositionibus damnatis à Pio V. & Gregorio XIII. Urbani olim prædecessoribus contineri, & magno cum Catholicorum scandalo & autoritatis dictæ Sedis contemptu contra præfatas damnationes & prohibitiones defendi. Quot nuperrimè libri Janseniani & Bajani palam venditi sunt! & Baii quidem opera cum notis & vindiciis, quibus univèrsa Baii doctrina contra Bullas Pontificias studio & aperto Marte propugnatur, ubi plusquam à seculo eam Autor ipse publicè & voce & scripto retractavit, ac fassus est damnatam esse in pluribus propositionibus. De librorum

rum istorum autoribus alio tempore videbimus. Nunc tantum aio, quod Eminentissimus Cardinalis de Aguirre in Defensione Cathedræ S. Petri totam disputationem 21. consumat ostendendo 5. propositiones à Jansenio traditas fuisse, ab aliis autem plurimis Belgis, præcipuè Lovanienlibus post condemnationem resuscitatas atque defensas.

Ubi Venantius Cardinalem De Aguirre nominari audiverat; multum, inquit, soleo isti Cardinali tribuere. En, quod citasti opus vel hic ruri habeo. Ariovistus codicem statim arripuit, & ut cum sæpe numero legendum triverat, cœpit digito commonstrare dictæ disputationis & sectionis & numeros, ubi similes propositiones referuntur. Ecce, inquebat, sect. i. num. 4. postquam Cardinalis primam propositionem hæreticam ostendit in Jansenio; subnectit "videamus nunc, an eandem propositionem tradant & in eodem sensu novi Augustiniani, Belgæ, præsertim Lovanienses." Tum prolatis multis Lovaniensium propositionibus cum autorum nominibus, notato accuratè loco & tempore quo eas sustinuerunt, ita subsumit Cardinalis; "in quonam, quæso, hi, autores recedunt ab illa propositione Jansenii damnata, aut quod ovum alteri ovo similis quàm Theses ipsorum & doctrina Jansenii?" Sectioni sequenti hunc præfigit Eminentissimus titulum; id "quod demonstratur quoad 2. propositionem Jansenii pariter instauratam, à plerisque Lovaniensium:" & in corpore sectionis postquam retulit ingentem propositionum seriem expressis Lovaniensium autorum nominibus, paginâ, Thesis & tempore defensionis, sic concludit: "Hæc & similia ii & plerique eorum valdè recenter, ac pluribus annis post diploma Innocentii X. & Alexandri VII. Idem sequentibus tribus sectionibus pronuntiat de tribus aliis Jansenii propositionibus velut traditis à Belgis & Lovanienlibus multis, etiam post condemnationem. Illa omnia suis oculis ipsemet legere voluit Baccalaureus. Et ubi hanc lectionem absolverat, jamne vides, inquebat Ariovistus, non esse meras istas suspiciones ex incerto & fallaci rumore exortas, sed ex ipsis Auto-  
rum

rum Theſibus & verbis depromptas aſſertiones.

Deindè petebat Arioviſtus à Baccalaureo, ut perlustra-  
ret ejuſdem libri diſputationem 20. ubi idem doctiſſimus  
Cardinalis fuſè recitat ſolidiſſimèque confutat Belga-  
rum & nominatim Lovanienſium cavillationes contra  
Bullas Pii V., Gregorii XIII., & Urbani VIII. quibus  
propoſitiones 79. damnatæ ſunt; & ubi clariſſimè oſten-  
dit, quod ſi cavillationes iſtæ ſubſiſterent, omnis Con-  
ſtitutionum iſtarum vis, omnis utilitas ſubverteretur.  
Ac tandem ſic concludebat: quid itaque, mi Baccalau-  
ree, ex eo conficis, quod Lovanienſes omnes graduandi  
proſiteantur ſe admittere & religioſè obſervaturos Bullas  
omnes ſupra memoratas?

Ad hæc ſiluit iterum Baccalaureus; at Venantius  
dixit: mihi quidem videtur nihil aliud ex eo poſſe confi-  
ci, quam quod profeſſio iſta multis Lovanienſibus ſit  
*Negotium ambulans in tenebris*, vel ab aliis habeatur quaſi  
inanis ceremonia, vel ſit inſignis ſimulatio, & mala fi-  
des, vel ſaltem ignorantia valdè crassa, ſi non & affe-  
ctata, dum non intelligunt, vel nolunt videri intelli-  
gere, quid ejuſmodi profeſſio ſignificet. Non ergo "Re-  
verendo Patri Palazol opus fuit inverecundâ accuſan-  
di licentiâ," ut à Rege ſupplex peteret *ſunctam*, in  
qua conſultaretur de mediis exequendi, & in perpetuum  
ſtabiliendi in Belgio Conſtitutiones Apoſtolicas, quæ  
hactenus quorundam ſubdolis, ne quid gravius dicam,  
molitionibus ſuffodiuntur.

Cum hæc multaque id genus alia Venantius acutè  
diſputaret, Baccalaureus qui imperaverat ipſemet ſibi  
non adverſari ullis Lovanienſibus, volvebat Hennebel-  
li Proœmium, & incidit in illum locum, ubi Henne-  
bellus ut probet ſuos Theologos Sedi Apoſtolicæ  
exhibere omnem reverentiam obedientiamque, refert  
teſtimonium Alexandri VII. in Brevis dato ad Facultä-  
tem Theologicam Lovanienſem an. 1660. 7. Auguſti."  
„Litteras, *inquit Pontifex*, die 20. Martii datas accepi-  
mus, & in eo ſane, quod 5. propoſitiones illas tam in  
"Conſtitutione felicis recordationis Innocentii X. præde-  
ceſſoris noſtri, quam in alia noſtra poſtea damna-

E

tas;

„tas, tantopere detestemini, ut neminem admittere ad  
 „Gradus Academicos velitis, nisi prius Religiosam Ob-  
 „servantiam prædictarum Constitutionum promittat &  
 „juret, obedientiam vestram & zelum unice commen-  
 „damus. ”

Ut ea verba vidit Baccalaureus, exiit, atque Venantio & Ariovisto triumphantis in morem ea prælegit, ratus hinc utrique crucem figi. At verò uterque erat magis lynceus, quam ut non videret ea Pontificis verba ab Hennebelli truncata proferri. Prior itaque Ariovistus ait: hic sese prodit iterum mala Hennebelli fides: non enim Pontificis orationem reddidit integram, sed avulsit eam partem quæ obedientiam non tam universalem, perpetuam, & constantem fuisse indicat, atque ad meliora deinceps hortatur, quique præcipuus est Brevis istius finis ascopus. Interea Venantius Breve Pontificium consuluerat, & inquebat: Ita est, ut dicit Ariovistus; quia sic proficitur Pontifex, ” atque adeò speramus vos non solum „egregiè persanctèque impleturos, verum etiam omnibus aliis in hanc S. Sedem observantiæ & obedientiæ „documentis effecturos, ut omni rerum præteritarum „ex hominum animis evulsa & penitus aboleta memoria, pristinum decus existimationi & laudi antiquæ vestræ restituatur. ” Hocce, Domine Baccalauree, testari est quod Lovanientis Academia semper & constanter exhibuerit S. Sedi omnem observantiam & obedientiam?

Tum dicebat Ariovistus; nunc tandem pervenimus ad Hennebelli responsionem. Hanc potius, ait Venantius, examinare incipiemus postea: jam enim tempus est reficiendi corpora tam diutinis disputationibus fatigata, & Ariovistum unà cum Venantio peramicè epulo excepit.

### DISSERTATIO III.

*De occasione & necessitate Memorialis.*

**P**ostquam, sublata mensa, aliquamdiu ambulatum esset in horto; reditum est ad concertationes, à quibus

bus libentiùs abfuiſſet Baccalaureus, ſi abſque offenſa potuiſſet. Ergo prior iterum ſic exorſus eſt Venantius recitans hæc verba Doctõris Hennebelli: "bonus ille Pa-  
 „ter lucem odit, timetquẽ ne manifeſtæ ejus impoſturæ  
 „detegantur: ſi veritatem amaret, non Regem, non au-  
 „lam Madritenſem adiret, non illic Belgii Theologos  
 „accuſaret, ubi neminem habent, qui eorum cauſam  
 „agat; ſed adiret Apoſtolicam Sedem, ad quam ipſa  
 „Catholica Sua Majeſtas cauſam remiſit. Si quid diſſi-  
 „mulant Theologi, quos accuſat, eorum artificia Ro-  
 „mæ exponat, maximè cum Theologi illi coram Apo-  
 „ſtolica Sede profiteantur ſeſe paratiſſimos eſſe ad dan-  
 „dam omnem doctrinæ ſuæ expoſitionem quæ deſide-  
 „rari poſſet."

Quæ ubi legerat, miror, inquiebat, ea Hennebellum ſcribere potuiſſe. Miror & ego, reponit Arioviſtus: non enim is lucem odiſſe dicendus eſt, qui nihil clam inſinuat, quod non amet publicè toti orbi innotefcere, qui quidquid affirmat, ipſi Regi totique aulæ Regiæ exponit non modò verbis, ſed etiam ſcriptis & impreſſis exemplaribus; neque id tacito, mutato, vel ficto nomine. Sed ſuo ſuique Generalis clariffimè expreſſo in ipſo operis aditu. Si, Domine Baccalauree, inquit Venantius, Arioviſto non credas, tuis oculis crede. En tibi ipſum Memoriale, & lege ejus initium quod ſic ſonat: "Joannes de Palazol, Sacerdos profeſſus Societatis JESU, &c." Qua igitur fronte aſſerit Hennebellus, quod *ille Pater lucem oderit*? Præterea, addebat Arioviſtus, Memoriale ſuum Romam celari noluit, qui non ignorabat ex tot Memorialibus impreſſis aliquot Romam mittenda, tum ad Hennebellum ab ejus Madriti fautoribus tum ad Romanam Curiam ab aliis qui ſuos Romæ habent, & præcipuè qui talia facere debent ratione ſui muneris. Denique tantum abeſt, ut P. Palazol voluerit ſcriptum ſuum latere Romanis, ut illud Italicè vertendum ipſemet petierit ad Romanæ Curie informationem. Atque hæc verſio typis edi cœpit, antequam de rêsponſione Hennebelli quidquam reſciretur.

Imo ego, ſubdit Venantius, ab homine fide digno

audivi Patrem Palazol sui Memorialis exemplaria dedisse Nuntio Apostolico ut Romam mitteret. Misit quoque in Belgium ad Serenissimum Electorem & præcipuos Ministros. Et quidni misisset? Ariovistus inquit. quid est, cur cum sui operis pudeat? non agit *imposituris*, nec ullam Hennebellus usque adhuc *detexit*. Decisiones dogmaticas à Sede Apostolica petit, executionem autem à Rege & aliis quorum interest.

Tum ait Baccalaureus; scitum est profectò Belgii Theologos accusare Madriti, ubi habent neminem qui suam causam agat. Hoc ab Hennebello miserabiliter deplorari jam audivimus, reponit Venantius. Sed cur neminem Madriti constituunt? Quamquam & ibi iis pridem fuisse & esse etiamnum complures Agentes, qui non titulo quidem & autoritate publica, sed re ipsa circumcursant aulas Principum, & terunt Ministrorum limina, satis Madriti notum est, dum ex Religiosis omnibus aut aliis, qui contra eos pedem moveat, vix subinde unus sit vel alter. Porro artificia, de quibus Doctor Hennebellus præcipuè queritur, non Romæ detegi possunt, non Madriti, verum in Belgio, idque autoritate & potestate Regia. Non enim Pontificis Internuntius in Belgio habet jurisdictionem, ut homines, seculares præsertim & in dignitate constitutos, cogat ad prodendos perniciosorum librorum distributores, non habet ut lustret officinas Bibliopolarum, scrutetur typographias aliasque bibliothecas.

Istam autoritatem, inquit Baccalaureus, saltem habent Episcopi. Habent quidem, respondet Venantius; sed nec illi, quoad hoc & pluraque alia, possunt autoritatem suam exercere propter gravissimas molestias ac difficultates. Et ut mittam alia, non potest Internuntius reos castigare, quemadmodum merentur & ad Statum Religionemque conducit. Postremò dum Novatorum fraudes immodicique excessus exponuntur Romæ, ut sæpè expositi sunt ab Episcopis, aliisque etiam Academicis Lovaniensibus, & variorum Ordinum Religiosis atque inter hos Societatis; respondetur Ordinariis esse ut suam exerceant potestatem. At verò cum hæc

hæc potestas per Novatorum audaciam, & quorundam potentiorum patrociniū oppressa jam & conculcata jaceat, implorandum est Regis auxilium, quod omni tempore in Ecclesia, urgente simili necessitatis telo, implorari consuevit. Sed nihil necessum est, ait Ariovistus, in his quæ clara sunt tam multum & operæ & temporis ponere, quare maturemus audire alia, quæ Hennebellus objicit.

Tum Venantius ex Hennebello recitavit sequentia.”  
 „At inquit, P. Palazol, num. 9. nullâ definitione Apostolicâ opus est, sed tantum informanda est Sua Majestas circa quæstionem facti, an nempe doctrinæ Janſenianæ ab Apostolica Sede toties condemnata ætuallyter in Flandria sustineantur, spretis Ecclesiæ definitionibus. Si nulla definitione Apostolica opus sit, non debuit Doctor Steyaert mittere in Urbem articulos 52. non debuit in Synopsi sua dicere, quod mag-nopere interfit Academiæ Lovanienſis, & Ecclesiæ Belgicæ, ut præfata accusatio ad finem modis omnibus & mediis perducatur. Non debuerunt Mechlinienſis Archiepiscopus, ejusque Deputatus P. Desirant ex Ordine Eremitarum S. Augustini tantam propositionum sarraginem corradere, ac super iis Apostolicæ Sedis definitionem postulare: non debuit sub finem anni 1696. ibidem Deputatus ex Urbe discedens S. Congregationi S. Officii supplicare, ut tantisper examine propositionum de doctrina morali & administratione Sacramenti Pœnitentiæ supersederet, donec in Belgium redux novas informationes novaque documenta mitteret, quæ quidem in hanc usque horam, etsi à Domino Internuntio interpellatus, non misit, sic non veritus illudere S. Congregationi, cum interim Archiepiscopus Mechlinienſis ejusque adhærentes, tum Martriti apud Regios Ministros tum in Belgio scriptis editis de Romanorum in terminandis hisce controversiis tarditate quærentur.”

Quid hocce monstri est? Dicit Ariovistus. Ille Doctor videtur in media luce cæcutire: Quis enim est, qui non perspiciat simul optimè consistere, quod & Pontificia

ficia autoritas requiratur pro decidendis quæstionibus dogmaticis & *nulla* opus sit *definitione Apostolica* pro dirimenda quæstione facti? Ad hanc facti quæstionem examinandam potest sufficere *functio* illa seu ille Ministrorum ac Theologorum cœtus, qui in hunc finem à Rege cogeretur. Non enim Apostolica definitione opus est, ut judicetur, an libri illi noxii sint, eorum autores investigandi, severè puniendi, qui Constitutiones Pii V., Gregorii XIII., Urbani VIII., Innocentii X., Alexandri VII. apertè dicunt esse subreptitias injustas, nullius roboris &c.

Ita se res habet, inquit Venantius. At verò quando Hennebellus dicit "Deputatum ex Urbe discedentem, Congregationi S. Officii supplicasse, &c. non solummodo videtur media in luce cæcutire, sed multo magis fraudulenter agere. Cur enim non addit vel exprimit, cujus deputatus ille fuerit? Quatuor lineis ante vocabat P. Desirantium *Deputatum ejus*, nempe Archiepiscopi Mechliniensis, nunc iterum ejusdem Archiepiscopi injectâ mentione vocat desirantium *Deputatum*; sed omittit *ejus*: quia sciebat deputationem ab Archiepiscopo duobus antè annis quàm Desirantius ex Urbe discederet, fuisse revocatam: nec tamen ullo verbo id indicare voluit, sed simpliciter rursus *Deputatum* vocavit, subintelligendo aliorum, ne & de falsitate convinci posset, & tamen omnes falleret, efficeretque ut non dubitarent, quin *Deputatum* in eadem prorsus significatione acciperet, qua acceperat quatuor lineis ante. Atque hoc Hennebello necessarium fuit, ut Archiepiscopum de contradictione & mala fide argueret, quasi per *Deputatum* suum Romæ "Congregationi S. Officii supplicaret ut tantisper examine propositionum de doctrina morali & administratione Sacramenti Pœnitentiæ superfederet." dum interea Madriti & in Belgio queritur, ut quidem ait "de Romanorum in terminandis hisce controversiis tarditate." Dico ego P. Desirantium nullam ab Archiepiscopo sive generalem sive particularem commissionem habuisse ad petendam examinis istius suspensionem, imo neque de petitione ista quidquam



quam cum scivisse, nisi postquam Desirantius in Belgium reversus est. Sed de hac tarditate querantur etiam illi qui Archiepiscopo adhærent, & quidem *querantur scriptis editis*, certè nos ea hætenus non vidimus. & fortè nec vidit D. Hennebel, aut quisquam alius, & si Doctor Hennebel vidisset, querelarum verba. proferre nequitquam prætermisisset, sicut solitus est prætermittere nihil, unde adversariis suis quibuscumque invidiam creare valeat, quamquam plerumque dicta augendo, vel truncando, vel aliter mutando injustissimè.

Hic solerter quidpiam Ariovistus animadvertit. Demus, inquiebat, quod revera de tarditate *conquerantur scriptis editis*. Vel ex hac ipsa querimonia certò conjici potest eos nolle impedire aut suspendere examen. Norunt enimvero nullum à se *scriptum edendum*, quin factionis curâ ac sollicitudine continuò mittendum sit Romam ad Hennebellum, qui usurus illo strenuè est, & exhibiturus omnibus Cardinalibus ac Ministris S. Officii non sine notis odiosissimis, ut omnes ad indignationem contra Autores & eorum amicos concitet atque commoveat. Neque quantum quidem ex Hennebelli verbis colligitur, Desirantius supplicavit, ut examen circa omnia suspenderetur; etenim ad illud examen revocantur centenæ propositiones, aliam materiam, quàm administrationem Sacramenti Pœnitentiæ complectentes, quarum Illustrissimus Archiepiscopus cum Jesuitis & aliis Religiosis pænè omnibus ardentissime censuram exoptat, quo citiorem, eo futuram gratiorem.

Pulcra, inquit Venantius, & Ariovisto digna animadversio! Patere mihi etiam pauca pro Desirantio dicere. Præter publicas lectiones quas habet, non defuerunt illi multæ aliæ magni momenti occupationes, ob quas commodè non potuit citius fidem liberare suam. Et jam menses abièrunt aliquot, cum in Belgio visum fuit scriptum sub titulo *Querela populi Belgici*, quod Desirantio tribuitur, & est de materia S. Congregationi ab eo promissa. Est ut dicis, inquit Ariovistus; sed cur nos Desirantius tantopere sollicitat? *Non tali auxilio, nec defensoribus istis eget Desiderantius*. Poterit ipse eam ac-

cusationem pluribus diluere. Ætatem habet, habet & doctrinam, novitque optimè quid S. Congregationi promiserit. Interea pergamus audire adversarium.

Nihil cunctatus Venantius hæc legit "Tandem repetat hoc loco P. Palazol quod dicit num. 34. Theologos quos exagitat, omnia commovere & vehementissimè instare, ut debita Brevis Apostolico die 6. Feb. 1694. ad Belgii Episcopos misso observantia præstetur. Hinc luce meridianâ clarius constat, Ecclesiæ definitiones hoc Brevis tam luculentè comprobatas in Belgio non sperni, doctrinas Jansenianas ab Apostolica Sede toties & iterum specialiter illò Brevis condemnatas ibidem non sustineri, nec aliam ob causam tantos in Belgio superesse motus. quàm quod præfatum Breve, ipsamque Academiam Lovaniensem P. Palazol cum suis gregalibus per fas & nefas exautorare & evertere conentur Libenter equidem fateor Apostolicæ Sedi frustra supplicari, ut in Formularii negotio quidquam ultra determinet, cum binis Brevibus abunde jam declaraverit, frustra aliam decisionem in hoc negotio ab ea expectari."

His Ariovistus illico subjunxit; Tandem addat D. Hennebel, quæ in textu & eodem loco habentur, & videbit se tenebras *lucem* vocasse. Sic (habebat autem Memoriale in manu) loquitur P. Palazol; "Eadem hæc Janseniana factio, quæ tantos hodie clamores excitat, pro debita hujus Apostolici Brevis observantia, quia putat parti suæ utcumque favere, quamvis revera nullo modo ipsi faveat, ut postea videbimus, ii inquam homines iidem ipsi sunt, qui tam sæpè & tam manifestè ab initio suæ sectæ omnem reverentiam exuerunt, & exuunt quotidie, ut mox ostendetur, erga tot Decreta Summorum Pontificum Pii V., Gregorii XIII., Urbani VIII. Innocentii X., Alexandri VII., & Alexandri VIII." Quæ enim illa consecutionis species est? Quæ umbra? *Janseniana factio* tot clamores excitat pro debita observantia Brevis Apostolici, non prout illud revera in se est, sed prout pravis istorum hominum interpretationibus detorquetur in sensum à Pontificis mente verborumque contextu alienum, "Ergo hinc luce meri-

„meridianâ clarius constat, Ecclesiæ definitiones hoc  
 „Breui luculentè confirmatas in Belgio non sperni &c.”  
 Nihilo magis tenet, quod ex eodem antecedente Patris  
 Palazol sed mala fide truncato Hennebellus cogit;”  
 „Quasi hinc constet.....nec aliam ob causam tantos in  
 „Belgio superesse motus, quam quod præfatum Breve  
 „ipsamque Academiam Lovaniensem Pater Palazol cum  
 „suis Gregalibus per fas & nefas exautorare & evertere  
 „conentur.

Nosti, D. Baccalauree, pergebat Ariovistus, in Bre-  
 vi isto non aliarum Constitutionum mentionem fieri,  
 quàm Innocentii X., & Alexandri VII.; multo autem  
 plures Constitutiones à nova factione contemni, & li-  
 bellis infamibus apertè minimeque occultè oppugnari;  
 neque uspiam magis, quam in Belgio. Quis verò dixe-  
 rit eos velle exautorare Breve Apostolicum qui idem Bre-  
 ve per omnia probant, laudant, extollunt, ut *sanctissimum*  
 & *justissimum* ut num. 8. illud probat, laudat & extollit  
 P. Palazol? Quomodo exautorare volunt Breve qui dum  
 pro Regiis Decretis tamquam pro aris & focis pugnant,  
 hinc probant illa esse *maximè justa quia Decretis Aposto-  
 licis* seu Brevibus, de quibus illic sermo est, *sunt prorsus  
 conformia*? Hanc probationem adhibet P. Palazol eo-  
 dem num. 8. quem potestis inspicere, si collibitum fuerit.

Nihil istud necesse est, inquit Venantius, quia hac in re  
 mihi fecisti satis, imo & Hennebello, ut ego quidem autu-  
 mo. At non mihi ait Baccalaureus quia P. Palazol *hic exau-  
 torare* nititur almam meam Matrem *Academiam Lovanien-  
 sem*. Tum Ariovistus; Hennebellus id ipsum Patri Palazol  
 objicit, sed quomodo hoc ex ejus antecedente elicere po-  
 tuerit, ego nescio. Illi potius videntur exautorare Acade-  
 miam Lovaniensem, qui tot infames libros contra Con-  
 stitutiones Apostolicas, contra ipsos Pontifices. contra  
 Cardinales, & Episcopos Lovanii ex toto Belgio divul-  
 gant, qui suspectos ad lectiones publicas, & Seminariorum  
 Collegiorumque præfecturas promotos cupiunt, qui in-  
 ter Lovanienles Academicos palam audent insurgere in  
 Decreta Regia de non promovendis Jansenistis & sus-  
 pectis illique sectæ adhærentibus. Item illi potius  
 Aca-

Academici *exautorant* Academiam; qui se omnibus Belgii Episcopis piissimisque eorum pro Religione studiis ac conatibus palam opponunt-

Sed quinam sunt, inquit Baccalaureus, isti Academici, quos hic insimulas? Ariovistus respondit: ex omnibus S. Theologiæ Doctoribus D. Gummarus Huygens & D. Joannes Libertus Hennebel in publicis & perquam audacibus Memorialibus Decreta Regia impugnare ausi sunt. Si Lovaniensis Academia, dicit Baccalaureus, id abs te dictum audiret, pœnas quantas exigeret! Iterum Ariovistus reposuit: id Academia curat scilicet. E contrario famâ & auditione accepi binas litteras gravissimis contra utrumque Doctorem resertas querelis inmissas esse Romam vel proximè mittendas, & à Doctoribus Academicis quidem scriptas, nullo homine Societatis conficio, licet deinde à Societatis Professoribus, uti & à majori parte Theologiæ Facultatis, & ferè ab omnibus qui Lovanii sunt Theologiæ Professoribus tum secularibus, tum regularibus dicantur subsignatæ. Undè si Rex, Dominis Huygens & Hennebel in tam insolentis facinoris pœnam Lovanio interdiceret, non propterea Lovaniensis Academia exautorandam se putaret. Sic neque Sorbona *exautorata* fuit *exautorato* ab ipsa & ex Gallia profugere coacto Antonio Arnaldo, quem pars Hennebelliana in Belgio ut alterum Athanasium amplexa est, hospitio excepit, fovit ad mortem usque, & honoribus cumulavit.

De Arnaldo loquendi dabitur & locus & tempus, inquit Venantius. Permite modò, Arioviste, ut eundem Hennebelli textum aliqua ex parte relegam. His dictis relégit ea verba quibus Doctor ille indicavit " non aliam, ob causam tantos in Belgio superesse motus, quam, quod præfatum Breve, ipsamque Academiam Lovaniensem P. Palazol cum suis Gregalibus per fas & nefas exautorare & evertere conetur. " Et mox idem Venantius subnectebat; hoc loco ego in D. Hennebello non tantum fidem bonam, verum etiam memoriam desidero. Hic P. Palazol cum suis Gregalibus est omnium turbarum Autor ob causam quam nunc audivimus.

mus. In Procœmio autem omnium turbarum Autor erat " Mechliniensis Archiepiscopus qui contra eos „(Theologos quorum causam agit D. Hennebel) com- „movere nititur omnes Belgii Episcopos, omnes mun- „di Potestates sed præcipuè Patres Societatis JESU. " ut ergo consequenter loqueretur, oportuisset Patri Palazol præponere Archiepiscopum Mechliniensem, nisi hunc tanto dignum honore non censeat, sed satis esse debeat quod ille Archipræsul intelligatur inter *Gregales P. Palazol*: sic Hennebellus suum Superiorem, Antistitem & Primatem veneratur. Hæc est ejus modestia, hæc moderatio, hæc ethica severior? Si omnes, qui contra Hennebellum ejusque factionem agunt, sint " *Gregales P. Palazol* & co- „nantur exautorare & evertere per tas & nefas *præfatum* „Breve ipsamque Academiam Lovaniensem; " necesse est omnes Belgii Episcopi, plerique Academici Theologiae Doctores & Professores, ferè omnes qui Lovanii degunt, sint *Gregales P. Palazol* & conentur exautorare ac evertere Academiam Lovaniensem, quia Hennebello ejusque factioni, ut supra dictum est, apertè adversantur, & quidem Episcopi ac Doctores Academici multo ferventiùs quàm Jesuitæ.

Mihi non est animus, ait Baccalaureus, refellere omnia quæ per consecutionum circuitus & anfractus ex Hennebelliano textu eruitis. Ut ut est, saltem verus est Hennebellus, ubi ait " Apostolicæ Sedi frustra suppli- „cari, ut in Formularii negotio quidquam ultra deter- „minet. " Asserebat Arioivltus jam nunc ad hoc responsum esse in dissertatione prima. At verò adjungebat; cum tu, Domine Baccalauree, illi Dissertationi non interfueris, non gravabor pauca repetere. Ex eo quod Sedes Apostolica aliquid abundè jam declararit, non sequitur frustra aliam decisionem in tali negotio expectari. Neque congruè talis declaratio dari posset, cum Sedes Apostolica non possit tamquam de specula certò prospicere, quæ deinceps à *filii iniquitatis* cavillationes excogitandæ sint, & quantum eæ valituræ; etiam si cum Pontifex Brevia sua daret, non judicaverit ulteriori tunc opus esse declaratione; non sequitur cum judi-

judicasse quod neque à se neque à suis successoribus crescente cavillationum pervicaciâ & semper novi aliquid parturiente, nova quoque decisio congruè proditura sit prior es confirmans & magis explicans; non quia illâ satis claritatis in se & efficaciam non habent ad dissipandas omnes cavillationum tenebras, & medendum malis: sed quia nihil tam clarum est, cui Novatorum ingenia non soleant tenebras novas novamque caliginem ostundere vel affingere, nihil tam efficax, quod vel infringere vel illudere non machinentur, ut patet vel in negotio Baii vel Jansenii. Non credo Sanctissimum Dominum adhuc legisse "defensionem Ecclesiæ Romanæ, & summorum Pontificum Autore D. Germain contra Leydeckerum, neque Adumbratam Ecclesiæ Romanæ defensionem Autore Ignatio Eykeboom contra eundem Leydeckerum, neque defensionem duorum Brevisium Autore Abbate Du Manoir, neque Panegyrium Jansenianam cum Prologo Galeato Pauli Aurelii, quorum scripta si subsistant, evidens est, quod quidquid centum & triginta annorum spatio contra Baii & Jansenii doctrinam Ecclesia tam operosis examinibus, tot gravissimis Constitutionibus, Decretis ac Brevibus molita est, aliud non fecerit, quam aërem verberare, tot anathematibus ferire merum phantasma, & de omnibus Constitutionibus triumphare libros Baii & Jansenii, horum doctrinam, quanta quanta est, Catholicam esse & sanam. Velim hic mihi Hennebellus respondeat, an suppositâ veritate antecedentis conclusio non foret manifesta. Noli, inquit Venantius, expectare, ut tibi categoricè respondeat, quia nondum tempus est loquendi tam apertè. Aliqui tamen è nostris, reponit Baccalaureus, jam tempus loquendi esse affirmant idque præ se fert titulus Panegyris Jansenianæ.

Nobis certè tempus est revertendi ad textum Hennebelli, ait Venantius, simulque cœpit legere sequentia; "Sane hoc unum ejus (Patris Palazol) Memoriale sufficere videtur ad fidem faciendam orbi universo quàm turpiter Catholicæ suæ Majestati & aulæ Madritensi imposita pars nobis adversa, quibusque fraudibus prio-

ra

„ra Decreta extorsērit, quibus evertere conata fuit, quid-  
 „quid ad tuendam innocentiam nostram & restituē-  
 „dam Academiæ Lovaniensi pacem Apostolica Sedes  
 „sancivit. Dum hæc persuasa fuerint Catholicæ Suæ Ma-  
 „jestati ejusque primariis Ministris, ut persuaderi jam  
 „cœpit ab Apostolica Sede, habent quod timeant ini-  
 „qui calumniatores, qui tot mendacia in aula Madri-  
 „tensi sparserunt, quibus mediantibus Decreta sibi tam  
 „grata extorsērunt: non habet quod timeat Doctor Hen-  
 „nebel, qui causæ suæ veritate tutus, coram legitimo  
 „Tribunali defendit; non accusans Regia Decreta, sed  
 „eos qui Regem sinistrè informarunt.” Siste, dicit Bac-  
 „calaureus. Quæ nunc tua est de illa Hennebelli oratio-  
 ne opinio?

Respondit Venantius; hætenus nec *mendacium*, nec  
*imposituram*, nec *fraudem* vel unam eorum, qui Decreta  
 Regia obtinuerunt, Hennebellus detexit. Ipse autem  
 est, qui hic turpiter imponit & calumniatur. Primò,  
 calumniatur omnes Belgii Episcopos, quorum sinceræ  
 informationes Decreta illa obtinuerunt. Deinde calum-  
 niatur tot præstantissimos Ministros ac præcipuos Mo-  
 narchiæ Principes, qui Regi sunt à consilio statūs, &  
 post diligentem discussionem ac maturam deliberatio-  
 nem tale consilium sapientissimo Regiæ Majestatis ju-  
 dicio expendendum suggesserunt. Tertiò denique ca-  
 lumniatur & gravissimè lædit ipsam legitimi sui Principis  
 Catholici ac Piissimi Regis Majestatem quæ talia Decreta  
 edidit. Cum verò Hennebellus temerè & falsò dicat  
 mandata Regia per mendacia extorta esse, vide D. Bac-  
 calauree, quomodo ab apertò mendacio excusetur, dum  
 ait se non ” accusasse Regia Decreta, sed eos qui Re-  
 „gem sinistrè informarunt.” Meminit Hennebellus quæ  
 posuerit in famoso suo Memoriali contra Decreta Re-  
 gia oblato Sedi Apostolicæ sub initium anni 1696., &  
 si oblitus fuisset, vidit refricatam sibi memoriam à Pa-  
 tre Palazol num. 20., 21., & 22.

Audiamus, inquit Ariovistus, verba Hennebelli. Ea  
 porrò quam promptissimè Venantius recitavit. Hæc sunt,  
 inquitbat; ” postquam ausi sunt similia divulgare, ve-  
 hemens

hemens dubitandi ratio est, Beatissime Pater, an non  
 iidem illi fuerint, qui per calumniam adeò atrocem  
 & alia falsa supposita tantum effecerunt in Madritensi  
 Curia ut Sua Majestas Catholica non modò non mi-  
 serit in Belgium mandata pro observatione Brevis Apo-  
 stolici, sed potius decreverit nuper contrarium." paulo  
 post vocat, "Decretum alienum ab insigni Regis pie-  
 tate & adeò contrarium reverentiæ & obedientiæ quæ  
 Sedi Apostolicæ debetur;" quod ita nititur probare,"  
 cum enim agatur de materiis dogmaticis, & ad fidem  
 pertinentibus, circa quas Sua Majestas sponte remisit  
 utramque contententium partem ad supremum Sedis  
 Apostolicæ Tribunal, quæ ratio vel apparens esse potuit,  
 ut postquam res tanto tempore in contradictorio judi-  
 cio examinatæ fuerunt & per definitivam sententiam  
 determinatæ, Majestatem Suam induceret, non solum  
 ad suspendendum mandata necessaria pro executione  
 eorum quæ jam judicata erant, sed etiam ad mandan-  
 dum totum contrarium, quod est exemplum in nulla  
 altera ullius Catholici Principis Curia visum, multo mi-  
 nus in Augustissima & Religiosissima Domo Austriaca."  
 Dein multis interjectis, "quæ, inquit Hennebellus, eo-  
 rum machinatio, Beatissime Pater, non poterat inve-  
 nire medium magis adæquatum & magis efficax quàm  
 Decretum quod venit ex Hispania Decreto Sanctitatis  
 Vestræ oppositum; in hoc datur facultas Episcopis ut  
 contra suspectos de Janiënismo procedere possint pro  
 arbitrio. Contra quos autem reos aut contra quæ de-  
 licta unquam permissum fuit, ut sine prævia causæ in-  
 formatione juridica & simplici & asserta suspicione pro-  
 cedi posset ad spoliandum quempiam rebus carissimis,  
 videlicet famâ, opibus, officiis, dignitatibus & fun-  
 ctionibus." Quot hic manifestæ calumniæ contra De-  
 creta Regia!

Facile est, ait Baccalaureus, istud dicere. At proba-  
 re hoc opus, hic labor est. Tum Venantius; perficiam  
 inquit, ut non habeas quod conquerare: evidens est,  
 quod Rex nihil mandaverit oppositum ulli sententiæ de-  
 finitivæ Sedis Apostolicæ in dogmaticis rebus, imò nec  
 quæstio-



quæstionibus facti aut cujuscumque materiæ, nec impediverit ejus executionem. Evidens est præterea, Regem "non dedisse Episcopis facultatem procedendi pro arbitrio contra suspectos de Jansenismo;" ubinam enim in Decretis Regiis conceditur Episcopis, ut "ob simplicem & assertam suspicionem quempiam spoliare vel privare possint famâ, opibus, officiis, dignitatibus, functionibus?" Ubinam à Rege decernitur, quod ad ejusmodi "spoliationem & privationem nulla requiratur prævia causæ informatio, nulla institutio, litis, nullum examen testium, nulla probatio juridica?" Statuit quidem, ut in officiis conferendis habeatur ratio suspicionis, nempe prudentis & legitimæ; ut "ea non conferantur suspectis de Jansenismo, Rigorismo aut Novitatibus:" præterea ut Tribunalia secularia "non impediant judicia & processus Episcoporum contra personas Ecclesiasticas in materia morum & doctrinæ;" quid autem in utroque est quod fundamentum præbeat Hennebellianæ accusationi, aut quod Sacris Canonibus, omnium sapientium praxi, legi & rationi naturali non sit maximè consentaneum? Sed de hoc plura fortassè postmodum, D. Baccalaurec.

Nunc tantum quæro ex te an nullus præter Hennebellum & fortè paucos de ejus factione in toto orbe sit, qui dicat quod Hennebellus tantum accuset *sinistros informatores*, non autem ipsa *Decreta Regia*, quando ea appellat "aliena à pietate Regis & contraria reverentiæ atque obedientiæ quæ Sedi Apostolicæ debetur," contraria Apostolico Brevi, & sententiæ definitivæ, & quidem circa materias dogmaticas & pertinentes ad fidem; exemplum in nulla altera ullius Catholici Principis Curia visum, multo minus in Augustissima & Religiosissima Domo Austriaca." Quasi Rex Noster CAROLUS II. inter omnes qui sunt aut fuerunt hætenus Catholici Principes, sit monstrum "inobedientiæ & irreverentiæ erga S. Sedem." Denique Hennebellus Regem facit iniquissimum & tyrannum, cum ait eum condere Decreta quibus præstatur Episcopis "facultas, quoslibet Ecclesiasticos pro arbitrio spoliandi rebus cari-

rissi-

„rissimis, tamâ, opibus, dignitatibus, officiis, functio-  
 „nibus, sine ulla prævia causæ informatione, sine in-  
 „structione litis, sine examine testium, & sine ulla alia  
 „probatione juridica ex sola simplici & asserta suspicio-  
 „ne” & adhuc perfrickâ fronte audet inficiari se *Decre-  
 ta Regia accusasse*. Duo hic non tibi solum, D. Baccalau-  
 ree, sed etiam Curia Romanæ & cuilibet homini non  
 amenti relinquo consideranda. Alterum, quam fidem  
 mereatur is, qui etiamnum vel ipsi Pontifici negare &  
 pernegare non veretur se Regem in re tanti momenti  
 accusasse. Alterum, an tam notorius & enormis calum-  
 niator Regiæ Majestatis, mereatur protectionem Sedis  
 Apostolicæ, & non potius insignes publicasque pœnas,  
 ut turba reliqua à tanto excessu in posterum absterrea-  
 tur.

Sed bene habet, inquit Baccalaureus, quòd Romana  
 Curia abs te discere non debeat, quid tibi de Doctore  
 Hennebello censendum statuendumque sit. Ego, res-  
 pondet Venantius, non tantum mihi arrogo, ut hic ve-  
 lim docere Romanam Curiam; sed hæc duo tantum-  
 modo ipsi consideranda propono. Ita nec P. Palazol,  
 docere Regem præsumpsit, dum Memoriale obtulit,  
 quamvis id Hennebellus insinuet dicens; ” Sed bene ha-  
 „bet, quod à P. Palazol discere non debeat Sua Maje-  
 „stas, quid à CHRISTI Vicario postulare debeat.” Non  
 præsumpsit, inquam, P. Palazol Regem docere: sed  
 ejus & Ministrorum sapientiæ proposuit cum summa  
 summisione id quod ad Religionis, atque hinc depen-  
 dentis Monarchiæ incolumitatem judicat expedire. Hoc  
 Sua Majestas à subditis, quorum erga se fidem & zelum  
 perspectum habet, audire numquam dedignabitur. Sed  
 D. Baccalauree, inquit Ariovistus, possumus hic cla-  
 vum, quod ajunt, clavo pellere. Cedo mihi, debetne  
 Sedes Apostolica à Doctore Hennebello discere, quid ”  
 „mandare debeat suo Nuntio Madritensi,” & quid à  
 Rege per illum postulare. Vide quomodo Doctor Hen-  
 nebel hoc suum Memoriale concludat. Pontifici ” sup-  
 „plicat mandari Nuntio Hispaniæ ut Catholicam Suam  
 „Majestatem melius informet de toto rerum statu, im-  
 pc-

„pediatque ne Juncta seu Congregatio petita concedatur.”  
Hic Hennebellus docet Pontificem, si P. Palazol Regem doceat.

Id quod Doctor Hennebel citat ex Senatus Brabantici Consulto, rejiciemus in diem alium, inquit Venantius. Ad provocationem ejus & gloriationem de suis quinque viris quod attinet, id ante repressum est. Dissertationem aliam inchoabimus die crastinâ oriente sole: jam tædet actum agere.

## DISSERTATIO IV.

*De gravibus animadversionibus circa hoc totum factum.*

**P**ostridie primo mane, Ariovistus & Venantius convenerunt suas dissertationes prosecuturi. Nolebant tamen ante inchoare, quàm adesset Baccalaureus, qui dum moras neceret, aiebat Venantius; mirabilis homo est iste Baccalaureus. Factioni Hennebellianæ litat omnia. Hodie oportet illum depexum demus. Cum autem Baccalaureus jam advenisset, Venantius vix ullis præmissis ambagibus, recitavit hunc textum Hennebelli. ”Hoc §. toto, in eo est Memorialis Autor, ut ostendat, quid non timendum sit ab hominibus, qui non Regi, non Regiis Ministris, non Episcopis, non ipsi Apostolicæ Sedi parcunt: at cur neque Regi, neque Regiis Ministris ab iis parci dicitur? Quia nempe coram Apostolica Sede dictum fuit Regia Decreta anno 1695. 7. Novembris publicata, à malevolis per finistras informationes fuisse extorta: judicet Apostolica Sedes, judicet ipsa Catholica Majestas ab Apostolica Sede jam melius informata, an id ita certum ac manifestum non sit, ut nulla possit tergiversatione negari.”

Abstiste, obsecro, inquit Ariovistus; lecta sunt satis multa. Juvat nunc ista commentari. Orationem habeo paulo longiorem, quare vos, ne me inrerpelletis,

F

etiam

etiam atque etiam rogo. Quid non modò contra informationes, sed contra ipsa Decreta Hennebellus effutierit, heri vidimus. Sic & Guilielmus Vander Nefse Pastor S. Catharinæ Bruxellis unus ex 5. factionis antesignanis, suo & Gummari Huygens & multorum adhærentium nomine, in Memoriali manuscripto, quo sub initium anni 1696. Illustrissimos Brabantia Ordines directè contra Regia Decreta, indirectè autem contra ipsam Regiam Majestatem ejusque præcipuos Ministros Decretorum istorum Autores, concitare non dubitavit, sic inquam, Pastor ille ibi loquitur contra Belgii Episcopos & alios, quorum informationes Regia Decreta subsecuta sunt." In aulâ regia, inquit, exponunt adversarii, „quidquid lubet; nemine contradicente, efficiunt, ne „accusationes indicentur accusatis, neque transmittantur ad constitutos in Belgio Senatus: fraudibus obtinent sententias, ac Decreta horrenda, & quidem ut „ea executioni mandentur viâ facti, sine forma juris, „sine appellatione, sine recurſu. Exemplo sint nupera „Decreta Regia data die 7. Novembris 1695., quibus „jubetur, ut excludantur beneficiis & officiis Ecclesiasticis ac secularibus omnes suspecti de Jansenismo, Rigorismo, & Novitatibus. Quin imò obtinuerunt prohibitiones, quibus interdicitur omnibus legitimis causæ nostræ judicibus etiam Concilio Brabantia, ne cam „discutiendam suscipiant, ne supplicantium innocentia „aliquid protectionis contra adversariorum suorum fraudes, & calumnias inveniat in Patriis Tribunalibus. Vos „autem Illustrissimi Domini, Patres Patriæ, Privilegiortum Conservatores, defensores libertatis Publicæ, pro „innata vobis prudentia satis perspicitis, quod hæc à majorum nostrorum moribus aliena sint, quod adversentur bono publico, & securitati vitæ, opum, quietis, „ac personarum. Facile assequimini, quod sit violare legum nostrarum antiquissimas, evertere funditus harum Provinciarum libertatem, nixam sacris nostrorum „Principum promissis & solenni jurejurando, quo Serenissimus noster Monarcha in suo læto introitu se per „Sancta Evangelia obstrinxit." Sic Regem faciunt injustum,

stum, fancientem leges tyrannicas, perfidum & sacrilegè perjurum: sic irritant contra Regem Brabantiae Ordines; sic ejusdem Provinciae Senatum per speciem ademptae autoritatis, populum per speciem ademptae libertatis & violatorum privilegiorum, Sacerdotes per speciem periculi quod à talibus Decretis imminet cujuslibet opibus, atque ipsi vitae. Quibus causis & simulationibus nihil aptius est ad excitandas turbas, seditiones, rebellionem ac defectionem à legitimo Principe. An ergo non merito dictum est à P. Palazol, "quid non, timendum ab ejusmodi hominibus, qui nec Regi, nec Regiis Ministris, nec Episcopis, nec ipsi Apostolicae Sedi parcant!" Quomodo nec Regi, nec Regiis Ministris parcant, jam vidimus in exemplis omni luce clarioribus; longè plura adferri possent si opus esset: unum addo Eugenii De Gelder Brugensis in ultima voce zelatricis innocentiae anno 1689. pag. 6. "Repleta sunt à planta pedis usque ad verticem capitis omnia subsellia, dignitates, ministeria in tota ditione Hispanicâ personis unicè quærentibus quæ sua sunt; non quæ justitiae, Regis, aut Reipublicae vel Dei &c." Jam verò quod nec Apostolicam Sedem, nec Cardinales, nec Consultores S. Officii reverentur, ostensum est in dissertatione 2. ubi Hennebelli Proœmium discussimus. Vultisne jam audire specimina contra Episcopos?

Non obscura, inquit Venantius, contra Primatem suum præbet Hennebellus in hoc & alio famoso adversus Decreta Regia Memoriali. Quare quoniam ea adhuc Memoriam complectimur, malim commemorare alia quæ illius fursuris homines in Episcopos omnes evomere. Consilium istud placuit Ariovisto, qui statim dicebat; repetite igitur animo tempus illud, cum Episcopi Belgæ vetuerant lectionem promiscuam sacrorum voluminum in lingua vulgari, sicuti eandem ventant Pontifices secundum Regulam IV. Indicis Tridentini. Recordor, inquit Baccalaureus, eo tempore animos nostrorum maximè exacerbatos fuisse eo quod spiritalis ille cibus subtraheretur. Belgium totum resonabat famelicorum hominum questibus & lamentis. Imò



verò dictis, reponit Ariovistus, conviciisque & calumniis, quæ in Episcopos jaciebantur. Tum ex librorum sarcina, quam secum advehendam curaverat, deprompsit libellum inscriptum *Brevi & necessaria instructio Eccl. de lectione Scripturæ Sacræ Bruxellis 1690.* Hunc cine, aiebat, libellum nosti, Domine Baccalauree? Audi quid habeat pag. 22. "Episcopus qui plebi prohibet lectionem Scripturæ Sacræ in lingua vulgari, non est Pater nec Pastor, sed tyrannus adimens populo libertatem à Deo concessam. Et pag. 26. virtutis est, non obedire talibus Superioribus; qualis enim foret ista obedientia: Non absimili modo Nestorius, Julianus, Sergius, & plures alii hæretici Episcopi simplices homines suis hæresibus implicuerunt, & ad inferos pertraxerunt. Iterum eadem pag. hæresis dicenda est docere, non esse laudabile & utile Christianis promiscuè Sacram Scripturam legere in lingua vulgari." Jamne vides quid ab hujusmodi hominibus timendum non sit?

Hic reminiscere etiam, Venantius adjungebat, quod sustineant Ecclesiam ferè totam jam esse Pelagianam: sic sustinet Martinus du Chetne in duabus disquisitionibus anno 1697. pag. 78. ipsam esse *Massiliam* Pelagianorum metropolim. Sic Romam à factione in occultis suis litteris vocari deprehensum est in arcana clavi propè Aldenardam detecta, ut aliàs notavimus. Sexenta his similia proferri posse ex Novatorum libris litterisque fidelissimè excerpta non ignorat D. Hennebel. Sed his omnibus dissimulatis, audet calumniari eos, qui Regem Catholicum, & ejus Ministros informarunt, persuaseruntque esse in Belgio Novatores Religioni, & statui perniciosos. Judicet nunc Sedes Apostolica & Catholica Majestas, imo & quisquis tantum oculos habet, quid censendum sit de sinceritate D. Hennebel, qui satis conscius tot absurdorum librorum, quibus quotidie novis impletur Belgium, ejusque Religio sensim suffoditur, ac populi concitantur ad seditionem, nihilominus Episcopos, septem Ordinum Religiosorum Provinciales, aliosque jubet omnes haberi calumniatores & deceptores, qui Regem & ejus Ministros de periculo commoneraciunt

Mi-

Miror, ait Baccalaureus, in hanc scenam nondum produci Parochum D. Catharinæ. Noli te macerare, inquit Venantius; produceretur actutum, & ab Hennebelllo quidem, agetque partem bene magnam. Tu ei postea plaudito si lubet. Sic itaque Hennebellus textum suum prosequitur; " Quid Regi Regiisque Ministris ab hominibus illis timendum non sit, non ostendit causa Pastoris S. Catharinæ, qui populum ac Majestatem seditionis commovisse dicitur: ex illa causa potius constat, tantam esse in adversariis calumniandi libidinem, ut nulla quantumvis manifestâ veritatis demonstratione cöcereeri possit: nam omnibus, quos ipse Archiepiscopus ejusque Ministri examinari petierunt, examinatis eâ diligentia, ac cautione ut major desiderari non possit, nec veri quidem vestigium, in tota Archiepiscopici accusatione deprehensum fuit, idèdque solennissimâ Concilii Brabantiae sententiâ ab accusatione tam falsâ, tamque irregulariter instituta absolutus fuit præfatus Pastor. Deplorare non cessant plures Diöcesis Mechliniensis subditi, quod Dominus Archiepiscopus plures ejusmodi causas incautè suscipiat, inteliciterque terminet, nec tamen idèd debitam Archiepiscopo suo observantiam subtrahunt. " Jam iterum examinemus singula, ac præcipuè causam illius Pastoris S. Catharinæ.

Illius Pastoris causa, ait Arioivstus, contra ac Hennebellus opinatur, maximè ostendit, quid Regi Regiisque Ministris ab ista hominum factione metuendum sit. Memoriale paulo ante citatum, oblatumque ab eo Statibus Brabantiae notorium est: nam constat Memoriale istud Archiepiscopo ab istis Satuum Deputatis legitime & in forma per litteras communicatum fuisse consultationis causâ, & ab Archiepiscopo efficaciter confutatum rejectumque, dein & à Statibus; ita tamen ut Pastor S. Catharinæ exhibere jussus sit commissionem suam, quam à Sacerdotibus quibusdam Lovanienfibus, Bruxellenfibus, Antverpienfibus acceperat. Jam verò quis non videat istud Memoriale perquam seditiosum esse, & gravissimè lædere Majestatem Regiam, Regiorum,

que Ministrorum auctoritatem? Id videt quivis, inquit Venantius, qui, quæ ex ipso citata sunt, vel levi lustravit oculo.

De hoc Memoriali, pergit Ariovistus, quod à Pastore S. Catharinæ cum altero prolixiore impresso ejusdem argumenti oblatum esse Ordinibus, seu Statibus Brabantiae exploratum est, altum filet Brabantiae Senatus, tum in suo Senatus consulto, tum in declaratione in favorem Pastoris S. Catharinæ: Archiepiscopus verò ea quæ de his Memorialibus, uti & de quibusdam, quæ contra eadem Regis Decreta aliquibus privatim partim Scabinis, partim Tribunis plebis Pastorem dixisse testimonio fide digno acceperat, retulit Serenissimo Electori, Gubernatori Belgii, juxta requisitionem ejusdem Serenissimi: is enim ad singulos Belgii Episcopos scripserat, eodem die quo Decreta Regia contra Jansenistas, & suspectos promulgarat 7. Novembris 1693.

Habeo, dicit venantius, istarum litterarum exemplar, quod & protulit & recitavit. Sic autem sonat; " Reverendissime & plurimum in Deo dilecte Pater, cum juxta iterata Regis Mandata scribendas nobis duxerimus ad omnes Belgii Senatus litteras encyclicas, quarum exemplaria hic acclusa sunt, eas Reverendissimæ D. V. communicamus, ut perspecta habeat omnia iis contenta, nihilque sit, quod non quam accuratissime fervetur. Simul monemus, ut vel minimas illarum transgressionibus nobis, aut Concilio Statûs denuntiet, ut opportuna remedia afferantur. " Tum Ariovistus inquit; poteratne Archiepiscopus, qui & ipse Regi est à Concilio Statûs tam apertam & notoriam Decretorum Regionum, non qualemcumque transgressionem, sed audacem impugnationem & quantum in Memorialium istorum Autoribus est, manifestam everSIONem dissimulare, præsertim postquam Memorialia ista legitime ab ipsis Illustrissimis Brabantiae Ordinibus, seu Statibus, ut vocant, fuerant communicata? Quomodo suum istud silentium purgare apud Regem & Electorem potuisset? Nullo tamen modo mens Archiepiscopi



copi fuit, ut res ista ad forum contentiosum deduceretur: nolebat enim agere partes accusatoris contra Ecclesiasticum apud ullum Tribunal seculare, multo minus Senatum Brabanticum; id quod ab Archiepiscopo factum non esse, evinci potest testimoniis autenticis; neque informatio ab eodem data Electori fuit *juridica*, licet id putaverit Pater de Palazol, qui *informatio legitima* in quodam scripto latino legens, Hispanicè vertit *juridica*.

At quid ad Senatus Consultum, quærit Baccalaureus, in quo dicitur; "certum est, quod usque modò non audivimus quempiam legitime fuisse accusatum, ac multo minus convictum tamquam caput, adhærentem, vel addictum similibus doctrinis, & opinionibus novis?"

Ariovistum parantem respondere prævenit Venantius dicens; si Autor istius Senatus-Consulti priusquam hæc scriberet, consulisset Episcopos, saltem Mechliniensem, qui Bruxellis tum aderat, totâque hieme ibi residere consuevit usque ad mensem Maii, ab eo didicisset plurimos à se legitime accusatos fuisse, & etiamnum accusari apud Sedem Apostolicam collecto ex eorum libris, ac The-sibus cumulo centenarum aliquot propositionum, quarum examini pridem incumbi à Qualificatoribus cœpit, sed propter immensam earum multitudinem, & intercurrentia aliunde impedimenta fortè illud non tam cito finietur. Ab eodem Archiepiscopo didicisset legitime accusatum, & convictum fuisse ab Illustrissimo Alfonso de Berges suo decessore, ut pater ex ejus Decreto dato Bruxellis 1689. 26. Aprilis, Ægidium de Witte de propositionibus, quibus negabat SS. Patres fuisse unquam confessos sacramentaliter, aut eorum tempore in usu fuisse confessionem peccatorum venialium: ac dein rursus legitime accusatus & convictus fuit effutisse non pauca contra auctoritatem Pontificis. Liquet legitime convictum de novitatibus fuisse Eugenum de Gelder. Methodum Gummari Huygens remittendi & retinendi peccata gravibus Censuris damnatam esse, lippis & tonsoribus notum est. Ex triginta & una propositionibus damnatis ab Alexandro VIII. plerasque esse traditas à

Theologis, qui in Belgio, imo & in Brabantia habitaverunt, non ignorat, quicumque in controversiis Belgicis peregrinus non est. Atque Autores illi prius legitime exhibiti sunt, S. Congregationi antequam hæc ad earum condemnationem voluit procedere. Plura ejusmodi exempla proferri possent etiam eorum, qui apud Archiepiscopum Mechliniensem legitime accusati sunt, & nondum absoluti.

Doctissime Venanti, ait Ariovistus, nihil poteras in hanc rem dicere melius accomodatiusque; verum ut ad Pastorem S. Catharinæ revertamur, non is innocens declaratus est, neque talis declarari potuit quoad seditiosa Memorialia, sed tantum quoad dicta quædam privata quæ probari non potuerunt, neque Archiepiscopus probanda susceperat. Unum hic ex D. Baccalaureo quaesitum volo, an præter Clementissimum Regem Catholicum sit ullus in toto terrarum orbe Princeps, qui contra suos Ministros, contra sua Decreta pateretur, qualia Rex passus est ab Doctore Hennebel & Pastore S. Catharinæ, & non utrumque ut minimum exilio mulcicaret. Tam mitem, tamque Clementem Principem nusquam invenias, inquit Venantius. Sed dic, Arioviste, an *Archiepiscopus hanc causam* contra Pastorem S. Catharinæ *Suscepit*?

Id falsum est, respondit Ariovistus, & est magis falsum, quod *suscipiat plures ejusmodi*. Si quas *infeliciter terminet*, aut omnino *terminare* nequeat, non ei vitio vertendum est, quasi non satis cautè suscipiat, sed suis adversariis, qui nimis nequiter procedunt. Et verò prodigii instar ducere, si unius quantumvis prudentis *cautela* par esset vitandis, detegendis, elidendis fraudibus tam numerosæ, tam callidæ, tamque versutæ factioni. Unde Religiosissimus Mechliniensium Archipræsul identidem superum hominumque opem implorare cogitur cum S. Bernardo, *serm. 45. in Cant.* Sic exclamante "juvate me Socii, ut capiatur vulpes demoliens vineam, vel potius capite vos nobis eam o Angeli Sancti. Versuta est valde, operata est iniquitate & impietate."

Jam

Jam verò quòd Archiepiscopus novitates è Diœcesi sua eliminare non valeat, debet calumniis quorundam adversariorum suorum qui illum non zelo secundùm scientiam, sed impetu; & Empedoclæo erga homines istos odio ferri vociferantur, tum Romæ tum alibi, ut querelæ ejus omnes atque informationes non inveniant fidem. Hanc perniciosissimam fraudem perspexit olim Tudenſis Antistes ita contra Albigenſes scribens: "Mul-  
 „toties hæretici, dum aliquem vident ſuis erroribus ad-  
 „verſari. .... ad calliditatis ſuæ arma confugiunt. .... mo-  
 „dò palam, modò occultè iplius famam lædere non  
 „deſiſtunt. Hoc agunt inimici Dei, ut contra ipſum ſe-  
 „ditionem moveant populorum & illius aſſertioni con-  
 „tra hæreticos minimè deferatur. "

Venantius ſubjunxit; Sic eſt, Arioviſte, iſtud ſolen-  
 ne ſemper ſervarunt quilibet Novatores. Ut omittamus  
 jam de ſingulis cogitando recordari, exemplo erimus  
 contenti uno. Noſti Arioviſte, noſti & tu D. Baccalauree, quantum de Cardinalis Cajetani zelo, velut de importuniſſima animi turbulentia queſtus ſit Lutherus. Apud multos non modò Cajetani æmulos, ſed etiam viros alios non malos fidem invenit illius hæretici querela, adèd ut diſcretionis & manſuetudinis aliquanto plus in Cajetano deſideraverint. At verò hunc Pontificium Legatum optimè defendit actuetur Palavicinus, oſtenditque tantum hæreſeos incrementum potius aliorum quorundam credulitati, & lenitati nimie, quam Cajetani vehementiæ, aut turbulentie acceptum referri debere.

At mihi, ait Baccalaurens, ex memoria fluxerunt verba Hennebelli ultima, quæ recitaſti. Hæc ſunt, inquit Venantius; *Nec tamen ideò debitam Archiepiſcopo ſuo obſervantiam ſubtrahunt.* Sed quâ ſinceritate, D. Baccalauree, Hennebellus auſus eſt iſtud dicere, quave fronte? Non ignoravit proſectò integra conviciorum plauſtra in illum Antiftitem effuſa eſſe tot ſcriptis, tot libellis famoſis, quorum tres diverſos uno die manu carnificis exuri juſſit ſupremus Geldriæ Senatus ſententiâ publicâ. Plurâ iſtiusmodi modèſtiæ & obſervantiæ erga hunc  
 An-

Antistitem argumenta extant collecta in Libro *diffeminatarum per Belgium propositionum*, qui jam in Eminen-  
tissimorum Cardinalium, & Consultorum S. Officii ma-  
nibus est. Videri potest pag. 14. 15. 16.

Hic Venantius, à subintrante famulo evocatus nes-  
cio quò, Facite mihi, inquebat, tantisper abeundi co-  
piam, redibo quam mox. Interim tu Arioviste, pote-  
ris Baccalaureo prælegere citatas paginas, ut inde dis-  
cat suorum observantiam in Mechliniensium Archie-  
piscopum. Neque prætermittas quæso, me absente, illi  
ostendere inter ceteras Hennebelli calumnias recen-  
dum esse id quod dicit *Archiepiscopum* circa omissionem  
additionum ad Formulæ Alexandri VII. *non obtempe-  
rasse Apostolicæ Sedi.*

## DISSERTATIO V.

*De Patrocinio, quod Decreta Regia semper præstite-  
runt Decretis Pontificiis in Belgio & quomodo fan-  
senista his semper contradixerint.*

**V**enantius, uti fidem dederat, rediit quamprimum,  
& ante quidem quàm Ariovistus cum Baccalaureo  
legisset assignatas paginas. Propositiones in iis reperie-  
bantur contra Archiepiscopum adeò atroces, ut ipse  
Baccalaureus erubesceret. Mittamus hæc, Baccalaureus  
inquebat, & audiamus potius Hennebellum adversus  
Memoriale Patris Palazol differentem.

Hoc ubi dixerat, arripuit Hennebelli scriptum quod  
jacebat in mensa, legitque sequentia; " cum Decretis  
„Pontificis favere semper soleant Decreta Regia, mirati  
„sunt multi tanto tempore, totque Ministri Apostolici  
„officiis opus fuisse, ut solitus favor impenderetur Bre-  
„vi Apostolico die 6. Februarii 1694. ad Belgii Epis-  
„copos misso; illudque executioni mandaretur. Sed jam  
„Memoriale, quod impugnamus, mysterium aperit,  
„apertè declarans expositum fuisse Catholicæ *Sue Ma-  
„jestati*, quod Breve præfatum per sinistras informatio-  
nes,

„nes, & importunas querelas, per clamorum vim, &  
 „adhærentium potentiam fuerit extortum: ita factum fuit,  
 „ut dum hæc diligentius inquirat Catholica Sua Ma-  
 „jestas, tanto tempore dilata fuerit præfati Brevis exe-  
 „cutio.” Quid ad hoc, Venanti? Quidve tu Ario-  
 vifte?

Hoc totum, respondet Venantius, nihil est præter  
 confusam & pertinacem continuationem calumniæ quæ  
 contra Regem Doctor Hennebellus commentus est in  
 priori ad Sanctiss. Dom. Memoriali. Ejus verba differ-  
 tatione 2. retulimus. Quin & calumnia est, quod sive  
 Rex, sive Archiepiscopus Mechliniensis, sive ullus alius  
 Belgii Antistes, aut Religiosus, aut alius eorum, quos  
 accusare Hennebellus nititur, se Brevi Pontificio aut  
 ejus executioni opposuerit, aut etiam uno temporis mo-  
 mento dubitaverit, essetne illud Breve admittendum,  
 aut mandandum executioni. Venantium inturbavit  
 iterum Baccalaureus dicens; forte Hennebellus hic vo-  
 luit accusare Senatum Brabantiae.

Nugæ, Venantius respondebat. Senatus quidem Bra-  
 bantiae litem intendit Archiepiscopo Mechliniensi, prop-  
 terea quod Illustrissimus Archiepiscopus sine Senatus  
 istius placito Breve Pontificis, ejusdemque Decre-  
 tum promulgasset. Non diffiteor. Sed Senatum istum,  
 non hic nec usquam alibi accusare vult Hennebellus,  
 neque ullus ejus affecla, cum semper Senatum istum in-  
 inclament, istum solum videantur constituere judicem  
 quoad mores & doctrinam Ecclesiasticam, ut patet in  
 Memoriali manuscripto, quod obtulere Statibus Bra-  
 bantiae, in quo de adversariis suis, & Decretis Regiis  
 sic conqueruntur; ” Obtinuerunt prohibitiones, quibus  
 „interdicitur omnibus legitimis causæ nostræ judicibus  
 „etiam Concilio Brabantiae, ne eam discutiendam sus-  
 „cipiant.” Prohibitiones autem illæ Conciliis, etiam  
 Brabantico, datæ ita sonant; ” Hæc ad vos scribimus,  
 „ut vobis interdiciamus, quemadmodum serîo interdi-  
 „cimus, ne ullos ad vos recurrentes Ecclesiasticos, quos  
 „Episcopi propter mores, aut doctrinam aggressi fue-  
 „rint vel deinceps aggredientur, recipiatis, neve vos  
 iis

„iis immisceatis, aut ullâ ratione præstetis patrocinium, sive possessionis sive alio titulo quocumque.” De hac prohibitione, Hennebelli commilitones querelas publicas & seditiosas instituunt tamquam de ereptis sibi *legitimis causæ judicibus*. Unde evidens est, quod Senatum secularem statuunt *velut legitimum Judicem Ecclesiasticorum in materia morum & doctrine*. Cum ergo contra gravissimas Sacrorum Canonum sanctiones, & contemptis Ecclesiæ Censuris Senatum hunc sibi judicem deligant in materia jurisdictioni secularium circapersonas Ecclesiasticas exempta, non est verosimile, quod hunc Senatum sibi accusandum præfixerint; & si præfixissent, non magis hæc Senatus culpa adscribenda Regi esset, quam istud ejusdem Senatus Consultum circa Decreta Regia datum ad Belgii Gubernatorem. Hic Venantio Ariovistus applausit. Argumentaris, inquit, non male; sed aveo ex te intelligere, cur hanc Hennebelli calumniam vocaveris *confusam*.

Quia reponit, Venantius, Hennebellus in ea nescio quam adamavit obscuritatem, & vix nunc possum nisi divinando assequi, unde calumniæ hujus occasionem vel fundamentum sumpserit. Si autem rectè conjicio, Hennebellus crimen Regis constituit in eo, quod anno uno post memoratum Breve Pontificis promulgata fuerint Decreta Regia de *non promovendis suspectis*. Cumque contra hæc tumultuarentur nonnulli Clerici Belgæ, tamquam ad quamvis levem minimèque fundatam & vel ab uno suorum adversariorum assertam suspensionem forent *excludendi officiiis & beneficiis obtinendis*, imo etiam ab obtentis *repellendi*, & *privandi famâ, opibus, ac fortunis* (ita enim alii palam vociferabantur sonare Decreta Regia, alii se prospicere futurum, ut ita ab adversariis suis in praxim deducerentur) dicitur Romana Curia Regem per Nuntium Apostolicum rogasse, ut Decreta sua juberet non aliter executioni mandari, quam juxta Breve Apostolicum datum ad Belgii Episcopos. Hic paulisper hæserit Rex piissimus, minimè sibi conscius quidquam à se decretum esse sanctionibus Pontificiis contrarium. Jubet itaque examinari Decreta sua, eaque cum Brevi Apo-

Apostolico conferri, & licet summam utrobique iustitiam, & inter se conformitatem cerneret; quia tamen à quibusdam sensu jam explicato & à Regis mente plane alieno accipi dicebantur, ideòque instabat Nuntius Apostolicus, ut Rex declarationis aliquid dare non gravaretur, unde iis, ad quos executio spectat, innotesceret, Decreta Regia intelligenda & usurpanda esse, ita ut Brevis Apostolico non opponerentur, satisfecit Rex desiderio Pontificis, sed non Hennebelli, neque aliorum, qui vellent in conferendis beneficiis, officiis, ordinibus sacris, curâ animarum non haberi rationem ullius suspicionis, nisi quæ servato juris ordine in iudicio probata esset. Quo nihil magis alienum est à S. Scripturis, Canonibus Conciliorum, præxi omnium Principum, Rerum publicarum, Pontificum, Cardinalium, & cujuscumque Patristarum, ac denique ab ipso rationis lumine, ut in Motivo juris pro Decretis Regiis anno 1697. typis edito, & nuper in Memoriali Patris Palazol fusè evidentèrque demonstratum est.

Hic tangis aliquid, interruptit Arioivstus, quod mihi nuper usui fuit ad urgendum quempiam S. Theologiae Professore, qui in aliquo honesto congressu pugnabat Jansenismi suspicionem posse nemini obesse; nisi servato juris ordine in iudicio probaretur. Ergo, inferrebam, juxta vos ita Breve Pontificium intelligendum esset; ut lectiones Theologicae, Praefecturae Seminariorum, omniaque quantumvis magni momenti officia, beneficia, dignitates etiam anuexam habentes curam animarum, deberent conferri iis, qui de heresi, & consequenter etiam de stupris, adulteris, sacrilegiis, paricidiis, magis rationabiliter suspecti sunt, & ut tales famâ publicâ reputantur, imò etiam si illorum criminum revera reos esse certâ scientiâ & experienciâ, sed privatâ quæque defectu testium fidem facere in iudicio non posset, constaret ipsi Regi aut Episcopo; deberent, inquebam, juxta vestram Brevis Pontificii interpretationem ejusmodi suspectis, quin & certò nefariis cuncta officia & beneficia æque ac optimæ & perspectissimæ fidei ac probitatis hominibus conferri ab Rege, Episcopis, & quibus-

„causis circa Bullas Urbani VIII. contra Jansenismum  
 „tantisper aliquando hæserunt, maximè cum, fatente  
 „ipso Memorialis Autore, de nullo particulari dogma-  
 „te tunc ageretur, neque hodie in Belgio ulla sit de  
 „Bullis Urbani controversia.” Hoc ubi recitarat, sic fa-  
 „tus est Baccalaureus; istud quàm opportunè dixit Hen-  
 „nebellus! quam fortiter ac suaviter! an melius poterat  
 & adversarios pun gere & suos defendere?

Iterum dico, inquit Venantius, esse calumniam, quod  
 aut Rex Catholicus, aut ullus alius sive in Hispania,  
 sive in Belgio executionem Brevis stiterit, aut quod il-  
 la executio uno puncto temporis fuerit suspensa: neque  
 enim hætenus ostendit casum adversarius, aut ostendere  
 poterit vel unum quo accusationem suam probet. Relucta-  
 tione autem quorundam Lovaniensium contra Bullam  
 Urbani VIII. nullum hætenus in Ecclesia exemplum  
 visum est scandalosius, nullum pertinacius, & quidem  
 non nisi propter cavillationes futes & Theologis Ca-  
 tholicis indignas. Hæ sunt, quas Doctor Hennebel, vo-  
 cat *causas graviores*. De his, prosequebatur idem Venan-  
 tius, audiamus potius ipsum Urbanum VIII. qui post va-  
 rias monitiones frustra per Internuntium adhibitas tan-  
 dem sic conqueritur in Brevis ad Academiam Lovani-  
 ensem 24. Octobris 1643. ” Minime nos latet (*Constitu-  
 tionem nostram*) cā, qua decuit reverentia, à plerisque  
 „vestrū fuisse exceptam,.... ingenti tamen animi ægri-  
 „tudine audivimus aliquos non defuisse, quorum teme-  
 „ritas eò prolapsa est, ut prædictam Constitutionem,  
 „tum ob prorogatum publicationis tempus, ac etiam  
 „quarundam interpunctionem ac litterarum menda,  
 „tum ob immutatum in Coloniensi editione annum,  
 „inanibus scilicet argumentis in dubium vocare, & fal-  
 „sitate arguere non sint veriti,.... quamobrem confi-  
 „dimus fore, ut gravissimum hoc negotium suo pon-  
 „dere expedientes, jussibus nostris sedulò pareatis, ne-  
 „que patiamini ob effrænata quorundam audaciam  
 „florentissimæ Universitatis nomen tantā contumaciæ  
 „notā circumfundi.”

In Brevis ad Jacobum Boonen Archiepiscopum Mech-  
 linich.



liniensẽ eodem die sic loquitur: "Pontificiæ sollicitudinis  
 „zelum, contra quàm sperabamus, parum apud quosdam  
 „profecisse audivimus, & quemadmodum par est, vehe-  
 „menter doluimus: aliqua enim ad falsitatem diplomatis  
 „indicandam, non minus leviter, quam impudenter obji-  
 „ciunt. .... qui tam apertâ eorum contumaciâ tuâ vi-  
 „gilantiæ officia elucere cupimus. .... quamobrem enixè  
 „flagitamus, ut intolerabilem eorum arrogantiam cœr-  
 „ceas, ipsosque ad parendum Apostolicæ Sedis sanctio-  
 „ni, quoquo pacto compellas."

Alia ejusmodi Brevia dedit Pontifex ad singulos Episcopos distincta, etiam ad D. Franciscum de Mello, Belgii Governatorem, & ad Academiam Duacenam. Verum ne sic quidem recipere Constitutionem Urbani VIII. voluerunt rebelles isti Lovaniensēs, neque toto reliquo vitæ suæ tempore id consequi Pontifex potuit. Aiebant se velle, dicit Baccalaureus, ut prius Legati sui Sinichius & Papius Romæ audirentur. Auditi sunt, Venantius reponit, & omnibus eorum rationibus consideratis, mandavit Pontifex iterum, ut Bullæ superiori accuratè abtemperarent. Hunc in finem edidit tertium Decretum, sed cui non plus, quam duobus præcedentibus rebelles Lovaniensēs detulerunt.

Ariovistus autem sic deinde prosecutus est. Mortuo Urbano VIII. idem negotium urgendum suscepit ejus successor Innocentius X., quare multa & ipse Brevia de hoc expedit, sed frustra, donec annis aliquot post, videlicet anno 1651. ultimo Februarii emanavit à Rege decretum, in quo declaratur. Primò, quomodo, "mul-  
 „ti ex Universitate Lovanienti impedivissent, ne in om-  
 „nibus Belgii Diocæsisibus promulgata esset Bulla Urbani  
 „VIII. Secundò, quod postulassent tempus & dilationem,  
 „ut rationes suæ expenderentur à Pontifice. Tertiò,  
 „quomodo eorum Deputati tam voce, quam scripto Ro-  
 „mæ auditi plenè fuerint in generali Congregatione In-  
 „quisitionis. Quartò, quod sanctissimus Dominus de  
 „omnibus informatus mandaverit per Decretum datum  
 „16. Junii 1644., ut præcedentes Bullæ plenum & in-  
 „tegrum sortirentur effectum. Quintò, quod prædicti  
 Lova-

„Lovanienses omnibus his non contenti, recurrerint ad  
 „suam Majestatem delegantes unum ex suis ad Madri-  
 „tensem Curiam. Sextò, quod illic iterum auditi fuerint  
 „in omnibus, quæ proponere voluerunt. Septimò quod  
 „Rex omnibus perpensis non invenerit ullam rationem  
 „legitimam impediendi vel differendi promulgationem  
 „& executionem earundem Constitutionum. Octavò,  
 „quod die 14. Julii 1650. circa hoc Rex Mandata mi-  
 „serit ad Archiducem Leopoldum Belgii Gubernato-  
 „rem. Nonò, quod tam Sua Majestas, quam Archi-  
 „dux Leopoldus assiduè tum per Brevia, tum per Nun-  
 „tios Madriti, & per Internuntium Bruxellis rogata  
 „fuerit ab Urbano VIII., & Innocentio X. Summis  
 „Pontificibus. ut opem Regiam & manum fortem præ-  
 „staret executioni dictarum Bullarum in forma consue-  
 „ta, quemadmodum, inquit Rex, ad nos pertinet, &  
 „sicut prædecessores nostri, tamquam Ecclesiæ & fidei  
 „Catholicæ Apostolicæ Romanæ defensores semper fece-  
 „runt in omnibus nostris regnis & ditionibus. Denique  
 „præcipit Rex, ut Bulla promulgetur & observetur, statu-  
 „tâ in transgressores quingentorum florenorum multâ  
 „pro prima vice; pro secunda exilio sexennii ex omnibus  
 „Regiis ditionibus.” Ita necesse fuit Constitutiones Apo-  
 „stolicas contra rebelles quosdam Lovanienses Catho-  
 „licæ Majestatis autoritate, & auxiliatrice dextra vindicare.

Hic sese Ariovistus convertibat ad Baccalaureum, in-  
 quiens; obiter hic nota, D. Baccalauree, quam falso  
 hodiedum dicat Hennebellus cum suis in Memoriali  
 Belgico anno 1696. §. 1. illos Lovanienses spatio plus  
 quam 5. annorum non potuisse obtinere, ut audirentur:  
 Hoc quidem perquam indignum est, inquit Venantius;  
 sed haud scio, an non sit multo indignius, quod Hen-  
 nebellus Majestatem Catholicam, religiosissimos Bel-  
 gii Antistites, eisque adhærentes comparare sustineat  
 cum istis tam pertinaciter S. Sedi rebellibus. At, ob-  
 jicit Baccalaureus, *de nullo particulari seu determinato*  
*dogmate tunc agebatur, idque fatente vel ipso Memoria-*  
*lis Autore*, unde Doctor Hennebellus subindicare vult  
 rem illam fuisse momenti non adedò magni.

Verum licet, inquit Venantius, de nullo *dogmate in particulari ageretur*, agebatur tamen de multis damnatis à Pio V., & Gregorio XIII. Urbano VIII. decessoribus; agebatur de *malo in scandalum totius Reipublice Christianae, & fidei Catholicae perniciem vertenti*, ut Urbanus VIII. Bulla in *eminenti* disertè testatus est. Et certe perspicuum est contineri ac defendi in libro Jansenii plures, quàm 30. ex damnatis in Baio propositi-  
onibus, præter alias dein ab Innocentio X. Alexandro VII., & Alexandro VIII. proscriptas. Quomodo etiam, adjungit Ariovistus, sustinuit Hennebellus dicere, *nullam hodie in Belgio esse de Bullis Urbani controversiam?* Notum enim est & exploratum omnibus, Urbanum VIII. Bulla in *eminenti* confirmasse Bullam Pii V. Gregorii XIII. contra Baii articulos, & eam suæ Constitutioni integram inseruisse; nec minus notum est à bien-  
nio edita esse totoque Belgio palam distracta omnia Baii opera cum recentibus notis ac vindiciis, quibus Bullæ Pii V. Gregorii XIII., & Urbani VIII. ex professo op-  
pugnantur. Huic editioni proluserunt Ignatius Eykenboom, & Autor scripti Gallici *Memoires importants & prosecutions* ad Facultatem Duacenam, ex quibus colligitur communi factionis conspiratione, opera illa Baii nuper prodiisse. Nullus in Belgio ignorat, retineri mor-  
dicus à tota illa factione cavillationem de *famoso comma-  
te*, in quam cavillationem Eminentissimus Cardinalis de Aguirre meritò invehitur in defensione Cathedræ S. Petri disp. ni fallar. 20. sect. 1.

Appellatum locum protinus inspexit Venantius, & Baccalaureo ostendit. Ibi autem legebantur ea verba; ”  
„quia juxta eam interpretationem nulla ex propositioni-  
„bus Baianis in singulari esset, quæ impunè defendi non  
„posset in rigore & proprio verborum sensu, cum juxta  
„Bullam nulla determinata ex iis 79. sit, supra quam ea  
„verba cadere non possent, unde irrita prorsus, &  
„incassum lata esset constitutio.” Atque ideò, profe-  
quebatur Ariovistus, idem Cardinalis ibidem dicit,  
*frivolam & absurdam esse evasionem hanc*. Et tamen eva-  
sionem eam suscitavit Autor defensionis Ecclesiæ Ro-  
manæ



manæ anno 1688. pag. 18. Autor editionis operum Baii 1696. parte 2. pag. 77. D. Germain in defensione Ecclesiæ Romanæ & Summorum Pontificum contra Leydeckerum eodem anno 1696. pag. 78. Imo D. Germain ibidem de hac cavillatione tamquam de intentione Pontificis, & vero Constitutionis sensu dicit, nos "tam perspicuè edoctos esse, ut dubitari amplius non possit, quin significet, quod inter istas propositiones inveniantur multæ non condemnatæ, nec ut falsæ, nec ut erroneæ in sensu Autoris, quasque ipso duce sustinere possumus acceptas eodem sensu & in rigore;" licet in Bulla definiatur eas esse hæreticas, erroneas, suspectas, temerarias, scandalosas, & in pias aures offensionem immittentes respectivè. "Hos locos omnes stupendâ prorsus memoriæ felicitate assignabat Arioivstus, sicuti etiam illos qui subsequuntur.

Quid multa? Inquiebat, declarat Urbanus VIII. *in eminenti*, quod "ex diligenti & matura ejusdem libri, cui titulus Augustinus Jansenii, lectione compertum fuerit, multas ex propositionibus olim damnatis à Pio V. & Gregorio XIII. contineri, & magno cum Catholicorum scandalo & autoritatis dictæ Sedis contemptu contra præfatas damnationes & prohibitiones defendi. ... malo in scandalum totius Reipublicæ Christianæ, & fidei Catholicæ perniciem vertenti." Interim G. Prior S. Martini in Memoriali laxiori anno 1691. pag. 70. asseverat "posse demonstrari, quod liber Jansenii sub Urbano VIII. non fuerit ritè examinatus." Autor defensionis Romanæ Curiae anno 1688. pag. 18. "propositiones, inquit, Baii quæ renovantur à Jansenio continent doctrinam S. Augustini," Eugenius de Gelder Brugensis in ultima voce zelatricis innocentiae anno 1689. pag. 30. non minus clarè ac paucis pronuntiat, quod "Urbanus VIII. fuerit deceptus, patet ex propria ipsius Bulla." Autor difficultatum propositarum D. Steyartio anno 1692. "Facile fuit post 40. annorum spatium impetrare ab Alexandro VIII. condemnationem hujus trigesimæ primæ propositionis, Bulla Urbani VIII. IN EMINENTI EST SUBREPTITIA: atque hæc ipsa

ipsa condemnatio; ut jam dixi, probat rejiciendum  
 esse, ut subreptitium Decretum Alexandri VIII. quo  
 propositio illa damnata est. Ibidem potestne cuiquam  
 peregrinum apparere, quod Bulla hæc Urbani VIII.  
 subreptitia dicta sit, quæ fabricata est ab Assessore S.  
 Officii contra expressam Pontificis intentionem. " Ig-  
 natius Eykenboom anno 1696. in Adumbrata Ecclesiæ  
 Romanæ defensione pag. 17. in eo, inquit, " falsus est  
 ac fallit Leydeckerus, quod à Gregorio XIII. in præ-  
 dicta Bulla confirmatam asseverat Pii V. Bullam, rur-  
 sumque damnatos articulos, qui in prima notati sunt.  
 Scimus quidem ipsam Urbani VIII. Bullam id decla-  
 rasse. .... verum id malis artibus Jesuitarum, Urbani  
 VIII. Bullæ ab Albizio eorum cliente insertum, jam  
 nemo est eruditorum, qui dubitat &c." Et tamen D.  
 Hennebellus solitâ suâ sinceritate scribens testatur Pon-  
 tifici, Cardinalibus &c. " nullam hodie in Belgio esse  
 de Bullis Urbani controversiam. " Quæ huic homini  
 potest esse srons? Quærit Venantius. Et tu D. Bacca-  
 lauree, talem tam impensè colis.

Imposturam, inquit Ariovistus, etiam aliam quæ  
 non cedat priori, animadverto in his verbis; " si quid,  
 inquit Hennebellus, agere vellet Memorialis Autor,  
 probare deberet, quod Theologi Belgii, quos impug-  
 nat, manu Regiâ compelli debuerint, ut debitam Con-  
 stitutionibus Innocentii X. & Alexandri VII. observan-  
 tiam præstarent: de his enim controversia est, nulla  
 autem prorsus de Bullis Urbani VIII. Verum qua ra-  
 tione id probare posset? Cum ex dictis §. 2. & 3. Proce-  
 ssu, luce meridiana clarius constet, Constitutiones præ-  
 fatas ab iis recipi cā promptitudine, ut major deside-  
 rari non possit. Constitutionibus Pontificiis ita in Bel-  
 gio receptis, si quæ postea alibi super eis fuerit con-  
 tentio, illi implicari Theologi Belgæ noluerunt, li-  
 berrimèque apud Apostolicam Sedem de æmulorum  
 suorum maledictione conquesti sunt. " Hæccine iterum  
 Hennebellus? Inquit Venantius. Ut vides, respondet  
 Ariovistus.

Tum Venantius, hujuscemodi, ait, imposturam quis  
 ferat?

ferat? Sed reprimamus concitatum animum; & quoniam Hennebellus hoc loco magnificè jactat Theologos Belgii recepisse Bullas Innocentii X. & Alexandri VII. "eā promptitudine, qua major desiderari non possit," neque à Rege ullā ratione ad hoc fuisse compulso, juverit promptæ illius, quam vocat, obedientiæ originem, naturam & statum paucis discutere, ut pateat etiam hic verum esse quod ait Pater Palazol, "Decreta Regia Pontificiis Decretis semper patrocinata esse; Jansenistas autem eis semper contradixisse." Ego, inquit Ariovistus, mentitæ illius obedientiæ originem, naturam & statum rectè teneo; at quia ista non æque tenet D. Baccalaureus, idcirco non possum non tuum probare consilium. Ergo tu incipe, Venanti, vel ab ovo, si lubet. Inde Venantius sic est exorsus.

Belgis omnibus & Hispanis ignotum non est proprios Jansenii Patronos fuisse Jacobum Boonen Archiepiscopum Mechliniensem, & Dominum Roosc Protopræsidentem Sanctioris Senatus Regii Bruxellis. Tantis protectoribus, quid non auderent & ausi sunt Janseniani? Sed fractâ eorum autoritate, idioma mutarunt, non animum. Censuræ contra dictum Archiepiscopum propter ejus contumaciam latæ sunt & quidem affixis publicè programmatibus Bruxellæ. Tum summus terror factionem totam incescit. Magis verò concidère rebellium animi, quando Apostolicum Internuntium (qui ne quid à potentibus Jansenii fautoribus pateretur, Bruxellâ clam discefferat) viderunt à Serenissimo Archiduce Leopoldo Belgii Gubernatore Bruxellas revocatum protectumque: dein quando ipsum Dominum Roosc Protopræsidentem, qui primus Regi autor fuerat Jansenium ad Iprenses insulas promovendi, ac semper ab Archiepiscopo steterat, jam Regis gratiâ excidisse, ac Protopræsidentis officio dignitateque privatum; denique quando intellexerunt nihil deinceps præsidii sibi à Concilio Brabantia sperandum, jamque certum fixumque Regi esse nullum Jansenii sequacem aut protectorem ad ullum promovere officium, neque ullā ratione pati, ut vel minimus obex à quopiam suorum subditorum Apostolicis Constitutio-



nibus impoſterum poneretur. Quid ageret imbellis turba rebellium aliquot Academicorum, cum in ipſa Uni-verſitate Loyaniendi pars potior, & inter Doctores Theo-logos pars major, etiam ſub Urbani VIII. Pontificatu, pro ejus Bulla recipienda ſcriptis ſignatiſque ſuffragiis ſeſe declaraffet?

Itaque rebelles conſpicati jam ſe omni deſtitutos pa-trocinio, neque reſiſtendo eſſe, ſtatuērunt non eſſe poſt-hac Bullis Pontificiis palam obluſtandum, cum & ſine fructu obniterentur, & non ſine gravi ſuo malo ac pericu-lo majore, utpote ne excluderentur officiis omnibus, & forte ſpoliarentur acquiſitis. Quare & Urbani VIII. Bullas & quaſcumque demum ſecutas Innocentii X. Alexan-dri VII. aliorumque Pontificum ſe venerabundos ad-mittere poſtea verbis proteſtati ſunt, & à formalibus damnatarum propoſitionum terminis plerique eorum poſtea abſtinuerunt, contenti eas docere terminis æqui-valentibus. Quamquam aliqui ſubinde audaciùs ſenſa ſua promant, rati vel tempus tacendi jam præteriſſe, vel ſe & numero & autoritatè ſatis eſſe firmatos. Præ-cipue verò in aqua turbida (quod dicitur) ſibi piſcandum eſſe duxerunt, tum ſcilicet cum bello arderet Chriſtia-nus orbis, & cunctæ Belgii Civitates præſidio hæritico-rum pariter ac Catholicorum promiſcuè tenerentur.

Specimina jam ante produximus ſatis multa, ex qui-bus planum fit peccari in Belgio non modò contra Bul-las Pii V. Gregorii XIII. & Urbani VIII., verum etiam contra Innocentii X. & Alexandri VII. quia tamen ad-verſarius identidem ac confidentiſſimè clamat, nihil eſſe Belgis omnibus promptius ad recipiendas, & nihil religioſius ad ſervandas Conſtitutiones Innocentii X. & Alexandri VII. condemnantium ꝯ. famoſas propoſitio-nes Janſenianas, de hiſ videamus.

Non ignorat Doctor Hennebel varios libros ſcatere propoſitionibus, quas à Janſenii doctrina condemnata nec ipſe, nec alius quiſpiam facile diſcreverit: novit Eminentiſſimum Cardinalem de Aguirre in deſenſione Cathedræ S. Petri totà diſp. 21. ex profeſſo demonſtra-re ſingulas ex ꝯ. damnatis propoſitionibus contineri in

Jan-

Janſenii libro & à plurimis Belgis nominatim Lovanienſibus fuiſſe poſt condemnationem reſuſcitatas. Cardinalis librum conſulamus, inquit Baccalaureus. Eum librum continuò corripuit Venantius, & cum eum explicaffet; Argumentum, inquit, dictæ diſputationis proponit Eminentiffimus his verbis. " Vidimus diſputatione præcedente, quomodo multi in Belgio, ac præſertim Lovanii, conati fuerint eludere Conſtitutionem Innocentii X. adverſus Janſenium eo prætextu, quod propoſitiones ibidem proſcriptæ, aut non extent in ejus ſcriptis, aut non fuerint traditæ juxta eum ſenſum, in quo Pontifex eas reprobat veluti hæreticas. Quamvis autem utrumque evaſionis genus fuerit graviffimè damnatum ab Alexandro VII., & rejeſtum à nobis ibidem ſect. 3. oportet id nunc uberius rejicere, & oſtendere prædictas propoſitiones verè extare in libro Janſenii, & juxta ſenſum, in quo ab ipſo traditæ ſunt; imo & ab ipſis ejus deſenſoribus traditas poſtea fuiſſe, ac paſſim tradi, quantum conjicere poſſumus ex recentibus ſcriptis, & verbis ipſorum fideliter allegandis, præſertim juxta teſtimonium Patricii Duſſii Theologi Regis Catholici ad Innocentium XI. miſſi parte 2. claſſe 1. & ſequentibus." Hactenus Cardinalis, tum ad ſingulas in Janſenio damnatas propoſitiones recitat longam ſeriem propoſitionum cum ſuis Autoribus Belgis plerique Lovanienſibus, & comparatione inſtitutâ fatetur, ſe nullo modo videre, quâ ratione valeant à damnatis ſeparari.

Recentiora, D. Baccalauree, aliàs dedit Arioviſtus ex Eugenio de Gelder dicente pag. 30., " quod Innocentius X. fuerit deceptus ad oculum demonſtratur. Pag. 31. quod Alexander VII. fuerit deceptus, ex eo conſtat, quod liber Janſenii numquam Romæ ritè fuerit examinatus. " Dedit & G. Priorem S. Martini in ſua Morali laxiore contra Archiepiſcopum Mechlinienſem, & ejus ſequaces anno 1691. ita ſcribentem pag. 61. " Si hæreticus eſt, qui primæ Janſenii propoſitionis ſenſum ſuſtinet eſſe Catholicum, necesse eſt hæreticam eſſe doctrinam S. Auguſtini & S. Thomæ. " De-



dit quoque Jacobum Gilbert in Epistolâ laudantem amicum; " quod gratiam Evangelicam JESU-CHRISTI sâ-  
 „naverit à vulnere influcto per Alexandrum VII., cujus  
 „cicatrix nondum bene obducta sit. " Idem Gilbert cen-  
 „suratâ non ita pridem suâ doctrinâ tum à Theologis  
 „Parisiensibus, tum ab Episcopo suo Atrebatensi, tam-  
 „quam hæreticâ, & uti tali damnatâ per Constitutiones  
 „Innocentii X. & Alexandri VII. indignabundus ita Epif-  
 „copo suo rescribit anno 1687. 18. Septembris. " Dum  
 „me perdis & traducis velut hæreticum. . . . criminaris  
 „doctrinam undecim sæculorum perenni traditione con-  
 „secratam, cui nemo refragatus est præter unum Pon-  
 „tificem (Alexandrum VII.) qui sub finem undecimi  
 „(post Augustinum) sæculi voluit auctoritatem suam ul-  
 „tra JESU-CHRISTI institutionem extendere. " Idem in  
 „tract. de gratia quem in scholis publicis Duaci dictavit,  
 „& Thesibus palam defendit; " In materia gratiæ proce-  
 „dit Argumentum negativè ab actu ad potentiam. &  
 „bene concluditur Titius non operatur bonum, ergo  
 „non potest illud operari, & è contra bene concludi-  
 „tur affirmativè à potentia ad actum, potest operari bo-  
 „num, ergo illud operatur. " Quæ quomodo consistant  
 cum eo, quod præcepta Dei non sint observatu impos-  
 „sibilia, quod gratiæ interiori aliquando resistatur in sta-  
 „tu naturæ lapsæ, quod ad merendum & demerendum  
 in hoc statu requiratur libertas à necessitate, & non suf-  
 „ficiat libertas à coactione; quod homo pro sua liberta-  
 „te possit resistere gratiæ, vel obtemperare; quod CHRI-  
 „STUS mortuus non sit pro salute. duntaxat prædestina-  
 „torum, relinquitur Sedi Apostolicæ judicandum. Hæc  
 sunt, inquit idem Venantius, quæ memoriter dicere  
 potui. Tu doctissime Arioviste, si quæ alia potes super-  
 „addere vel ex immenso memoriæ tuæ thesauro vel ex  
 „iis libris quos tecum attulisti, id, quæso, facito liber-  
 „rimè: nam & mihi certò voluptatem, & D. Baccalau-  
 „reo salutem fortasse afferes.

Ergo Ariovistus ut gratificaretur Venantiô, sine mo-  
 „ra superaddidit plura alia partim de memoria, partim  
 „de libris; Palladius, inquit, in Spongia contra Marti-  
 „num

num Steyaert anno 1688. pag. 28. " prima propositio,  
 „dicit, in sensu Jansenii damnari non potest, nisi a  
 „ritas Augustini & Summorum Pontificum in fumos  
 „eat. Ibidem, Apertissimæ veritatis est, esse in Jansenio  
 „primæ propositionis sensum, qui damnari non possit."  
 Dumque Lovanii Palladio Martinus Steyartius ac rur-  
 sus Palladius Steyartio ultro citroque respondet, quæ-  
 stio incidit de definitione *Jansenistæ*, in qua statuendum  
 pronuntiabat Steyartius, sicut usu venit in nomine Tho-  
 mistæ ac Scotistæ, sic etiam *Jansenista* dicendus esset,  
*qui Jansenii doctrinam tuetur ac proficitur*; respondet Pal-  
 ladius in prosecutione criseos pag. 20. " Finio itaque, ut  
 „Theologus Steyartius, cum Jansenistæ vocabulo; si  
 „locutionis fixarumque mentibus idearum imperium te-  
 „neret Theologus, nomenclationi ejus ac descriptioni  
 „actus accederemus: nam eo dumtaxat quo describit  
 „modo Jansenistas, haberi ac esse, magno duceremus  
 „honori: quid enim generosius in hoc genere, quam  
 „&c. " Verum, inquit, cum nomen Jansenistæ accipia-  
 tur *pro homine exotico, nec sanæ fidei*, illud tamquam  
 contumeliosum & calumniam rejicimus.

Henricus Schreynmaker anno 1692. scribens contra  
 Mechliniensem Archiepiscopum, & quemdam ejus de-  
 fensorem, in justificatione querelarum, pag. 41. " quid-  
 „quid superest adversario, ait, ut probet accusari posse.  
 „aut saltem in suspensionem Jansenismi vocari eos, qui  
 „nolunt dicere anathema doctrinæ Jansenii, est, quod  
 „certum sit, non alia de causa eos nolle credere & fa-  
 „teri, quod 5. propositiones extent in libro Jansenii,  
 „quam ut sustineant universam Jansenii doctrinam eo-  
 „dem sensu, quo ab illo tradita est; hoc ipsum est, quod  
 „illi facile concedimus. " Ubi aperte de suis fatetur, &  
 tamquam si nihil in eo mali sit aut periculi, " facile  
 „concedit, quod sustineant universam Jansenii doctri-  
 „nam eodem sensu quo ab illo tradita est, & quod non  
 „alia de causa nolint credere & fateri quinque propo-  
 „sitiones extare in libro Jansenii, " nempe sensu rectè  
 condemnato; nam qui litteris hisce initialibus C. O. C.  
 nomen suum expressit recens Autor Epistolæ secundæ  
 Apolo-

Apologeticæ linguâ Flandricâ contextæ pag. 12., dicitur, quandoquidem propositiones in libro Jansenii sensum Catholicum possint habere ad aliquem insimulandum hæreseos non satis est dicere, eum aliquam ex 5. damnatis propositionibus docere prout jacent in libro Jansenii, sed oportet solidè demonstrare eum propositiones istas sustinere in sensu, qui secundum obviam verborum significationem, & totius consensum Ecclesiæ hæreticus sit."

Hic interlocutus Venantius sic assumebat; Atque Theologi isti faciunt obviam verborum significationem quamcumque volunt, neque unquam agnoscunt suum & Jansenii sensum damnatum esse; cumque putent se partem esse Ecclesiæ saniores, (nam alios omnes declarant esse *Pelagianos*) nunquam probari ipsis poterit aliquem Jansenii vel ipsorum sensum esse hæreticum, quandoquidem ipsis dissentientibus, nunquam adfuturus sit *totius Ecclesiæ consensus*. Recte ais, inquit Ariovistus; unde efficitur, quod Theologi isti contemnunt Constitutionem Innocentii X. datam anno 1653. pridie Cal. Jun. & Decretum ejusdem Pontificis 1654. 23. Aprilis, in quo sic habetur; "Sanctissimus D. N. Innocentius, Papa X. post condemnatam suâ Constitutione edita, Cal. Jun. anni Incarnationis Dominicæ 1653. in 5. propositionibus Augustini Cornelii Jansenii Episcopi Iprensis doctrinam, ne occasione doctrinæ prædictæ &c."

Non minus explodunt Constitutionem Alexandri VII. *Ad sacram*, in qua ita legitur; "Præinsertam Innocentii Prædecessoris nostri Constitutionem, declarationem, & definitionem harum serie confirmamus, approbamus & innovamus; & 5. illas propositiones ex libro præmemorati Cornelii Jansenii Episcopi Iprensis, cui titulus est Augustinus excerptas, ac in sensu ab eodem Cornelio Jansenio intento damnatas fuisse definimus, & declaramus, & ut tales, inusitæ scilicet eadem singulis notâ, quæ in prædicta declaratione & definitione unicuique illarum sigillatim inuritur, iterum damnamus." Quid ad hoc recentiores Belgæ, qui se quasi



quasi antonomasticè vocant *Augustini discipulos*, alii *Jansenistas*? Petrus de Ligny in Epistola nuper detecta, "per-  
 „suasum habeo Episcopum Ipreensem condemnatum fuisse  
 „se per factionem Molinianam. *Ibidem* credo Pontifi-  
 „ces nunquam dedisse clariora signa suæ fallibilitatis,  
 „quam condemnando 5. propositiones in sensu à Jan-  
 „senio intento. *Ibidem* igitur sine ullo scrupulo volvo  
 „omnes libros de Jansenismo agentes."

G. Prior S. Martini contra Archiepiscopum Mech-  
 liniensem, in Morali laxiore anno 1691. pag. 60. "Jan-  
 „senius fuit fidelissimus interpret S. Augustini. Idem  
 „pag. 53. si hoc Jansenizare est. .... fatemur Jansenif-  
 „mum plus rei habere, quam sibi persuadeat, imo tot  
 „pæne Jansenistas esse, quot S. Augustino studuerunt,  
 „& legerunt librum Jansenii, cum pauci sint, qui sciant,  
 „quid doceat S. Augustinus & legerint librum Jansenii,  
 „quin convicti agnoscant Augustinum Ipreensem eadem  
 „loqui, eadem sentire, quæ Hipponensem."

Autor reflexionum Religionis & Status anno 1692.  
 pag. 17. "quidquid Alexander VII. declaravit circa hoc  
 „factum mera fuit deceptio. Denique impressum folium,  
 „sive Memoriale sanioris partis Theologorum Belgii da-  
 „tum 8. Januarii 1693. sic habet, confidimus, quod Sua  
 „Sanctitas nunquam permissura sit exigi Formulæ sub-  
 „scriptionem, quo stante omnia hic commoverentur,  
 „ac S. Augustini doctrina corrueret, cui genuinum Jan-  
 „senii sensum prorsus cohærere cuiusvis qui attentè ac  
 „omnium partium studio deposito utrumque legerit,  
 „obvium est."

Tum Venantius; Antea non memineram, inquit,  
 habere me Panegyrim Jansenianam Pauli Aurelii, quam  
 nunc aliquoties appellavimus. Oportet solummodo in-  
 spicere elenchum eorum quæ hoc opusculo continen-  
 tur, ut appareat non recipi ab omnibus Theologis Bel-  
 gis Bullas Innocentii X. & Alexandri VII. Hic elen-  
 chus autem ad calcem libri ponitur. Sectio 1. §. 2. "  
 „Res est moraliter impossibilis ut liber Jansenii conti-  
 „neat quinque hæreses. Sectio II. §. 10. Omnia adver-  
 „sus Jansenium clandestinè gesta, solis partibus audi-  
 tis

„tis §. 11. variisque calumniis in auxilium vocatis §. 12.  
 „Causæ Jansenianæ dirigendæ præfectus vir partium stu-  
 „dio à vertice ad talos perunctus. §. 13. Qui & Consul-  
 „tores Molinæ faventes deligit. §. 14. Arcentur ab au-  
 „dientia Pontificia, qui pro Jansenio loqui volunt. §.  
 „15. Imperator & Reges varii adversus Jansenium conci-  
 „tati §. 16. Hæc viâ propositiones damnatæ §. 19. Exa-  
 „minatio propositionum sine ullo respectu ad Autorem  
 „facta est. §. 20. Alexander VII. Propositiones damna-  
 „tas asserit in sententia Jansenii. §. 21. At nullo examine  
 „præcunte.”

Hoc loco Ariovistus Elenchi seriem interruptit, aiens,  
 vultne ergo Paulus Aurelius sibi potius fidem haberi,  
 quàm Summo Pontifici Alexandro VII.? Hic in sua  
 Constitutione *Ad Sacram* testatur se illi examini semper  
 interfuisse & ” eandem causam Apostolicâ autoritate  
 discussam esse eâ profectò diligentia quâ major deside-  
 ,rari non posset.” Tum arrisit Baccalaureus; id, in-  
 quit, *ad solarum propositionum excussionem referri debet*, ut  
 in Prologo Galeato ejusdem Panegyreos Jansenianæ pag.  
 39. dicitur. Imbelle telum, inquit Venantius, & sine  
 ictu! Nam cedo mihi, bone Baccalauree, nonne *ea-*  
*dem causa* referri debet ad illud cujus ante facta est men-  
 tio? Atqui ante facta est mentio non solarum proposi-  
 tionum, sed propositionum cum respectu ad Autorem,  
 ut liquet ex his verbis; ” Cum.... nonnulli iniquitatis  
 „filii prædictas 5. propositiones vel in libro Cornelii  
 „Jansenii non reperiri, sed fictè & pro arbitrio compo-  
 „sitas esse, vel non in sensu ab eodem intento damnatas  
 „fuisse, asserere.... non reformident.” Ergo quod decla-  
 rat Pontifex, ” eandem causam discussam esse eâ diligen-  
 „tiâ, quâ major desiderari non posset, hoc” non ad solarum  
 propositionum excussionem referri debet, sed ad excussio-  
 nem propositionum prout respiciunt suum Autorem.

Id tibi demonstratum eo argumentis etiam aliis. Quid  
 necesse est, inquit Venantius, solem juvare facibus?  
 Revertamur ad Elenchum. §. 22. ” Pontifices certò fal-  
 „li possunt in ejusmodi decisionibus. §. 23. Argumen-  
 „ta pro Jansenii (id est libri) innocentia. §. 25. Provo-  
 catio

catio ad Jansenii innocentiam demonstrandam, " id est, quemadmodum in Paragraphi contextu dicitur, " ut quis ostendat Augustinum Ipreensem non jam in 5. famosissimis propositionibus, sed in una sola ab Hipponensi Augustino vel terminis vel significatione disjungi. §. 27. Mala ingentia quæ ex controversia Janseniana profluunt. §. 28. Cum tamen ista controversia nihil attineat ad fidem. §. 29. Fundamenta fidei, & remedium controversiæ sopiendæ. " Illud autem remedium ponit *Verbum Dei scriptum & traditum*, non habitâ ullâ ratione Pontificiarum definitionum. Hinc sequentem §., qui est primus sectionis III. sic inscribit: *Remedia hactenus tentata à Pontificibus, malo imparia*. Deinde §. 3. & 4. ejusdem sectionis, statuit " bina ad pacem Ecclesiæ necessaria, primò accuratam propositionum determinacionem, secundò legitimam libri Janseniani pervestigationem. " Quasi verò ille liber jam satis à Sede Apostolica pervestigatus non sit, neque satis determinatæ ejus propositiones, quarum singulæ suis censuris inuruntur. Atque hæ sunt Paragraphorum inscriptiones, ex quibus quæ venena Paragraphis ipsis contineantur, facile est colligere. Hoc unum addo. Idem ille Paulus Aurelius de Formula jurandi ab Alexandro VII. præscripta ita pronuntiat in Prologo Galeato pag. 61. " Horreo, fateor, cum mente perpendo, viros, alioqui laxitati infestos, in jurationem adeò tetram & horrificam. .... " (quam tamen etiam ab Innocentio XII. in Brevis tum primo tum secundo præscribi contendit) " tam frivolis, obtentibus audere proruere.

Alia quàm plurima, inquit Arioivistus, in promptu sunt, sed dies me deficiet, si cuncta proferre volucro. Summa illa sit. Ex iis omnibus, quæ protulimus usque adhuc, efficitur cogiturque; Primò, Decreta Regia semper suffragata fuisse Decretis Pontificiis, atque imprimis Decreta nupera de non promovendis ad officia aut dignitates Jansenianæ doctrinæ sequacibus aut suspectis, iisque adherentibus. Secundò, Jansenistas Decretis Pontificiis semper contradixisse, adeòque utrumque rectè assertum à P. Palazol, malâ fide negatum à Doctore Hennebel.



nebel. Tertio, eundem Doctorem gravi & patente calumniâ onerare Regem & Regios Ministros, dum dicit suspensam ab eis fuisse Brevis Apostolici executionem. Quarto, ad domandos & Sedi Apostolicæ subjiciendos Jansenistas Bullæ Urbani VIII. pertinacissimè rebelles plurimum valuisse auctoritatem & operam Regis Catholici, quemadmodum Duacenos nuper Jansenii defensores subegit poenâ exilii Rex Christianissimus. Quinto, mirabilem esse Hennebelli in oppugnanda aperta & sibi nota veritate audaciam, dum citatâ longâ oratione Patris Palazol non veretur de ea dicere, quod sint *tot calumnie, quot verba*. Quare singula verba hic repeto, ut ponderatis eis, quæ ex Cardinalis de Aguirre relatione ac judicio, uti & ex ipsis Novatorum libris toto hoc tempore citavimus, judicet vel ipse D. Baccalaureus, uter verum dixerit, Paterne Palazol an Doct̃or Hennebel. Ex Hispanico vertuntur hoc modo; "Nihil eorum, quæ vel ab Innocentio X. vel ab Alexandro VII. decisa sunt, suffecit, ut inflexibilis pertinacia istius factionis abstinendum sibi duceret à defendendo tam in libris, quam in publicis conclusionibus, quinque propositiones damnatas tamquam hæreticas in suo Jansenio, adhibitis usque hodie variis effugiis, ut latius postea demonstrabimus, ut omnes videant, quâ reverentiâ Apostolicæ Sedi obediat ipsa factio, videantque insuper an non sint Jansenistæ in mundo, an vero sint tantum in phantasia, ut ipsi dicunt, suorum adversariorum implacabilium. Hactenus P. Palazol."

Quid quæso, D. Baccalauree, pergebat Ariovistus, in hac tota oratione non verissimum est probatissimumque ex dictis? Neque hæc ignorare potuit Doct̃or Hennebellus: quippè qui quæ de illa materia traduntur, magis perspecta habet quàm ullus alius; & quamquam luculentis testimoniis probationibusque omni luce clarioribus vel in ipso Memoriali stabilita videat, putat tamen se uno levi halitu facilè omnia diffiare, dicendo de tota oratione Patris Palazol; *Quot verba tot calumnie*.

Tum Baccalaureus cristas arrigens, ista dicis, inquit, Arioviste, & interim argumentum quo Hennebellus niti-

nititur, ne profers quidem. Est autem illud. Primò,  
ait Hennebellus, "Theologos quorum partes agit Do-  
ctor Hennebel, factionem appellat, ac si illi con-  
tra Apostolicæ Sedis Decreta conspirassent. Eos dicit  
„sprevisse & elusisse Constitutiones Innocentii X. &  
„Alexandri VII., cum eas, mox ut prodierunt, sine  
„ulla prorsus tergiversatione amplexi sint. .... Secundò,  
„illa de quinque propositionibus contentio non in Bel-  
„gio, ac multo minus mota fuit in Academia Lova-  
„niensi, in qua ad gradus Theologicos nemo admitti-  
„tur, quin prius propositiones illas condemnet. .... Ter-  
„tiò, confidenter affirmo, quod si omnes pari cum Bel-  
„gis veneratione Constitutiones Innocentii X. & Alex-  
„andri VII. amplectantur, si quinque propositiones à  
„Pontificibus illis damnatas rejiciant, Brevibus Apo-  
„stolicis ad Belgii Episcopos missis sese conformare pa-  
„rati sint, manifestum esse nullos in mundo dari Jan-  
„senistas, nec eos reperiri, nisi in phantasia quorum-  
„dam hominum, quorum interest phantasma in mun-  
„do fovere. " Vix Baccalaureus hæc ex Hennebelliano  
scripto recitaverat, cum Ariovistus dicit.

Respondeo ad primum, vel inter Theologos, quo-  
rum partes agit Hennebellus, sunt etiam isti quos op-  
pugnat Cardinalis de Aguirre supra, & sunt recentio-  
res quorum vidimus sententias adeò oppositas Con-  
stitutionibus Innocentii X. & Alexandri VII., vel non  
sunt inter illos: si sint, desideramus & enixè supplica-  
mus, ut Sedes Apostolica judicet, utrum Autores isti  
obedientiam, quam alibi profitentur, signatè non de-  
struant: si non sint inter illos, frustra qualemcumque  
eorum obedientiam Hennebellus allegat, ad excusan-  
dam aliorum pervicaciam.

Ad secundum respondeo; si nulla fuerit in Belgio  
mota contentio de 5. propositionibus, ubinam igitur  
terrarum sunt, vel fuerunt Theologi à me & Venantio  
jam citati? Nunquid Belga erat Eugenius de Gelder  
Brugensis, cujus ordo & familia notissima sunt in Bel-  
gio? Nunquid Belga est, in Belgio studuit ac docuit  
Petrus de Ligny? Nunquid Jacobus Gilbert Belga est;

&amp;



& apud Patres Oratores tum Bruxellis, tum Lovanii ver-  
fatus, aliquanto pòst Professor Theologiæ & Cancellarius  
creatus est Universitatis Duacenæ sitæ in Belgio? Dein  
omnes illos Anonymos & Pseudonymos scriptores con-  
tra Archiepiscopum & Dominum Steyaert; quis dicat  
non Belgas aut extra Belgium esse? Imo longè verifimi-  
lius est vix aut ne vix quidem unum ex supra memora-  
tis libellis extra Belgium esse compositum; nisi fortè  
Leodii, quod quasi pro Belgio in hac causa reputatur,  
cum illic Lovaniensis Universitas suum habeat domi-  
natum, & si quid illic Theologorum à Jansenio non  
abhorrentium est, vel ex illa Universitate proficiscatur,  
vel suos Lovanii agnoscat confœderatos. Sed de Auto-  
ribus disputabimus postea accuratius magisque copiosè.  
Interea, D. Baccalauree, negare non potest Hennebellus,  
quin excepto uno fortè alterove, omnes illi quos Car-  
dinalis de Aguirre longo ordine recenset totâ disputa-  
tione 21. integris 5. sectionibus, fuerint Belgæ, vel  
saltem in Belgio habitaverint, & plerique Lovanii  
Omnes illas Theses & infames libellos contra Consti-  
tutiones Innocentii X & Alexandri VII. editos, si Do-  
ctor Hennebel conciliare possit cum jurejurando Lova-  
niensium, fatendum necessariò est, jusjurandum esse  
chimericum, damnari à Lovaniensibus merum phan-  
tasma, & cum jurejurando Tridentini consistere defen-  
sionem totius doctrinæ & sensus Calvinii.

Ad tertium respondeo non minus confidenter magis-  
que quam adversarius veraciter; Quod si omnes Belgæ  
non aliâ veneratione Constitutiones Innocentii X. &  
Alexandri VII. amplecterentur, quàm amplectuntur il-  
li in Belgio scriptores, quorum retulimus sententias,  
quæ sunt veri istarum Constitutionum contemptus; res-  
pondeo inquam, tunc prædictam à Doctore Hennebel-  
lo venerationem earundem Constitutionum non fore  
in Belgio, nisi in quorundam nimis credulorum phan-  
tasia, & in lingua illorum, *quorum interest phantasma*  
*ejusmodi in mundo, præsertim Romæ fovere, ne remedia*  
*magis efficacia ad Jansenisimum extirpandum statuân-*  
*tur, & reapse applicentur.* Si etiam Belgæ isti Brevia  
Apo:

Apostolica non aliter recipiant, nec intelligant, quàm congruenter ad ea quæ scribunt de Apostolicis Constitutionibus per Brevia illa confirmatis, ut eos intelligere verisimillimum est; nihilo plus, id est, nihil prorsus probationis habet Hennebellus ex tali Brevium receptione, quo homini rationis compoti persuadeat suorum erga S. Sedem observantiam & doctrinæ integritatem. Porro quod primum Breve, quantumvis in se bonum & efficax, rebelles adedò non reduxerit ad meliorem frugem, ut nunquam malitiosius & insolentius S. Sedi ejusque Constitutionibus insultaverint, patet ex nova editione Bati cum notis & vindiciis, ex libris Ignatii Eykenboom, D. Germain, Martini du Chesne, Abbatis du Manoir, Pauli Aurelii, & reliquis, quorum alii post primum, alii etiam post secundum Breve in lucem prodierunt. Certe Paulus Aurelius in jam sæpè nominato Prologo pag. 59. & seqq. utrumque Innocentii XII. Breve manifestissimè impugnat, tamquam summè injuriosum Jansenio.

Denique, prosequebatur idem Arioivstus, memor sit D. Hennebel, quod etiam viderentur omnes admittere & observare tum Constitutiones Innocentii X. & Alexandri VII., tum Brevia Innocentii XII. ad Belgii Episcopos, ita tamen ut proculcarent Bullam Urbani VIII. *In eminenti*, sicut eam proculcant Belgæ citati antea, non propterea Jansenismus foret phantasma; sed juxta Breve Urbani VIII. ad Franciscum de Mello Gubernatorem Belgii anno 1643. 24. Octobris adhuc forent licet sensu minus stricto Janseniani. Sic ibi Pontifex declarat; "Etenim nos existimationi Jansenii prospicientes, ejusmodi publicatione per id temporis spatium supersederi mandavimus, eâ spe freti, ut Janseniani Apostolicis Decretis, quæ ante vulgata fuerant, tandem acquiescerent, nunc quorundam contumaciam eò processisse &c." Videt hic D. Hennebel fuisse Jansenianos etiam antequam 5. propositiones essent ex Jansenii libro excerptæ, & ab Innocentio X. damnatæ, sed quidquid sit de voce, non desineret contemptus ille constitutionis Urbanianæ esse "malum vertens in scandalum totius Reipublicæ Christianæ & Fidei Catho-

„tholicæ perniciem. ” Ita nos & Ecclesiam universam sollicitè monet & docet Urbanus VIII. Bullâ *In eminenti*.

Longa, exclamat Venantius, gravis, pathetica & summo autoritatum robore firmata oratio, cui Hennebellus numquam respondeat! An tu D. Baccalauree, habes quidpiam quod opponas? Non est cujusque, respondet Baccalaureus, Ariovisti dicta ex tempore refellere. Respondendo par est Doctor Hennebellus, cui facerem injuriam, nisi significarem quod hic addat suorum *gesta falsò & calumniosè à Patre Palazol referri*. Sed Hennebellus, reponit Venantius, Patrem illum calumniari vel errare, ne in minimo quidem hætenus apice ostendit. An itaque fides sine ulla probatione debetur ei, qui passim fallere deprehenditur? Ut ut est, Hennebelli verba audiamus. Tum ejus verba prælegit Baccalaureus, & hæc sunt; In hoc ipso §. ” quædam dicuntur „de rebus autoritate Regiâ gestis in causa Baii, sed quæ „ad controversiam nostram non spectant; fateri debet „ipse Pater Palazol, quod in tota causa illa Baii irre- „prehensibiliter se gesserit Facultas Theologica, quæ „Graduandis præcepit, ut articulos à Pio V. damnatos „damnarent. Quod cum præstiterint omnes Belgii Theo- „logi, qui de Jansenismo notantur, manifestum est ea „ineptè allegari ad constandam illis invidiam.”

Posthæc Venantius Baccalaureum sic aggreditur; cur, obsecro, ” res autoritate Regiâ gestæ in causa Baii ad „controversiam nostram non spectant? ” Jam audisti, inquit Baccalaureus, ab Hennebello assignari rationem; nempe, quia ” in tota causa illa Baii irreprehensibiliter „se gessit Facultas Theologica, quæ Graduandis præce- „pit, ut articulos à Pio V. damnatos damnaarent.”

Sed quandonam, rogat Venantius, id præcepit Facultas Theologica? Sub Pio V.? An sub Gregorio XIII., postquam hic ad infringendam refractariorum contumaciam, Bullam Pii V. rursus edere & novâ Constitutione confirmare debuit, & ad obtinendam ejus executionem destinare ex Urbe Lovanium Concionatorem suum Franciscum Toletum, dein S. R. E. Cardinalem? Nonne Bajus ipse erat de Facultate Theologica Lovaniensi Doctor Theologiæ ac Professor, imo Universi-  
tatis



tatis Cancellarius? Quàm Bajus ille antequam à Toletoto revocaretur ad frugem, fuerit irreverens contemptor Bullæ Pii V., clarissimè demonstrat ipsius Baii Epistola ad eundem Pontificem data 8. Januarii 1569. ubi post multa contumeliosissimè & audacissimè dicta non veretur Pontificem interrogare, velitne Bullam hanc tamquam legitimam, ac sufficienter discussam habere, an tamquam subreptitiam & per quosdam bonorum Virorum æmulos importunitate magis & arte, quàm ratione obtentam. Hæc Epistola hæctenus, quantum scimus, solum extabat manuscripta, imo in Archivo fortè uno alterove latebat ignota, donec nova factio videris tam bene sibi succedere defensionem libri & totius doctrinæ Cornelii Jansenii, etiam Epistolam illam cum ceteris Baii operibus imprimi nuper curavit, & universam Baii doctrinam contra Bullas Pii V., Gregorii XIII. & Urbani VIII. ex professo defendit *notis & vindictis* verè pestilentibus, Sedique Apostolicæ injuriosissimis.

Et quidem olim tempore Baii, adjungit Ario vultus; postquam ipse & tota Academia Lovaniensis, professione solenni & publicâ coram Toletoto articulos Baii damnaverat, eosdem tamen etiam tum Lovanii inter Theologos clam sparsos esse; constat ex Epistola Henrici Gravii Doctoris Lovaniensis de hoc apud Bajum & contra ipsum graviter conquerentis. Epistola hæc nuperrimè typis edita est à Martino Steyaert Doctore Lovaniensi & Diocesis Silvæducensis Vicario Apostolico.

Insuper quis lippus, inquit Venantius, quis tonsor; quis controversiarum Belgicarum utcumque gnarus nesciat cavillationem de famoso commate semper in Belgio fuisse grassatam? His dictis, in manus accepit librum Cardinalis de Aguirre, de defensione Cathedræ S. Petri. En, inquit, Cardinalis de Aguirre in defensione jam toties allegata disp. 20. sect. 1. num. 7. hanc cavillationem scribit esse ejusmodi, ut juxta eam "nulla ex propositionibus Baianis in singulari esset, quæ impunè defendi non posset in rigore, & proprio verborum sensu, unde irrita prorsus & incassum lata esset ea Constitutio." Ibidem num. 3. "hanc exceptionem, inquit Cardinalis, seu potius cavillationem invenit primus omnium ipse

„Bajus, qui tamen postea illam retractavit in sua pal-  
 „nodia ad Gregorium XIII., verum eam instauravit po-  
 „stea Jansenius ipsius Baii auditor, quem laudat & sequi-  
 „tur Jansenius libro 4. de statu naturæ lapsæ cap. 27.  
 „Eidem cavillationi subscripserunt fasti Academici Lo-  
 „vanienses editi à Valerio Andrea pag. 366. Quin etiam  
 „ipsa Academia Lovaniensis in eo sensu Constitutionem  
 „illam interpretata est, tum olim ab initio ferè, tum  
 „postea in actis die 4. Decembris 1641. ut habetur in  
 „attestationibus editis pro Jansenio pag. 65. & seqq.,  
 „quibus per omnia subscribunt alii, & præsertim Ma-  
 „carius Havermans in tyrocinio Theologiæ &c.” Hi  
 „omnes, quos Cardinalis notat, Belgæ sunt, omnes  
*Theologi Lovanienses*. Fueruntne hi omnes in causa Baii  
*irreprehensibiles*? damnaruntne ut oportet, *omnes articu-*  
*los à Pio V. damnatos*? Ita nobis, respondet Ariovistus,  
 „contra veritatem tam manifestam persuasum vult D.  
 „Hennebellus.

Præterea, inquit Venantius, nunquid Belga & Fa-  
 „cultatis Theologiæ Lovaniensis Doctor erat Jansenius,  
 „qui postquam ab annis 70. fulminata à Pio V. & mox  
 „à Gregorio XIII. fuerat doctrina Baii, eandem resusci-  
 „tavit in suo *Augustino*, & ut testatur Urbanus VIII.”  
 „magno cum Catholicorum scandalo, & autoritatis di-  
 „ctæ Sedis contemptu contra præfatas damnationes de-  
 „scendit.”

Nunquid Theologi Belgæ erant, & quidem Lova-  
 „nienses, qui Jansenii librum approbare pertinaciter per-  
 „rexerunt, postquam declaratus est multas ex propo-  
 „sitionibus damnatis à Pio V., Gregorio XIII., & Ur-  
 „bano VIII. defendere? Nonne Theologi Belgæ & Lo-  
 „vanienses erant, qui sub nomine Academiæ Lovaniensis  
 „ad Academiam Parisiensem an. 1644 10. Martii ita scrip-  
 „serunt;” Non sine magna admiratione, & animi  
 „nostri dolore ex litteris quorundam apud vos Reli-  
 „giosorum nuper audivimus, Bullam à Theologis So-  
 „cietatis adversus Reverendissimum Dominum Epif-  
 „scopum Iprensensem Romæ extortam, & tot nominibus  
 „subreptitiæ & dolosæ impetrationis suspectam, non so-  
 „lum vos receperisse, sed etiam ad damnationem quo-  
 „rundam

rumdam articulorum, qui in Augustino illius Reveren-  
 ,,dissimi explicantur, inclinare, aut jam damnavisse,  
 ,,quod tamen postremum, ubi ingenium, solertiam, do-  
 ,,ctrinam, prudentiam tot illustrium virorum, ex qui-  
 ,,bus Academiae vestrae cœtus componitur, cogitamus,  
 ,,credere non possumus: ergone post tot veterum tem-  
 ,,porum pugnas & victorias sacrosancta S. Augustini  
 ,,doctrina, tandem victa succumbet, & quæ assultu to-  
 ,,ties dejecti non potuit, jam suffodietur cuniculis? Non  
 ,,sinat Deus, Perillustres & Eximii Domini, ut sic diffi-  
 ,,petur hereditas Verbi incarnati, & patrimonium Cruci-  
 ,,fixi. Certe nos hic nequidem Bullam illam recepti-  
 ,,mus."

Quatuor annis post, nempe 1648. Lovanienses urse-  
 runt Facultatem Theologicam Duacenam, ut tum  
 per litteras, tum per deputatum Doctorem *Recht* sibi ad-  
 hareret: verum hæc Facultas per litteras datas 9. De-  
 cembri ejusdem anni sic respondit, "Implevisset gau-  
 ,,dium nostrum Eximius & admodum Reverendus De-  
 ,,putatus vester, si nuntius fuisset certior, quod dissen-  
 ,,siones omnes pro Augustino Janseniano sopitas esse  
 ,,velitis, cum hoc unum supersit ad integerrimam in-  
 ,,ter nos concordiam... Confratres Eximii, omnibus votis  
 ,,optamus, ut id ipsum malum nomen, infaustissimum  
 ,,certè Belgii omen, testimoniis certioribus eluatis."

Jacobus Boonen Archiepiscopus Mechliniensis præ-  
 cipuus Jansenii defensor rationem pertinaciæ suæ sic pa-  
 lam reddidit anno 1649. in scripto typis edito. "Qui,  
 ,,inquit, librum Jansenii probarunt, hi aliis & nu-  
 ,,mero & autoritate longè sunt superiores in mea Dicc-  
 ,,cesi." Eam Urbani VIII. Bullam nullam esse, &  
 ,,invalidam prorsus non dubitant." Lovanium autem est  
 in Dicecesi Mechliniensis, atqui causa damnati libri Jans-  
 ,,eniani ab Urbano VIII. allegabatur, "quod multas pro-  
 ,,positiones à Pio V. & Gregorio XIII. contineat, & ma-  
 ,,gno Ecclesiæ scandalo, & S. Sedis contemptu contra  
 ,,præfatas damnationes & prohibitiones defendat."

Denique quæ excogitari potest major Bullarum Pii  
 V., Gregorii XIII., Urbani VIII. contemptio, quam



ea quæ omnibus insipientibus patescit manifestissimè in notis & vindictis operum Baii nuper editis, uti & in Ignatio Eyckenboom, in Martino du Chesne, & Autore difficultatum propositarum Domino Steyaert, ac pluribus aliis, quos omnes libros ut Lovanii distractos, ita & in Belgio editos esse verisimillimum est, licet plerique nomen Colonienſe inentiantur. Certè, inquit Ariovistus, opera Baii in Belgio edita esse, & quo loco, nunc detectum est, uti & quis Ignatius Eyckenboom. Id novi & ego, subdit Venantius; & quod ad opera Baii attinet, ea etiam in Belgio non sine plurium conspiratione edita esse, argumenta probant nec pauca nec levia: & quidem unde habitæ sint tot litterarum manuscriptorum, tot instrumenta, quæ hætenus edita non erant, sed latuerant in Archivis Lovaniensibus? Hæc omnia primùm lucem viderunt anno 1696. juncta prioribus Baii operibus. Quid tibi nunc videtur D. Baccalauree? Nonne ex hætenus dictis evidens est, in tota Hennebelli objectione micam sinceritatis non esse?

Hic cum Baccalaureus hæret pisce mutor, placuit Ariovisto quasi rerum summam subducere: sic itaque pronuntiabat; evidens est. Primò, non frustra egisse Regem pro extirpatione doctrinæ Michaëlis Baii à Sede Apostolica condemnatæ. Secundo, illa ad controversiam quam maximè spectare. Tertiò, "Facultatem Theologicam Lovaniensem" nec totam, nec semper in ea causa fuisse irreprehensibilem. Quarto, juramentum illud Graduandorum, quo ajunt se recipere Bullas Pii V. & Gregorii XIII., nec non damnare articulos illos damnatos, vel non constitutum fuisse tempore Baii & ab omnibus petiit (idem dici potest de tempore Urbani VIII. & primis annis Innocentii X.) vel respectu plurimorum fuisse negotium ambulans in tenebris; ita ut ignoraverint, vel certè ignorare voluerint, quid jurerent. Si Ignatius Eyckenboom, si Autores nuperæ editionis Baii, & similes Theologi juramentum illud præstiterint, quo sensu illud intellexerunt? Potueruntne jurare in sensu obvio? Velim ab Hennebello de hoc edoceri, forte hinc colligete poterimus, quis Hennebellianis

nis Theologis, sit sensus obvius Formularii Alexandri VII. contra 3. propositiones.

De hoc, ait Venantius velim & ego edoceri. At ecce horologii index signat meridiem. Serius jam est, quàm ut materiam aliam inchöemus. Igitur corpori tribuamus aliquid, sub vesperam repetituri pulverem.

## DISSERTATIO VI.

*De integra conformitate Decretorum Regis nostri Caroli II. cum Brevis S. D. N. Innocentii XII.*

**T**Res illi Pugiles præceperant statum tempus certandi, & citius sese in æstu certaminis deprehenderunt, quàm se arma cepisse animadverterent. Classicum cecinerat imprudens Baccalaureus, qui cum duo aliqua, de quibus fors inciderat sermo, vellet significare maxime pugnare inter se, dixit ironice; Tanta inter illa duo consensus est, quanta inter Decreta Regia Caroli II. & Breve Pontificis Innocentii XII. Ad hoc tantum non exarsit Ariovistus, quid? Inquit, inter Regis Decreta & Breve Pontificis nulla est consensus, nulla conformitas? Inspice quid Memorialis Autor dicat vel in ipso §. 4. titulo.

Fallit iste titulus, reponit Baccalaureus satis inhumane. Doctor Hennebellus de toto §. ita pronuntiat; „Multa ibi exaggerat, permiscetque Pater Palazol, quæ non ad exponendum genuinum controversiæ statum, sed ad fucum faciendum spectant.” Ariovistus fatebatur quidem hoc ita à Doctore Hennebello pronuntiarî; sed nullam aiebat afferri probationis speciem aut simulacrum.

Imo, addebat, quicumque textum Patris Palazol inspicere gravatus non fuerit, ei clarum erit atque perspicuum, Patrem illum quod in titulo promittit, optime in contextu paragraphi demonstrare, & refellere omnes Hennebelli aliorumque contra Regis Decreta ca-



lumnias. Tum dixit Baccalaureus; tu, Arioviste, textum Patris Palazol appellas; ego verò appello textum Doctoris Hennebel, qui sic habet; " Si rectè Majestatem Suam informare volebat de ejus Decretorum cum Brevis Apostolico conformitate, ante omnia exponere debebat quid præcipiat Breve Pontificium. Vidisset Sua Majestas in hoc Brevis à Sua Sanctitate confirmari Constitutiones Innocentii X., Alexandri VII., Episcopisque mandari, ut contra omnes, & quoscumque cujuslibet statûs, gradûs & conditionis existant, qui ausu temerario prædictas 5. propositiones sic damnatas in Constitutione Innocentii X. & Alexandri VII. publicè, vel privatim, tam in scholis, quàm in concionibus, verbo vel scripto defendere præsumpserint, servato juris ordine procedant, eosque debitis pœnis in eisdem Constitutionibus contentis puniri curent. " Hæc enerva, Arioviste, si potis es.

Ariovistus autem, quo magis inolescere Baccalaureum animadvertibat, eo conabatur respondere sedatiùs. Ut, inquiebat, Pater Palazol rectè " informaret Majestatem Suam de ejus Decretorum cum Brevis Apostolico conformitate, " non necessum erat ei recitare totum Breve Pontificium, sed eas dumtaxat partes, contra quas peccare eadem dicebantur Decreta, quorum defensionem susceperat Pater Palazol ostendendo ea ne in ullo quidem apice contraria esse Brevis Apostolico. Ordinate autem distinctèque procedit idem P. Palazol declarando occasionem, ac necessitatem hujus defensionis ortam esse ex gravi calumnia à Doctore Hennebel imposita Regiæ Majestati & ejus Ministris quasi inobedientibus Brevis Apostolico Innocentii XII. Pontificis Maximi, " non modò non curando, ut ei obediat, sed etiam mandando contrarium. " Ad convincendam hanc calumniam profert primò verba Brevis, contra quæ dicuntur Decreta Regia delinquere. Verba autem Brevis hæc sunt. " Ne ulla ratione quemquam vagâ istâ accusatione & invidioso nomine Jansenismi traduci, aut nuncupari sinatis, nisi priùs suspectum esse legitime constiterit aliquam ex his propositionibus docuisse  
aut

„aut tenuisse, nec quemquam sub hoc prætextu repelli  
 „ab officiis, muniis, beneficiis, gradibus, ac concio-  
 „nibus habendis, aut alia quacumque functione Eccle-  
 „siasticâ permittatis, nisi servato juris ordine, eam pœ-  
 „nam, quæ viris alioquin Catholicis gravissima est, com-  
 „meruisse probatum fuerit.”

Dein ostendit Regem in suis Decretis nullo modo  
 procedere, neque decernere, ut procedant Episcopi ex  
 accusatione vaga, longè quæsto Janfenismi obtentu,  
 aut suspicione levi & temeraria, neque Rex in suis De-  
 cretis quemquam ” invidioso nomine Janfenismi tra-  
 „ducit, sed neque nuncupari sinit, nisi prius suspectum  
 „esse legitimè constiterit &c.” Decernit, inquit Bacea-  
 laureus, ut *Janfeniste*, quicumque illi fuerint, vel de ”  
 „Janfenismo suspecti, & illis adhærentes excludantur in  
 „nominationibus ad officia vel beneficia deinceps con-  
 „ferenda;” Venantius contestim respondit; non eo qui-  
 dem inficias, sed in hoc nihil adversatur sanctioni Pon-  
 tificiæ.

Primum, inquit, quia Rex non jubet excludi eos qui  
 temerè suspecti habentur, verum qui legitimè: quippè  
 qui temerè tantum suspectus est, is *suspectus* simpliciter  
 in jure non dicitur, & suspicio temeraria pro nulla re-  
 putatur. Sitne aliquis velut suspectus excludendus ne-  
 gativè, seu non promovendus, stare vult non famâ le-  
 vis vulgi, sed suffragio Reverendissimorum & Religio-  
 sissimorum Episcoporum, quos in suspicando temera-  
 rios esse præsumendum non est; & quorum judicio  
 Rex in similibus acquiescere poterit, quasi eorum, quos ”  
 „Spiritus sanctus posuit regere Ecclesiam Dei.”

Tum sapienter animadvertit P. Palazol discrimen  
 inter meram exclusionem negativam, seu non promo-  
 tionem ad officium indebitum & repulsam seu exclusio-  
 nem positivam, quæ est dejectio à gradu jam acquisito,  
 seu privatio, & spoliatio beneficii jam possessi, ita ut quis  
 jus acquisitum habeat. Prior exclusio non est propriè pœ-  
 na, sed mera negatio beneficii indebiti, ad quam non re-  
 quiri intimationem litis, multo minus convictionem ju-  
 dicialem, certum est apud omnes etiam practicè. De hac  
 fol:2

sola exclusione Regem agere ex ipsis Decretorum verbis clarissimum est. Neque minus clarum est, quod Pontifex, ubi in Brevi *ad repellendum quemquam ab officiis &c.* requirit probationem *servato juris ordine*, agat de *repulsa* seu *exclusionem positiva*, cum hæc sola propriè poena sit; de poena autem eaque gravissima expressè Pontifex loquatur. Atqui nusquam Rex permittit etiam Episcopis, ut quemquam à gradu & jure acquisito *repellant*, aut alià *pœnâ* afficiant, nisi "eam commoveruisse", *servato juris ordine* probatum fuerit."

Tertium denique cum, ut fatetur Doctor Hennebel, in hoc "Brevi à Sua Sanctitate confirmentur Constitutiones Innocentii X. & Alexandri VII.", huic confirmationi prorsus conforme est Decretum, quo Rex prohibet, ne Constitutionum illarum transgressores, imò & qui de transgressionibus suspecti sunt, promoveantur ad officia & dignitates. Sic ad ejusdem Brevis executionem facit, quod Rex prohibet Magistratibus secularibus, "ne ullos ad se recurrentes Ecclesiasticos, quos Episcopi propter mores aut doctrinam aggressi fuerint, vel deinceps aggredientur, recipiant, neve se illis immisceant, aut ullâ ratione præstent patrocinium, &c." Cum enim, ut ait Doctor Hennebel, in "Brevis" vi Episcopis mandetur, ut contra omnes, qui ausu temerario prædictas quinque propositiones, sic damnatas in Constitutionibus Innocentii X. & Alexandri VII. defendere præsumperint, salvo juris ordine procedant, &c." Valdè conveniens, imò necessarium fuit, ut Rex talem reorum receptionem, ac protectionem secularibus Majestatibus interdiceret: nam quomodo Episcopi contra reos procederent *servato juris ordine*, quando à Magistratibus, ad quos talis causa non pertinet, impedirentur?

Dixerat hæc Ariovistus, cum cum Venantius ita alloquitur; tua illa perpetua tamque gravibus sententiis distincta oratio, Arioviste, me mirificè recreat, & penitus enervat quæ ab Hennebello objiciuntur: non enim quisquam adeò fungus est, ut ex his non concludat, Doctorem Hennebel calumniatum esse. Primò, cum  
dicit



dicit in suo priori Memoriali ad Pontificem, "Regiam Majestatem non tantum non curasse, ut Breve Pontificium executioni mandaretur, sed etiam imperasse prorsus contrarium." Secundò, cum ibidem dicit "Decretum Hispanicum oppositum Decreto Suae Sanctitatis dare veniam Episcopis, ut contra omnes suspectos de Jansenismo procedere possint pro arbitrio."

Non mihi, inquit Ariovistus, hæc tribuenda laus est, verum doctissimo P. Palazol, qui primus ista omnia, in suo ad Regem Memoriali tam eruditè distincteque posuit ob oculos ad Hennebellum de calumniis convincendum. Et tamen, subdit Venantius, ad tam manifestas calumniarum suarum convictiones, ne verbum quidem responderet D. Hennebel, sed magnà facilitate se omnibus expedit; dicendo, "Patrem Palazol ibi multa exaggerare & permiscere, quæ non ad exponendum genuinum controversiæ statum, sed tantum ad fucum faciendum spectant."

Sic est, Venanti, Ariovistus reponit; at verò ut ipsemet fateris, & negare non audet D. Baccalaureus, cuique legenti paragraphum Patris Palazol perspicuum est, nihil illic afferri, nisi ad scopum in titulo propositum apprimè pertinens: sed nodos, quos adversarius videt solvi non posse, putat hac ratione discindi. Quæ verò in ulla causa vel scientia poterit demonstratio esse tam clara, quæ hæc eludi responsione non possit? Vél hoc profectò est *fucum facere*, vel nescio quid *fucum facere* tandem fiet? Sed videamus jam quid Hennebellus obganniat præterea.

Ita habet, inquit Baccalaureus. Tibi ego, D. Baccalauree, inquit Ariovistus, haud satis fido. Vereor profectò, ne quid ipsius textui addas vel demas; quare sine, ego potius legam vel Venantius. Ne quid infideliter legam, ait Baccalaureus, satis invigilat Venantius, qui mihi legenti semper adstat à tergo & singula luminibus persequitur. Postquam hîc omnes modicè risissent, lectus à Baccalaureo est subsequens Hennebelli textus; "Erat tum Patris Palazol exponere Suae Majestati, quomodo præfati Episcopi, ne quidem contra unum Belgii  
Theo-

„Theologum hæcenus processerint juxta normam Bre-  
 „vi Apostolico præscriptam, cum tamen innumeri de  
 „Jansenismo coram Majestate Sua quotidie accusentur;  
 „quoties nempe officium aliquod, vel seculare, vel Ec-  
 „clesiasticum vacare contingit. Cum non ignoret Ma-  
 „jestas Sua Belgii Episcopis zelum non deesse persequen-  
 „di Jansenistas; si qui darentur, innox videret. Præ-  
 „fati Episcopi non audent contra ullum servato juris  
 „ordine procedere, quia desperant, rematurè examina-  
 „tâ, Jansenistam ullum reperire. Quod si inter innume-  
 „ros, qui accusantur, ne unus quidem reperiri potest,  
 „qui de Jansenismo legitimè convinci possit, nemo est  
 „qui non videat quod sit insulsa hæc Jansenismi accu-  
 „satio, & Decreta quæ phantasmata ejusmodi feriunt,  
 „non bono, non quieti populorum, sed turbandis tan-  
 „tum permiscendisque omnibus servire posse. Talia au-  
 „tem sunt Decreta, quæ à Catholica Sua Majestate ex-  
 „torserunt ii, qui cum Jansenistam unum compellare  
 „coguntur, vel obmutescunt, vel si nominent, ita mox  
 „confunduntur, ut obmutescere cogantur. Nominavit  
 „Doctorem Hennibel Mechlinienis Archiepiscopus,  
 „sed nominare deinceps desinet, nisi obstrepere velit  
 „Apostolicæ Sedi, quæ aliter censuit suumque de illo  
 „judicium tam Catholicæ suæ Majestati, quàm Sere-  
 „nissimo Bavarix Duci innotescere voluit. Sufficere id  
 „debebat Patri Palazol, ne cum toto hoc suo Memo-  
 „riali aggregare auderet pertinacissimæ factioni contra  
 „Apostolicam Sedem rebelli. ” Hæc omnia, inquit  
 Ariovistus, quàm iterum vitrea sunt, quàm straminea!  
 Quid ergo? Reponit Baccalaureus; an Belgæ Episcopi  
 vel contra unum Theologum unquam processerunt se-  
 cundum juris ordinem, ad eum de Jansenismo convin-  
 cendum?

Viri dignitate conspicui, respondet Venantius, imo etiam  
 Lovanienses obtulerunt nuper ita procedere adversus D.  
 Opstrate, D. Vander Schuer, D. Claes. Sed omnes  
 tres istam aleam subire detrectarunt. Novi, dicit Ario-  
 vistus, verum nolim tam parcè cum D. Baccalaureo  
 agere. Eapropter demus illi, Episcopos non ita proces-  
 sisse

fisse hætenus. Quin imo addam, ego eos verisimiliter sic processuros nunquam, nisi aliunde remedium adhibeatur. Et verò cur ita procederent? Sciunt certò se ne unam quidè m litem ad felicem perducturos exitum, etiamsi non centeni sed etiam milleni forent in Belgio Jansenistæ. Imò quo plures futuri sunt, eo minus poterunt *servato juris ordine* convinci. Etenim si vel minimum quid contra eorum quempiam fiat, statim tota commovetur factio, quæ cum sit tam potens, tot fulta patrociniis in Magistratibus secularibus, tot artibus & calumniis instructa, tam furibunda in quemlibet adversantem, nemo privatus audent contra eam accusatoris partes suscipere, nemo in iudicio contradictorio testari. Quod si qui Religiosi, aut viri omni invidia superiores, de iis quæ in concione audiverint, testentur, habent concionatores ex suis auditoribus ordinariis devinctos sibi aliquos & adhærentes, à quibus testimonia opposita accipiant, quemadmodum facile est sententiam vivâ voce prolatam in alium sensum convertere, modò vovula una alterave addatur vel omittatur. Accedit quod novæ sectæ præcones plerumque & cautiores sint, quàm ut errores suos palam eâ exponant claritate, ut de erroneo sensu convinci possint, præsertim ubi Religiosos vel ejusmodi adeste conspiciunt auditores à quibus queant accusari. Multiplices etiam artes Novatoribus sunt ac variae, ut legitimi superioris sui iudicium subterfugiant, eum involvant sumptibus inutilibus, molestiis fatigent, & litem protrahant in infinitum.

Ariovistus, D. Baccalauree, nondum enarravit omnia, subjungebat Venantius; Jus Canonicum, (ut noli) requirit tres sententias conformes. Jam verò priusquam ad unam perveniatur, norunt sagaces homines & versipelli quâdam mente præditi interjicere quâdam incidentia, quæ tribus distinctis Tribunalibus successivè tribus sententiis conformibus terminari debeant. Interea ex uno incidenti movetur aliud atque aliud. Accedunt recusationes quorundam iudicum ut suspectorum, qui si suspectationem velint quasi injustam repellere & sibi indecoram, en litem novam & principalis

cau-



causæ suspensionem, adeò ut contra ejusmodi cavillationes nulla sit causa tam liquida, cujus felicem exitum Episcopus sperare possit unquam. De hoc in variis casibus ad excessus alios ejusdem factionis pertinentibus edocti sunt, præcipue verò de frequenti refractariorum ad Tribunal seculare, tamquam ad sacram anchoram recursu. Quapropter Belgii Episcopi, ut juxta Breve Apostolicum Innocentii XII. possint procedere *servato juris ordine*, & finem consequi à Beatissimo Patre intentum, pacem scilicet, tranquillitatem ac salutem suarum Ecclesiarum, quæ nisi detectis, convictis, & convenienti castigatione emendatis & expulsis novitatum disseminatoribus, nunquam obtinget, summis votis expetunt memoratum Ministrorum Regionum ac Theologorum cœtum, ut de mediis opportunis exequendi Brevia Apostolica deliberari & Rex informari possit.

Imo verò, inquit Ariovistus, Episcopi spem exterminandi è Belgio Hispanico Jansenismum aliasque novitates post tot Constitutiones Apostolicas præcipuam ac ferè unicam repositam habent in Regia Majestate. Idque ignorare non potest Dominus Hennebel, neque ignorat quisquis legit tot libros Novatorum, tot scripta, ubi omnes Bullas Apostolicas sibi contrarias proscindunt & conculcant, diras sive excommunicationes Romanas irrident tanto audaciùs, quanto aliunde magis enervata & protrita est Episcopalis autoritas. Quis ergo modus vindicandi Constitutiones Innocentii X., Alexandri VII. & aliorum Pontificum, atque exequendi ipsum Breve Innocentii XII. superiores Constitutiones confirmantis, nisi Majestas Regia potentius auxilium tulerit? Hoc dum tot machinationibus impedire conatur Doctor Hennebel cum suis, quis non videat per eos stare, non per Episcopos, quo minus Brevia Innocentii XII. aliorumque Pontificum Bullæ ac definitiones suum sortiantur effectum? Quanta autem fraus est impedire ne Brevia ad exequendum Breve necessaria Episcopi obtineant, & interea ubique vociferari contra Episcopos, & apud Summum CHRISTI Vicarium eos accusare quod Breve non exequantur!

Ex

Ex eo igitur, idem Ario-vistus pergebat, quod nullus juridicè accusetur de Jansenismo, non magis sequitur, ut nullus Jansenista sit, vel etiam ut non sint plurimi, quàm ex eo quod nullus juridicè accusetur, quod vendat, distribuatur, vel penes se habeat ejusmodi libros infames & apertè Jansenianos, quales nuper retulimus, & quibus constat abundare Belgium, sequatur ut nulli vel non plurimi ejusmodi libri in Belgio vendantur, distribuantur, retineantur. Estne ullus hæcenus in Belgio juridicè accusatus, quod sit Calvinista vel Judæus? Ideone sequitur nullos esse? frustra expectatur in his Belgii circumstantiis, ut quis onus & invidiam in se ultro suscipiat tales accusandi. Quantum socii vel sequaces Doctoris Hennebel declamant ubique contra hujus temporis, ut ajunt, *Semipelagianos*, quasi omnia iis plena sint, quasi ipsa *Roma* sit *Massilia*: immo, inquit Martinus du Chesne in disquisitionibus pag. 78. "Ecclesia fere tota lugegens se miratur Pelagianam," videtne tamen quispiam vel unum de Pelagianismo aut Semipelagianismo accusari in judicio?

Sicut nihilominus in Belgio nonnulli satis legitime suspecti sunt de Judaismo, ut ad munia publica, multo minus ad Sacerdotium & curam animarum non promoveantur, ita & de Jansenismo, Rigorismo, ac Novitatibus multi in Belgio satis legitime suspecti sunt, ut ad officia ac dignitates non efficerentur, sed his præteritis adhibeantur potius viri fidei & doctrinæ per omnia perspectæ ac probatæ. Ita judicavit Archiepiscopus Mechliniensis non esse conveniens, ut Canonicatus Lovaniensis, cui annexum erat officium Censoris librorum, conferretur Domino Hennebel, utpote quem Archiepiscopus censebat suspectum, & ideo fertur suasisse Serenissimo Electori Baviaræ Gubernatori Belgii, ut nominaret alium, cum ad Regem nominatio spectaret. Audivit Serenissimus Antistitem suum, & sollicitationes pro Domino Hennebel rejecit: hinc tantæ hujus Doctoris contra Archiepiscopum suum invektivæ. At aliter *Roma* judicavit, inquit Baccalaureus. Quid obsecro, reponit Ario-vistus, *Roma* in favorem Hennebeli judicavit?

Tum



Tum Venantius sic egit; D. Baccalaureus vult dicere quoddam Doctorem Hennebel post Thesium suarum condemnationem, & improbationem Epistolæ ad Archiepiscopum Mechliniensem, multis protestationibus & promissione obedientiæ perpetuæ erga Sanctam Sedem omnesque ejus Constitutiones obtinuerit ex Romana Curia litteras, quibus declaratur Sanctam Sedem nullum impedimentum canonicum in illo Doctore deprehendere, neque ipsam obistere velle, quo minus ad officia vel beneficia promoveatur.

Obtinuerit, inquit Ariovistus, talem declarationem. Quid tum? Non enim hæc declaratione approbatur ejus doctrina, sed submissio, quæ vera ac sincera supponitur, ut supponebatur olim Cœlestii Pelagiani, de quo S. Augustinus lib. 2. ad Bonifacium cap. 3. "voluntas emendationis, non falsitas dogmatis approbata est, & propterea libellus ejus Catholicus dictus est, . . . hoc in illo, factum esse putabatur, quod se litteris piæ memoriæ Papæ Innocentii, quibus de hac re dubitatio tota sublata est, consentire respondit."

Quin & interea auctis ab Hennebello pro nova factione studiis, perspectis tot ejus ad impediendam Janсениismi extirpationem & Apostolicarum Constitutionum etiam nuperorum Brevium observantiam machinationibus, tot jactis in Regiam Majestatem ejusque præcipuos Ministros ad defendendos Novatores & suspectos calumniis, nemo sapiens dubitaverit dicere Regiam Majestatem gravissimè ab hoc Doctore læsam esse, & auctoritatem etiam dignitatemque Episcopalem ob eodem fœdè protritam, atque adeo non expedire paci & incolumitati Belgii, ut ipse & ejus sequaces postpositis tot viris bonis, notæ fidei, doctrinæ sanæ, probatæ vitæ & submissionis, promoveantur. Quod si talem informationem, occurrente promotionis occasione, sequatur Archiepiscopus etiam deinceps, & juxta eam det consilium Regi ejusve Ministris, non apparet, quid in hac re facturus sit Brevis Apostolico vel memoratæ pro Doctore Hennebel declarationi ab annis aliquot datæ contrarium. Neque video cur propter ejusmodi declaratio-

ratio-

rationem longè anteriorem scripto Patris Palazol impediri hic debuerit, quo minus ad Regis, & eorum quorum interest, informationem, eundem Doctorem describeret quasi Jansenianæ & Sedi Apostolicæ rebellis factionis patronum: talem enim se prodit indies magis & magis; atque vel idè non leviter de Jansenismo suspectus est. Sed an ulla est Janseniana factio? Inquit Baccalaureus. Hanc invenies, opinor, in Utopia Morboniæque Insula, vel potius in Jesuitarum cerebro.

Noli, respondit Ariovistus, tam ludicrâ interrogatione sermonem divertere. Esse in Belgio verè Jansenistas, demonstrabimus alio loco. Hic tantum quæro cum Patre Palazol num. 5., "possitne dici leve testimonium, quod „unanimitè de Jansenismo talis personæ perhibent tot „Episcopi?" Hanc quæstionem, inquit Baccalaureus, pulcherrimè elidit Hennebellus, dum dicit; "Ego verò „à P. Palazol peto, possitne dici quod de Jansenismo „talis personæ testimonium perhibere audeant tot Episcopi, & nullus eorum audeat servato juris ordine procedere contra unum saltem ex innumeris, qui quotidie de Jansenismo accusantur? An tale testimonium „de Jansenismo alicujus personæ perhibuerint aliquando unanimiter Belgii Episcopi, ignorare me fateor: „hoc scio, quod si tale perhibuerint de Theologo, qui „juramentum graduandis Lovanii proponi solitum præstitit, qui Brevibus Apostolicis ad Episcopos Belgii missis, per omnia sese conformari profitetur, testimonium ejusmodi non nisi levissimum & Apostolicæ „Sedi injuriosum esse possit."

Tum Ariovistus, primo congressu, inquit, quem ego tecum, D. Baccalauree, super hoc scripto Hennebelli habui, exposui tibi id quod à biennio factum est à Pastore N. Diœceseos Mechliniensis coram vidente & audiente Episcopo Gandensi cum propriis suis ministris aliisque viris honoratissimis, ubi Pastor ille etiam post increpationem non desistit dicere *utinam omnes essent Jansenistæ!* Aliis nequidquam ingeminantibus *utinam nulli essent!* Testimonium de hoc autenticum dedit Episcopus cum quibusdam aliis, uti & de facto scur-

reli ejusdem Curatoris animorum: An hoc meministi? Item cum Archiepiscopus Mechliniensis à novennio Brugensem Episcopatum administraret, jamque nominaretur à Rege ad Archiepiscopatum, quidam Sacerdos non vulgaris in Mechliniensi Dioecesi notæ, multis nominibus pridem suspectus de Jansenismo, ita tunc deprehensus est scripsisse ad suum cognatum in Hollandia ejusdem factionis Presbyterum Missionarium, ubi lugens nuntiaverat nominationem illam à Rege factam, „En, inquit, quot præagia de iis quæ miseris Jansenistis impendunt! verum spero Deum veritatis suæ defensores non derelicturum.” Ita non ignorant, nec dissimulant viri isti inter se quales sint. Epistola casu forte elapsa ei, ad quem scripta erat, delata dein est aperta ad novum Archiepiscopum, qui eam cum multis aliis ejusdem Autoris Epistolis contulit, deprehenditque esse genuinam. Non est autem dubium, quin per *Jansenistas* illos, & *Divinæ Veritatis defensores* intelligat eos Lovanienses & alios Belgas cum eorum sequacibus, quorum Theses & sententias plurimas accuratè refert Eminentissimus Cardinalis de Aguirre in defensione Cathedralis Sancti Petri totâ disputatione 21. tamquam omnino conformes 3. propositionibus in Jansenio damnatis.

Quid si, D. Baccalauree, de illo Pastore, qui in tali confesso non veretur dicere *utinam omnes essent Jansenistæ!* quid si de Epistolæ jam relatæ Autore, quid si de iis, quorum de sententiis fideliter exscriptis Cardinalis de Aguirre quærit, „Quod ovum alteri ovo similius, quam Theses ipsorum & doctrina Jansenii?” De quibus affirmat „quod videantur prorsus eadem cum turgurita & hæreseos notatâ ab Innocentio:” quid si inquam, vacante officio vel beneficio magni momenti, quod sit Regiæ nominationis, Episcopi omnes vel plures ex illis de tali Pastore, de Scriptore talis Epistolæ, de Autore tallum Thesium ad officium vel beneficium istud aspirante, Regem informant, hominem hunc videri Jansenistam, vel saltem suspectum, adeoque Regi supplicent, ut potius alteri magis exploratæ fidei viro

coll.



conferatur; numquid agunt Episcopi pro muneris sui ratione? Numquid debent sic agere ad avertendum grave malum vel periculum? Numquid Rex prudentissimè se tali Episcoporum conformat testimonio? Age, D. Baccalauree, responde aliquid.

Baccalaureus autem aliud nihil respondit quàm illud Hennebellianum; " Testimonium ejusmodi, inquit, „non nisi levissimum & Apostolicæ Sedi injuriosum esse „potest. " At nemo, ait Venantius, studio partium liber tibi consentiet, etiamsi omnes illi Thesium Autores, uno alterove excepto, graduati Lovanienses sint, uti & Scriptor Epistolæ, & is ad quem scripta erat, juramentum præstiterint cum ceteris. Verum, optime Ariovistus, estne Pastor ille graduatus? Non scio, dicit Ariovistus, hoc autem certum puto, quod nec ipse, nec ullus alius, excepto Paulo Aurelio, jusjurandum Lovaniense & professionem se conformandi per omnia Brevis Apostolicis ad Episcopos Belgii missis, detrectaturus sit. Et tamen vix ullus eorum, quorum Theses retulimus aut eis adhærentium, aut Pastor, aut Scriptor Epistolæ, umquam nisi forte coacti, fatebuntur se à prioribus suis sententiis vel transversum unguem recedere. Aliud nempè est juramentum præstare & quidlibet verbis promittere, aliud promissa & jurata fideliter implere. *Quam multa sunt jura illita!* Sic nemo Theologis istis, si verbis eorum creditur, potest esse infensior omnium restrictionum hostis; an verò aperta mendacia & calumnias omnes ita oderint, quædam indicant eorum Memorialia contra Regem, Regios Ministros & Belgii Episcopos, tum in Belgio tum in Urbe composita. Sed de his jam satis multa. Audiamus alium textum Hennebelli.

Hunc textum Baccalaureus ita recitavit; " Quærit ibidem (P. Palazol) an sua Majestas dederit Episcopis „facultatem agendi pro arbitrio, & excludendi quos „volunt? Respondeo eam facultatem Episcopis à Majestate Sna datam non esse; plures tamen Episcopos „abusos esse Decretis Regiis ad excludendos pro arbitrio quos voluerint, Jansenismi titulo; nec ignorarunt Episcopi illi quanti forent & quàm perniciosi

in Diœcesibus suis de Jansenismo rumores; nec ignorarunt quid eis in casu ejusmodi faciendum præscriberet Sedes Apostolica, vel ad plectendos Jansenismi reos, si tales deprehenderentur, vel ad plectendos iniquos accusatores, si qui leviter ac temerariè vagam hanc Jansenismi notam innoxiiis Theologis inussisse reperirentur. Quod si nihil horum præstiterint præfati Episcopi, utique fatendum est, eos pro arbitrio in hoc negotio processisse, iisque adscribendos esse motus quibus tamdiu agitatum fuit Belgium; tum ad eos comprimendos executioni mandanda forent, quæ tam sapienter in Brevibus suis præscripsit Sua Sanctitas." Hactenus Hennebellus, inquit Baccalaureus; Numquid liberè & ut virum decet?

Satis liberè, respondet Venantius, sed non ut decet virum sapientem: etenim hîc negat" esse datam Episcopis à Sua Majestate facultatem agendi pro arbitrio, & excludendi quos voluerint; attamen datam esse" affirmat in famoso suo Memoriali, dicendo " Decretum missum ex Hispania oppositum Decreto Sanctitatis Vestræ dat facultatem Episcopis agendi pro arbitrio contra omnes prætensores suspectos de Jansenismo." Caditne in sapientem loqui pugnantiâ? Forte inquit Ariovistus, priorem calumniam retractat. Multum dubito, subdit Venantius; quare velim edicat clarè Hennebellus, hancine calumniam retractet verbis superiùs allegatis, an verò & qua ratione simul utraque conciliet, ac velit etiamnum sustinere? Tum iterum Venantius non sine nervoso sale, quid ni, inquit, Hennebellus ista conciliet? Conciliare novit hæc " Non accuso Decreta Regia: Decreta Regia sunt tota contraria Brevisi Apostolico, contraria reverentiæ & obedientiæ debitiæ Apostolicæ Sedi: Sunt exemplum inobedientiæ in nulla Catholici Principis Curia visum &c." Quin & in hac sua responsione postquam articulo primo dixerat " non accuso Decreta Regia, " ait articulo quarto " nemmo non videt, Decreta quæ à Catholica Sua Majestate extorserunt, esse talia, quæ non bono, non quieti populorum, sed turbandis tantum permiscendisque omni-

„omnibus servire possint. Denique refert Patrem Palazol  
 „velle exautorare Breve Innocentii XII., quia ait esse per  
 „sinistras informationes obtentum, ” licet simul fateatur  
 „esse ” in se sanctissimum & justissimum. ” Ipse verò,  
*non accusat*, ut quidem ait, *Decreta Regia* licet ea dicat,  
 „obtenta per sinistras informationes, mendacia, calum-  
 „nias, ” & præterea ea describat ut enormiter injusta,  
 „concedentia facultatem Episcopis agendi pro arbitrio  
 „cum prætensis suspectis de Jansenismo, quod contra  
 „nullos reos in nullo genere delictorum umquam licuit.”  
 Si istud est consequenter arguere, non capio.

Igitur, Ariovistus inquit, ut redeamus ad præcipuum  
 hujus dissertationis caput; ex adductis & probatis hæte-  
 nus colligitur manifestè, quod ex eo, quod Episcopi  
 contra nullos ratione Jansenismi in judicio agant, mi-  
 nimè sequatur, nullos esse aut non multos Jansenistas, cum  
 quanto piures fuerint, tanto minus in potestate Episco-  
 porum futurum sit eos litigando compescere, vel litem  
 ullam ad finem perducere, nisi erecta prius Episcopo-  
 rum autoritate, quæ hominum factiosorum calumniis  
 audaciâ, patrociniis nimium protrita jacet, nec nisi ope  
*Junctæ* facile erigeretur? Unde patet non Episcopis sed  
 Doctori Hennebel ejusque sociis qui *Junctam* præpedire  
 conantur, acceptum referri debere, quod judicium con-  
 tra Janenistas institui nequeat, aut ulla Pontificum Con-  
 stitutio contra rebelles & contemptores vindicari. Inte-  
 rea dum, quod unicum possunt viros exploratæ fidei  
 & doctrinæ præ suspectis ad officia & beneficia conantur  
 promovere, non pro arbitrio agunt, sed pro rectæ ra-  
 tionis dictamine & muneris sui debito. Quid hic præ-  
 terea objiciat Doctor Hennebel, haud satis memini.

Hoc objicit, inquit Baccalaureus, quod ” plures Epif-  
 „copi abuli sint Decretis Regiis ad excludendos pro ar-  
 „bitrio, quos voluerint, Jansenismi titulo. ” Id ipsum  
 est, ait Ariovistus, cujus meminisse non poteram. Ve-  
 rum cum id objiciat tantum, non probet, postulo ut  
 probet factis particularibus, quod ni fecerit, patiatur  
 ut hanc ceteris suis calumniis annumeremus. Imo ego  
 postulo, inquit Baccalaureus, ut quod facturum te ro-

ceperas, probes Jansenistas in Belgio inveniri. Id probabo, inquit Ariovistus, ubi Venantio visum fuerit. Sed Venantio visum fuit differre: non enim convenit, aiebat, diem totum disputando ducere.

## DISSERTATIO VII.

*An detur ullus Jansenista in Belgio.*

**P**Ræcipitante jam in vespertinum die, cum essent à modica deambulatione reduces, iterum ad disputandum aggressi sunt. Et Baccalaureus quidem vixdum domum ingressus, jam tempus est, inquit, Arioviste, ut datam præstes fidem. Age, scrutare in lucernis Belgium, & Jansenistam si quem ibi inveneris, è suis latebris in lucem trahe. At verò cum idem Baccalaureus animadvertisset ab Ariovisto afferenda ea argumenta quæ in Memoriali attulerat P. de Palazol, illum sic præoccupavit; nihil mihi, inquit, cum P. de Palazol. Theologorum nostrorum Homerus (sic enim Hennebellus potest appellari) ejus argumenta enervavit ac penitus elisit.

Quæ istæ, ait Ariovistus, Thraconica gloriatio est? Ita est, dicit Baccalaureus; Hennebellus argumenta illius Patris enervavit ac penitus elisit, & in sui Patrocinium adduxit Eminentissimum Cardinalem de Aguirre, cui vos tam multum tribuitis. Si nondum creditis, Hennebelli verba audite; "Experiri hic lubet, quam sint evidentiæ argumenta, quibus evicturum se sperat P. Palazol dari in Belgio Jansenistas, quos ibidem nec Apostolica Sedes, nec Episcopi hæcenus reperire potuerunt: argumenrum ejus primum hoc est. Multis in Belgio displicent Decreta Regia contra Jansenistas: ergo dantur in Belgio Jansenistæ. Respondedo distinguendo consequens; ergo dantur in Belgio Jansenistæ aliamquam ex 5. propositionibus ab Apostolica Sede damnatis sustinentes, qui juxta Breve Apostolicum soli pro veris jansenistis habendi sunt; nego consequentiam: ergo



„ergo dantur in Belgio Jansenistæ latiori significatione,  
 „quam sic exponit Eminentissimus de Aguirre in Sy-  
 „nopsi collectionis maximæ conciliorum numero 40.  
 „hanc ( Jansenismi aut Bajanismi ) notam , ex eodem  
 „doctrinæ morum severioris capite inurere ausi sunt non  
 „nulli plurimis Catholicissimis Episcopis , Prælatiis , Do-  
 „ctoribus , & Scriptoribus , licet nullo fermento here-  
 „seos vel doctrinæ erroneæ aspersis & palam rejicienti-  
 „bus illas s. famosas Theses ab Innocentio X. & Alex-  
 „andro VII. fulguritas , atque in iis Illustrissimo Fagna-  
 „no , quo neminem in Sacris Canonibus doctiorem aut  
 „celebriorem ætas nostra tulit. Et tales Jansenistas in  
 „Belgio dari concedo perlibenter : Hi autem sunt qui-  
 „bus Regia Decreta in Belgio displicent , utpote jam  
 „non semel expertis , quod cum alia similia Decreta jam  
 „pridem à Catholica Sua Majestate extorta fuissent , tur-  
 „piter contra illos ejusmodi Regiis Decretis , qui ea ex-  
 „torserant , abusi fuerint , ab omnibus eos Jansenismi ti-  
 „tulo aut excludendo aut excludi faciendo , quantumvis  
 „palam profiterentur , sese jam pridem præstitisse , iterum-  
 „que præstare paratos esse , quidquid ad eluendam  
 „notam Jansenismi præstare præcipit Apostolica Sedes .”

Postquam hæc quasi ovans & triumphabundus legis-  
 set Baccalaureus , Ariovistus sic orsus est. Experiri lu-  
 bet & mihi , an argumenta Patris Palazol non evidentem  
 conficiant dari in Belgio aliquem Jansenistam. Henne-  
 bellus fallit statim à principio , dum Patrem Palazol fa-  
 cit sic argumentari ; *multum in Belgio displicent Decreta Re-*  
*gia , ergo dantur in Belgio Jansenistæ.* Sed hæc fictio op-  
 portuna illi visa est , ut haberet quod redargueret tam-  
 quam non satis congruens Brevi Innocentii XII. Non  
 igitur ex simplici & mera *displicentia* , sed ex tot clamo-  
 ribus aliisque indiciis & argumentis id conficit Pater Pa-  
 lazol ; an verè videbimus postea.

Putat prædictus Pater , tantos quorundam contra De-  
 creta Regia clamores , tantos motus , tot lamenta , tot  
 machinationes ad ea subruenda argumentum esse non  
 omnino leve suspicandi eos qui talia agunt , à Jansenismo  
 non longè refugere. Et rectè quidem hoc putat : quippè

cum contra vitia aut errores scribitur, nemine nominato vel per umbram indicato, quemadmodum nemo in Decretis Regiis nominatur, tum si quis iratus fuerit atque rescripserit, suo quasi mus prodetur indicio, ut ante momentem audivimus S. Hieronymum. Ita si Rex statuatur, ne quis Judæus vel Calvinista, vel de alterutra perfidia suspectus, adhibeatur ad officia publica & dignitates seu seculares seu Ecclesiasticas; atque contra hoc Decretum tamquam injustissimum nonnulli insurgant & debacchentur palam, etiam Memorialibus, quæ impressis, quæ manuscriptis, atque hi inter illos sint qui quantumvis sæpè rogati & pressi, numquam tamen adduci potuerunt, ut Calvinum in aliquo errare confiterentur, numquid tales se ipsos legitimè suspectos reddunt de Calvinismo? Idem respectivè applicari potest Judaismo, Jansenismo &c. Tales autem sunt Auctores Memorialium contra Decreta Regia, atque in primis Doctores Huygens & Hennebel, qui hætenus fateri noluerunt, & vereor ut fateantur umquam, Jansenium in aliquo contra fidem errasse, aut ullam libri ejus propositionem legitimè esse condemnatam in sensu obvio libri & propositionis.

Bene reprehendis, interruptit Venantius, & se isto modo res habet. Verum negare non potes, Arioviste, esse nonnullos qui etiam immerentibus notam Jansenismi imprudenter affingunt. Hoc ego, reposuit Ariovistus, numquam negavi. Sicut Jansenius, Hennebellus & alii, horum institutione atque exemplo, nimium leves sunt in quibusdam viris apprimè Catholicis, Episcopis, Prælatibus, Doctoribus, Scriptoribus vocandis Semipelagianis; ita quoque facilè credidero nonnullos nimium leves esse in aliquibus nil tale merentibus nomine Jansenistæ compellendis. Sed, doctissime Venanti, quid inde conclusum vis? An propterea desinit esse inepta distinctio Doctoris Hennebel & Brevi Apostolico dissentanea? Hic non admittit Jansenistas esse, sed in latiori significatione viros *Catholicissimos qui nullo fermento hæreseos, aut doctrinæ erroneæ aspersi sint*. Abest quoque à vero quod Cardinalis de Aguirre hanc significationem adstruat. Sic quia aliqui vocant Semipelagianos,

eos qui minimè merentur, ut Doctor Hennebel S. Salsium inter Semipelagianos collocat, non idèd dici potest vox *Semipelagianus*, (idem est de appellationibus *Calvinista* & id genus aliis) latiori significatione significare viros *Catholicissimos*, licet nullo fermento hærejeos vel doctrinæ erroneæ aspersos. Alioquin non foret difficile eludere Breve Innocentii XII., dum enim cavillator aliquis quovis pro lubentia vocasset Jansenistas, de calumniâ accusatus respondere posset, se *Jansenistam* intelligere in latiori significatione admittit à Domino Hennebel, & quæ ipso teste, *exposita est à Cardinale de Aguirre*.

Superest alterum, inquit Venantius, Hennebellianæ distinctionis membrum, ad quod cum tu, Arioviste, respondere prætermiseris, ego pace tuâ respondebo D. Baccalaureo, & ritu quidem Academico illud clarissimè distinguam; "Juxta Breve Apostolicum soli pro veris Jansenistis habendi sunt aliquam ex 5. propositionibus, ab Apostolica Sede damnatis sustinentes" explicite & ipsis terminis formalibus propositionum damnatarum, nego: explicite vel implicite & saltem terminis æquivalentibus, concedo: neque ullus dubitat, quin Calvinista merito appelletur is qui licet non terminis formalibus; tamen æquivalentibus dicit idem, quod Calvinus; item qui abstinet ab omni propositione particulari quidem, sed generaliter tenet *Calvinum in omnibus rectè & Catholicè scripsisse*. Sic Urbanus VIII. in Brevi ad Dominum Franciscum de Mello Belgii Gubernatorem non immerito vocavit *Jansenianos*, qui librum Jansenii, postquam de scandalosa derensione multarum propositionum prius condemnatarum convictus, ab eodem Pontifice & damnatus est, tueri perrexerunt & Urbani Bullam rejicere.

Hoc loco Baccalaureus nihil tam in promptu habuit, quàm isti Urbani VIII. Brevi opponere Breve Innocentii XII. Sed Venantius hunc Baccalaurei Achillem citò debellavit, dicens; non præcipit Innocentius XII. Episcopis in Brevi, "ne quemquam nuncupari sinant invideo nomine Jansenismi, nisi prius legitimè constiterit, aliquam ex his propositionibus docuisse aut tenuisse, sed

„sed nisi prius suspectum esse legitimè constiterit, ali-  
 „quam ex his propositionibus docuisse aut tenuisse ” pro-  
 „ut omnium iudicio *suspectus legitimè* est, quisquis Janse-  
 „nii seu libri ejus *Augustinus* appellati doctrinam illimita-  
 „tè approbat, non tantum aliquam ex eis, sed omnes te-  
 „nere, quamquam & hic omnes damnatas in Iansenio  
 „propositiones sustinet implicite, & sustinere præsumitur:  
 „cum quo si quis juramentum seu Lovaniense seu For-  
 „mularis Alexandri VII. componere voluerit, is adeò  
 „non eluet Iansenisini notam, ut se Pontificiarum Con-  
 „stitutionum etiam Brevis & Formularii defensorem pro-  
 „baturus sit. Hoc modo Iansenisini notam elui, num-  
 „quam Sedes Apostolica declaravit, & certò scimus non  
 „declaraturam, obstante Apostoli effato; *si nos aut An-  
 „gelus de Cælo &c.*

Hunc Venantii sermonem non sine jucunditate audi-  
 vit Ariovistus, ac dein ita Baccalaureum allocutus est:  
 jamne adhuc, D. Baccalauree, ausis gloriari, quod ar-  
 gumentum Patris Palazol ab Hennebello infractum ja-  
 ceat? Tacuit Baccalaureus, non erubuit tamen.

Ariovistus autem sic voluit prosequi; nunc tran-  
 „inquebat, ad ejusdem Patris argumentum secundum.  
 „Teste Hennebello, hoc est, ” quod prætensi Ianseni-  
 „stæ reformatum vellept Sedis Apostolicæ de 5. propo-  
 „sitionibus iudicium, ut ipsis inauditis latum. Respon-  
 „det Hennebellus; manifesta calumnia est, neque ad  
 „eam confutandam alio opus est instrumento, quàm  
 „illo Memoriali nostro Hispanico, ex quo hujus ca-  
 „lumniæ occasionem sumpsit Pater Palazol, si quidem  
 „in illo Memoriali §. 2. post medium apertissimè di-  
 „citur, quod Lovanienses semper rejicient 5. proposi-  
 „tiones in eo sensu, in quo eas damnarunt Pontifices,  
 „id est, in sensu obvio, easque condemnabunt in om-  
 „nibus Autoribus, quicumque sint illi, in quibus eo  
 „sensu reperientur; sicut semper tam positivè & publicè  
 „fecerunt, ut numquam calumnia fuerit crassior, quàm  
 „illa, qua errores istos sustinere accusantur. ” Domine  
 „Baccalauree, dispiciamus jam quàm nervosa sit ista res-  
 „ponso Hennebelli.

Ante



Ante omnia verò dic mihi, quæ ea forma iudicii aut species æquitatis est, condemnare scriptorem aliquem de calumnia, neque refellere, aut ne referre quidem ejus probationem? Adducit Pater Palazol verba Memorialis Belgici ex idiomate Gallico in Hispanicum versi, ubi socii Doctoris Hennebel conqueruntur, quòd „spatio plus quàm quinquaginta annorum, quo liber „Jansenii accusatus est, tantum una partium audita sit, „quod contra omnem æquitatem habita sit fides illi parti „in accusationibus vagis & confusis quibus adversarios „suos oppressit, & quòd numquam pacatè, nec in iudicio ordinato & contradictorio auditum sit quod haberet pars alia quod opponeret. Statim subjungunt, „quod huc usque factum non est, semper tempus est „ut fiat.” Hinc infert Pater Palazol, videri non obscurum quòd Theologi isti velint reformare Ecclesiæ iudicium circa 5. Propositiones, videlicet ut declarentur innoxie vel non nisi in sensu fictitio & à nemine in Ecclesia tradito condemnatæ, ut deinceps liber Jansenii & universa ejus doctrina, licet plus quam in 50. diversis propositionibus à variis Pontificibus confixa, ab orco revocetur. Approbare scilicet Romæ non audebat apertè Doctor Hennebel istud suum suorumque dictum expressum in Memoriali Belgico & Hispanico; improbare autem nisi retractando non poterat, ob eamque causam maluit de eo altum filere, atque ita suppressâ veritate contra Patrem Palazol ferre sententiam.

Hic objecit Baccalaureus; dicit Doctor Hennebel cum suis *se rejicere 5. Propositiones in eo sensu, in quo eas condemnaverunt Pontifices, id est, in sensu obvio.* Id tibi assentior, inquit Ariovistus, sed non dicit in *sensu obvio libri.* Atqui tamen Innocentius XII. in suo Brevis pronuntiat *eas propositiones ex libro Jansenii excerptas in obvio sensu*, itaque damnari eas ibidem imperat ab eis qui ad juramentum adigendi sunt. Fateatur ergo Dominus Hennebel cum suis, saltem non interpositâ juramenti religione, eas *ex libro Jansenii excerptas esse in sensu obvio.*

Hic producis, ait Venantius, quasi lapidem lydium, ad quem Hennebellus cum suis explorandus est: etenim quam-

quamdiu id fateri mordicus detrectat, perspicuum est eum cum suis Memorialis autoribus propositiones non velle damnare in sensu, quo ab Innocentio X. Alexandro VII. & ab ipso Innocentio XII. damnatæ sunt, atque ita eum velle universam Jansenii doctrinam retinere ut integram, ut innocuam & ab omni anathemate intactam. Quamobrem si ego quidpiam possem exigere ab Hennebello, hoc exigere ut clarè nobis ediceret, an sensus obviis, quo propositiones 5. fulminatas intelligit, non sit fictitius, id est, nec à Jansenio, nec ab ullo in Ecclesia Theologo traditus.

Numquid itaque, D. Baccalauree, inquit Ariovistus, insignis fucus est, dum tales profitentur *se quinque propositiones damnare in omnibus autoribus in quibus eo sensu, nempe fictitio, reperiuntur*? Novit Doctor Hennebel, & noverunt omnes qui umquam Jansenium legerunt, primam propositionem è quinque non obscurè extare in ejus Augustino; & Alexander VII. declarat ac definit se propositionem illam damnare ut excerptam ex illo libro & eodem sensu, quo illic defenditur. Saltem illam primam Hennebellus cum suis agnoscat in memorato libro defendi eo sensu, qui postea damnatus verèque hæreticus est. Tunc Patrem Palazol fatebimur errasse in tam sinistra de illis Theologis opinione concipiendâ; sed verèor, ne id cum suis præstare differat usque ad Calendas Græcas: unde nihil hic *Calumniæ*, nedum *Craſſæ*, est in Patre Palazol, sed in Hennebellianis fucus est Catholicis Theologis, quales haberi volunt, adedò indignus.

Sed ubi hîc est, quærit Venantius, illud Cardinalis de Aguirre patrociniū quod D. Baccalaureus ita jactabat: Jam jam sequetur, respondit Baccalaureus. Ergo purgate aures, & Hennebellum attendite, sic habet; „Opponit idem Autor (P. Palazol) num. 70. propositiones quas in libro suo, cui titulus Defensio Cathedræ „S. Petri collegit Eminentissimus Cardinalis de Aguirre: „verum super iis jam pridem ipsi Eminentissimo Cardinali satisfactum fuit: agnovit Eminentissimus Cardinalis propositiones, quas reprehendit, esse æquivocas,

cas



„eas alio sensu à se, alio à Lovaniensibus accipi: decla-  
 „rarunt Lovanienses, se eas libenter damnare sensu,  
 „quo ab Eminentissimo Cardinali damnantur. Ex pro-  
 „positionibus suis ostenderunt sensum illum à mente sua  
 „alienissimum esse. Visis omnibus per Lovanienses al-  
 „legatis gavisus est Eminentissimus Cardinalis videre  
 „sensum eorum ita orthodoxum: monuit tamen ut  
 „eum deinceps clariùs exprimerent, nec talibus abute-  
 „rentur vocibus, quæ aliis scholis offensionem esse possent.  
 „Cui tam prudenti doctissimi ac pientissimi Cardinalis  
 „monito se libenter obtemperaturos sponderunt.

Verène putas, D. Baccalauree, inquit Arioivstus, in  
 hac Hennebelli oratione nullam esse imposturam? In  
 hac oratione, reponit Baccalaureus, impostura esse quæ  
 potest? Audies, dicit Arioivstus. Ego demonstrandum  
 hic ad oculum suscipio, Doctorem Hennebellum aut  
 Eminentissimo Cardinali de Aguirre aut nobis insigniter  
 imponere. Cardinali, si talia ab ipso responsa acceperit;  
 sin finxerit, nobis. Verisimile autem est eum imponere  
 utrisque, Cardinali non sincerè exponendo sua suorum-  
 que sensa; nobis additione, omissione, vel aliâ muta-  
 tione vitiando dicta Cardinalis. Audax promissum! ait  
 Baccalaureus. Illud tamen exequar, Arioivstus reponit,  
 Quid enim? prosequabatur. Agnovitne Eminentissimus  
 Cardinalis omnes quas collegerat Lovaniensium pro-  
 positiones, esse æquivocas, an tantum aliquas? Si tan-  
 tum aliquas, quænam eæ sunt? Et quomodo hanc ra-  
 tione ipsi simpliciter & absolutè satisfactum est? Sin  
 omnes sint æquivocæ, æquivocas etiam esse oportet  
 Propositiones Jansenii, quibus dicit Lovanienses à se  
 citatos ad eò congruere, ut ita quærat sub fine sectionis  
 primæ, in quonam quæso ii autores recedunt "ab illa  
 „prima propositione Jansenii damnata? aut quod ovum  
 „alteri ovo similius, quàm Theses ipsorum & doctrina  
 „Jansenii? Præstaret certè illam male imbibitam bene  
 „& ex animi sententia corrigere, atque ob oculos ha-  
 „bere illud Augustini libro 3. contra Cresconium cap. 3.  
 „aiantis, sententiam falsam numquam tenere primam  
 „laus, secunda mutare." Consimiliter de aliis Jansenii  
 pro-

propositionibus damnatis & nominatim de secunda ostendit sectione secunda. "Recentiores multos è Belgis , ac potissimum Lovaniensibus in eodem luto hærec , adhuc post constitutionem Innocentii , & metuendum , illud anathematis fulmen ; quo , ut inquit , videtur , palam constare ex innumeris testimoniis aut thesibus , ipsorum , quas subjungo , prout allegantur à Duffio , parte 2. classe 2. & 3." Ita Cardinalis procedit ad alias propositiones in Jansenio damnatas , resuscitatas autem à Belgis , præsertim Lovaniensibus.

Atqui Eminentissimus numquam admisit , quod omnes propositiones Jansenii , quas ex ipso producit , sint æquivocæ , sic ut habeant sensum verum obvium , seu sic ut in sensu obvio sint veræ. Et ipsi Hennebelli commilitones sensum obvium quinque propositionum , ut hæreticum , esse à Pontificibus recte condemnatum , non inficiabuntur , saltem publicè ; cum damnare centies parati sunt , licet per obvium intelligant imaginarium , & à nullo umquam in Ecclesia Theologo traditum.

Sed nonne , quærit Baccalaureus , 5. Jansenii propositiones habent duos sensus obvios , alterum verum & Catholicum , falsum alterum & hæreticum ? Ita in Belgio quidem , ait Ariovistus , tenent aliqui liberèque divulgant , verum non expecto ut Hennebellus id Romæ scribere audeat , tametsi Paulus Aurelius dicat jam esse *tempus loquendi*. Certè Hennebellus , addit Venantius , inveniret sibi adversantem Cardinalem de Aguirre , si id scriberet : nam docet quoque Cardinalis non posse propositiones illas habere in rigore sensum verum ab assertore intentum , sicut in defensione Cathedræ S. Petri disputatione 20. sectione 1. de propositionibus Baii pronuntiat : " Si aliquæ ex propositionibus Baii sustineri , possent aliquo pacto in rigore ac proprio sensu ab assertoribus intento , immerito Pontifices statim adjecissent illarum damnationem sub pœna anathematis Sedi , Apostolicæ reservati : quippe injustum est damnare & sub anathematis pœna proscribere illas propositiones , quæ aliquo pacto sustineri possunt in rigore & proprio verborum sensu ab assertoribus intento , nimirum nulla pro-

positio vera, aut quæ defendi jure possit aliquo pacto  
 „in rigore ac proprio verborum sensu ab assertoribus  
 „intento, digna est aliquâ ejusmodi notâ aut tam acerbâ  
 „pœnâ, quanta est anathematis.” Jam verò si propo-  
 sitiones, quas in Jansenio damnatas in eo verè contineri  
 Cardinalis demonstrat, non possint habere sensum pro-  
 prium ab assertore intentum, qui in rigore verus sit,  
 sequitur, ut vel in nullo sensu veræ sint, vel saltem  
 non in proprio, obvio & intento ab assertore.

Rectissimè, Ariovistus exclamat; ex hac tua argu-  
 mentatione, Venanti, suâ sponte promanat id quod jam  
 parabam conficere: etenim si illa subsistat, sicut reverâ  
 subsistit, quomodo Hennebellus potest Eminentissimo  
 Cardinali satisfacere circa propositiones Lovaniensium,  
 eique persuadere omnes *alio sensu ab Eminentissimo, ali-*  
*â Lovaniensibus accipi?* Verum quidem est, quod de  
 omnibus propositionibus id asserere expressè non audeat,  
 sed satis indicat, dum ait, *Eminentissimo Cardinali satis-*  
*factum.* Quomodo, inquam, propositiones quæ in nullo  
 recedunt à propositionibus Jansenii damnatis, imò tam  
 eis similes sunt, *ut non possit esse ovum alteri ovo simile,*  
 possunt esse veræ in sensu obvio, seu proprio & ab as-  
 sertoribus intento? Si Hennebellus dicat sensum verum  
 propositionum Lovaniensium, qui ab assertoribus in-  
 tentus est, non esse proprium & obvium, sed alienum  
 quemdam & improprium; id quidem difficile creditu  
 videbitur Magistros illos in thesibus, in quibus potis-  
 simum sermonis proprii, accurati & perspicui debet esse  
 cura, sensum passim intendisse improprium & ab ordi-  
 naria vocum acceptione abhorrentem. Hoc obscuritatis  
 studium ipsi thesium autores eorumque discipuli non ag-  
 noscent.

Et, ut agnoscerent, subdit Venantius, posset respon-  
 deri quod sicut Apostolica Sedes in propositionum,  
 thesium, librorum condemnatione procedit secundum  
 sensum illorum obvium; ita Cardinalis & nos ejus ve-  
 stigiis insistentes agamus contra collectas istorum Bel-  
 garum ac Lovaniensium propositiones intellectas in sen-  
 su obvio, quem illarum verba præ se ferunt. Hunc au-  
 tem

tem intendisse earum autores præsumendum est, donec clarè probetur oppositum.

Sed quid, Arioviste, censes de illo ejusdem Cardinalis monito, "ut Lovanienses sensum orthodoxum „deinceps clariùs exprimant, nec talibus utantur voci- „bus, quæ aliis scholis offensionem esse possent?"

Illud est, inquit Ariovistus, sapientissimum prudentissimumque. At utinam quemadmodum *se illi libenter obtemperaturos sponderunt*, ita etiam reapse obtemperarent constanter! Tum conversus ad Baccalaureum sic fatus est; D. Baccalauree, cur *voces*, quibus isti Lovanienses uti sunt in suis thesibus, *offensionem esse possunt aliis scholis*, nisi quia sensus obvius illarum vocum offensionem est? Habentne ergo Lovanienses tui aliam nomenclationem seu significationem vocum in Theologicis, quàm ceteræ in Ecclesia Academiæ & Scholæ Catholicæ? Latet hic mysterium aptum fallere eos, qui sinceritate suâ metiuntur Hennebelli ipsique adhærentium versutiam. Dicamus nos quod res est; ex hæcenus deductis apparet verissimum esse, imò moraliter evidens, quod Theologorum istorum sensum non plenè, non integrè Hennebellus exposuerit, quòd ubi simpliciter negant *gratiam sufficientem & arbitrii indifferentiam* in statu naturæ lapsæ, dixerit ab eis solùm negari gratiam sufficientem Molinæ, ejusdemque indifferentiam: ubi negant potentiam observandi præceptum etiam justis, quotiescumque labuntur, dixerit tantùm negari ab illis potentiam plenissimam, qualem adstruunt Jesuitæ; & ut multa alia præteream, ubi Hennebelliani negant Christum esse mortuum pro omnibus, Deum in hoc statu velle salutem omnium, hæc tantum negaverunt eo sensu quo à Schola Societatis asseruntur, non autem prout à Thomistis & ceteris gratiæ per se efficaciæ defensoribus.

An ergo, quærit Baccalaureus, non sumus in hac materia verè Thomistæ? De obtenso illo & simulato Thomismo, respondet Ariovistus, videbimus alio die. Jam tantùm moneo, quod tunc clarissimè probabitur, nihil esse familiarius recentioribus quibusdam Belgis Jansenii propugnatoribus, quàm terminos Thomistarum facere

facere æquivocos, in sensu æquivoco iis uti ad occultandum sensum Jansenianum, adedque dum Hennebellus talibus terminis explicare nititur obtensam propositionum Lovaniensium æquivocationem, nunquid metuendum est, ne obtensas æquivocationes, æquivocationibus novis involvat, & per speciem lucis afferendæ tenebras affundat atque caliginem?

Hic obtentus æquivocationis, inquit Venantius, unum ex subtilioribus novæ factionis artificiiis est, quo omnes Pontificum Bullas contra Baium, Jansenium, & alios suarum partium Theologos editas, molitur subvertere aut reddere prorsus inutiles. Exempla de singulis Bullis mihi jam in promptu non sunt. At sunt mihi, subdit Ariovistus & sine mora extraxit opera Baii cum notis & vindiciis impressa anno 1696. In hoc libro, inquit, in Synopsi Chronologica pag. 13. dicitur, "Michaël „Bajus Pio V..... suam Apologiam misit, in qua luce „clariùs demonstrat quòd falso isti articuli ipsi adscribuntur, & quo sensu plerique ipsorum verissimè sint „& ad mentem S. Augustini." In eodem libro, parte 2. pag. 240. dicitur "Bulla Pii V. in intricatos & ambiguos articulos indiscretam & absque ulla explicatio- „ne sententiam pronuntiat, quæ æquè in verum ac in „falsum hujusmodi articulorum intellectum cadere potest."

Sic etiam, interrumpit Venantius, articulos quos ingenti copiâ ex Lovaniensium Thesibus collectos refert Cardinalis de Aguirre, censetque tam similes propositionibus in Jansenio damnatis, ut non possit esse *ovum alteri ovo similis*, vult Doctor Hennebel esse *intricatos & ambiguos*, sive ut ipse loquitur, *æquivocos*. Cumque Cardinalis eos ad classem revocaverit eandem, in qua sunt propositiones Jansenii damnatæ, ostenderit scilicet Dominus Hennebel Eminentissimo Cardinali quòd "in „intricatos & ambiguos articulos indiscretam & absque „explicatione sententiam pronuntiarit," sicut Pius V. juxta superiorem Autorem in articulos Baii. Ostenderit præterea eidem Eminentissimo idem Hennebel, quo sensu non modò *plerique eorum*, sed omnes *verissimi*



*rissimi sint & ad mentem Augustini, sive ut ipse ait, orthodoxi.*

Mirabile mihi, pergebat Venantius, semper visum est minimèque credibile, quòd inter *propositiones innumeras* Lovaniensium relatas à Cardinale, extet ne una quidem, quæ non sit æquivoca, & sensu non alio quàm *orthodoxo* à suis Autoribus tradita, neque quidquam æquivocationis in iis observaverit Eminentissimus, vel cetè nullius fecerit mentionem; sed simpliciter propositiones omnes damnatis in Jansenio prorsus similes videri, & in nullo ab eis recedere declaraverit? Ista scilicet Eminentissimus & perspicacissimus Magister discere ab Hennebello & ejus fociis debuit. neque tantum de doctrina eorum Lovaniensium, qui vivunt, verum etiam eorum qui jam vitæ functi sunt.

Hic subridens Ariovistus, an ergo eruditissime Venanti, inquit, numquam legisti istud omnium sermone tritum proverbium, *Balbus melius Balbi verba cognoscere?* Rectè mones, dicit Venantius: nam illud hîc obtinet. Ita S. Hieronymus Epist. ad Domnionem ridebat Monachum, qui jactabat neminem præter se assequi sensum Joviniani. Sed obsecro, Arioviste, tu progredere ad Bullas alias prætextu æquivocationum ab adversariis consimiliter elusas.

Paruit Ariovistus, & accipiebat Jansenianorum libros fermè prout fors manibus offerebat; & cum eisdem locos adhuc ostendisset aliàs, erant omnes cœruleâ chartâ notati, quo factum est, ut nullo negotio invenirentur.

Autor, inquiebat, qui sub hisce litteris initialibus C. O. C. latere voluit, nisi quod declaret se Presbyterum anno 1689. in Epistola 2. Apologetica pag. 18. sic habet; "ut Clerus Hollandus doctrinam suam „quoad 5. damnatas propositiones secernat à doctrina „Janseniana, necesse est doctrinam suam secernat à „sensu hæretico, quem 5. illæ propositiones in comuni verborum significatione habere possunt, non autem à Catholico sensu, quo in libro Jansenii contineri possent."

Do:



Dominus Germain in defensione Ecclesiæ Romanæ & Summorum Pontificum 1696. cum approbatione, ut ait, Domini Le Peau Leodienfis de iisdem 5. Jansenii propositionibus pag. 430. "aliud enimverò est, inquit, quinque propositiones in aliquo sensu, aliud aliquem sensum propositionum defendere, istud licet ac semper licuit, illud post definitionem non licet: Idem de Luca Wadingo retractante priorem suam Jansenianarum propositionum aliquot defensionem sic observat pag. 452. "Ceterum cum post conditam Constitutionem, propositiones in aliquibus sensibus à se defensiss, in nullis autem defendendas velit ac spondeat, nihil tamen de Jansenii sensu retractat, cui videlicet nullum alium affixerat, nisi Augustinianum gratiæ efficacis sensum, quem non esse Constitutione Apostolicâ damnatum certo certiùs noverat.

Palladius contra Martinum Steyaert Doctorem Lovaniensem anno 1688. in Spongia notarum parte 2. "Litigandi materiam non amovet, quod in sensu Jansenii damnatæ propositiones dicantur: nam cum varii Janseniani sensus circumferantur, constare non potest in quem conferenda sit censura." Quid, interjiciebat Venantius, ad omnem pro libitu sensum defendendum dici potest accommodatius?

Sed restant etiamnum alii, adjungebat Ariovistus, En iterum sese offert Eugenius de Gelder Brugensis in ultima voce zelatricis innocentie anno 1689. pag. 114. ita aiens, "sicut per vasfrè fabricatas 5. propositiones in se justè condemnabiles, ad sensum tamen Catholicum facile reducibiles, doctrinam Jansenii Romæ procurarunt damnari, ut per latus Jansenii doctrinam S. Augustini à doctrina Jansenii reverà inseparabilem arerent & deicerent, sic etiam fortassis hoc tempore multas propositiones Michaëlis Molinos talibus terminis concepere, quod vix à propositionibus fundamentalibus vitæ internæ & spiritualis à SS. Patribus.... nobis propositis distingui possint, ita ut per condemnationem Molinos (quem aliqui magis infelicem quàm nocentem autumant) & prætenstæ ejus doctrinæ, videantur

„deantur voluisse eliminare illud parum quod restat super-  
 „naturalis operationis spiritûs Dei vivificantis expertivè  
 „intimum fundum spiritualium animarum: sed quid-  
 „quid conentur, quidquid machinentur, quidquid sub-  
 „dolè per se & suos efficiant Jesuitæ, spiritus, illis fren-  
 „dentibus, ubi vult spirabit, & omnes qui ex spiritu  
 „nati sunt, vocem ejus audient, licet nesciant, unde  
 „veniat, aut quò vadat.

D. Baccalauree, inquit Venantius, quid jam ais?  
 Vides hîc obtentu æquivocationis seu diverforum sen-  
 suum, defensam doctrinam, non Jansenii tantum, sed &  
 Molinos. Quænam propositio utriusque illius Autoris  
 quamvis damnata, sustineri hoc pacto non poterit eo-  
 dem proriùs sensu, quo primùm tradita & damnata  
 est? Sic quidquid *conetur*, quidquid *efficiat* S. Sedes,  
 Jansenianus *spiritus ubi vult spirabit*, quamdiu potentio-  
 ri manu Regis non præfocabitur. Idèd nova factio, quem-  
 admodum auctoritatem Pontificum, Cardinalium, Quæ-  
 sitorum, fidei, Episcoporumque protrivit, sic tandem  
 auctoritatem Regis hebetare & infringere molitur, sus-  
 citando contra eum populos, Magistratus, Sacerdotes,  
 atque ipsam Sedem Apostolicam.

Idein ego vicissim censeo, ait Ariovistus. Sed in gratiam  
 D. Baccalaurei pergamus in detegendo prætensarum  
 æquivocationum artificio, protulitque litteras cujusdam  
 Abbatis ad quemdam Curia Romanæ Prælatum 1691.  
 quæ de Decreto Alexandri VIII. contra propositiones 31.  
 hæreticas, schismaticas & aliis respectu censuris con-  
 fixas pag. 23. sic habent " Innocentius XI. videbatur  
 „tranquillitatem Ecclesiæ utcunq; restaurasse, & ali-  
 „qua ex parte amputasse similibus novarum dissensio-  
 „num radices: atque ecce jam reviviscunt per De-  
 „cretum æquivocum ad nihil nisi ad dissensiones utile.  
 „Pag. 22. Harum propositionum tamquam æquivoca-  
 „rum damnatio ad nihil valet, nisi ad ignem injicien-  
 „dum scholis. Pag. 11. Certum est & notorium toti or-  
 „bi sensum malum, in quò solo propositiones sunt  
 „censurabiles, à nemine defensum fuisse "

Adjunxit quoque Autorem difficultatum proposita-  
 rum

rum Domino Steyaert anno 1692. parte 9. pag. 124. de eodem Pontificis Decreto dicentem; "Plenum est æquivocationibus, & quidem subdolè affectatis, ut, damnarentur propositiones quas numquam sustinuimus, nisi eo sensu quo sunt verissimæ." En iterum prætentas æquivocationes, en modum facillimum defendendi propositiones omnes damnatas eodem sensu quo ab Autoribus traditæ & à Pontificibus proscriptæ ac condemnatæ sunt.

Similis modus, subdit Venantius, placet Doctori Hennebello & ejus sequacibus, ut propositiones omnes Lovaniensium ab Eminentissimo Cardinale de Aguirre collectas propugnet omni sensu, quo à suis Autoribus defensæ sunt, quamvis à propositionibus Jansenii damnatis in nullo recedant, *nec ovum alteri ovo similis sit quàm Theses ipsorum & doctrina Jansenii*, teste eodem Eminentissimo, quem nihilominus Doctor Hennebel jubet *agnoscere* sibi circa omnes illas propositiones esse *satisfactum*, modò Lovanienses *sensum* suum orthodoxum *clariùs exprimant*, *nec talibus utantur vocibus, quæ aliis scholis offensionem esse possent*. Quasi verò aliæ istæ scholæ Hennebellianos Theologos non intelligerent, aut solis vocibus & non magis sensu per voces significato tot viri doctissimi, qui vitam omnem studiis & controversiis impenderunt, aded commoverentur? Ergo universa Baii & Jansenii doctrina mordicus retineatur & propugnetur strenuè quoad sensum; absteineatur modò à terminis similibus propositionum damnatarum, & *agnoscere* debebunt etiam Romani Pontifices sibi esse *satisfactum*.

Et quidni, inquit Baccalaureus, istud Romani Pontifices agnoscant? Mihi certè mirum videri solet, quòd se istud agnoscere nondum professi sint in Bulla aliqua vel Brevi: nam ut rectè ait Autor editionis operum Baii cum notis & vindiciis anno 1696. de propositionibus 79. à Pio V. Gregorio XIII. & Urbano VIII. condemnatis parte 2. pag. 77. *Articulorum qui proscripti sunt verba magis quàm sensum damnavit Pontifex*. Sic Dominus Germain eodem anno 1696. verbis supra citatis illud reverentiæ deferendum censet Constitutionibus In-

nocentii X. & Alexandri VII. contra doctrinam Jansenii, ut 5. propositiones damnatæ non defendantur, nempe iisdem terminis, quibus proscriptæ sunt: imo absolute, inquit, pag. 450. " illud post definitionem „non licet, sed aliquem sensum propositionum earum- „dem defendere licet, ac semper licuit."

Itane verò, D. Baccalauree? Infit Ariovistus. Ergo quo nihil potest esse magis ridiculum, Romani Pontifices, spatio plus quàm centum & triginta annorum, quo Bajanismum, Jansenismum & annexas ei novitates eradicare studuerunt, solis vocibus bellum indixere. Ergo ad decidendas quæstiones de nomine tot Ecclesiæ studiis & laboribus, tot precibus privatis & publicis, etiam solennibus Romæ supplicationibus opus fuit. Ergo istud est malum, quod dicebat Urbanus VIII. " in „scandalum totius Reipublicæ Christianæ & Fidei Ca- „tholicæ perniciem vertere. Ergo ista est hæresis adinstar „colubri tortuosi, cujus caput attritum est, in gyros & ca- „villationum deflexus iens, " ut de Jansenismo loquitur Alexander VII. Bullâ *Regiminis Apostolici*. Hinc Autor libelli, cui titulus " Doctrina Augustinianorum „Theologorum circa 5. propositionum materiam expo- „sitis &c." pag. 1689. pag. 22. dicit nunc omnium oculis patere, quàm inani fundamento substructum sit totum illud novæ hæreseos figmentum, quanto se crimine poluerint, qui tantos in Ecclesia dissensionum fluctus gratias excitarunt. Quàm facile autem fuisset tam diuturnarum contentionum æstus vel in ipso ortu comprimere vel etiam prævertere.

Simili modo mentitus Abbas, Autor litterarum ad quemdam Romanæ Curiae Prælatus dolebat, quòd propter res ejusmodi levissimi momenti, ut sunt propositiones triginta & una hæreticæ, schismaticæ & aliis respectivè, stigmatibus infames, Decretum ederetur ab Alexandro VIII. ideoque pag. 11. *Condemnare*, inquit, *illas propositiones est de re nihili excitare strepitum*; debuisset tantum audiri Doctor Hennebel, forte non minori facilitate totum negotium composuisset, quàm illud propositionum Lovaniensium, quarum *innumeras* censebat Eminentissimus

Cardi.

Cardinalis de Aguirre minimè discrepare à damnatis in Jansenio: si enim sub Alexandro VIII. dixisset, se propositionum Autores " monitum, ut sensum suum orthodoxum clariùs exprimerent, nec talibus uterentur vocibus, quæ aliis scholis offensioni esse possent, " numquid debuissent Alexander VIII. & Cardinales acquiescere, ac Decreto supersedere?

Omnino respondet ridens Venantius. Et si eadem dicta fuissent Pio V. Gregorio XIII., Urbano VIII. Innocentio X. & Alexandro VII. quibus Constitutionibus, Decretis, Brevibus parcere potuissent! Sed hæc Roma nescivit, infelix scilicet & cimmeriis circumtusa tenebris, quamdiu fuit tam præclaris destituta Doctoribus, qui quæstiones omnes, quantumcumque appareant de rebus gravissimis, revocare norunt ad inutiles ac grammaticales quæstiunculas de vocibus: si autem quæstio fidei inter Theologos agitata sit & à Pontificibus dirempta, quomodo sensum illarum propositionum, quas Cardinalis de Aguirre ait damnatis Jansenii propositionibus esse quàm simillimas, Hennebellus pronuntiat orthodoxum, dum Cardinalis cum universa Ecclesia ex declaratione Apostolicæ Sedis agnoscit sensum Jansenii, prout in libro ejus exprimitur, circa damnatas propositiones esse hæreticum?

Hennebellus, interrumpit Baccalaureus, potest ostendere discrimen inter sensum propositionum Jansenii & suorum Lovaniensium. Cur igitur non ostendit? rogat Venantius. Ego certè, D. Baccalauree, cupidus sum videndi illud discrimen, quod hætenus frustra à vobis postulatum est. Eadem cupido incescit & me, inquit Ariovistus. Sed non scio, D. Baccalauree, an satis observaveris, quàm universim asserat Hennebellus *satisfactum* esse Cardinali de Aguirre circa propositiones Lovaniensium ab ipso Eminentissimo collectas & impugnatas. Istud equidem, reponit Baccalaureus, satis observavi. Quid tum? Estne igitur, quærebat è vestigio Ariovistus, etiam *satisfactum* Eminentissimo de hac propositione Joannis Sinichii, quæ est 6. inter 31. condemnatas ab Alexandro VIII. *gratia sufficiens statui nostro non*

*sam utilis quam perniciosa est, sic ut proinde meritò possumus petere, à gratia sufficiente libera nos Domine? Estne etiam Eminentissimo satisfactum circa propositionem hanc Macarii Havermans quæ est 30. inter damnatas eodem Decreto: ubi quis invenerit doctrinam in Augustino clarè fundatam, illam absolutè potest tenere & docere non respiciendo ad ullam Pontificis Bullam? Utraque est inter illas, quas Eminentissimus collegit. Estne etiam Eminentissimo Cardinali satisfactum circa cavillationem ejusdem Macarii Havermans & à Lovaniensibus aliis non paucis usurpatam de famoso commate, seu interpunctionis virgula in Bulla Pii V. contra 79. Baii articulos? Non est simile vero, ait Venantius, cum evidens sit, quòd ut demonstrat idem Eminentissimus, irrita prorsus & incassum lata esset ea Constitutio, si cavillatio illa subsisteret.*

Tum Ariovistus sic prosecutus est; plurimæ sunt ejusmodi Lovaniensium propositiones, in quibus certum est non potuisse Eminentissimo satisfieri, sicut numquam satisfieri poterit circa propositiones in Jansenio damnatas quibus istæ *ut ovum ovo simillimæ sunt*: aut si circa illas omnes satisfiat eò quod dicantur *equivocæ*, uti nulla propositio tam clara & univoca est, quæ in varios & alienos sensus ab hæreticis non detorqueatur, ita nulla propositio tam manifestè hæretica est, ut ei sensum *equivocum* affingere quilibet non possit, & inter sensus varios fortè unum tolerabilem; sed non ideo propositio secundum se, in sensu obvio atque ipsius auctoris ut primum prolata est, hæretica esse desistit. Insignis hæreticorum fraus est, & pridem fuit Pelagianorum aliorumque ubi captos se vident, sensum à catholico non abhorrentem saltem in speciem, propositioni suæ hæreticæ tribuere ad tempus, sensum verò hæreticum, quem tenent, in meliorem opportunitatem reservare, clarè apertiusque profitendum.

Quas hic, inquit Baccalaureus, alias Lovaniensium propositiones Ariovistus commemorat? Eas, credo, de quibus in suo Memoriali P. Palazol. Sed audite, quæso, quid de iis Hennebellus scribat; "*Opponit* (P. Palazol)

*num;*



„num. 74. *farraginem propositionum congestam in librum*,  
 „cui titulus, *propositiones disseminatae per Belgium*. Dicit eo  
 „viso sic erubuisse Jansenianos, ut aliquo tempore silere coacti  
 „fuerint. Dicere debebat, quod ipsos illius collectionis  
 „Autores ita puduerit operis sui, ut diu ne magno qui-  
 „dem pretio à Lovaniensibus Theologis exemplar illius  
 „comparari potuerit : mox autem, ut habitum fuit, ita  
 „omnia, quæ sibi in illa opponuntur, scriptis publicis  
 „exposuerunt ac confutarunt Domini Huygens, Op-  
 „tract, de Cocq aliique in illo libro accusati, ut eo-  
 „rum responsiones nemo hactenus confutare ausus sit.  
 „Si quid in illo libro horridum erat, non Lovanien-  
 „sium, non Theologorum, sed Anonymorum hæreti-  
 „corum, aut saltem externorum erat. Ex iisdem varia  
 „hoc Paragrapho concessit P. Palazol, quæ cum ad nos  
 „non pertineant, nullam quoque à nobis vel responsio-  
 „nem vel defensionem merentur.

Ista ex Hennebelli scripto recitaverat Baccalaureus,  
 cum Ariovistus eum sic adortus est ; An ergo immeri-  
 tò opponit P. Palazol *farraginem* istam *propositionum* ?  
 Certè etsi deessent cetera omnia, tamen hæc farrago  
 evinceret Jansenianam luem reverà etiamnum grassari  
 & quidem per Belgium. Ille autem *Propositionum dissemina-  
 tarum* liber conscriptus est, & propositiones collectæ sunt  
 curâ hodierni Archiepiscopi Mechliniensis, postquam  
 hic à sacra Congregatione litteris Eminentissimi Cardi-  
 nalis Cybo acceperat mandatum colligendi propositi-  
 ones quibus Belgium turbari judicaret : cumque earum  
 numerus ad chiliadem forte accederet, nimis difficile  
 visum est tot exemplaria describere, quot opus esset ad  
 distribuendum inter Cardinales, Consultores & Quali-  
 ficatores sanctæ Inquisitionis ; idcirco propositiones illæ  
 typis excusæ sunt. An viso illo libro, quærit Baccalau-  
 reus, ita nostri erubuerunt, ut scribit P. de Palazol ? Hoc  
 ego, D. Baccalauree, respondet Ariovistus, sciscitarer  
 ex te, qui istis hominibus uteris adeo familiariter. Hoc  
 certum scio tuos hîc habuisse, cujus puderet, si quod  
 Pater Palazol supponit, erubescere aliquando didicissent :  
 nam statim initio libri videbant articulo 1. *Contemptum*  
*Roma-*

*Romanorum Pontificum.* Artículo 2. *Contemptum Eminentissimorum Cardinalium & Consultorum S. Officii.* Artículo 3. *Contemptum Indicis Tridentini, & Ritualium,* & plurima alia horrenda, articulis sequentibus de Baianismo, Jansenismo, Quietismo, de propositionibus 31. damnatis ab Alexandro VIII. de prohibitione Novi Testamenti Montensis, de Sacramentis, &c.

Tunc iterum Baccalaureus dixit; Afferit P. Palazol eos ita erubuisse, *ut aliquo tempore silere coacti fuerint.* Sic est, reponit Ariovistus: quippe postquam liber Romanam missus est, signatis singulis paginis à duobus Notariis Apostolicis, qui fidem excerptionis, sive ut vocant *Concordantiam cum originalibus* testarentur, illic, ut fit, communicatus est cum iis quorum intererat. Tum statim apparuit quædam in nova factione consternatio; certè pruritus scribendi, qui aliàs quotidie novi aliquid protrudebat in lucem, aliquo tempore repressus fuit. Atque istud silentium est, cujus meminit Pater Palazol, & cujus nulla ratio reddetur verisimilior.

Sic etiam ratio, subdit Baccalaureus, quare liber iste statim non profliterit venalis, nulla reddetur verisimilior, quàm quæ jam reddita est ab Hennebello, nempe *quod autores puduerit operis sui.* Erras mi Baccalaurec, ait Ariovistus, erras. Ratio cur liber ille statim in officinis venalis non profliterit, hæc est, quia, ut jam nunc dixi, ad usum tantummodo S. Congregationis conscriptus erat, & quia explorare priùs Archiepiscopus voluit, an S. Congregatio distractionem publicam non esset prohibitura: nam monitus fuit Archiepiscopus ex Hispania, non multa illuc exemplaria transmitteret, alioquin librum ab Inquisitione Hispanica prohibendum vel propter sola absurda quæ referuntur parte 7. art. 4. §. 4. ex Gummaro Huygens & Joanne Opstrate de examine quod Confessariis præscribunt instituumdum circa poenitentes utriusque sexûs, cujuscunque ordinis, & ætatis in castitatis materia, etiamsi nullum indicium sit, ex quo censeantur poenitentes in illa materia deliquisse. Non ergo pudor, ut Hennebellus arguit, aut malæ fidei conscientia in causa fuit, cur ab initio exemplaria  
libri

libri istius palam in officiis divendita non sint. Hoc facile, Venantius addebat, unusquisque crediderit: etenim libri illius auctores frustra voluissent denuntiationem illam celare adversarios, quos sciebant & Romæ suos habere & S. Congregationem ipsis communicaturam puncta accusationis; non enim solet statuere aliquid parte inauditâ alterâ. Quamobrem, Ariovistus, transi potius ad alia, & narra nobis, quinam ad istum librum responderint, & quo successu.

Tum Ariovistus sic pronuntiavit; Ad propositiones ex scriptis suis desumptas, responderunt Domini Huygens, Opstrate, de Cocq. Et cum Ariovistus hîc sisteret, subdebat Baccalaureus hæc reliqua verba Hennebelli; *aliique in illo libro accusati*. Sed quinam isti alii sunt? quærit Ariovistus. Quasi verò responderint omnes, quorum propositiones in illo libro denuntiatae sunt. Ego præter tres istas responsiones, nullas ex professio compositas vidi. Neque ego, inquit Venantius. Deinde Ariovistus subsumpsit; atqui propositiones, ad quas illi tres responderunt, vix sunt quinquagesima pars libri & propositionum denuntiarum; neque responsiones aliò ferè spectant, quàm ut propositionum atrocitatem interpretationibus mitigent. Tu jam conclude, D. Baccalauree, si lubet.

Baccalaureo autem interroganti, cur propositionum Collectores non confutaverint eas interpretationes, respondit Ariovistus, quòd id non censeant esse muneris sui. Quia, inquebat, quod sibi ab Archiepiscopo & per hunc à S. Congregatione impositum erat, impleverunt jam & examen relinquunt Sedi Apostolicæ ac S. Congregationi, ad quam pertinet dispicere tum de propositionibus tum de interpretationibus, legitimæne illæ sint, an verò *excusationes in peccatû*, & an propositiones secundum se atque in sensu obvio non sint dignæ reprehensione ac censurâ. Alioquin, addebat Ariovistus, si S. Congregationi gratum fore novissent, ut responsum aliquod ad interpretationes illas conficeretur, id conficerent quam celerrimè, quemadmodum mihi nuper aliquis ex Collectoribus indicavit. Idem & ego audivi, subdit Venantius. Sed dum  
illa

illa fuit inter vos contentio, fraudem insignem Doctōris Hennebelli observavi & Ecclesiæ præsertim Belgicæ perniciosissimam, quæ modò retagenda est.

"Siquid, inquit, in illo libro, propositionum per Belgium disseminatarum, horridum erat, non Lovanien-  
sium, non Theologorum, sed Anonymorum, hæretico-  
rum, aut saltem externorum erat." Quid ergo? Quærebat Venantius, nihilne horridum erat in doctrina Eugenii de Gelder Brugensis, cum, ut aliàs vidimus, scripsit in libro cui titulus, *Ultima vox Zelatricis innocentiae* anno 1680. pag. 30. "Quod Urbanus VIII. fuerit deceptus, patet ex propria ipsius bulla: Ibidem quod Innocentius X. fuerit deceptus, ad oculum demonstratur. Idem pag. 31. quod Alexander VII. fuerit deceptus, ex eo constat, quod liber Jansenii numquam Romæ rite fuerit examinatus." Nihilne horridi in eodem libro pag. 115. cum pronuntiat "doctrinam S. Augustini à doctrina Jansenii, reverà inseparabilem?" Nihilne horridi in eo quòd eadem paginà dicit "fortassis multas propositiones Michaëlis Molinos talibus terminis conceptas quod vix, à fundamentalibus vitæ internæ & verè spiritualis à SS. Patribus nobis traditis distingui possint?" An fortè hunc rejiciat inter hæreticos? tales quidem apud me sunt omnes verè Janseniani, sed an non posset hic æquè ac tam multi alii ex Hennebellianis, obtentū æquivocationum sese defendere? Quis dubitat? inquit Ariovistus. Et ita quidem se defendit pag. 114. vocans "5. propositiones vastre fabricatas (à Jansenii adversariis) in se justè, condemnabiles, ad sensum tamen catholicum facilè, reducibiles." Igitur eadem ratione, infert Venantius, explicare potest dictum suum ibidem de propositionibus Michaëlis Molinos, adeoque quid aliud opus erat Eugenio de Gelder, nisi ut sensum suum orthodoxum deinceps clariùs exprimeret, nec talibus uteretur vocibus, quæ aliis scholis offensionem esse possent." Deinde, ut pergamus uti Hennebellianorum propositionibus, cur Molinos non dicatur in sola errasse quæstione facti? Sed quemadmodum non solus ille Eugenius Jansenii sensum, ita nec solus Michaëlem Molinos excusavit, cum pag. 115. dicat,

dicat, "quòd aliqui eum magis infelicem, quam nocentem autement.

Quinam sunt illi *aliqui*? rogat Baccalaureus. Respondit Ariovistus; Satis superque notum in Belgio est Eugenium de Gelder plurimos adhærentes & fautores habuisse. Sed nimis confidenter, quæ audiverat in cubiculis, prædicavit super tecta. Putabat, uti nunc putat Paulus Aurelius, advenisse tempus loquendi. Quanto Academicorum concursu & plausu contra Societatis Religiosos & pro nova factione concionatus est Lovanii? Vix templa capiebant auditores, præsertim Theologos, qui apertis valvis, turmatim & velut factis agminibus ad tam zelosum & intrepidum veritatis præconem effundebantur. Tot autem munusculis, tot lautitiis ac cupediis quotidie à fautoribus cumulabatur concionator, ut illis consumendis non sufficeret: his ipse excipiebat sequaces suos & novos faciebat proselytos. Ita est, ut dicis Arioviste, respondet Venantius; & adhuc illud tempus mihi videre videor. At verò redeo ad librum *Disseminatarum propositionum*. Nunquid *horrida* sunt, quæ in illo libro referuntur ex libellis Ægidii de Witte Decani nuper & Pastoris in Collegiata Ecclesia D. Virginis Mechliniæ.

Baccalaureus non audiebat æquo animo narrari similia quæ vel ipsi horrorem incuterent, & Hennebelli partianos ita in invidiam vocarent. Est itaque conatus Venantium aliud avocare, aiens; quàm malè ille Ægidius de Witte sibi ab hoc Archiepiscopo metuebat! Ultrò sese Decani ac Pastoris munere abdicavit, & dein vagatus est per varias civitates Belgii. Tamen, inquit Ariovistus, nondum silet, mittit adhuc sibilos pro Jansenio & contra Jesu Societatem, nescimus ex qua fovea quave latebra, adeò ut ipse sit quasi *Albinus canis* per quem, teste Hieronymo præfat. in 3. lib. in Hierem. olim latrabat aliquis mutus hæreticus. Duas Epistolas anno superiore typis ab ipso mandatas Senatus supremus Mechliniensis publicâ sententiâ & decreto condemnavit, de hoc alibi distinctius dicere aliquid cœpimus. Restant plura, quæ ego jam... Siste, Arioviste, inquit Venantius,

tius, non vidēris mihi præter morem tuum observasse D. Baccalaurei verſutiam. Eò ſpectat ipſius de D. Ægidio inſtituta oratio, ut nos à *diffeminatarum propoſitionum* libro abducatur. Revolvamur igitur, unde iterum ferme digreſſi fuimus.

Numquid *horrida* in eodem libro exhibentur excerpta ex Diſtatis publicis Matthæi Rouvroy Theologi Lovaniensis & Profeſſoris in Seminario Episcopali Namurcenſi? Episcopus Profeſſorem exautoravit, ejus dictata commiſit examinanda omnium ordinum Theologis, atque etiam Lovaniensibus quibusdam Doctores: omnium illa oculos offenderunt: ipſi Doctores Lovanienses, Reverendiſſimus Lambertus le Drou, qui nunc Romæ eſt Sacriſta Pontificius Episcopus Porphyrienſis, & Henricus Charneux hanc ſententiam ſuam ſcripto dederunt anno 1691. 8. Februarii, "Quantum ad tertiam (Janſenii propoſitionem) quæ ſic habet, ad merendam & demerendum in ſtatu naturæ lapſæ non requiritur libertas à neceſſitate, ſed ſufficit libertas à coactione, non potuit ex Diſtatis oſtendere quòd ſe ſatis ab illa decernat: unde cenſemus potuiſſe propterea citari, & ſi pertinaciter adhæſiſſet doctrinæ, quam dictata continere videntur, etiam puniri poenâ privationis voti activi & paſſivi ad Decanatum, & ad quodcumque beneficium Eccleſiaſticum.

Numquid *horrida* ſatis multa ſunt in Diſtatis Jacobi Gilbert, cum in ea, velut Janſenianam hæreſim aperte continentia, horrendum nuper fulminaverint Episcopus Atrebatenſis & Pariſienſes Doctores? Quid magis *horridum* excogitari poteſt, quàm quæ continentur in Epistolis Domini Malpaix & Domini de Ligny? Quàm multi Duaceni ſubſcripſerunt famoſis 7 theſibus! Ipſi ſubſcribentes judicarunt eſſe tales, ut ſi hæ ſubſcriptiones innoteſcerent, non eſſent evaſuri poenam exilii, ut reverà contigit, ſaltem aliquibus, nempe Dominis Jacobo Gilbert, Franciſco de Laleu, Rivette, & de Ligny.

Nihilne horroris habet illud Martini de Swaen, quod adhuc citaviſmus ex ejus theſi anno 1689. cum rogatus cur



cur nollet condemnare 5. propositiones in sensu Janse-  
nii, respondit his verbis. An illa musca, interjicit Bac-  
calaureus, revolat iterum, jam abacta toties? Abacta est  
numquam, reponit Venantius, neque ei abigendæ ul-  
lum sufficiet *muscarium*. Res certa est. Respondit, in-  
quam, his verbis; quis enim non videat periculum  
imminere non infundatum, si propositiones famosas  
damnarem in sensu ab autore intento, ne hinc infe-  
rat aliquando (adversarius) me non ineam tantum,  
sed etiam majorum doctrinam imprudenter damnasse?  
& tamen hic Doctor Lovaniensis est & omnes supra  
citati partim Lovanienses partim Duaceni sunt; certe ad  
unum omnes Belgæ, vel in Belgio ista tradiderunt:  
omnes isti citantur in libro *Propositionum per Belgium dis-*  
*seminatarum*. Nihilne igitur continet liber iste, quod  
argumento esse possit Patri Palazol ad probandum dari  
aliquem in Belgio Jansenistam?

Quod attinet ad libros & libellos Anonymos & Pseu-  
donymos, horum plurimos *horroris* plenos esse fatebi-  
tur quisquis haud amans novitatum eos legerit. Quare  
tu, Venanti, quærit Baccalaureus, vocas libros nostros  
Pseudonymos? Pseudonymos voco, respondet Venan-  
tius, non quod scripti sint sub aliorum Autorum ino-  
mine, sed quod sub nominibus fictitiis vel ita larvatis, ut  
dignosci nequeant. Ejusmodi libelli pro Jansenio con-  
tra Pontificum Constitutiones, contra SS. Inquisition-  
um Episcoporumque Decreta, ultimis hisce annis edi-  
ti sunt complures, & toto Belgio sparsi, alii Flandricâ  
linguâ, alii Gallicâ, pauciores Latinâ. Tales sunt cir-  
citer sexaginta ex iis, quos Archiepiscopus Mechlini-  
ensis Decreto anni 1695. 15. Januarii prohibuit. Plures  
post illud prodire. Verum quoniam nunc agitur de so-  
lis libris, qui citantur in libro cui titulus *propositiones per*  
*Belgium disseminate*, aliqua minutius concidenda sunt.  
Quare fas mihi sit tantisper quasi professorem agere. Vos  
favete linguis.

Itaque dico primò, gratis asseri à Doctore Hennebel  
quod libri in quibus *aliquid apparet horridi, sint hæreticorum*.  
De sola Apocalypsi Melitonis ab aliquibus dubitatur, an  
aliqua-

alicujus Calviniani non sit, affirmantibus aliis se semper audivisse quòd sit alicujus Episcopi, quem nominant. Quidquid sit, solum ex illa allegantur quædam contra Religiosos. Ex aliis verò autoribus, velim Dominus Hennebel hæreticos designet, nempe ab Ecclesiæ communione sejunctos. In eorum libris nullum talis sejunctio-  
nis signum occurrit, nullum vestigium aut simulacrum Calvinismi, prout Calvinismus plus aliquid erroris, quàm Jansenismus complectitur. Quin imo Autores illi passim se profitentur filios Ecclesiæ Romanæ, Pontifici subiectos & à Calvinistis aliisque hæreticis alienos.

Dico secundò, non rectè à Doctore Hennebello libros illos attribui *externis*, agendo saltem de libris ultimo decennio editis: nam imprimis de libris omnibus linguâ Flandricâ exaratis, quales inter *horridos* illos valdè multi sunt, planum est conscriptos esse à Belgis, cum nullus nisi in Belgio & quidem ab ineunte ætate enutritus difficillimum illud idioma ediscere ita valeat, ut ad scribendos libellos idoneus evadat; quin & ex ipsis Flandris pauci sunt, qui tam perfectè linguam patriam calleant, ut in ea aliquid audeant vel possint concinnè in lucem edere. Quid plura? Me nostris hic natum & enutritum; tamen ne epistolium quidem auderem ad virum honoratum Flandrico idiomate conscribere.

Dico tertiò, ne quidem libros Gallicos, saltem recentiores, qui pæto nescio quo plus præ se ferunt audaciæ, externis tribuendos esse, nisi externos confundere velis cum domesticis: nam licet etiam pauci Belgæ sint adedò sermonis Gallici scientiâ exculi, ut ad scribendos in eo libellos proflire audeant, vagantur tamen per Belgium ibique sedem fixerunt, sat multi, qui cum in Gallia ad novitates divulgandas non satis tuti essent, inde profugere in Belgium, ut profugit famosus Antonius Arnaldus, qui ædibus P. Martini de Hont Oratoristæ Bruxellis exceptus est, & annos plurimos latuit solis illius factionis hominibus notus, in eademque domo mortuus. Illi se annos vitæ ultimos comitem individuum adhæsisse testatur Quésnel Oratorista  
Gallus.

Gallus scriptis & ipse magis quam facie notus Belgis, utpote ex quibus nemo extra factionem illam auditus Bruxellis est dicere, quòd eum viderit: fatentur autem Arnaldi defensores in scriptis publicis, quòd varia ediderit tecto nomine: estne verisimile, quòd Pater Quesnel, & ipse Scriptor famosus, qui propter *negotium formularii* dicitur Galliis excessisse, vitam cum Arnaldo scriptionibus vacuam duxerit? Certe fama est, non nulla, quæ contra Steyartium scripta sunt, illius esse factum. De hoc quidquid sit; sat multis, ut dixi, Gallis abundat Belgium, ut Autores sint libellorum omnium anonymorum, de quibus querimur: in Galliis enim editos esse, nullo modo simile sit vero, propter summam Ministrorum Rectorum in Typographos vigilantiam & Christianissimi Regis in plectendis ejusmodi reis severitatem.

Tum Arioivstus, ignosce mihi, inquit, eruditissime Venanti, si tua dicta singulari aliquo evento comprobare aggrediar. Exemplar cujusdam libelli Antonii Arnaldi paucis antè annis deprehensum fuerat apud nescio quem Parisiis Typographum, satis hoc Regi fuit, ut eum damnaret ad triremes. Propius, ait Venantius, Duaco absumus. Detectis in Universitate Duacena novitatibus, quas interceptæ Novatorum litteræ prodebant, rei statim jussi sunt solumvertere, tantum unâ alterâve horâ concessâ, ut de rebus suis & itinere disponderent, præterquam quòd uni inter illos ægroto tempus, dum convalesceret, ex speciali gratia indultum fuerit. Quapropter, concludebat idem Venantius, in tota ditio- ne Gallica non facile reperire esset Typographum, qui similia imprimere auderet, nedum distrahere. Sed & quomodo tanta exemplarium copia, quanta in Belgio conspicitur, illuc ex Gallia deveheretur? Tanta est eorum, qui gabellas colligunt accuratio, & disquisitio tam studiosa, ut videantur esse totidem Argi, atque adèd difficillimum sit vel in rebus exiguis eos fallere; merces autem ejusmodi apertè declarare foret periculosa plenum opus alex. Sed & frustra adirentur tot pericula & tot sumptus, tum vecturæ tum Gabellarum,

L

quan-

quandoquidem in Belgio summa hætenus fuerit edendi quidlibet licentia, vel eorum, quorum esset impedire, dissimulatio.

Ariovistus sicut ferme ubique, ita & hîc assensus est Venantio. Vera dicis, inquiebat; & ista indomita quidlibet typis mandandi licentia majus quotidie capit incrementum. Non movet pedem Archiepiscopus Mechliniensis; Martinus Steyaert Sacræ Theologiæ Doctor nullum verbum proloquitur contra novam factionem, ejusve doctrinam aut praxim, sive in schola, sive in convivio, sive in alio cœtu, quin statim contra illud prodeat libellus Gallicè conscriptus, ejus infinita exemplaria Lovanii & totâ Brabantia dispergantur. Igitur necesse est dicere, vel quòd Lovanienses & alii qui in Diocesi Mechliniensi degunt, cum Gallis in Gallia existentibus conspirent, omnia annotent, omnia illis transcribant, ut illic concinnentur & excudantur libri, qui dein mittantur in Belgium, id quod nullam veri speciem gerere jam ostendimus; vel quòd libri ex Gallia manuscripti transmittantur excudendi in Belgio, aut Colonia, aut Leodii. Sed hoc etiam parum credibile est propter nimias ambages periculumque Autoris, talia & componentis in Gallia & transmittentis: etenim litteræ quandoque intercipiuntur; & majores ejusmodi fasciculi atque perpetuum litterarum commercium, tempore belli, quo plerique illi libelli Gallici conscripti sunt, suspensionem facillè injicerent præfectis cursorum.

Quamvis, inquit Venantius, hoc grâti concederetur, tamen mali radix ac semen esset in Belgio, unde materies hujuscemodi scriptoribus submitteretur, atque adedò omnes illi conscii ac participes non minus quàm ipsi Scriptores rei forent. Vel demum, subjungit Ariovistus, dicendum est atque videtur indubitatum, quòd Gallici isti Scriptores in Belgio versentur, ubi summa est scribendi & imprimendi libertas, ac facillè alii illic possunt solis expensis, quibus constarent litteræ ultro citroque mittendæ cum tam copiosis documentis & autographis opusculorum.

Non ita pridem aliqui Lovanii cum tot novos libellos

Ios viderent præ se ferre nomen civitatis Colonienſis, Coloniae per amicos inquiri ſedulò curarunt, quid ea de re eſſet. Reſponſum autem retulère, neminem illic Typographorum quidquam ſcire de ejuſmodi libellorum impreſſione. Et quæ neceſſitas? quis fructus tantorum ſumptuum, cum exiguus ejuſmodi libellorum numerus diſtrahendus ſit Coloniae, ubi in pauciſſimis eſt amor aliquis novitatum aut ſtudium eas cognoscendi, multo minus in reliqua Germania, in Belgio verò, præſertim Lovanii, Bruxellis, Antverpiæ, ſumma ſit erga tales merces aviditas, & ſumma eimentium multitudo?

Minor etiam ratio videtur aſſerendi vel ſuſpicandi, quòd pauci illi libelli qui Latino idiomate editi ſunt, aliunde in Belgium advolarint, cum vix quidquam contineant, quod in Flandricis vel Gallicis non legatur. In Spongia *notarum* contra Dominum Steyaert pars aliqua dicitur alibi concepta, aliam verò partem & ſubſecutas Spongiae deſenſiones, quas Autor *Criſim & proſecutionem Criſeos* vocat, ſatis conſtat Scriptoris eſſe Belgæ, qui ex ſuo ſtylo vehementi & indomito æque ac pictor ex certis lineamentis internoscitur.

Tum Arioviſtus, & illud inquit, notandum eſt quòd libri, in quibus Conſtitutiones Pontificiæ & SS. Congregationum Decreta ſœdiſſimè proſcinduntur, editi ſint ſub titulo impugnandi Archiepiſcopum Mechlinienſem aut Martinum Steyaert Sylvæducenſem Vicarium. Per horum latus Sedes petitur Apoſtolica.

Quid opus eſt pluribus? Pergebat idem Arioviſtus, Ex iis quæ ego & Venantius hoc loco diſſeruiſus, patet, D. Baccalauree, malum in Belgio eſſe, non modò quia libris ejuſmodi infamibus omnia illic plena ſunt, ſed etiam quia illic imprimuntur & componuntur. Neque idèd malum minus eſt, quia libellis Anonymis, & Pſeudonymis diffunditur. Contrà cum tenebriones illi veriſimiliter quidam transfugæ ſint, viles ſtipendiarii, vel in ſua patria infames, minus autoritatis haberent eorum libri, atque ita minus nocerent, ſi nomina Autorum propria præ ſe ferrent. **Nunc autem cum ſcribitur ſub nomine** Franciſci Man-

„seau Præpositi Sancti Petri, G. Prioris S. Martini, Ab-  
 „batis du Manoir, D. le Prêtre Abbatis Frigidæ Vallis,  
 „Abbatis ad quemdam Prælatum Curia Romanæ, D.  
 „Germain Doctoris Theologi, Pauli Aurelii &c.” Ab  
 iis qui ejusmodi fraudum ignari sunt, putantur esse vi-  
 ri magni & integra Autorum legio, cum forte duo so-  
 lum vel tres sint, quales descripsi, fidei & autorita-  
 tis suspectæ, varias & speciosas ad fallendum larvas in-  
 duti.

Hic Baccalaureus eò progressus est (audaciæne dicam  
 an dementiæ?) ut quæsierit, an hujusmodi male ominati  
 libri non essent ab ipsis Jesuitis elaborati & editi. Ariovi-  
 stus autem mitius quàm merebatur, illum sic refutavit.  
 Ad id, inquebat, memini me tibi respondere adhuc  
 aliàs; tamen & jam respondebo. Fateor equidem esse  
 nonnullos qui dicuntur obscuris subinde clam insinua-  
 re sermonibus, quasi prætenforum Jansenistarum adver-  
 sarii, & nominatim Societatis Patres componerent li-  
 bellos istos absurdiores pro doctrina Baii & Jansenii con-  
 tra Pontificum Constitutiones, contra Inquisitionis De-  
 creta, contra Belgii Episcopos, præcipuè contra Archie-  
 piscopum Mechliniensem, contra D. Steyart, imo  
 contra ipsam Societatem, cujus Theologi in similibus  
 libellis vocantur Pelagiani, & tot calumniis onerantur,  
 ut nulla foret hæreticorum secta Ecclesiæ perniciosior,  
 si vera essent, quæ à libellorum istorum Autoribus So-  
 cietati affricantur. Sed neque tu, D. Baccalauree, ne-  
 que Doctor Hennebel, neque quispiam illorum qui si-  
 milia clam spargitis, ausi estis hætenus hoc probandum  
 suscipere, vel in aliquo libello aut scripto publico ul-  
 lam de eo saltem suspensionem movere, ne Societatis  
 Patribus præberetur occasio hanc calumniam coram to-  
 to mundo convincendi.

Interea provooco, non te tantum mi Baccalauree, ve-  
 rum etiam tuos omnes, ut aliquos ejusmodi designetis li-  
 bellos, de quibus hanc posse injici suspensionem arbitremi-  
 ni. Edicite mihi, an inter 70. libros, quos Archiepiscopus  
 Mechliniensis proscripsit Decreto anni 1695. 15. Janua-  
 rii, sit vel unus de quo suspicio vel minima esse possit,  
 quod



quod ab aliquo Societatis vel ejus amico sit compositus? atqui præter aliquot primos & ultimos Calvinianos, & unum alterumve folium aliò pertinens, omnes illi libri anonymi pro Jansenio ejusque sequacibus militant; & vix quidquam horridum contra Constitutiones ac SS. Congregationum Decreta excogitari potest, quod in libris istis non audacissimè effutiat ac propugnetur. Edicite quoque de libris anonymis post Decretum istud Archiepiscopi editis, E. G. de *operibus Baii cum notis & vindictis*, de Gallica defensione *Ecclesie Romanæ & Summorum Pontificum* sub ficto nomine *Domini Germain*, de libello sub nomine *Ignatii Eyckenboom*, de libello sub nomine *Martini du Chesne*, de libro sub nomine *Abbatis du Manoir de causa Arnaldina* edita sine nomine Autoris, de *Panegyri Janseniana & Prologo Galeato* sub nomine *Pauli Aurelii*, edicite inquam, an de his & similibus fuscipio possit incidere, esse compositas à Societatis Theologis ad invidiam adversariis constandam? Hinc facile gradus fieret, ut quidquid Romæ subinde à nefariis hominibus famosorum Scriptorum contra summos Ecclesiæ tam spirituales quàm seculares Principes clam affigitur, diceretur compositum ab ipsis Principibus, quorum fama denigratur; atque hoc ab ipsis studiosè fieri, ut in suspensionem vocent suos adversarios, atque ita illorum odio inflamment omnes, qui in ejusmodi scriptum oculos conjecerint. Quæ quàm absurda sint atque incredibilia, nemo non videt.

Vellem, inquit Venantius, adesset Hennebellus. Iteratò ex eo quærerem, an ex dictis non constet Jansenianos libros, Belgium inundantes, non aliunde illuc affluxisse, sed ex Belgio traxisse originem. Nunc alia, ait Ariovistus, detegenda est Hennebelli ejusque sociorum machinatio longè perniciosissima. Ecquæ obsecro, Baccalaureus rogat. Confestim Ariovistus hunc in modum ratiocinatus est; Omnium aliarum provinciarum ac regionum Episcopi & Principes de libris illis nihil sciunt, vel si unum forte alterumve exemplar curiosus quisque nactus fuerit, satis securi & certi sunt, ea illic impressa non esse; hinc fit persæpe ut nemo illic se tali-

bus libris eorumque autoribus magnopere opponat. Quapropter si Doctor Hennebel & ejus focii persuadere possint, libros illos non in Belgio scribi nec imprimi, non multum solliciti erunt Belgii Moderatores, atque ipsa Catholica Majestas, ut modum ponant & ejusmodi libros cum suis Autoribus & Impressoribus eliminent, aut in hos vigilantius jubeant inquiri. Dum contra tales Episcopi conqueruntur, & remedium, quod ipsi fractâ jam & elisâ autoritate afferre per se non possunt, à suprema postulant potestate, dicuntur *οχιμαχῆς* sive contra umbras depugnare, quasi nullum in Belgio malum sit; unde & magis decrescit Episcoporum existimatio, & populo persuadetur nihil in libris istis mali esse, nihil veneni, cum permittantur; vel si prohibeantur Romæ, id fieri propter pravas informationes vel importunas sollicitationes; si prohibeantur ab Episcopis, tribuitur prohibitio nescio cui labi animorum. Sic quotidie augefcit audacia & numerus novaturientium, dumque hi videntur contra Episcopos prævalere, malum redditur quodammodo immedicabile.

Eâ Ariovisti ratiocinatione finitâ, Venantius dixit advenisse tempus cœnandi, quod ubi fecerant, redintegrata fuit dissertatio & in multam protracta noctem. In causa fuit Ariovistus, qui occasione nescio quâ dixerat Patrem Palazol illo §. 5. adducere plura alia argumenta ad demonstrandum Jansenianum colubrum serpere adhuc & sibilare in Belgio.

Non ignoro, subdebat Ariovistus, & Hennebellus pronuntiat ea esse nullius ponderis; "En summam, inquit, argumentorum Patris Palazol, quæ aliquâ saltem specie allegari posse videntur ad probandum dari in Belgio veros Jansenistas: cetera enim ne per speciem quidem id probant, quia aut sunt incertorum Autorum, aut ad Belgium nullo modo pertinent, neque Belgis nisi ridiculè adscribi possunt: quâle V. G. illud est, quod allegat ex Nicolao Antonio in sua Bibliotheca veteris Hispaniæ, cui, à Jansenista quodam Belga, insertum aliquid fuisse prætendit lib. 6. cap. 11. num. 265."

Tum Ariovistus inquit; Summa hæc argumentorum  
Patris

Patris Palazol, à Doctore Hennebello subducta est more suo, id est infidelissimè: nam quænam ea argumentorum summa est, quæ argumenta maximè certa & evidentiâ silentio præterit? Præter argumenta superius memorata, quæ obscurare & eludere frustra conatus est Doctor Hennebel, supersunt convincentia ex *novæ editione operum Baii*, ex *adumbrata Ecclesiæ Romanæ defensione*, ex *Testamento spirituali Antonii Arnaldi &c.* De his altum tacet, nisi quoddam sēpia unâ simul omnia infuscet atque obducatur dicendo, *Cetera ne per speciem quidem id probare*, videlicet dari in Belgio Jansenistas. Non audent tamen, inquit Venantius, illis Autoribus Jansenismi notam adimere; sed ideò solum contendit locos ex illis citatos id non probare, *quia aut sunt incertorum Autorum, aut ad Belgium nullo modo pertinent, neque Belgis nisi ridiculè adscribi possunt.* An ergo Hennebello, subjungit Venantius, tam incerti sunt Autores novæ editionis operum Baii, ut nesciat quinam ea Baii manuscripta, litteras, & quæcumque ante edita non erant, tam operosè Lovanii & alibi collegerint, quæ nunc recens impressa conspiciamus, quis & ad quem miserit edenda, in qua typographia impressa sint, cujus fidei commissæ correctio? Non credo eum umquam Sacramenti religione affirmaturum, quoddam istorum omnium ignarus sit: nos quidem de nobis fatemur, quoddam eum ne unius quidem puncti ignarum esse, non auderemus asserere vel sine juramento, uti & quis sit Ignatius Eykenboom *adumbratus Ecclesiæ Romanæ defensor* propter indicia & testimonia autentica, quæ apud nos sunt certiora.

Sed agamus, inquit Ariovistus, paulo liberaliùs, ac proinde fingamus animo scripta illa & facta esse *incertorum Autorum*; ideòne inepta sunt ad probandum, quoddam in Belgio existant Jansenistæ? Quàm multa sunt in singulis religionibus, provinciis, civitatibus vitia, quorum etsi Autores incerti sint; non desinunt tamen ea crimina reverà perpetrari, & probare esse in illis religionibus, provinciis, civitatibus homines quosdam sceleratos ac nefarios. Sic procul dubio tot famosæ chartæ, quæ Pasquino & Marforio affiguntur, etsi incerto-

rum Autorum sint, satis manifestè probant tales Scriptores Romæ esse, licet metu suppliciorum cohibeantur, ne iniquitates suas operentur, nisi in tenebris. Igitur argumento Patris de Palazol manet sua vis, suum robur.

Jam verò si libellorum istorum, saltem plerorumque & absurdiorum, Autores sint extranei, quibus tutis in Gallia esse non licuit, atque hac ratione Hennebellus dicat eos *ad Belgium nullo modo pertinere*, tametsi multis illic annis habitaverint; quicumque demum illi sunt, non possunt esse sine fautoribus, patronis & adhærentibus, qui eos in edocendo de omnibus, quæ aguntur, atque in imprimendis & distrahendis libellis adjuvent.

Interlocutus Venantius dixit; Tales satis multos adhærentes constat habuisse Antonium Arnaldum. Si ope expetitæ *Junctæ* sive Congregationis, pergebat Ariovistus, obtineri posset ejusmodi extraneorum expulsio, non exiguus esset fructus, tuturus uberior quando pariter ab Illustrissimo Belgii Hollandici Vicario summâ diligentia in tales inquireretur, neque sinerentur illic sacris operari. Sive ergo malum quod in Belgio est ab ipsis præcipuè Belgis sit, sive ab aliis in Belgio delitescentibus, quamquam & ab ipsis quoque Belgis esse argumento multiplici declaratum est, non desinit verum esse, quod in Belgio dentur Jansenistæ, & quod malum illic sit gravissimum, & singulari atque efficaciori, quàm hætenus adhibitum est, remedio indigeat. Domine Baccalauree, nonne jam tibi fidem exolvi meam? An demonstrationem afferre ullam clariorem potui?

Verumtamen Baccalaureus noluit victas manus dare, flecti nimium pertinax. Intra dentes obmurmurabat aliquid, non ausus disertè proloqui, credo, quod quæ cogitabat, ea ipsemet perspiceret esse imbecilla. Maluit itaque transire ad suspicionem Patris Palazol, quasi inserta fuisset libro posthumo Domini Nicolai Antonii defensio hujus propositionis, *Sanguinem Christi pro omnibus fufum credentibus, non verò pro his qui nunquam crediderunt, nec hodie credunt, nec umquam credituri sunt.*

Hoc loco postquam aliquantulum exultaverat Baccalaurei oratio, Venantius dixit; Erraverit in hac suspi-

cione

cione Pater Palazol, ut facile est in rebus facti tam diffusi, sicut Madrito diffusa est Roma, ubi liber Nicolai Antonii, *Bibliotheca Hispania veteris* appellatus, in lucem prodit. Idem qui Memoriale Patris Palazol ex Hispanico in Italicum transtulit, totum id de Nicolao Antonio, & S. Prudentio expunxit. Quapropter esto, quod D. Nicolaus Antonius lib. 6. cap. 11. num. 265., ut ipse Hennebellus citat, dixerit *verè Catholicam esse illam Prudentii sententiam, indignamque Hincmari Censurâ*. Quid de sententia sit, & quâ ratione eam Hennebellus defendat, mox videbimus. Tantum hinc verbo indico aded non *molestam & importunam*, quemadmodum Hennebellus calumniatur, Jesuitis *jam pridem fuisse integritatem Eminentissimi Cardinalis de Aguirre*, ut potius neminem contra Hennebellum frequentius, neminem cum majori elogio citare consueverint. Et, si doctrinam ejus universam amplecti cum suis voluerit, nominatim quæ habetur in defensione Cathedræ S. Petri totâ disp. 19., 20., & 21., nihil ad fidei & doctrinæ integritatem circa materiam 5. propositionum Jansenii, imo & Bajanismi, à R. D. Hennebello ejusque fociis amplius requirant.

Hem, inquit Baccalaureus; quid de Prudentii sententiâ sit, mox videbitis. Prius obsecro, audite quid Hennebellus pronuntiet. Id, inquit Venantius audiemus, quàm libentissimè. Sed ante nobis animadvertendum est, quantopere vulgo imponat etiam Autor solutionis diversorum Problematum valdè conducendum ad pacem Ecclesiæ pag. 103., ubi dicit *Cardinatem de Aguirre in Memoriali à P. Palazol vocari in suspicionem Jansenismi, quia visus est approbare dictam propositionem S. Prudentii*. Quâ fronte, inquit Arriovistus, vel quâ religione Autor ille hoc scripserit, ego non intelligo: tantum enim abest, ut P. Palazol id vel per umbram insinuet, ut num. 69. disertè dicat & probet talem propositionem tanto Theologiæ Magistro ac Cardinali attribui nequaquam posse. Nunc age, dixit Venantius, audiamus; D. Baccalauree, quid tuus Hennebellus pronuntiet.

Hæc

Hæc sunt, inquit Baccalaureus; " Si Patri Palazol  
 „S. Prudentium accusare libet, non deerunt Sancto,  
 „neque Nicolao Antonio sancti viri Apologistæ defen-  
 „sores. Refert itaque Nicolaus Antonius vir clarissimus  
 „hanc S. Prudentii propositionem, SANGUINEM CHRI-  
 „STI PRO OMMIBUS FUSUM CREDENTIBUS, NON VERÒ  
 „PRO HIS QUI NUMQUAM CREDIDERUNT, NEC HODIE  
 „CREDUNT, NEC UNQUAM CREDITURI SUNT. Sic suo  
 „seculo locutum S. Prudentium, mirum non est, cum  
 „ipse Prosper in responsione ad capitulum 9. Gallorum  
 „doceat, POSSE SALVATOREM DICI PRO HIS TANTUM  
 „CRUCIFIXUM, QUIBUS MORS IPSIUS PROFUIT. Hanc S.  
 „Prudentii sententiam, eodem seculo. confirmarunt San-  
 „cti Viri & Ecclesiæ Concilia. S. Remigius cum tota  
 „Ecclesia Lugdunensi, Concilium Valentinum, Lin-  
 „gonense, aliaque. Ut quod res est clarè dicatur, faten-  
 „dum est quòd propositio ejus varios sensus admittit:  
 „nimirum proinde non est accidisse propositioni S. Pru-  
 „dentii Tricassini, quod accidit huic, UNUS E TRINI-  
 „TATE PASSUS EST; quæ quam variè ob diversos sen-  
 „sus, quos admittit, diversis temporibus accepta fuerit,  
 „norunt omnes: reprehendi ergo non meretur Nico-  
 „laus Antonius, quòd Bibliothecæ suæ veteris Hispaniæ  
 „lib. 6. cap. 11. num. 265. Dixit VERE CATHOLICAM  
 „ESSE ILLAM PRUDENTII SENTENTIAM, INDIGNAM-  
 „QUE HINC MARI CENSURA, eo utique sensu quo à Pru-  
 „dentio, totque aliis Sanctissimis Viris, tam ejus secu-  
 „lo, quam aliis prioribus defensa fuit. S. Prudentium  
 „rectissimè defendit Nicolaus Antonius eo modo, quo  
 „Catholici omnes defendere debent Joannem II. Vigi-  
 „lium ac Synodum V., qui hanc propositionem, UNUS  
 „E TRINITATE PASSUS EST, tamquam Catholicam de-  
 „finiverunt, licet alio sensu rejici possit, eamque reve-  
 „rà rejecerit Hormisdas Papa" hæc Hennebellus.

Scio, reponit Venantius; & hæc omnia jam dudum  
 refutata legi in opusculo aliquo quod abhinc tribus men-  
 sibus prodiit in lucem, inscribiturque *Responsum cujus-*  
*dam Religiosi è Societate Jesu ad libellum cui titulus; Ca-*  
*lumnia convicta seu Epistola familiaris Cleandri ad clarissi-*  
*imum*



*mun, eruditissimum Virum Evaristum.* Hoc opusculum, ait Baccalaureus, numquam legi. Jesuiticum est. reponit Venantius, non legitur apud vos; atque idcirco decretum est mihi quapiam inde delibare. Non ignoras, D. Baccalauree, inter propositiones 31., damnatas ab Alexandro VIII. *tamquam temerarias, scandalosas, male sonantes, injurias, hæresi proximas, hæresim sapientes, erroneas, schismaticas, & hæreticas respectivè,* damnatam esse hanc quartam, *dedit semetipsum pro nobis oblationem Deo, non pro solis electis, sed pro omnibus & solis fidelibus.* Conser si placet, hanc propositionem cum ea quæ S. Prudentio tribuitur, & cum D. Hennebellus sustineat propositionem Prudentii rectè defendi à Nicolao Antonio, quæro ex Hennebello quid intersit inter propositionem illam damnatam & hanc, quam ait esse S. Prudentii. Propositio damnata dicit *Christum se oblationem dedisse pro solis fidelibus*, Prudentii propositio *pro solis credentibus*, sive ut verbis ejus utar. *Sanguinem Christi pro omnibus fufum credentibus, non vcrò pro his qui numquam crediderunt, nec hodie credunt, nec umquam credituri sunt.* Ne propositio Prudentii durior videatur, quàm illa damnata, per *credentes* debent intelligi non soli qui aliquando actu credent, sed etiam qui habebunt solum habitum, ut parvuli baptizati & ante usum rationis emigrantes è vivis. Ergo juxta Prudentium etiam benignè intellectum *Sanguis Christi fufus est pro solis credentibus, seu fidelibus.* An latis clarè? Rogat Venantius. Clarissimè respondet Baccalaureus.

Tunc iterum Venantius; Dicat itaque mihi Hennebellus. Primò, de propositione condemnata, sitne damnata in sensu obvio & proprio. Secundò, an propositio Sancto Prudentio attributa non habeat eundem sensum obvium & proprium, quem propositio damnata. Sine dubio necesse est ad primum respondeat affirmativè. Ad secundum autem quid respondere possit, non video: cum enim hæ duæ propositiones altera ab altera neutiquam differant quoad terminos, non possunt differre quo ad sensum obvium & proprium; quî ergo audet Hennebellus hanc propositionem defendere post  
tam

Unde etiam Baronius, addebat Ariovistus, ad An-  
 num Christi 519. ait, " Versipelles sub prætenu quo-  
 „dam impugnandi Nestorianos, Eutychianam hære-  
 „sim auctam blasphemias Theopaschitarum invexerunt,  
 „Calice aureo Babylonis impii blasphemias propinarunt."  
 Ibidem Baronius rationem reddens, cur Legati Apo-  
 stolici sententiam approbare noluerint; " latere enim,  
 „inquit, sciebant sub melle venenum & errorem oc-  
 „cultum sub piorum involucrio verborum sententia-  
 „rumque celari, atque foveri aspidum ora assertione  
 „Catholicæ Fidei. " Neque verò inanis ea erat suspicio,  
 quia cum quidquid ea propositio in sensu obvio Catho-  
 licis significat, jam definitum esset in Concilio Calche-  
 donensi, quod Catholici omnes recipiebant, quid opus  
 erat hanc propositionem non tantum concipere terminis  
 novis, sed etiam inculcare quòd Calchedonenses defini-  
 tiones non sufficerent, nisi hæc propositio accederet?  
 Damnabilis ergo erat eorum arrogantia, simulatio, &  
 intentio hæretica sub piis verbis & sententiis, imo sub  
 assertionem Catholicæ Fidei, qualem esse hanc propositio-  
 nem in sensu obvio sciebant ipsi Apostolici, Legati teste  
 Baronio.

Hic Venantius, actis Ariovisto gratias quòd sibi opem  
 tulisset, ita fatus est in gratiam Baccalaurei; Dicat nunc  
 igitur nobis tuus Magister Hennebel, an etiam propo-  
 sitio quam defendit, sit in sensu obvio *Affertio Catholica  
 Fidei*, & non potius assertio in terminis æquivalentibus  
 evidenter damnata. Si Doctor Hennebel respondeat se  
 propositionem Sancti Prudentii defendere non quidem  
 in sensu obvio, utpote quo defendi non potest post Con-  
 stitutionem Alexandri VIII., sed solum in sensu Pru-  
 dentii; quæro quomodo ea possit comparari cum hac  
 propositione *unus de Trinitate passus est*, quæ in sensu ob-  
 vio secundum se, & præscindendo à maligna intentio-  
 ne proferentium, est & fuit olim *Affertio Catholica Fidei*,  
 atque ut talis nota Legatis Pontificiis, teste Cardinale  
 Baronio. Præterea quomodo Doctor Hennebel propo-  
 sitionem clarè condemnatam tam confidenter defendit  
 in sensu Prudentii, cum Sedes Apostolica nusquam de-  
 cla-

clararit eam in sensu Prudentii sanam esse & Catholicam? Idem Doctor non audet ullam propositionem ne primam quidam ex 5., tam clarè in libro Jansenii contentam etiam sine juramento damnare. eo sensu quo à Jansenio in eodem libro defenditur, quamvis clarissimè sic Alexander VII. pronuntiet." Quinque illas propositiones ex libro præmemorati Cornelii Jansenii Episcopi Iprensis, cui titulus est Augustinus, excerptas, ac in sensu ab eodem Cornelio Jansenio intento damnatas fuisse, definimus, & declaramus & uti tales... iterum damnamus."

Bicornis ille aries non magnopere placuit Baccalaureo, qui tamen dixit; Quem propositionis illius sensum agnoscat Doctor Hennebel esse Sancti Prudentii, & ut talem defendendum suspiciat, indicat in fine hujus articuli. Ariovistus autem Baccalaureum scitè redarguit; Quemcumque, inquiebat, Prudentii sensum Hennebellus agnoverit, non declaravit Sedes Apostolica propositionem in sensu Prudentii esse Catholicam, sicut declaravit 5. famosas propositiones esse hæreticas in sensu Jansenii. At verò de sensu, quò illam Prudentii propositionem Hennebellus defendendam suscipit, mox agemus: nunc enim necesse est respondeamus ad reliqua quæ nobis supra ex Hennebello prælegisti. Alioqui conquereris aliqua à nobis dissimulari vel præteriri silentio.

Ergo Hennebellus supra objicit Prosperum, Ecclesiam Lugdunensem cum S. Remigio, Concilium Valentinum & Lingonense; sed hæc omnia pridem à Jansenio, Vincentio Leni, aliisque Jansenii defensoribus objecta; fuere atque à Stephano de Champs aliisque & adhuc nuperrimè in citato Responso refutata, aded ut ista omnia non sint nisi sæpiùs recocta crumbe. Porro in eo versatur tota prædictarum autoritatum sententia, quòd Christus magis propriè dicatur Redemptor fidelium, quamvis etiam simpliciter sit Redemptor aliorum, quia priores redemit efficaciter, utpote qui fructum Passionis ejus recipiunt, posteriores verò sufficienter: & quidem loco S. Prosperi, quem Dominus Hennebel truncatum dedit, sic habetur Resp. 9.  
ad

ad cap. Gallorum. " Cum itaque rectissime dicatur Sal-  
 ,,vator pro totius mundi redemptione crucifixus propter  
 ,,veram naturæ humanæ susceptionem, & propter com-  
 ,,munem in primo homine omnium perditionem, po-  
 ,,test tamen dici pro his tantum crucifixus, " nempe ef-  
 ,,ficaciter & magis proprie, " quibus mors ipsius profuit: "  
 nam paulò post dicit, " dedit pro mundo sanguinem  
 ,,suum & mundus redimi noluit, quia lucem tenebræ  
 ,,non receperunt: " illuminandis omnibus Christus ve-  
 nerat, sed qui oculos luci pertinaciter occluserunt, il-  
 luminati non sunt.

Mihi dicit Venantius, succurrit ejusdem Sancti locus  
 etiam alius. In resp. i. ad objectiones Vincentianas,  
 ait, " poculum quippè immortalitatis, quod confectum  
 ,,est de infirmitate nostra & virtute divina, habet quidem  
 ,,in se ut omnibus prosit, sed si non bibitur, non me-  
 ,,detur. " Proponitur autem omnibus ad bibendum, om-  
 nēs ad illud invitantur nemine excluso, *venite*, inquit  
 Christus, *ad me omnes, qui laboratis & onerati estis, &*  
*ego reficiam vos*; qui itaque invitati voluerunt venire,  
 non defectui medicinæ vel medici, sed suo imputem,  
 quod refecti, sanati & salvati non sint.

Eodem sensu Patres Concilii Valentini, inquit Ario-  
 vistus, postquam definiverunt Christum in suo ad infe-  
 ros descensu non inde abduxisse damnatos, neque pro  
 illis ex inferno liberandis mortem oppetiisse, quam-  
 vis aliam illis gratiam meruerit, qua infernum vitare,  
 cum viverent, potuissent, " illud nobis, inquit, fim-  
 ,,pliciter tenendum ac docendum placet juxta Evange-  
 ,,licam & Apostolicam veritatem, quod pro illis datum  
 ,,hoc pretium teneamus, de quibus ipse Dominus no-  
 ,,ster dicit, sicut Moyses exaltavit serpentem in deser-  
 ,,to, ita exaltari oportet Filium Hominis, ut omnis qui  
 ,,credit in ipsum, non pereat, sed habeat vitam æternam. "  
 Fuitne erectus serpens solis iis curandis, qui re ipsa cu-  
 rati sunt? An non potius omnibus, modò serpentem  
 aspexissent, quemadmodum aspicere poterant? Non  
 potest clarior esse sententia quam hæc Apostoli, Christus  
*Salvator omnium, maxime fidelium*: ergo non *fidelium* tan-  
 tum

tum seu *credentium*, sed etiam eorum & *quidem omnium qui credituri numquam sunt*. Perspicua quoque est sententia Tridentini sessione 6. cap. 3. *pro omnibus mortuus est, sed non omnes tamen mortis ejus beneficium recipiunt*. Atqui tamen aliquod beneficium mortis ejus recipiunt credentes, ergo etiam pro non credentibus mortuus est.

De hoc, addit Venantius, dubitationes disceptationesque, sicubi ante ortæ fuerint, cessare debent jam, cum os Domini per Alexandrum VIII. locutum est. *Roma rescripta venerunt, causa finita est, error utinam aliquando finiatur*, ut dicit Augustinus serm. 2. de verbis Apostoli. Neque Augustinus, neque Ambrosius, neque alius SS. Patrum suam præsumit, contra Apostolicæ Sedis indicium, sententiam defendere. Quare merito in eadem Alexandri VIII. Constitutione damnatur inter 31. propositiones hæc penultima: "ubi quis invenerit, doctrinam in Augustino clarè fundatam, illam absolute potest tenere & docere non respiciendo ad ullam, Pontificis Bullam: " Si igitur Augustini autoritas neminem adversus Pontificis fulmina possit defendere, multo minus potest autoritas Prudentii, cujus doctrina numquam à Sede Apostolica, numquam ab ullo Concilio Oecumenico commendata est, è contrario multis fuit suspecta.

Suspecta! exclamat cum admiratione Baccalaureus. Imo suspecta, reponit Ariovistus. Numquam legisti, ut video, D. Baccalauree, vel saltem legisse te dissimulas id quod de Prudentio illo habent Annales Bertiani " Galindo cognomento Prudentius Tricastinæ civitatis, Episcopus, natione Hispanus, apprimè litteris eruditus, qui ante aliquot annos Gotheschalco Prædestiniano restiterat, post felle commotus contra quosdam Episcopos secum hæretico resistentes, ipsius hæresis defensor acerrimus, indeque non modica inter se diversa & fidei adversa scriptitans moritur. " Hinemari Archiepiscopi Rhemensis Censuram in ejusdem Prudentii doctrinam non est quod commemorem, cum eam Henebellus agnoscat: est & vetustissimus codex libri, quem Pruden-

Prudentius elucubravit contra Joannem Scotum, ubi in averſa tituli pagina ſic legitur: "Compoſitor hujus libri „Prudentius de quibuſdam Catholicis dogmatibus non „ſentit Catholicè, ſicut alia ejus ſcripta demonſtrant."

At ſanctus eſt, inſit Baccalaureus; & ut talis reſertur in additionibus Carthuſianorum Colonienſium ad Uſuardum utriuſque editionis, & in M. S. Florario Sanctorum, & in Martyrologio Gallicano, quod à doctiſſimo viro D. Andrea du Sauſſay editum eſt; Demochares etiam ſanctum appellavit, atque poſt eum recentiores Autores & Hagiologi varii.

Hæc tamen omnia, inquit Arioviſtus, non potuerunt per-movere Henſchenium & Papebrochium, ut ipſam inter Sanctos reſerrent in ſuo percelebri opere. Satis habuerunt inter prætermiſſos die ſexto Aprilis quo obiit, dixiſſe *Prudentium Episcopum Tricassinum*, à recentioribus jam nominatis *ſanctum* appellari, & ut talem haberi, "at ex „ipſius aliorumque operibus conſtare non omnino rectè „in fide ſenſiſſe, & odio quodam Hincmari Rhemenſis, „qui ſuæ Eccleſiæ jura contra eum aſſeruerat, à recto tra- „mite deflexiſſe, quod & Annales Bertiniani intra vi- „geſimum à Prudentii obitu annum ſcripti ſic confir- „mant, quaſi non priùs malè ſcribendi finem, quàm „vivendi feciſſet..... potuit quidem moriens, Eccleſiæ „judicio ſe ſuaque ſubjeciſſe; meritò tamen requirimus „antiquius aliquod de ejus ſanctitate & cultu testi- „monium, quàm ſint ſuprà allegata." Nihilominus, tu D. Baccalauree, cum Doctore tuo Hennebello prædicas Prudentium illum ſanctum.

Et ego affirmat, Venantius, piè credo talem eſſe, quamvis ab Eccleſia univerſa non colatur, ſed in Diœceſi Trecenti cujus Episcopuſ fuit, ſicut & Fauſtus Regienſis ut ſanctus colitur in ſua cui præſuit Eccleſia: non tamen propterea doctrina ejus ſancta eſt, ſive canonizata ſicut nec doctrina Caſſiani, licet & hic poſitis honoretur aris. Quod probatione opus non habet apud adverſarios, qui contra nullam hæreſim magis, quàm contra doctrinam Fauſti Regienſis & Caſſiani debacchantur.

Hic Arioviſtus; Quæ dicis, erudiſſime Venanti, ea convincunt bene conſtitutum intellectum. Sed liceat

M

mihi



mihî adjungere argumentum unum ad hominem quod vocant. Franciscus Salesius sanctus est, neque in una tantum particulari Diœcesi ut talis colitur, verum in Ecclesia universa, & ut talis ritu solenni declaratus est à Sede Apostolica. Non tamen exhorruit Hennebellus eum repræsentare pulvere Semipelagiano sordidum. Cur igitur ob unum Prudentium qui nec colitur ubique nec Sedis Apostolicæ judicio sanctus declaratus est, tantæ excitarentur tragœdiæ, si quis ei aliquid ex Prædestinatiana hæresi adhæsisse diceret? Huc accedit quod Ecclesia libros S. Salesii dicat esse *cœlesti doctrinâ refertos*, nil tale umquam de libris S. Prudentii pronuntiavit. Tum fremens Baccalaureus ait; Prædestinatus fuit Prudentius? Eodem sono & gestu Ariovistus reponit; Semipelagianus fuit Salesius? Semipelagianus fuit Faustus Regiensis? Semipelagianus fuit Cassianus?

Hic veluti triplice concussus tonitru Baccalaureus contremuit, cum Ariovistus illum prensatâ manu sic amicè affatus est; Pone metum, D. Baccalauree, non est mihî animus in medium producere S. Hieronymum, S. Chrysostomum aliosque Patres Græcos, quorum sanctimonia non cœrcent Primipilum tuum, Jansenium, quo iniquus eos Semipelagianismi cœargueret. Multo minus animus est *Prudentium accusare*, necum *Nicolaum Antonium*, etiamsi propositio à Prudentio tradita non modò quoad corticem verborum, sed etiam quoad sensum ab Autore intentum, congrueret cum propositione ab Alexandro VIII. damnata: sed neque propter cujuscumque viri sanctitatem, velim errorem, ab Ecclesia damnatum, defendendum suscipere. Malo imitari in utroque S. Augustinum lib. 6. contra Donatistas cap. 2. dicentem; *Reddens debitam reverentiam, dignumque honorem quantum valeo, persolvens pacifico Episcopo, & glorioso Martyri Cypriano, audeo tamen dicere, eum aliter sensit de schismaticis vel hæreticis quam postea veritas prodidit.* Neque enim post Magistri sancti errorem ab Ecclesia damnatum, potest Magistri sanctitas excusare discipulorum in errore defendendo contumaciam, ut rectè monet Vincentius Lyrinensis in Commonitorio cap. 11. *O rerum nostra conversio!* Auctores

„tores ejusdem opinionis Catholici, Consecratores verò  
 „hæretici judicantur. Absolvuntur Magistri, condem-  
 „nantur Discipuli. Conscriptores librorum filii Regni  
 „erunt, Assertores verò Gehenna suscipiet. Nam quis illud  
 „Sanctorum omnium, & Episcoporum & Martyrum  
 „lumen Beatissimum Cyprianum, cum ceteris collegis  
 „suis, in æternum dubitet regnaturum esse cum Christo?  
 „Aut quis contrà tam sacrilegus, qui Donatistas & ce-  
 „teras pestes, quæ illius autoritate concilii rebaptizare  
 „se jactitant, in sempiternum neget arsueros esse cum  
 „diabolo? ” Hæc adducit & obstinatis Baii ac Jansenii  
 „defensoribus applicat Cardinalis de Aguirre, in defen-  
 „sione Cathedræ S. Petri, disp. 19. sect. 3. Porro Dominum  
 „Nicolaum Antonium, etiamsi fortè Prudentii senten-  
 „tiam, in sensu condemnato defendisset, excusare posset  
 „ignorantia; utpote qui juris, non Theologiæ peritus fuit,  
 „& qui Decretum Alexandri VIII. numquam vidit,  
 „ante ejus editionem mortuus. Sic eum, subdit Venan-  
 „tius, etiam excusat Autor responsi de quo ante facta  
 „mentio est. Plus autem scrupuli habeo quoad D. Henne-  
 „tel, nec possum evellere, quo me cumque verto. De hoc  
 „postmodum, inquit Ariovistus; nunc audiamus ipsum  
 „sibi objicientem, & respondentem.

Ergo sic habet. ” At defendi saltem non potest pro-  
 „positio, quam, ut ait Pater Palazol num. 68., norunt  
 „omnes Theologi eandem esse cum propositione quin-  
 „ta ab Innocentio X. & Alexandro VII. damnata. Res-  
 „pondeo mirum esse, quòd omnes hodie norint Theo-  
 „logi id quod ignorabant illi ipsi, qui ab Innocentio  
 „X. quintæ propositionis censuram petierunt, extat  
 „etiamnum hodie, & in omnium manibus est scriptum,  
 „quo constat, quem illi sensum tribuerint, & in ea dam-  
 „natum vellent. Duo quærentur, inquit, circa hanc  
 „propositionem. Primum, quid de ea sentiendum, qua-  
 „tenus notam hæresis affingit Catholicorum Doctorum  
 „sententiæ, quæ asserit Christum pro omnibus omnino  
 „mortuum esse. Secundum, quatenus ex mente Jansenii  
 „Christus non pro omnibus, sed pro prædestinatorum  
 „salute tantum mortuus est, ita ut omnibus reprobis  
 „negata sint auxilia sufficientia, quibus possint salvari.

„Hoc sensu examinata propositione, intactæ relinquin-  
 „tur difficultates circa infantes sine baptismo deceden-  
 „tes, aut infideles, aut obduratos: nam qui dicit Chri-  
 „stum non pro solis prædestinatis esse mortuum, non  
 „dicit consequenter pro quolibet reprobis in particulari  
 „mortuum esse; sed sufficit si pro aliquibus saltem re-  
 „probis. Quodd autem pro justis saltem non perseveran-  
 „tibus mortuus sit, patet ex Concilio Tridentino, ubi  
 „definit justis mandata Dei non esse impossibilia, quia  
 „Deus iis gratiam necessariam suppeditat; si enim pos-  
 „sunt observare mandata, possunt salvari, at non nisi  
 „ex meritis Christi. Idem sessione 6. cap. 3. Verum ta-  
 „meti ille pro omnibus mortuus est, non omnes tamen  
 „mortis ejus beneficium recipiunt; at illi non sunt alii  
 „quam reprobi. En sensum quo quintam propositionem  
 „intellexerunt illi ipsi, qui propositionis illius censuram  
 „ab Innocentio X. petierunt, juxta quem omnino ma-  
 „nifestum est ab hujus propositionis censura immunem  
 „esse propositionem Sancti Prudentii, quam Nicolaus  
 „Antonius dicit esse verè Catholicam, indignamque  
 „Hincmari censurâ. Præfatos Theologos exposuisse  
 „obvium sensum quintæ propositionis negabit nemo, qui  
 „rectè expendet singula verba quintæ propositionis dari-  
 „nata. Cum autem Sanctissimus Dominus Noster De-  
 „creto suo die 28. Januarii 1694. & Brevi ad Belgii Epif-  
 „copos die 6. Februarii ejusdem anni missio, expressè ve-  
 „tuerit, damnatum illum propositionis sensum extendere  
 „ultra obvium, quam ipsa propositionis verba præse-  
 „ferunt; rectè concluditur nullum Theologorum posse  
 „sub censura quintæ propositionis comprehendere cen-  
 „suram propositionis Sancti Prudentii, quin impingat in  
 „prædictum Decretum ac Breve Suae Sanctitatis.”

Hæc cum Ariovistus recitaret ex Hennebello, virtus  
 redibat Baccalaureo in præcordia. Hoc saltem est ali-  
 quid, clamitabat, hoc non enervabit, hic Deus in pha-  
 retra est, hic est Macedonicus ens. Sed insolescentem  
 hominem ita reprimere nixus est Ariovistus, inquiens,  
 D. Baccalauree, cum Hennebellus ad verba quintæ pro-  
 positionis damnatæ provocet, adducenda sunt:” Semi-  
 pelagianum est dicere Christum pro omnibus omnino

mor-

„mortuum esse hominibus, aut sanguinem fudisse.” Hanc propositionem Innocentius X. & Alexander VII. damnarunt ” ut falsam, temerariam, scandalosam; & intellectam eo sensu, ut Christus pro salute dumtaxat „prædestinatorum mortuus sit; impiam, blasphemam, contumeliosam, divinæ pietati derogantem, & hæreticam.” Non solus autem P. Palazol tenet in censura illa damnari eos, qui dicunt Christum mortuum esse pro solis credentibus seu fidelibus: nam ipse Cardinalis de Aguirre, cui derogare non vult, saltem publicè Doctor tuus Hennebel, sic loquitur in defensione Cathedralis S. Petri disp. 21. sect. 2. ” Jansenium tradidisse „eam propositionem; quoad utramque partem, videtur manifestum: quoad priorem quidem lib. 3. de gratia Christi cap. 21. ubi inquit; neque enim pro omnibus omnino Christus passus, aut mortuus est: ” & aliquanto post. ” Videamus modò, an nuperi Scriptores in Belgio, præsertim Lovanienses adhuc post iudicium Sedis Apostolicæ tam luculentum, formidabilem eandem hæresim tueri pergant. ” Tum professus se non iudicem, sed merè Theologum agere, primo loco citat Florentium de Cocq, 10. Martii 1677. Thefi 21. dicentem: *Deus quantum in se, non vult omnium hominum salutem.* Atqui si quintæ propositionis damnatæ rei sint, saltem quoad primam ejus partem, illi qui dicunt, *Christum non pro omnibus omnino passum, aut mortuum esse:* item illi, qui dicunt, *Deum quantum in se est, non velle omnium hominum salutem;* perspicuum est ex mente Eminentissimi Cardinalis in eundem offensionis lapidem impingere eos qui ajunt *Christum esse passum pro solis credentibus.*

Hæc Ariovisti argumentatio non displicuit Venantio qui nihil cunctatus Baccalaureo sic insultabat; Ubi jam est, D. Baccalauree, tuus ensis Macedonicus? Ubi Deus in Pharetra? Ubi ille tumidus, elatus & insolens animus? Neque verò aliud Baccalaureus quàm sciscitatus est, quo indicio constaret Cardinalem agere de quinta propositione, & aliis quatuor Jansenii in sensu obvio, sive prout verba sonant.



Id constat, respondit Ariovistus, ex iis quæ Cardinalis habet in fine ejusdem sectionis. Et cum ille codex ad manum esset, Ariovistus citato loco ostendit ei hæc verba; "Optandum autem est, nescio an magis quàm sperandum, ut exitus harum controversiarum in Lovaniensi Academia sit similis, ac illarum in Oxoniensi. Etenim Guilielmus Archiepiscopus Cantuariensis tunc toti Angliæ persuasit ad damnandos omnes Wicleffi articulos, prout verba sonant, tamquam erroneos, ac hæreticos; si Lovanienses hætenus allegati & reliqui ex partiaris id ipsum præstent circa quinque illa dogmata Jansenii, & alia Baii prout verba sonant, (quod certè Pontifices præcipiunt) finientur lites & scandala." Accedit, inquit Venantius, quòd passim Professores Theologiæ, qui post Innocentii X. & Alexandri VII. Constitutiones sive in libris, sive in dictatis docent *Christum mortuum esse pro omnibus hominibus*, id probent ex Constitutionibus illorum Pontificum, propositionem quintam Jansenii condemnantibus. Idem ego, ait Ariovistus, observavi in positionibus Theologicis sive Thesis, quas varii Religiosi statim anni temporibus distribuunt tum Lovanii, tum alibi exercitationis gratiâ opugnandas. Sed quid est de Scripto illo quod supra Hennebellus commemorat, & quod ait esse *in omnium manibus*?

De illo, respondet Venantius, nihil mihi rescire licuit usque adhuc. Nec mihi, subjungit Ariovistus. Venantius dixit; tamen bibliothecæ utriusque nostræ abundè prospectum est de istiusmodi scriptiunculis. Mirum foret, si hoc scriptum deesset. An tu habes, D. Baccalauree? Istud quærere, respondit Baccalaureus, ridiculum est. Quid ita? rogavit Venantius. An ergo reposuit Baccalaureus, vobis non sufficit Hennebelli autoritas tale Scriptum appellantis? Minimè gentium, inquit Venantius: nam ut mittam alia, quomodo dicere potuit illud esse *in omnium manibus*? Tum festivè Ariovistus subdit; forte per omnium manus intelligit suas, & suorum quibuscum illud communicandum putavit. Sed estne, inquit Venantius, Scriptum illud autent-

ten.

„tenticum aut magis fide dignum, quam” prætenſa Bul-  
 „la Pauli V. contra Molinam; quam aſſerta Acta Con-  
 „gregationum de auxiliis ſub nomine Franciſci Pegnæ,  
 „& Thomæ de Lemos, aliorumque Prælatorum, &  
 „Theologorum, qui, ut aſſeritur, prædictis interſuerunt  
 „Congregationibus?” Suntne magis fide digna, ” quam  
 „ſama tredecim Theologorum ad examinandas quin-  
 „que propoſitiones ab Innocentio X. ſelectorum ſuffra-  
 „gia, ſeu ut appellant vota, Summo Pontifici, ſcripto  
 „tradita?” Quæ omnia prohibita ſunt à Sede Apoſto-  
 „lica, priora ab Innocentio X., poſteriora ab Alexan-  
 „dro VII., ” atque declaratum ac decretum, nullam  
 „iis fidem adhibendam eſſe, nec à quoquam allegari  
 „poſſe, vel debere.” Nec tamen ceſſant Hennebelli ſe-  
 „quaces illa identidem poſt prohibitionem objicere, &  
 „typis vulgare, ut nuper Dominus Germain *in deſenſio-  
 „ne Eccleſiæ*: non credo, quòd hunc tamquam incertum  
 „Autorem, & ad ſe ſuoſque minimè pertinentem Hen-  
 „nebellus rejeſturus ſit. Quædam ex huiusmodi ſcriptis,  
 „addit Arioviſſus, citavit etiam nuperrimè Autor qui  
 „ſe nominat Abbatem S. Juliani in quodam opusculo  
 „Gallico. Item Autor ſolutionis diverſorum Problema-  
 „tum valdè conducentium ad pacem Eccleſiæ, idque lo-  
 „co non uno.

Sed nihil eſt, inquit Venantius, cur nos remorentur ite-  
 rum tales Autores. Remeemus potiùs ad quintam Janſe-  
 nii propoſitionem, & ſupponamus, quòd Eminentiffimus  
 Cardinalis de Aguirre, Pater Palazol, & omnes ipsis con-  
 ſentientes errent in designando ſenſu obvio quintæ propo-  
 ſitionis, adeòque quòd propoſitio ſtatuens Chriſtum mor-  
 tuum eſſe non pro omnibus, ſed pro ſolis credentibus non  
 comprehendatur in quintæ propoſitionis cenſura lata ab  
 Innocentio X. & Alexandro VII. Hoc, inquam, ſuppona-  
 mus, ſaltem negare Hennebellus non poteſt, illam *in  
 ſenſu obvio*, & *prout verba ſonant*. proriùs congruere cum  
 quarta propoſitione inter 31. damnatas ab Alexandro  
 VIII., ut priùs demonſtratum eſt. Illam nihilominus  
 pergit defendere. Denique idem Prudentius in Epiſtola  
 ad Hincmarum & Pardulum Epiſcopos, apertè dicit.



& multis inculcat *Christi Sanguinem pro solis electis fufum esse, neque Deum velle, ut alii salvi fiant, quàm qui re- ipsa salvantur*. Quæ an in sensu obvio non consentiant propositioni quintæ in Jansenio damnatæ, viderit quisquis oculos habet.

Imo verò, inquit Baccalaureus, quisquis oculos habet, Hennebellum legat, & viderit quo fine ista dicat. Quo igitur, quærit Ariovistus. Tum Baccalaureus Hennebelli Scriptum arripiens, ipse, inquit, finem suum explicet, coepitque legere quæ subsequuntur; "Hæceofine tantum dicta sunt, ut ostendam propositionem S. Prudentii sustineri posse, prout eam sustineri posse diccit Nicolaus Antonius, nempe sensu S. Prudentii, & tot aliorum præstantissimorum virorum qui seculo IX. eam sustinuerunt, sic nempe docendo, quòd pro solis credentibus mortuus sit Christus quoad efficaciam, ut tamen non negetur quòd pro omnibus omnino mortuus dici possit, saltem quoad sufficientiam, omniumque salutem velut voluntate antecedente, de qua hoc ipso loco agit Nicolaus Antonius eis subscribens quæ de hac voluntate tradunt S. Thomas, Scotus, ceterique communiter Theologi; ac simul ut pateat quam falsum sit agnoscere omnes Theologos, quòd ab Innocentio X. & Alexandro VII. Sancti Prudentii propositio damnata sit."

Cum ab hac Hennebelli oratione recitanda Baccalaureus destitisset, Ariovistus cum sic excepit; An Hennebellus fines suos omnes expresse-rit; multum dubito. Satis profectò perspicit propositionem Prudentio attributam prorsus eandem esse cum quarta damnata inter 31. ab Alexandro VIII. Et tamen ac si esset hujus Constitutionis ignarus, propositionem mordicus defendit. Non citat hic quidem Constitutionem illam Pater Palazol, quia cum propositiones illà Constitutione condemnatæ, nunquam traditæ fuissent in Hispania, verisimile est illam Constitutionem ab eo Patre visam non fuisse, quamvis illam circa alias propositiones subinde citet secundum excerpta, quæ apud alios fideliter relata invenerat. Cum verò Doctor Hennebel Constitutionem

nem istam apprimè calleat, quâ sinceritate D. Baccalauree, quâ fide sustinet propositionem, quam in sensu obvio eandem prorsus esse cum damnata conspiciat?

Tunc Baccalaureus tantum non frendens dixit; Quam tu, Arioviste, hîc in D. Hennebelli desideras sinceritatem ac bonam fidem, hanc ego in te potius desidero. Eum namque ita incusas ac si non protestaretur hæc „eo tantum sine dicta esse, ut ostendat propositionem „Sancti Prudentii sustineri posse, prout eam sustineri „posse dicit Nicolaus Antonius.” Illa protestatio, inquit Ariovistus, nequaquam sufficit, nam propositio condemnata cujuscumque Autoris fuerit, etiam Sancti, post condemnationem defendenda non est, nullâ factâ mentione Sedis Apostolicæ eam condemnantis. Alioqui faciliè contingit, ut dum hæc ejus defensio per multorum manus vagatur, nonnulli videntes propositionem ab eo tam confidenter defendi, tamquam sanam *in sensu S. Prudentii, & Nicolai Antonii*, existiment propositionem etiam secundum se, & in sensu obvio sanam esse, cum ubique tum hîc maximè. Quare hîc magis, rogat Baccalaureus, quàm alibi? Quia hîc, respondet Ariovistus, in speciem ostenditur non prohiberi Constitutionibus Innocentii X. & Alexandri VII., neque ulla mentio fit prohibitionis alterius, quæ, si extaret, non ignoraretur à Doctore Hennebel, cognita autem ab eo non subiceretur, ut quidem de fide ejus & sinceritate supponent multi quibus minus, quàm nobis notus est.

Adigitis me, inquit Baccalaureus, ut vobis ob oculos ponam Hennebelli sinceritatem ac fidem, quæ mirificè elucet ubi sensum suum exponit Catholicum, & ancipitis sive æquivocæ propositionis tenebras dispellit: utitur enim distinctione, quâ nulla est clarius, nulla vulgatio, nulla denique in omnibus scholis magis usitata. Sed ne distinctioni quidem illi, reponit Venantius, fidere satis possumus, quando adhibetur ab illis præsertim qui nunquam fateri volunt libro Jansenii ullum in fide erratum contineri. Etenim videmur meritò metuesse, ne talis distinctio, quando à talibus Theologis usur-

patur,

patur, plus obscuritatis contineat, quàm ipsa propositio, cui explicandæ & à prætenfa æquivocatione liberandæ dicitur adhiberi. Ut clariùs loquar, prudens metus est, ne distinctio illa non in sensu communi, sed in sensu Jansenii proponatur. Id tibi, optime Venanti, dicit Ariovistus, planè assentior. Nam eadem distinctio etiam Jansenio admissa est, sed sensu suo qui fulguritæ doctrinæ non repugnat.

Sed, inquit Baccalaureus, distinctionem ipsam audite iterum, & attentè considerate; Ait Hennebellus, "pro solis credentibus esse Christum mortuum quoad efficaciam, ut tamen non negetur, quod pro omnibus omnino mortuus dici possit, saltem quoad sufficientiam, omniumque salutem velit voluntate antecedente." Dico iterum, inquit Ariovistus, iterumque & tertio dico singulos hos terminos etiam adhiberi à Jansenio, sed alio sensu, quàm accipiantur communiter, eosque à Jansenio conciliari cum sua doctrinâ, quæ dein Apostolici ictum fulminis effugere non potuit. Ait Christum pro solis credentibus esse mortuum, quoad efficaciam, ita ut nulli alteri auxilia ad fidem sufficientia sit promeritus: abundè sufficiebat, si modò Christus illud pro eorum justificatione offerre voluisset: juxta Jansenium Deus vult omnium hominum salutem voluntate antecedente non ejusmodi, vi cujus ante peccatum Adami præparabat omnibus auxilia ad salutem sufficientia, sed ejusmodi quæ post prævisum Adami peccatum, nulli reprobo sufficientia ad salutem auxilia decernit. Locos Jansenii non asfero, quia ab aliis sæpiùs adducti & ubique obvi sunt, neque quisquam dubitat, quin ea sit Jansenii doctrina, in libro ejus perspicuè proposita. Quòd Doctor Hennebell aliud nunc velit quàm Jansenius, nullum hætenus habeo fundamentum judicandi; multa autem sunt in oppositum, atque imprimis illa tot annorum tergiversatio, quâ huc usque detrectat agnoscere quidquam esse rectè damnatum in sensu Jansenii, vel ejus libri.

Hic non habens quod responderet Baccalaureus, dixit; Finem imponamus huic dissertationi, quia jam multa nox est. Per me licet, inquit Venantius. Sed, Ariovistus

vistus ait, occurrit mihi adhuc aliquid de quo D. Baccalaureum monitum velim, ut suorum malas artes ac dolos melius possit perspicere. Et cum Venantius id sibi non injucundum fore asseruisset, Ariovistus prosecutus est hoc pacto; Minimè mirum mihi videri solet Doctorem Hennebel positionem Prudentii tueri nomine, quòd *habet diversos sensus*, quando omnes propositiones à Cardinale de Aguirre impugnatas tamquam manifestè consonas propositionibus in Jansenio proscriptis, novit nihilominus defendere prætextu quòd sint æquivocæ, quin & persuadere quòd *super iis jam pridem ipsi Eminentissimo Cardinali satisfactum fuerit*.

Propositiones autem, inter innumeras alias, sunt hæc spectantes ad propositionem Jansenii quintam relatæ & impugnatæ ab eodem Eminentissimo in defensione Cathedralæ S. Petri disp. 21. sect. 5. " *pro electorum æternæ salute (non item reproborum) rectè dicitur Christus mortuus esse*: Andreas Laurent Doctor Lovaniensis 11. Augusti 1671. Thesi 3. *Semipelagianum dogma est universis hominibus propitiationem, quæ est in sacramento Sanguinis Christi, sine exceptione esse propositam*: Hrosinata van Saftingen 2. Septembris 1676. in Thesibus. Justificatio Censuræ Lovaniensis cap. 3. pag. 62. *Satis manifestat ipse Dominus, pro solis electis & prædestinatis se redemptionem dedisse*. Gerardus van Werm Doctor Lovaniensis 9. Martii 1652. Thesi 3. *male dixeris pretiosum Christi Sanguinem pro ullius reprobati æterna salute Patri oblatum*. Libertus Fromondus 2. Octobris 1647. Thesi 3. *Christus propriè tantum pro peccatis electorum finaliter abolendis sacrificium propitiatorium Patri obtulit*. Jacobus Pontanus Doctor Lovaniensis 10. Februarii 1645. Thesi 3. *Textus Sacræ Scripturæ, quibus dicitur, Deum velle omnes salvos fieri, Christum mortuum pro nobis, pro mundo, pro omnibus &c. restringendi sunt ad solos electos*: est communis Lovaniensium, qui in quotidianis Thesibus sic respondent.

Tum paucis interjectis sic concludit Cardinalis, " *vide quomodo omnia hæc cōcant in id ut Deus prædestinatorum solam salutem velit, nec Christus pro re-*  
pro-

probris mortuus sit. Dum autem tot Lovaniensis Academiae Doctores & Professores video detrectantes plenam subjectionem erga tot Pontificum Decreta contra morem prædecessorum suorum, subit animum recordatio alterius diplomatis Gregorii Papæ XI. contra dogmata impii Wicleffi, quod missum à Pontifice ipso per Magistrum Edmundum Stalldrop non receperunt, uti par erat, Professores Academiae Oxoniensis in Anglia, idèdque de iis inquit Thomas Walsinghamensis ad annum 1378., *Universitatis Moderni Rectores, quantum degeneraverint à prudentia seu sapientia antiquorum, per hoc facile conjici poterit, quod auditâ causâ Papalis Nuntii adventus, diu in pendulo hærebant, utrum Papalem Bullam deberent cum horrore (forasan honore) recipere, an omnino cum dedecore refutare. Oxoniense Studium Generale, quàm gravi lapsu à sapientie & scientie culmine cecidisti! Quod quondam inextricabilia atque dubia toti mundo declarare consuevisti, jam ignorantie nubilo obfuscatum dubitare non vereris, circa quæ quælibet ex Laicis Christianis dubitare non decet. Hæc ille, utinam præter rem, à nobis adducta!*

Ista cum ex Cardinale de Aguirre Ariovistus recitasset, addit de suo; Ita optat Cardinalis. Et nos, inquit Venantius cum ejus Eminentia ita optamus. Quamquam & hoc æquitati ac famæ Universitatis Lovaniensis debeamus reddere testimonium, quòd pars ejus major etiam in Facultate Theologica Jansenio & Doctori Hennebel adversetur. Illud testimonium, inquit Ariovistus, reddam perlibenter; neque enim mihi in animo fuit omnes complecti. Sed te, D. Baccalauree, quem hîc coram intueor, te, inquam, potissimum hæc mea spectat oratio. Agendum, dic mihi, si omnes illas propositiones defendere audet Doctor Hennebellus, prætextu quòd habeant diversos sensus; si persuadere potest circa illas *satisfactum esse Cardinali doctissimo & supremo fidei Quæstorii*; Quæ tandem propositiones umquam tradentur tam absurdæ, quas idem Doctor prætextu *diversorum sensuum & æquivocationum* defendere non poterit? Suntne uspiam propositiones magis similes propositionibus damnatis, & quoad



quoad sensum obvium magis eadem, quàm propositiones citatæ, etiam ea quæ Prudentio tribuitur?

Si talis defensio, inquit Venantius, admittenda sit, non est vel una condemnata propositio, quæ pariter defendi non possit. Nullus Episcopus valebit umquam Novatorem convincere quòd propositionem damnatam tradiderit damnato sensu, etiamsi ejus propositio, quoad terminos clarissimè æquivalentes inno & formales, eadem sit cum fulgurita? Adeòque nullus quantumvis reus ab Episcopo puniri umquam poterit, sed sufficere debet Episcopo accusatum *monere, ut sensum suum orthodoxam deinceps clariùs exprimat, nec talibus utatur terminis, qui aliis scholis offensionem esse possent.* Ad quem itaque finem conducet omnis juris ordo ab Innocentio XII. præscriptus, & ab Episcopo servandus, nisi ut Episcopus post omnes molestias sumptusque à reo eludendus & confundendus sit, prout & quando unicuique cavillatori libitum fuerit?

Hæc Venantius dixerat, cum Ariovistus Baccalaureum sic allocutus fuit; Quid tibi jam videtur, D. Baccalauree? Hic Venantius non argumentatur pingui minervâ. At verò aliquid amplius hinc colligitur. Quid? rogat Baccalaureus. Respondebat Ariovistus hinc colligi, cur Novatores nostri non jam palam, ut ante, detrectent Pontificum Bullas recipere, cur eas tam promptè & sine ulla tergiversatione admittere se simulent. Invenere scilicet versuti homines modum, omnibus Bullis nequidquam obstantibus, sustinendi semper eandem doctrinam. Artificium tam subtile ignorarunt primi Janseniani, quando metu condemnandi doctrinam suam, opposuere se tanto impetu promulgationi Bullæ Urbani VIII. Sic Janseniana factio in versandis dolis quotidie magis ac magis proficit. Sed juvat D. Baccalaureum, inquit Venantius, constringere aliquanto arctiùs.

Quandoquidem tu, D. Baccalauree, cum tuo Hennebello tam audacter propositionem damnatam defendendam suscipias sensu Prudentii, & prout eam sustineri dicit Nicolaus Antonius, habesne satis exploratum, quo sensu propositio hæc quarta inter 31. damnata sit ab Alexandro VIII.

4-



*dedit semetipsum pro nobis oblationem Deo, non pro solis electis, sed pro omnibus & solis fidelibus?* Autorem ex quo propositio fidelissimè quoad omnes apices excerpta est, probè nosti. Doctor Lovaniensis est Pater N., cujus nomini parco, quia fertur sub finem vitæ se contra Janfenium, & obstinatos ejus defensores declarasse, ac penitus submisisse Sedi Apostolicæ. Propositio in Autoris illius scriptis exhibita est S. Congregationi, atque ita censurata. Sed quo sensu? nullus in Decreto determinatur. Certum tamen est censuratum esse aliquem; neque enim sola verba materialia, & omni significatione destituta condemnantur; neque solet Pontifex & S. Congregatio damnare sensum merè imaginarium & fictivum, sed intendit errorem doctrinalem è scholis extirpare, & punctum aliquod controversum definire.

His positis, dixit idem Venantius, postulo te D. Baccalauree, ullum discrimen inter sensum, quo eam propositionem post condemnationem cum Hennebello sustines, & illum, quo à Doctore isto defuncto, vel ab ullo alio in Ecclesia Theologo fuit antè tradita, quàm damnaretur. Multum fallar, si discrimen vel minimum attuleris. Dixit Baccalaureus damnatam esse propositionem in sensu obvio. Intelligo, reponit Venantius, sed vel sensus obvius est alicujus Autoris, vel nullius. Si alicujus, quis ille? Et in quonam saltem vel minimo à sensu tuo discrepat? Si discrimen invenire non possis, quâ religione post condemnationem assumis cum Hennebello eandem propositionem defendendam eodem sensu, quo ab Autore tradita est, & à Pontifice condemnata? Si sensus obvius, in quo propositio damnata est, à nullo traditus sit, ergo damnatur merum & inane phantasma, Pontifex suo Anathemate ferit solum aërem, S. Congregatio tot examinibus, tot disceptationibus, quæ condemnationi præmissa sunt, tanto temporis spatio, tanto studio, tantâ sollicitudine cum sola umbra luctata est. Quod principium quisquis sequi voluerit, ut non obscure videris sequi cum Domino Hennebel, viam sibi aperit latissimam similiter procedendi ad propositiones omnes alias damnatas, easque defendendi omni sensu, quo à suis Autoribus fuerant in lucem editæ.

Tum

Tum Arioivstus dixit; Dominus Germain qui præcipuus modò novæ factionis Achilles est, in sua nuptia *defensione Romanæ Ecclesiæ & Summorum Pontificum*, pag. 431. de quinque propositionibus in Jansenio damnatis ait, *licere ac semper licuisse aliquem propositionum damnatarum sensum defendere; ipsas verò propositiones defendere post definitionem non licere*. At Dominus Hennebel longius progreditur; non modò *propositionis* damnatæ sensum aliquem, sed *propositionem* ipsam defendi aut *sustineri posse* putat sensu S. Prudentii. Estne autem ullus hæreticus qui dicturus sit se propositiones ab Ecclesia damnatas, alio sensu defendere velle, quam sensu aliqujus Sancti Patris, præcipuè S. Augustini, quin & Scripturæ Sacræ? In hoc deficit astutia hæreticorum qui ab Ecclesia separati sunt, quòd hi facti sint sensum suum anathemate ab Ecclesia perstrictum esse, debuissent tantum dicere propositiones suas esse *equivocas*, pati *sensus varios*, in uno rectè damnatas esse, sed non in suo: se propositiones tantum sustinere in sensu Sanctorum Patrum & Sacræ Scripturæ. Verum effugium illud, seu cavillationem nondum satis edocti erant, quamvis aliquid subinde quipiam tentare visi sint; ars ista perficienda fuit à Doctore Hennebel, & ipsi adhærentibus.

Hic Venantius iterum Arioivsto annuit; rectè, inquit, dixisti artem istam ab Hennebello *perficiendam*. Inventis est facile aliquid addere. Ea porrò ars inventa vel inchoata erat anno 1680. quando prodiit in Belgio liber, cui titulus; *Strena veritatis &c.* Ejus Autor se vocat *Lucam Veronensem Baccalaureum Lovaniensem*. Illic pag. 50. dicebatur, *damnari in sensu ab Autore intento, est damnari in sensu obvio, sive ille sit Jansenii, sive non*. Pag. 51. "Certum est & clarum quòd propositiones illæ quinque tam artificiosè & equivocè sint conflatae, ut sensum habeant hæreticum obviu, habeant & Catholicu: propositiones ergo duplicis sensus boni malique damnantur absolutè, quia malum ex singulis defectibus."

Adhuc memini, subdit Arioivstus, & utrumque hunc locum citat Eminentissimus Cardinalis de Aguirre in de-

defensione Cathedræ S. Petri. Cedo mihi librum, obsecro. Quem cum accepisset, Videte, inquit, disp. 20. sect. 2. sic in locum utrumque animadvertit; "Hæc ille, (Veronensis) quæ certè eo fine excogitavit, ut impu-  
 ,,nè defendi possint quinque illa dogmata juxta Janse-  
 ,,nii sensum, veluti Catholicum penes obviam & tritam  
 ,,significationem; quamvis addat, inesse quoque illis  
 ,,aliū sensum obvium & hæreticum, juxta quem so-  
 ,,lum damnata fuerint à Pontifice; quod posterius vi-  
 ,,detur addidisse, ne Pontificiæ Constitutioni palam ad-  
 ,,versari credatur." Hactenus Cardinalis, cujus sapientis-  
 ,,sima animadversio non obscurè nobis detegit *finem*, ob  
 ,,quem Doctor Hennebel defendens apertè propositio-  
 ,,nem damnatam, ei tribuat duos sensus, quorum unum tan-  
 ,,tum ait esse Catholicum, & defendi posse. Numquid, D.  
 Baccalauree, *ne Pontificiæ Constitutioni palam adversari cre-*  
*datur?*

Sic olim Petrus Abailardus si Berengario contra Ber-  
 nardum credimus, propositiones, quas S. Bernardus ex  
 Abailardo collegerat, & dein Innocentius Pontifex con-  
 demnavit, partim non tradiderat, partim tradiderat bono  
 ,,sensu: "Indiculum, inquit Berengarius vidimus, in quo  
 ,,non PETRI (Abailardi dogmata) sed nefandi commenti  
 ,,capitula legimus. .... quædam, fateor, Petrus & dixit  
 ,,& scripsit; quædam verò neque protulit, neque scrip-  
 ,,sit; quæ autem dixerit, & quæ non dixerit, & quàm  
 ,,Catholicâ mentè, ea quæ dixit senserit, secundus ar-  
 ,,repti operis tractatus Christianâ disputatione ardentè  
 ,,& impigrè declarabit." Hoc Berengarii institutum, pro-  
 sequitur Ariovistus, apprimè tenet nova factio, & ex-  
 actissimè secutus est nuperrimus Baii defensor, qui om-  
 nia ejus opera, & jam hætenus ignota edidit cum no-  
 tis & vindiciis; eadem premunt vestigia omnes discipuli  
 Jansenii, ut Magistrum suum tueantur, præcipuè Doctor  
 Hennebel in propugnatione totius factionis, ut ex hæ-  
 tenus allegatis manifestum est. Atque hæc sunt de quibus  
 Baccalaureum ex Christiana caritate monendum esse du-  
 cebam, antequam finem dissertandi hodie faceremus. Tu  
 igitur, D. Baccalauree, ea æqui bonique consule, & fac  
 in utramque aurem dominias. Postea

Postea omnes secesserunt sibi mutuo faustam quietem de more comprecati; sed non constituerunt, quâ horâ essent postridie arenam repetituri.

## DISSERTATIO VIII.

*De Rigoristis & Novatoribus Belgii.*

**T**Res illos Disputatores egregios & fessos dissertando, & qui ad multam noctem vigilassent, arctior quàm solebat somnus complexus est. Unde accidit ut etiam solito seriùs ad dissertandum convenerint. Hanc porrò dissertationem inchoavit Venantius; pervenimus, inquebat, Viri doctissimi amicissimique socii, ad Hennebelli articulum VI. qui est *de Rigoristis & Novatoribus Belgii*. Ariovistus autem, audito Rigoristæ nomine, optarem, inquit, nobis velut lupo in fabula adesset proximi pagi Parochus qui audit Rigorista insignis, multas poenitentibus injungit ridiculas, & promiscuè negat absolutionis beneficium. Rectè mones, ait Venantius; jam jam mittam famulùm, qui eum accersat invitetque ad prandium. Dictum factum; Venantius misit famulùm, jussitque significari Parocho apud se etiam esse aliquem Academiæ Lovaniensis Baccalaureum, quo Parochus veniret libentiùs: noverat enim Venantius pares cum paribus, ut est in vetere proverbio, facillimè congregari. Interea Venantius, Ariovistus, & Baccalaureus examinerunt ea quæ ab Hennebello dicuntur hoc articulo non adèò ad Rigorismum pertinentia.

LECTUM igitur fuit à Venantio istud Hennebelli; „Triumphum hic canit Pater Palazol num. 89. gloria-  
„turque Jansenistas tum demum arma sua aliò vertisse,  
„ac Jesuitarum Morali bellum indixisse, cum ab adver-  
„sariis suis, ac maximè Jesuitis victi fuissent in dogma-  
„tica. Id ipsum repetit num. 102. Ego verò ignorare  
„me fateor, quod sit illud dogmaticæ punctum, in quo  
„contra prætenso Jansenistas Jesuitæ triumpharint;  
„maximè si de Belgii Jansenistis agitur. Sic Hennebel-  
„lus.”

• N

Quid



Quid hocce monstri est? Inquit Ariovistus. Hennebellus ignorare se fatetur, quod sit illud dogmaticæ punctum, in quo contra Jansenistas Jესuitæ triumpharint. An ergo ipsi exciderunt propositiones 79. dogmaticæ à Pio V., Gregorio XIII. & Urbano VIII. in sensu ab Autoribus intento damnatæ? An excidit Michaël Bajus qui scriptâ & à se signatâ publicâ professione 24. Martii 1580. agnovit "plurimas ex iisdem sententiis in nonnullis libellis à se olim & ante emanatam Sedis Apostolicæ super iis censuram, conscriptis & in lucem editis contineri & defendi etiam in eo sensu in quo reprobantur?" An excidit Bulla Urbani VIII. data anno 1641. pridie nonas Martii, ex qua constat quosdam in oppido Lovaniensi assertos Cornelii Jan- enii olim Episcopi Iprensis executores ex testamento in lucem edi curasse librum, cui titulus Augustinus, atque ex diligenti ac matura ejusdem libri lectione postmodum compertam fuisse in eodem libro multas ex propositionibus à prædecessoribus (Urbani VIII.) damnatas contineri, & magno cum Catholicorum scandalo & auctoritatis dictæ Sedis contemptu contra præfatas damnationes & prohibitiones defendi... malo in scandalum totius rei Christianæ & Fidei Catholicæ perniciem vertenti &c.?" An inquam, ista omnia exciderunt Hennebello?

Debet ipsi, inquit Venantius, etiam constare ex Constitutione Innocentii X. data 1653. pridie Kal. Junii "inter alias opiniones libri, cui titulus Augustinus Cornelii Jansenii, ortam fuisse præsertim in Galliis controversiam super 5. ex illis; ideoque Pontificem super unaquaque earum certam & perspicuam ferre sententiam." Dein Decreto 1654. 23. Aprilis rursus testatur idem "Sanctissimus Dominus, condemnatam suâ Constitutione in 5. propositionibus, Augustini Cornelii Jansenii doctrinam." Idem disertius declarat Alexander VII. & omnes oppositum dicentes detestatur ut filios iniquitatis Constitutione anni 1656., 17. Kal. Novembris. Propositiones 31. damnatas ab Alexandro VIII. esse partim Jansenii, partim recentiorum Jansenio faventium, satis sæpè demonstratum est, nominatim ab Hilario à S. Sepulcro.

Hæc audis D. Baccalauræ? quærit Ariovistus. Dic modò, an Jansenium habuisse pridem multos & hodie-  
dum

dum habere in Belgio sequaces atque universæ doctrinæ suæ sine ulla exceptione approbatores, non sit luculentis testimoniis, atque ipsorum approbatorum verbis ante à nobis demonstratum.

Ad ea siluit Baccalaureus quasi homo non habens in ore suo redargutiones. Ariovistus autem dixit; Non fuerit fortasse inutile approbatoribus adjungere Autorem diversorum Problematum, quem hesterno die bis citavimus. Hic pag. 65. sic scribit; *Jansenismus non est aliud quàm.... doctrina sancta & divina Divi Pauli, Divi Augustini totiusque Ecclesiæ circa prædestinationem gratuitam sanctorum & gratiam omnipotentem Servatoris.*

Liceat & mihi, inquit, Venantius, locum adjungere unum, ubi idem fermè assèveratur multo copiosius. Haud ita pridem accepi scriptum Gallicum, cui titulus est; *Litteræ cujusdam Theologi ad Episcopum Meldensem, in quibus refutatur Apologia falsa veri amoris Dei.* Hoc scriptum, ut præ se fert, impressum est Colonia apud Petrum Marteau anno 1699. Porro Autor qui defendit Illustrissimum Cameracensem, apertè Bajum tuetur ac Jansenium. Is quem hîc Autor impugnât, scripserat de Cameracensi; *secutus est doctrinam S. Francisci Salesii, sicut Jansenius doctrinam S. Augustini.* Ad hanc propositionem Theologus ille post alia tria affert hoc responsum quartum pag. 62. " Si verum est quòd „Cameracensis Archiepiscopus sequatur doctrinam S. „Francisci Salesii, sicut Jansenius doctrinam S. Augustini; certum est quòd eam sequatur exactissimè, quoniam ex omnium Criticorum accuratorum judicio minimè dubium est, quin Jansenius secutus fuerit tam præse doctrinam sancti Defensoris gratiæ, ut ab anno „1640. cum ipsius Augustinus cœpit comparere, non „potuerit usque ad hoc tempus ostendi, Augustinum „Iprensem aberrare in ullo alicujus momenti puncto ab „Augustino Hipponensi. Ipsius adversarii moverunt omnem lapidem, & scripserunt infinitam librorum multitudinem ad probandum, quòd Jansenius esset falsus interpreter & corruptor S. Augustini; & cernentes se omnibus, quas afferebant, probationibus aliud nihil perficere „quàm confirmare cunctos homines ad credendum con-



„trarium, adhibuerunt, sicut fit, omnes Potestates, ut quod  
 „ratione non poterant, saltem autoritate. persuaderent.  
 „At verò hæc tam irregularis agendi ratio ad persuaden-  
 „dum factum, cujus evidentia non pendeat nisi à le-  
 „ctione unius libri; non alium sortita est effectum in  
 „animis eorum quorum hîc nihil intererat, quàm quod  
 „fuerint convicti Jansenium tradere doctrinam S. Au-  
 „gustini, quandoquidem non ostenderint oppositum, nisi  
 „per autoritatem & violentiam. ”

Hæc posteaquam Venantius ex dictis litteris fideliter  
 recitasset, Ariovistus inferebat; Ergo & ex his patet  
 non deesse qui hodieum stant à Jansenio. Quinam au-  
 tem sunt Jansenio adversarii quos Theologus ille co-  
 natus est hîc perstringere? Quinam adversarii Bajo? Cer-  
 tè, pergebat idem Ariovistus, Societatis Theologos ali-  
 quid operæ contulisse ad condemnationem Baii & Jan-  
 senii, nullus rerum gestarum utcumque conscius, infi-  
 cias ibit. Societatis Theologus erat Franciscus Toletus,  
 dein S. R. E. Cardinalis, de quo ipse Bajus ita testatur  
 in sua retractatione. ” Significo & profiteor me ex va-  
 riis colloquiis & communicationibus habitis cum R. P. D.  
 Francisco Toletio Concionatore Suae Sanctitatis & ad  
 hanc rem specialiter misso. . . . ita motum & eò per-  
 ductum esse, ut plane mihi habeam persuasum, mea-  
 „rum omnium sententiarum damnationem atque pro-  
 „hibitionem jure meritoque ac non nisi maturò judicio  
 „& diligentissimâ disquisitione factam atque decretam  
 „esse. ” Item quid pro Urbani VIII. Bulla contra Jan-  
 senii Augustinum & multas in eo propositiones post con-  
 demnationem scandalosissimè resuscitatas obtinenda, non  
 minus sedulò egerit Societas, quàm fideliter in confesso  
 apud omnes est.

Arioviste, vera prædicas, inquit Venantius; imò que-  
 runtur, adversarii nimis multum egisse in hac causâ Je-  
 suitas, quos proinde velut propriam totius mali origi-  
 nem ac fontem implacabiliter persequuntur. In Episto-  
 la à quibusdam Lovaniensibus nomine totius Academiæ  
 ad Universitatem Parisiensem data anno 1644. 10.  
 Martii, quam adhuc diebus aliis citavimus, aiunt  
 Bul,

„Bullam à Theologis Societatis adversùs Reverendissimum Dominum Episcopum Ipremsensem Romæ extortam. ” Editus Lovanii est eodem anno 1644. ” planctus Augustinianæ veritatis in Belgio patientis, in quo dicitur, quòd nullus dignitate, officio, aut beneficio deinceps donetur, nisi qui, abjuratâ in Jansenio Augustini doctrinâ; se Jesuitarum dogmata, sensus, judicia, secuturum aut profiteatur aut mentiatur. ” Nonne Jesuita est Pater Stephanus Dechamps, qui de libero arbitrio sub nomine Antonii Ricardi contra Jansenium scripsit? Hunc inter primos, palmam ceteris præripuisse, & præcipua ad debellandam in Gallia Jansenii doctrinam arma subministrasse, communis eruditorum sensus est. Illum numquam legi, inquit Baccalaureus. Venantius reposuit id satis credere se, quia, aiebat, si ille liber Lovanii penes te deprehensus fuisset, quantum adiisses periculum! Verisimiliter quemadmodum Cæcus ille Evangelicus è Synagoga, sic tu è tuo fuisses ejectus Collegio.

Quin potiùs, inquit Ariovisius, jubemus Jesuitas valere, & immoramur in adversariorum testimoniis? Hi enim apud Baccalaureum, pacto nescio quo, plus inveniunt fidei; & mihi ad manum sunt quàm plurimi, è quibus paucos exhibebo. Petrus de Ligny Professor Duacenus in Epistola nupera; *plane, inquit, persuasum habeo Episcopum Ipremsensem per factionem turbæ Molinianæ fuisse condemnatum.* Ignatius Eykeboom 1696. in adumbrata Ecclesiæ defensione contra Leydeckerum pag. 49., *quòd Pontifex Jansenii Augustinum falsis Molinistarum suggestionibus proscripsit, & quinque propositiones ipsi ad censuram exhibitas.... damnavit, utcumque ostendisti.* Idem pag. 17. ait; *malis artibus Jesuitarum insertum Bullæ Urbani VIII. quòd Bulla Pii V. à Gregorio XIII. confirmata sit.* Eugenius de Gelder Brugensis anno 1689. in ultima voce zelatricis innocentiae pag. 115. expressè de Jesuitis dicit, *quòd sicut per vasfrè fabricatas quinque propositiones, doctrinam Jansenii Romæ procurarant damnari, sic etiam egerint respectu Michaëlis Molinos & prætensæ ejus doctrinæ: tum animos resumens, sed quidquid, inquit, conentur, quid-*

*quid machinentur, quidquid subdolè per se & suos efficiant Patres Jesuitæ, spiritus ( Jansenii & Molinos ) illis frendentibus, ubi vult, spirabit.*

Tum Baccalaureus dixit, agnosco nobilem Eugenii indolem timere nesciam. O utinam tam fortes & imperterriti fuissent *multi* nuper Duaceni, qui libenter in occulto subscripssissent Thesi cuidam, in qua nil nisi veritas elucecebat: sed, prò pudor! timebant solum, ne quis homo Societatis id resciret: sic enim Dominus Malpaix Canonicus Duaci ad amicum scribit, " multos à Thesi approbanda avertit, quòd magis timeant Jesuitas quàm Deum. " Satis vident eandem in ea doctrinam contineri, quam sustinuit Dominus Gilbert, & ejus sortem perhorrescunt, nempè exilium. " Vah! imbelles nimiamque degeneres animi. In illa Thesi, inquit Ariovistus, nil nisi veritatem fuisse, ex eo, credo, patet, quòd Janseniana esset: etenim ut talis declarata est à Parisinis Theologis anno 1691., 28. Decembris.

Verùm, inquit Venantius, iterum ferimur extra oleas, quod aiunt. Redeundum est ad Jesuitarum pugnas & viatorias. Quòd Societatis Theologi Lovanienses quoque concurrerint ad denuntiationem plurimarum propositionum, quarum 31. damnavit Alexander VIII., testari potest R. P. Duffius Minorita Hibernus, qui tamquam Theologus Regis Catholici denuntiationem Romæ instituit sub Innocentio XI., quam dein sub Alexandro VIII. persecutus est R. P. Franciscus Diaz ex ordine S. Francisci Hispanus. Testimonium Jesuitis hîc non negabit D. Malpaix in Epistola data 2. Februarii 1691. ita scribens; " Miserrum Innocentium XI.! qui post mortem impedire non potuit quod vivus averterat, qui numquam permittere voluit Decreti illius scandalosi promulgationem, quamvis factio Monachalis, & nigra turba Escobarîi seu Jesuitarum, toties apud Inquisitionem institisset. "

Si hic tamen, dicit Baccalaureus, alique omnes quorum testimonia jam protulistis, interrogentur, an in ullo dogmate convicti sint à Jesuitis, an à Minoritis, an ab Episcopis, an à Sacris Inquisitoribus, an à Sede Apostolica; negabunt fortiter. Negabunt? Inquit Venantius; imo

imo verò cum bile repellent ejusmodi quæstionem tamquam ineptissimam. Sic cum ab annis paucis Lovanii Dominus Franciscus Martini Hibernus, vir, ut nostis, doctissimus ad Doctoris adspiraret lauream, quam & merito consecutus est, inter cetera impedimenta à quibusdam objectum ei fuit, quòd aliquando de Antonio Ricardo contra Jansenium & Vincentium Lenem seu Libertum Fromondum scribente dixisset, *maçtat suum adversarium*. Adeò grave istis hominibus est audire, quòd Jansenius in ullo dogmate fuerit de errore convictus.

Ariovistus subdidit; Si grave illis sit convinci à Jesuitis, vel à Minoritis, vel ab aliis suis adversariis; saltem grave esse debet obedientibus Ecclesiæ filiis convinci à Sede Apostolica, quam esse supremam Ecclesiæ totius Magistratam Dominus Hennebel non diffitebitur, saltem Romæ. Sed fac Jesuitas nihil prorsus operæ & studii posuisse in ejusmodi convictionibus & Bullis Pontificiis impetrandis. Potestne Hennebellus verè dicere; "ego „verò ignorare me fateor, quod sit illud dogmaticæ „punctum, in quo contra prætensores Jansenistas Roma „triumphavit, maximè si de Belgii Jansenistis agatur?" Nonne Michaëlem Bajum Lovaniensis Academiae Doctorem, Professorem Publicum & Cancellarium à Pio V. & Gregorio XIII. convictum fuisse de plurimis erroribus in materia *dogmatica* seu doctrinali, ex ipsius Baii Professione à se scripta & signata superiùs ostendimus? Nonne Jansenium *multas ex propositionibus* in Baio damnatis resuscitasse, & magno Ecclesiæ scandalo & Sedis Apostolicæ contemptu *contra damnationes & prohibitiones defendisse*, evicimus verbis ipsius Bullæ Urbani VIII. ? Nonne *in quinque propositionibus* ab Innocentio X. damnatis, esse *condemnatam Augustini Cornelii Jansenii doctrinam*, pariter demonstravimus ex Decreto Innocentii X. id expressis terminis declarantis 23. Aprilis 1653. ? Nonne "quinque illas propositiones ex libro præmemorati Cornelii Jansenii.... excerptas, ac in sensu ab eodem Cornelio Jansenio intento damnatas fuisse, definitum & declaratum " videmus in Bulla Alexandri VII. data 1656., 17. Kal. Novembris? Nonne trigin-

ta & unam propositiones, partim ad moralem partim ad speculatricem Theologiam pertinentes, certè omnes vel fere omnes *dogmaticas* seu doctrinales in Scriptis Theologorum quà Lovaniensium, quà aliorum Belgarum, quà Antonii Arnaldi, qui in hac causa Belgis annumerandus est, exhibitas Romæ supremis fidei Quæstoribus & Consultoribus S. Officii, damnavit Alexander VIII.?

Eruditissime Arioviste, interpellat Venantius, non immeritò Arnaldum Belgis annumeras, quia ex Gallia profugum Belgæ non modò exceperunt tecto, sed etiam foverunt, & librum ejus de Frequenti Communione approbarunt, etiam postquam propositiones complures ex eo excerptæ & ab Alexandro VIII. damnatæ sunt.

Sed quæso te, inquit Ariovistus, ne me hoc loco inturbes. Nonne, inquam, Bajum & Jansenium pridem habuisse & etiamnum habere in Belgio omnium suorum dogmatum præcones ac defensores, suprà luce meridianâ clariùs ostensum est? Accedit quòd olim contra Urbanum VIII. Janseniani Belgæ typis ediderint approbationes datas libro Jansenii à variis Theologis Belgis, Religiosis & Clericis Secularibus, etiam Vicario Hollandiæ Philippeni Archiepiscopo. Et ne quis de approbationum istarum fide dubitaret, autenticari eas jussèrant à *Petro Mintart Notario publico, & Apostolico & Universitatis Lovaniensis*. Earundem approbationum meminit Innocentius X. in Decreto anni 1654. 23. Aprilis, easque ibidem prohibuit & nigro Theta notavit. Propositiones 5. in sensu Jansenii & universam ejus doctrinam, uti & multas propositiones Michaëlis Molinos post Innocentii XI. diploma approbantem dedimus jam aliquoties *Eugenium de Gelder* famosum & nobilissimum Belgam Brugensem. Neque ex his quidquam fugit Doctorem Hennebel, nihil est quod non æque ac forte melius quàm nos exploratum habeat, & tamen nihil hæsitans pergit pro sua sinceritate dicere, "Ego verò ignore, rare me fateor, quod sit illud dogmaticæ punctum, in quo contra prætenso Jansenistas Jesuitæ aut ulli alii triumpharint, maximè si de Belgii Jansenistis agitur."

Hic

Hic Venantius, denuò interlocutus dixit; Verbum *triumphandi*, optimè Arioviste, mihi cogitationem injicit aliquam, quam non possum diutiùs premere. Illud verbum, inquit Ariovistus, P. de Palazol non adhibuit. Scio, illicò Venantius subjungebat; at illud adhibuit Doctor. Hennebellus, puto, quia illud censuit idoneum ad invidiam conflandam non Societati tantum, verum etiam toti Ecclesiæ: non solet Ecclesia de damnatis propositionibus *triumphos* agere, sed traditas fuisse luget, atque unicè cupit, ut omnes errantes in viam redeant, nec quisquam deinceps ab ea declinet.

Nolim ego, inquit Ariovistus, sic singulos verborum apices carpere, præsertim ubi alia graviora sese offerunt. Hoc tamen dico: si tantum velit Dominus Hennebel, ut de profligatis erroribus *triumphi* nec à Jesuitis nec ab aliis agantur, vel si displiceat tantum quod P. Palazol aliquid fortè gloriæ in istis condemnationibus derivare videatur in Societatem, idem Pater Palazol & Rev. Admodum Pater Thyrsus Gonzalez, nomine totius Societatis, libenter omni istiusmodi gloriæ nuntium remittet, modò Dominus Hennebel cum suis, exemplo ipsius Baii fateatur " plurimas ex 79. propositionibus „damnatis à Pio V., Gregorio XIII. & Urbano VIII., „in Scriptis Baii contineri & defendi, etiam in eo sensu in quo reprobantur, atque earum sententiarum damnationem atque prohibitionem jure meritoque ac non „nisi maturo judicio & diligentissimâ disquisitione præmissis factam esse. Fateatur in libro Jansenii, cui titulus Augustinus, multas ex propositionibus à Pio V. & „Gregorio XIII. damnatis contineri, & magno cum Catholicorum scandalo & autoritatis S. Sedis contemptu „contra damnationes & prohibitiones antea latas defendi. „Fateatur Innocentium X. in 5. propositionibus, Augustini Cornelii Jansenii doctrinam rectè damnasse. Fateatur „Alexandrum VII. easdem propositiones ex eodem libro excerptas, ac sensu ab eodem Jansenio intento damnatas fuisse, merito definire ac declarare, & uti tales iterum damnare. " Fateatur propositiones in Michaëlo Molinos ab Innocentio XI., & alias 31. in variis res-

pectivè



pectivè Autoribus ab Alexandro VIII. rectè damnatas fuisse, non secundùm fictitium sed realem sensum, & qui ab aliquibus reipsa traditus fuerit in obvia verborum significatione.

Sed vix audeo, ait Venantius, tale quid ab eo & ejus affectis umquam sperare: nam quamvis clarè edicere palam is non audeat, præsertim Romæ, tamen ex circumstantiis minimè obscurum apparet, hunc esse dicti Hennebelliani sensum, quòd nullum doctrinæ punctum à Jansenio vel ullo ejus in Belgio sequace traditum fuerit sensu hæretico vel erroneo & ut tale rectè à Sede Apostolica damnatum.

Tunc Ariovistus, idem & ego, inquit, jam pridem censui. Quare tu, D. Baccalauree, Romam ad Hennebellum scribe, eumque roga & obtestare, ut clarè ad hoc respondeat, an nostræ hic nos fallat suspicio, & an forte oppositum sentiat: percipimus enim errorem edoceri, si quem subesse contingat; & hoc publicari juverit ad Doctoris illius defendendam famam, quæ apud multos non leviter patitur. Quod si facere detrectaverit, frustra dicit, de 5. propositionibus nullam in Belgio motam fuisse quæstionem. Nam contrarium jam demonstravimus, imò & universas Baii, Jansenii & confœderatorum propositiones, plus quàm in 100 punctis respectivè damnatas, sustineri ac defendi in omnibus sensibus, quibus damnatæ sunt & à nullo Romanæ Communionis Theologo aliàs traditæ.

His nil motus Baccalaureus dixit; Longè aliter loqueremini, si sciretis quis fuerit controversiæ status post Constitutionem Innocentii X. Eia age, inquit Venantius, hunc statum, D. Baccalauree, nobis ediffere. Id equidem malo, reponit Baccalaureus, vos ex Hennebello quàm ex me cognoscere. Sic itaque habet ille Doctor plane eximius; "Suprà à Facultate Lovaniensi auctum, quòd vel in Academia Lovaniensi, vel in Belgio ne mota quidem fuerit quæstio de quinque propositionibus ab Apostolica Sede damnatis. Extra Belgium is verus fuit controversiæ status post Constitutionem Innocentii X.: pars utraque propositiones dam-

nabat:

„nabat: pars una eas Jansenio adscribebat, alia Jansenium benignius interpretabatur: accessit Apostolica „Sedes iis qui in Jansenio eas contineri affirmabant: „quod si sufficiat, ut una pars alteram in materia dogmatica superasse dicatur, Bellarminus defendendo „Epistolas Honorii, Petavius defendendo scripta Theodoreti, tot alii defendendo tria Capitula, quintam, „sextam aliasque Ecclesiæ Synodos generales in materia dogmatica superasse dici poterunt.”

Vix hæc Baccalaureus absolverat, cum Ariovistus exclamat; Hic fallit vel fallitur Doctor tuus Hennebel. Post Constitutionem Innocentii X. dicebant quidem se 5. Jansenii propositiones damnare, non damnabant tamen eo sensu, quo Sedes Apostolica, sed in sensu fictitio, quem sibi ipsi finxerant ad definitiones omnes eludendas. Sensum hunc expresserunt in libello trium columnarum, quem variis linguis ediderunt, & Innocentius X. condemnavit Decreto anni 1654., 23. Aprilis. Paulò ante Constitutionem, qua idem Innocentius X. quinque propositionibus inflixit anathema, eas Theologi isti in libro *de gratia victrice*, à multis confœderatis approbato, profitebantur esse Jansenii, seque eas eodem, quo ab ipso traditæ sunt, sensu defendere, imo omnes Catholicos ad eas defendendas, tamquam inconcussa fidei fundamenta obstringi. Videri hæc & similia illic possunt pag. 10., 16., 18., 21., & 22. Liber is Autorem præ se ferebat *D. Bouliou*, aliàs ut passim creditur, Natalem de Lalane Abbatem B. M. V. de Valle Crescente: approbatores erant Domini Brouffe, Bourgeois, Talendier, Rydeau, Herman, Olonergean. Etiam hic liber ab Innocentio X. eodem Decreto proscriptus est. Idem Dominus de Lalane & ceteri Jansenianæ factionis allegati, in libello trium columnarum ante propositionum condemnationem Innocentio X. pag. 3. declarabant, se 5. illas propositiones, *non in sensu alieno ad quem trahi possent, quique inquit, à nobis respicitur, sed sensu legitimo eas defendere*; quod quid aliud est, quam eas defendere in sensu obvio? Legati isti, ubi causâ Romæ ceciderant, in Galliam reduces sparserunt & inculcarunt sensum suum circa 5. propositiones ad  
nom

non condemnatum fuisse à Pontifice, ut tacitè & permiffivè faltem, fuerit approbatus. Hæc ab eis gesta & sparsa effe notorium est; & si tu, D. Baccalauree, cum Hennebello, vel alio quopiam negare volueris, vos testimoniis luculentis, etiam Jansenistarum, poterimus convincere. Quapropter loquendi normam dein pro circumstantia temporis paululùm immutantes, rem totam retinuerunt. Nam etsi se 5. propositiones damnare significarint, quoties tamen dein gloriati sunt, " se eandem semper circa quinque propositiones doctrinam tenere; quinque propositiones in sensu damnato numquam ab ullo in Ecclesia Theologo traditas fuisse; Jansenianam hæresim nihil effe præter chimeram, nihil umquam à Jansenio præter Sancti Augustini Catholicam doctrinam traditum effe! "

Posthæc Venantius interrogavit Baccalaureum, an Ariovistus uspiam à veritatis tramite aberraret. Et ubi Ariovistus protulerat adhuc aliqua in hujusce rei confirmationem, Venantius sic perrexit; dicat nunc D. Hennebel, an res tota non eodem redeat, sive sequaces Jansenii omnes propositiones damnatas in terminis defendant, sive eas defendant in sensu quo à Sede Apostolica sunt damnatæ, etiamsi profiteantur se eas damnare in sensu fictitio, & prorsus alio, quàm à Sede Apostolica proscriptæ fuerint? Hoc si ad Catholicismum sufficiat; nulla est hæreticorum secta, quæ retentis omnibus suis erroribus, redire cum Ecclesia in gratiam non possit.

Hæc valdè irretitum se sensit Baccalaureus, & nihil aliud dixit quàm; Si talis interpretatio non sufficiat, cur de ea conquesti non sunt illi, qui se eo tempore tam audacter opponerant nostris defensoribus gratiæ? Ariovistus respondit, hac tuâ interrogatiunculâ, D. Baccalauree, mihi revocas in memoriâ ea quæ in hanc rem quadrant maximè & idè prætere non licet. De hac interpretatione, vel potiùs de hac subdola Jansenianorum cavillatione questi sunt Archiepiscopi, Episcopi, Abbates &c. circiter septuaginta in Epistola data Parisiis ad Alexandrum VII. Innocentii X. successorem anno

anno 1658., 2. Septembris." Iisdem artibus, inquit  
 „quibus olim Pelagiani, grassantur novæ sectæ discipuli,  
 „ac præterea ut à capitibus suis fulminis Apostolici amo-  
 „liantur ietum ( licet obfirmato animo 5. propositiones  
 „Janfenio iterum abjudicent ) ad facti quæstionem, in  
 „qua Ecclesiam falli posse docent, controversiam de-  
 „ducere nituntur, ” ut nititur hodiedum Doctor Hen-  
 „nebel. Item Alexander VII. Constitutione ejusdem an-  
 „ni 17. Kal. Novembris ” licet, inquit, ea quæ Apo-  
 „stolicis Constitutionibus abundè fuerunt definita, novæ  
 „decisionis, sive declarationis accessione nequaquam in-  
 „digeant; quia tamen aliqui publicæ tranquillitatis per-  
 „turbatores illa in dubium revocare, vel subdolis in-  
 „terpretationibus labefactare non verentur; ne morbus  
 „ille latius divagetur promptum Apostolicæ autoritatis  
 „remedium censuimus esse non differendum.”

Idem Pontifex, inquit Venantius, in Brevi ad Joan-  
 nem Austriacum Belgii Governatorem anno 1656. 23.  
 Decembris. ” Ne permittas pravas nonnullorum voces  
 „ac doctrinas latius serpere, proseminarique, qui mag-  
 „no cum audientium scandalo ac pernicie damnatas  
 „jam pridem ab hac fidelium omnium Matre ac Ma-  
 „gistra, Cornelii Janfenii Iprensis olim Episcopi senten-  
 „tias, aliò Sanctæ hujus Sedis sensum ac mentem per-  
 „versè trahentes, docere ac propugnare non verentur.  
 „Aded enim palam apertumque est, quid de his proposi-  
 „tionibus Beati Petri Cathedra pronuntiaverit decreverit-  
 „que, ut vel graviter hanc contemnere, vel hujusmo-  
 „di homines seipsos atque alios seducere necesse sit;  
 „quodque ait Propheta, bonum malum, ac malum bo-  
 „num dicere; ponentes tenebras lucem, ac lucem te-  
 „nebras.”

Item.... Siste, doctissime Venanti, inquit Ario-  
 vistus, producta jam sunt satis multa; neque enim opor-  
 tet bonum Baccalaureum ita obruere. Mitius decet cum  
 eo agere, ejusque juvare memoriam. Mitius decet cum  
 eo agere, ejusque juvare memoriam; qua de causa ju-  
 vat jam dicta conferre in pauca, & quasi sub unum as-  
 pectum subjicere. Id quod Ariovistus hoc modo præ-  
 titit.

Hic

Hic ergo videt D. Baccalaureus, primò ex testimonio septuaginta Antistitum, *novæ sectæ discipulos* Constitutione Innocentii X. non fuisse conversos, sed *grassatos in Gallia* *isidem artibus* quibus olim Pelagianos. Deinde videt eas *propositiones* quas ante Bulliam dixerant esse *S. Augustini & Jansenii*, imò *fidei nostræ fundamenta*, jam abjudicari Jansenio, ut, totam Jansenii doctrinam velut à fulmine intactam fingentes, sustineant prorsus eundem quem antè sensum atque doctrinam, modò à formalibus damnatarum propositionum terminis palam & in publico abstineant; *ideoque novæ sectæ discipulos niti controversiam deducere ad questionem facti, in qua Ecclesiam falli posse docent.* Tertiò videt ex irrefragabili testimonio Alexandri VII. extitisse post Constitutionem Innocentii X. "aliquos publicæ tranquillitatis perturbatores, qui ea, quæ definita fuerant, in dubium revocare vel subdolis interpretationibus labefactare non sunt veriti." Videt quartò ex ejusdem Pontificis testimonio allegato abs te, Venanti, sive ex Brevi ad Joannem Austriacum, tunc Belgii Governatorem, "aliquos illic non esse veritos magnò cum audientium scandalo ac perniciæ docere ac propugnare damnatas jam pridem sententias."

Hæc Anacephalæosi finitâ, Venantius in medium protulit quæ paulò ante proferre inchoaverat; Item, inquebat, eodem anno 1656. Theologia Parisiensis post duorum mensium examen in Comitibus generalibus ad Sorbonam congregatis die ultima Januarii solenni sententiâ declaravit, hanc Antonii Arnaldi propositionem excerptam ex ejus Epistola secunda ad Ducem & Patrem Franciæ, "defuit Petro tentato gratia sine qua, nihil poterat, esse temerariam, impiam, blasphemam, anathemate damnatam & hæreticam," nempe juxta Tridentinum & definitionem Innocentii X. atque Alexandri VII. contra propositionem primam & tertiam Jansenii. Hortata sæpè est Facultas Theologica Antonium Arnaldum, ut errorem retractaret, sed frustra, ut patet ex ejusdem Facultatis Decreto in quo sic habetur: "Optaret sanè, & ex animo optaret Sacra Facultas, prædi-

cti

„Eti Magistri Antonii Arnaldi damnatâ doctrinâ  
 „personam servari, & eam in rem sapè ipsum per ami-  
 „cos hortata est, ut veniret ad Comitia, Matri se subji-  
 „ceret, ejuraretque falsam ac pestilentem doctrinam,  
 „idem cum ea sentiret, & unanimis atque uno cum eâ  
 „corde & ore honorificaret Deum & Patrem Domini  
 „Nostri Jesu Christi: verùm non modò amantissimâ  
 „Parentis suæ consilia & hortamenta contempsit, sed  
 „etiam die 27. præsentis mensis per Apparitorem Regium  
 „eidem Facultati significavit, se pro nihilo ac nullo  
 „habere, quidquid ipsa in presenti egisset, acturaque  
 „esset: quare eadem Facultas ipsum à sinu suo repellen-  
 „dum, expungendumque ex albo Doctorum suorum, at-  
 „que à corpore suo plane rescandum censuit, & ipso  
 „facto repulsum, expunctum, rescandumque declarat,  
 „nisi intra diem 15. mensis Februarii proximè sequen-  
 „tis, mentem suam mutaverit, & huic prædictæ censuræ  
 „subscripserit coram Domino Decano, Illustrissimis  
 „Episcopis, Doctoribus, & prædictis Deputatis.”

Tantum verò absuit, ut Arnaldus, mentem mutaret, ut  
 eam scriptis variis contra Facultatis Decretum propug-  
 narit. Ex his scriptis aliquot atque ipsam Epistolam ad Du-  
 cem & Parem Franciæ condemnavit Apostolica Sedes.

Tandem Arnaldus tum propter Doctrinam, tum  
 propter conventicula à Rege aliquoties reprehensus, se-  
 mel etiam Parisiis pulsus, cum se in Galliis non satis  
 tutum videret, ut aliàs indicavimus, in Belgium profu-  
 gere coactus est, sat certus, quantus illic sibi honor à  
 totâ factione habendus esset. Hæc Baccalaureus, inquit  
 Ariovistus, melius explorata habet quàm nosmetipsi,  
 possetque nobis, si vellet, alia arcana cum omnibus  
 suis adjunctis patefacere. Atque idcirco dubito, an hic  
 debeam ipsi vel per transennam significare, quòd dam-  
 natas Jansenii propositiones in sensu obvio, licet voci-  
 bus paululùm immutatis, multi in Belgio tradiderint,  
 & contemptis vel illius Pontificum Constitutionibus au-  
 daacter propugnarint. Porro Baccalaureus quæsit, un-  
 de id constaret.

Ex propositionibus, respondit Ariovistus, collectis à P.  
 Duffio,



Duffio, ab Eminentissimo Cardinale de Aguirre, ab Autore speciminum doctrinæ ex Academia Lovanienſi per Belgium manantis. Mitto jam propoſitiones diſſeminatas, aliaque hujusmodi. Et verò, ſubdit Venantius, ſupervacaneum foret plura congerere, quia ex his ſatis ſuperque manifeſtum eſt, *ſtatum controverſiarum, qui poſt Innocentii X. Conſtitutionem in Belgio & extra Belgium fuit*, à Domino Hennebello non ſincerè declarari; quaſi verò in Belgio nihil prorſus *Jansenianarum* propoſitionum traditum fuiſſet; ſed religioſiſſimè obſervatæ defini- tionis Pontificis: ſimiliter & in Gallia, niſi quòd fateatur aliquos illic negaſſe, quòd 5. propoſitiones eſſent Janſenii.

At leviffimi momenti, ait Baccalaureus, eſt iſta negatio. Neque enim gravior ea reputanda eſt, quàm quòd Cardinalis Bellarminus neget propoſitiones hæreticas contineri Epistoſis Honorii. Ita quidem, inſit Venantius, fert Hennebelli ſententia, ſed quæ à nullo probè Catholico admitti poteſt. Quidni? rogat Baccalaureus. Quia, Venantius reſpondet, hîc multiplex eſt ac varia ratio diſcriminis; prima quidem eſt, quòd nulla umquam propoſitio ex Epistoſis Honorii excerpta ſit, quæ declararetur hæretica. Altera quòd nunquam declaratum fuit ullam talem propoſitionem ex Epistoſis illis excerptam eſſe, aut in illis contineri, id quod utrumque de libro, cui titulus eſt Auguſtinus Cornelii Janſenii, definitum ac declaratum eſt ab Alexandro VII. Pontifice. Tertia denique diſcriminis ratio eſt, quòd & propoſitiones quinque à duobus Pontificibus damnatæ in libro Janſenii ad oculum demonſtrentur à Catholicis paſſim Scriptoribus, atque imprimis ab Eminentiffimo Theologo & Cardinale de Aguirre, quem cum ubique appellet D. Hennebellus cum ſociis, non poteſt habere ſuſpectum in deſenſione Cathedræ S. Petri diſp. 21., ubi ex profeſſo propoſitiones ſingulas in Janſenio oſtendit, & dein in ejus ſequacibus Belgis, ac præcipuè Lovanienſibus. Nullus autem hætenus ullam propoſitionem hæreticam, vel per umbram quidem, in Honorii Epistoſis detexit, aut de ulla ejus propoſitione, tamquam hæretica, movit quæſtionem.

Tum

Tum Baccalaureus dixit; Papa Honorius in Synodo sexta declaratus fuit hæreticus. Hac de re, reponit Venantius, eruditi disceptant, & scinduntur studia in contraria; nam alii ajunt, alii negant. Verum suppositâ, inquit Bellarminus libro 4. de Roman. Pontif. cap. 11. & non concessâ affirmationis veritate" tutò dicere possumus eos Patres deceptos fuisse ex falsis rumoribus & non intellectis Honorii Epistolis, immeritò cum hæreticis connumerasse Honorium." Quid enim mirum est Synodum illam, utpote Græcorum, non intellexisse Epistolas Honorii Latinas? Has quidem aliquis idioma Latinum callens, in Græcum transtulit, sed quàm facile fieri potuit, ut defectus aliquis, sive errore sive non bonâ fide, in versionem irreperet! Sic damnatâ à Clemente IX. Novi Testamenti versione Montensi, non propterea damnatum est Testamentum Novum: & etiamsi versio illa errores in fide contineret, non propterea errorem complecteretur Novum Testamentum. Fuitne autem etiam Jansenius conscriptus in aliquo idiomate quod à Consultoribus S. Officii, à Cardinalibus & Sede Apostolica non posset intelligi? Fuitne aliqua solùm translatio eaque fortè infidelis, an non potius textus ipsè proprius ac genuinus ostensus?

Sed in gratiam D. Baccalaurei, inquit Ariovistus, hæc sunt magis enucleanda. In hypothese quòd Honorius Pontifex in ista Synodo reipsa damnatus fuerit, verissimum est rem ita contigisse: Græci plurimi minùs benè volebant Romanis Pontificibus, molestè ferebant quòd multi suorum Patriarcharum de hæresi convicti essent atque damnati. Opportunam igitur contra Romanum Pontificem captarunt occasionem ex multorum contra Honorium murmurationibus, quòd non satis fortiter causam fidei contra Monothelitas ageret, sed nimiam suâ erga eos benignitatem & quasi dissimulationem illam hæresim fovere videretur. Accedebant Honorii ad Sergium Monothelitam litteræ, in quibus nullum quidem occurrebat dogma, quod in sensu obvio non esset Catholicum; sed erant tamen compellationes quædam officiosæ & Sergio perhonorificæ. Ex his compellationibus

nibus & quibusdam factis aliis, quorum fama inter adversarios maximè, solet eundo crescere, Græci collegerunt Honorium subdolè colludere Sergio & ejus sequacibus, totamque doctrinam Monothelicam approbare, licet interim nullam propositionem scriberet, quæ carpi posset ut hæretica. Porro compellationes, quas verisimiliter suspicionem auxisse dicebam, hæc erant, *Deus te incolumem custodiat, dilectissime atque sanctissime Frater*. Hos titulos non satis Græci intellexerunt vel intelligere noluerunt esse mera urbanitatis officia, sed crediderunt esse approbationem morum atque doctrinæ. Ita ferè cum aliis Bellarminus.

Ad hanc narrationem Baccalaureus risum non tenuit, quare etiam oratione edixit sibi splenem potius quàm stomachum moveri. Quid enim? inquiebat; hoc passi fuerint Legati Pontificii qui Synodo Græcorum intererant? Hinc non reclamaverint? Hi tam ferale fulmen in Pontificis sui caput librari permiserint? Credite posteri. Ad objectionem illam, inquit Ariovistus, jam pridem respondit Cardinalis Bellarminus, aiens; " Respondeo, id factum esse ad evitandum majus malum. Verebatur autem Legati, si reclamarent, ne impediretur definitio rectæ fidei, & non posset tolli schisma quod annis 60. jam duraverat. Nam damnabantur in eo Concilio Patriarchæ multi Constantinopolitani, Alexandrini & Anthiocheni, quorum successores non facile acquievisset, nisi etiam Honorius damnaretur."

Hæc responsio, subnectit Venantius, recantata est centies in opusculis illis, quæ contra vos elaborata sunt quàm plurima. Et tamen hanc D. Baccalaureus ignorat, aut ignorare se simulat? Quem ego.... sed ex dictis præstat elicere conclusiunculam adversus Hennebellum: Non ergo sequitur; ut Synodus sexta erraverit in excerptenda aliqua propositione, vel notandâ eâ tamquam hæreticâ in sensu obvio libri; neque adèò potest Doctor Hennebel hinc inferre, non esse rem magni momenti, quòd aliqui propositiones 5. damnatas Jansenio abjudicent, ac librum ejus defendant, quasi nihil præter doctrinam sanam contineret.

Con-

Conclusio illa, inquit Ariovistus, legitima est. Et verò quid judicaret D. Hennebel de eo qui omnibus S. Augustini libris non unam propositionem diceret contineri orthodoxam? Quid de eo qui assereret Canones omnes ac Decreta Tridentini scaterè hæresibus? Quid de eo qui libros Calvinii affirmaret apprimè Catholicos, nec ullum continere fidei errorem? An qui talia effutirent ac sustinerent, non censendi essent errare in ullo *puncto dogmatico*? Diceretne etiam D. Hennebel, quando tales de tam multiplici falsitate convincerentur, „Ego verò ignorare me fateor, quod sit illud dogmaticæ punctum in quo prætensi Calvinistæ erraverint? Et” quod si sufficiat ut una pars alteram in materia dogmatica superare dicatur, Bellarminus defendendo Epistolas Honorii, Petavius defendendo scripta Theodoretii, tot alii defendendo tria capitula, quintam, sextam, aliasque Ecclesiæ Synodos Generales in materia dogmatica superasse dici poterunt? Talibus assertionibus similis est illa, quæ dicitur liber, cui titulus *Augustinus Cornelii Jansenii*, nihil continere erroris condemnati & hæretici. Extant enim in eo evidenter propositiones multæ damnatæ à Pio V. & Gregorio XIII. teste Urbano VIII.: ostenduntur, in ea propositiones 5. damnatæ ab Innocentio X. & Alexandro VII.; ac præterea complures ex 31. proscriptis ab Alexandro VIII.; ita ut parati simus digito commonstrare, in Jansenio plures, quàm 50. articulos condemnatos.

Imo, subdit Venantius, in hoc dici potest melioris fortis esse *Institutio Calvinii*, quàm *Augustinus Jansenii*, quòd, propositiones ex Calvinii *Institutione* excerptæ numquam tam expressè declaratæ sint, excerptæ ex illo libro & in ejus sensu damnatæ, ut declaratum est de 5. propositionibus Augustini Jansenii. Nil tale est in Honorii Pontificis Epistolis, in quibus nullus unquam propositionem ullam hæreticam, vel aliter damnatam detexit, neque contineri declaravit ullum Concilium nec Pontifex ullus. At verò satis oculati & perspicaces sunt illi, quorum D. Hennebel patrocinium suscepit; satis vident in Jansenii Augustino plurimas revera damnatas propositiones clarissimè existere: sed ut possint tales impunè defendere

eodem quo Jansenius sensu, videntes non vident, & audientes non intelligunt. Simulant se nullam in libro isto propositionem damnatam conspiceret, ut universam libri doctrinam, tamquam Catholicam ruerent; definitiones Pontificias in sensum detorquent imaginarium; atque ita eas omni prorsus frustrantur effectu. Id quod & priscis hæreticis in more positum fuit.

Hic Baccalaureus Ariovistum contuebatur gorgoneis oculis, ad quod cum animum advertisset Venantius; Quid, inquit, D. Baccalauree, Ariovistum ita contueris? Indignare etiam Eminentissimo Cardinali de Aguirre, qui hoc ipsum jam pridem sapientissimè observavit, nos monens eandem hanc Jansenistarum & Bajanorum cavillationem fuisse etiam veterum hæreticorum, in defensione Cathedræ S. Petri disp. 20. sect. 3. "Id, inquit, nunc obiter monere placet, veteres hæreticos similes in gratiam suorum anteambulatorum exceptiones aut evasiones excogitasse. Eusebius enim Nicomedienis & Theognes Episcopus Nicænus Arii damnationem criminabantur, quasi ille solis vocibus, non sensu declinasset ab Ecclesiæ doctrina. De Marcello Ancyra Episcopo certante verbis & sensu, inquit Hieronymus in Catalogo; ILLE SE DEFENDIT, NON ESSE EJUS DOGMATIS CUJUS ACCUSABATUR. Et de Priscilliano ait; DEFENDUNT QUIDAM NON ITA EUM SENSISSE, UT ARGUITUR. Eodem modo Joannem Hierosolymitanum errores suos fucare solitum, monent multi ex Scriptoribus. De Wicleffo res notior est, idèdque Gregorius XI. Papa ejus conclusiones & propositiones damnavit sub hac adjecta clausula; LICET EAS PROPOSITIONES QUADAM VERBORUM SEU TERMINORUM CURIOSA EXPLICATIONE CONETUR DEFENDERE." Hæc Cardinalis ille. An si hic adesset, cum, D. Baccalauree, similibus oculis intuereris?

Ne jocemur, inquit Ariovistus, & antequam Parochus interveniat, respondeamus ad id quod Doctor Hennebellus objicit de Theodoret. Discrepantia igitur in eo est, quod nulla Theodoret propo-  
 sitio ut hæretica damnata sit, aut declarata, esse ipsius ut declaratum est de propositionibus

tionibus ex libro Jansenii excerptis. Porro Theodoretus malè intellexerat scripta S. Cyrilli, mentem fortè ei offuscante odio, quo in Cyrillum propter damnatum ab eo Joannem Anthiochenum flagrabat. Idè ipse in Cyrillum, tamquam Arianum & Apollinaristam, styli aciem multo tinctam felle distinxit, effusus longè latèque in laudes Theodori Mopsuesteni, cui à Synodo V. anathema dictum est. Propter hanc causam scripta Theodreti, non autem propter hæresim, ab eadem V. Synodo condemnata sunt.

Restant, inquit Venantius, Tria Capitula, quæ hîc ab Hennebello pariter audivimus objici. Sed quinam sunt illi alii, qui *Tria Capitula defendunt*? Id non exprimit Doctor Hennebel, inquit Ariovistus. Sed ejus Confederati in famosis ad Belgii Episcopos Supplicationibus designabant *Synodum Calchedonensem*, eam opposcentes V. Synodo quæ Capitula ista condemnavit. Verùm hæc ipsa V. Synodus Calchedonensem ab eâ calumnia vindicat, dicens; "Non aliter passi sunt Patres (Calchedonenses) prædictum Ibam suscipere, priusquam exegissent eum (Nestorium) & impia ejus dogmata quæ, in Epistola vindicabantur, anathematizare. . . . Si igitur Ibam non alio modo suscipere sustinuissent, nisi impietatem, quæ in Epistola continetur, condemnasset, & subscripsisset definitioni quæ pro fide à S. Concilio data est; quomodo conantur dicere susceptam, esse impiam Epistolam ab eo Concilio?" Addit Christianus Lupus Doctor Lovaniensis ex Ordine Eremitarum S. Augustini, auctoritatem Concilii universalis in Calchedonensi finem habuisse Act. 6. Epistola verò illa approbata fuisset tantum Act. 9. & 10. Denique auctarii loco accipiat D. Hennebel, quòd non videatur modus aptior ad tollendum de Ecclesia nescium falli Judicem controversiarum, & fidem omnem subvertendam, quàm assertio negans Ecclesiam esse falli nesciam in definiendo sensu obvio hæretico vel Catholico libri, epistolæ, vel propositionis.

Tum Venantius dixit; Admodum liberalis es, Arioviste. Ego autem nolim tibi liberalitate cedere; quare



ad magis refellendum id quod Doctor Hennebellus tradit, nihil prorsus Jansenismi reliquum fuisse in Belgio post Constitutionem Innocentii X., adjungam quoque quod Cardinalis de Aguirre in fine sectionis antè citatæ pronuntiat. " Ne autem, inquit, vel apparens effugium in hac parte supersit adversariis. ostendamus nunc breviter, quomodo 5. illæ propositiones damnatæ verè extent in libri Jansenii, è quibus pauca solùm libabimus, quæ sufficient ad rem demonstrandam, relictis innumeris aliis, videndis apud ipsum. Ostendemus etiam, quomodo multi è Belgis, præsertim Lovanien-sibus, tum post Bullam Innocentii, tum post Decretum Alexandri VII. easdem omnino Jansenii propositiones fulguritas instaurasse, aut ab orco revocasse videantur. Id autem præstabitur disputatione sequenti." Quod more suo præstitit solidissimè & luculenter. Insignis ille locus est, subdit Ariovistus, & qui D. Baccalaureo pariter ac Hennebello os obturet.

Consimiliter in Gallia, prosequatur Ariovistus, malum non in solo Arnaldo & paucis ejus sociis, etiam post Innocentii X. Constitutionem hæsit, ut colligitur ex Decreto Sorbonico contra memoratam superiùs Arnaldi doctrinam. " Ne longiùs, inquit Facultas Theologica, serpat superior illa Arnaldi doctrina, quasi lues, quæ jam multorum animos occupavit; eadem Sacra Facultas decernit, neminem posthac aut è Doctoribus, ad comitia & alia quælibet jura ad ipsam pertinentia, aut è Baccalaureis ad ullos Actus Theologicos, sive ad disputandum sive ad argumentandum admissum iri; nisi antè huic quoque censuræ subscripserit: atque etiam, si quis superiora illa Arnaldi probare, asserere, docere, prædicare, scribere sit ausus, cum ab eadem Facultate prorsus repellendum esse. Decrevit insuper hanc censuram prælo mandandam & publicandam esse, ut omnes intelligant, quantum eadem Facultas pestilentem & exitialem illam doctrinam execretur ac detestetur."

Tandem, inquit Venantius, ut D. Baccalaureus cum suo Hennebello desinat perniciosissimam libri Jansenii defensionem ad innocuam defensionem Epistolarum

Ho-

Honorii æquiparare, sciendum est quòd non sola Facultas Theologica Sorbonæ sententiam Arnaldi, abjudicantem Jansenio 5. propositiones damnatas, declaraverit "temerariam, scandalosam, injuriosam Summo Pontifici & Episcopis Galliæ, atque etiam præbere occasionem revocandæ ex integro, post damnationem, Jansenii doctrinæ;" verùm etiam Alexander VII. omnes ejusdem sententiæ assertores vocet *Filios iniquitatis* Constitut. *Ad Sacram*. Et in Brevis Apostolico ad Vicarios Cardinalis de Rets Archiepiscopi Parisiensis anno 1661., 1. Augusti, qui in quodam Edicto indicaverant, quasi tempore Innocentii X. tantùm examinatæ fuissent 5. propositiones secundùm se, non autem an excerptæ essent ex libro Jansenii, hanc eis Alexander Pontifex reprehensionem scripsit: "Cum adeò falsum patensque mendacium in re tali asserere minimè veriti sitis; ubique malorum zizaniorum in agro Dominico seminatores, Ecclesiæ Catholicæ perturbatores, & quod in vobis est, Autores turpissimi schismatis esse deprehendimini;... protervia in vobis dignoscitur, cavillationibus subdolis & circuitibus obviam eundi Ecclesiæ definitionibus &c." Cavillationibus his & circuitibus fovendis apprimè servit illa Doctoris Hennebel excusatio, quasi tales non magis *obviam eant* seu opponantur Ecclesiæ definitionibus, quàm qui Honorii Pontificis dogmata in epistolis ejus expressa propugnant. Verùm etiam aliò, ait Ariovistus, videtur hîc Hennebellus iterum in istis cavillationibus collimare. Quò? rogat Venantius. Eò, Ariovistus respondet, ut suam ad Mechliniensem Archiepiscopum Epistolam, à S. Congregatione *improbatam* restauret.

Et dum hoc probare pluribus Ariovistus parabat, ecce adest expectatus Parochus quasi tertius è cœlo Cato. Summâ comitate exceptus est ab omnibus, atque imprimis à Venantio, cujus in villam venerat.

Et ne hisce enarrandis tempus consumam, pransi omnes, & modicâ per hortum deambulatione recreati, adjecerunt animum ad disputandum. Ante omnia quid hæcenus rerum gestum esset, summatim Parocho expositum fuit.

O 4

1

Tum

Hic ergo videtur  
 r. septuaginta  
 ratione Innocen  
 tian Gallia  
 Denique videt ear  
 esse *S. Augustini*  
 jam abjudicari  
 velut à fulmine  
 eundem quem au  
 à formalibus dam  
 lam & in publico  
*his nisi controversiam*  
*Ecclesiam falsi posse*  
 timonio Alexandri  
 Innocenti X. " ab  
 ..batores, qui ea, qu  
 ..care vel subdolis  
 ..lunt veriti. " Vides  
 monio allegato abs  
 nem Austriacum,  
 ..quos illic non esse  
 ..ferendo ac perit  
 ..tam pridem sentent

Hic Anacephalix  
 tuit quæ paulò an  
 quibat, eodem an  
 duorum mentium  
 Sordanam congregat  
 tentià declaravit, ha  
 excerptam ex eius  
 rem Franciæ, " de  
 ..nihil poterat, esse  
 ..anathemate damna  
 Tridentinum & def  
 andri VII. contra pr  
 senu. Hortata sæpè  
 Arnaldum, ut errorem  
 ex ejusdem Facultati  
 ..tare: sanè, & ex an

defensioneque egeat : nam alioquin verba inutiliter perdere non soleo. Hœnesta oratio, ait Parochus.

Ariovistus reposuit; Interea negare non potest Doctor Hennebel 1. quod 31. propositiones damnatæ ab Alexandro VIII. *Tamquam temerariæ, scandalosæ, male sonantes, injuriosæ, hæresi proximæ, hæresim sapientes, erroneæ, schismaticæ & hæreticæ respectivè*, fuerint ante condemnationem traditæ ab aliquibus Autoribus : constat enim fuisse exhibitæ S. Congregationi, antequam hæc ad censuram progressa sit.

2. Negare non potest quod omnes, saltem exceptâ 24. de qua disputatur, traditæ sint à suis Autoribus in sensu obvio. Si neget, postulo unam exhiberi, quæ vel non tradita sit, vel tradita sit alio sensu quàm obvio.

3. Negare non potest propositiones illas esse in sensu obvio condemnatas.

4. Negare non potest, quod Hilarius à S. Sepulcro singulis propositionibus determinatos Autores assignet, citatis fideliter locis & verbis Autorum, qui omnes Theologi Belgii sunt, vel in Belgio habitarunt; excepto fortè Autore unius propositionis vigesimæ primæ, qui nomen suum in libro, undè excerpta est, celare voluit.

5. Negare non potest quod pleræque ad Rigorissimum pertineant, nempe tres primæ, ac dein à 7. usque ad 25. inclusivè.

6. Negare Doctor Hennebel non potest, quod liber Arnaldi de *Frequenti Communione*, ex quo variæ propositiones inter damnatas excerptæ sunt, etiamnum summo in pretio sit apud socios suos & sequaces; & quod varii nuper libelli scripti ac toto Belgio disseminati fuerint contra Archiepiscopi Mechliniensis Decretum, quia librum illum prohibebat.

7. Non negabit quod liber Gumhari Huygens, cui titulus *Methodus remittendi & retinendi peccata*, tamquam continens rigorem intolerabilem, damnatus sit ab Inquisitione Toletana; & non ita pridem prohibitus ab Archiepiscopo Mechliniensi, carus nihilominus toti novæ parti sit; adedò ut cum tangere sit tangere pupillam oculi,

oculi, undè tot querelæ exortæ sunt contra Inquisitionis & Archiepiscopi Mechliniensis Decreta.

8. Non negabit librum Ægidii Gabrielis Licentiatii Lovaniensis, cui titulus *Specimina doctrinæ Moralis Christianæ & diabolicæ*, Romæ bis damnatum esse; in illo autem longè communio rem confessariorum praxim in administrando Sacramento Pœnitentiæ & permittenda pœnitentibus S. Communione, referri ad Moralem diabolicam. Nonnullæ ex libri hujus propositionibus satis apertè continentur inter 31. damnatas ab Alexandro VIII.

9. Negare non potest, varios libellos typis editos & toto Belgio distractos fuisse, quibus idem Decretum Alexandri VIII. ex professio impugnatur. Atque horum librorum non fautores modò, sed etiam Autores in Belgio degere, heri satis evidentè probavimus.

10. Non potest Doctor Hennebel inficiari, quòd rigidioris Ethicæ Theologi in Belgio docuerint, nullam probabilitatem quantumvis magnam sufficere, ut quis sequatur sententiam minùs tutam; nullam ignorantiam in jure naturæ excusare, etiamsi qui ignorat, careat auxilio, quò possit ignorantiam pellere.

11. Non negabit Hennebellus librum, cui titulus *Notæ breves & modestæ in propositiones ab Alexandro VIII. damnatas*, esse in Belgio editum, atque in eo ad propositionem 25. sustineri, quòd licet condemnentur dicentes, *Nefas esse Dei Patris simulacrum Christiano in templo collocare*; nihilominus collocare non expediat.

12. Negare non potest quòd notæ istæ *Breves ac Modestæ*, quascumque propositiones attingunt, ita illas interpretentur, ut nullus earum sensus, in quo antecensuram traditæ fuerant, sit damnatus; adeòque omnis sustineri etiamnum possit.

13. Neque potest inficiari de 30. propositione, ubi agitur *De tenenda & docenda Augustini doctrina non respiciendo ad ullam Pontificis Bullam*, Antverpiæ post propositionis hujus ex Macario Havermans excerptæ condemnationem, fuisse defensam hanc appendicem ad Theses anno 1691. die 17. & 18. Julii: *Fateor, totidem verba*

*verba habet Havermans; doctrinam tamen in illis damnatam non habet.*

Denique velim Hennebellus proferat vel unum, qui post Decretum Alexandri VIII. docuerit oppositum ei, quod tradiderat, vel à Magistris suis doctus fuerat circa propositiones illas ante condemnationem.

Quoad contritionem edicat nobis, an ullus suorum contentus sit dolore appetitativè summo, si non sit etiam intensivè. Item an ullus suorum ad attritionem pro Sacramentis mortuorum sufficientem, non requirat amorem benevolentiae appetitativè summum. Locos ad manum habeo, ubi aiunt ad contritionem requiri dolorem non tantum appetitativè summum, sed etiam intensivè; ad attritionem autem requiri saltem appetitativè summum dolorem ex amore benevolentiae super omnia.

Ego certè, inquit Parochus, ista requiro, & mecum requirunt omnes qui laxitates exosi sunt. Cur igitur, ait Arioivstus, Hennebellus simulat talia sibi videri adeò peregrina? Saltem, addit Venantius, minimè peregrina Domino Hennebel sunt ea quæ Collectores *propositionum per Belgium disseminatarum* S. Congregationi denuntiant totâ pag. 126., 127., 128., 130. de *negatione & dilatione absolutionis*: sunt enim omnia ex libris, Thesibus, Dictatis Lovaniensibus extracta. Quid de illis propositionibus sentiendum sit, speramus fore ut Sedes Apostolica nos aliquando edoceat. Interea diffiteri non potest D. Hennebel, propositiones illas esse contra sensum & praxim Ecclesiæ hoc tempore longè communiorem.

Amicissime Venanti, inquit Parochus, ah quàm bene adjungis *hoc tempore*! Quo dicto, manus complicans, cœlum suspexit, & altum ingemuit, usurpans illud Thren.

*4. Quomodo obscuratum est aurum, mutatus est color optimus, dispersi sunt lapides Sanctuarii in capite omnium platearum?*

Hoc defensionis genus non admodum ardebat Baccalaureo, qui veritus ne ex hoc dicto difficultas alia enascetur, statim dixit; Profitetur Hennebellus se suosque per omnia de differenda absolutione sentire cum Eminent. Cardinale de Aguirre.

Tum



Tum Venantius; hoc quidem Hennebellus ait, sed non probat. Et verò quis hæreticus non dicat se per omnia sentire cum Sacra Scriptura? Plerique etiam jactant se sentire cum S. Augustino. Ideòne ipsis, præsertim sine ulla probatione id asserentibus, credendum est? Audi Calvinum initio libri de æterna Dei prædestinatione: *Augustinus ipse totus noster est, ut si mihi confessio scribenda sit, ex ejus scriptis contextam proferre abundè mihi sufficiat. .... constabit quòd solidè omni ex parte mihi suffragetur.*

Sic etiam Lutherus, subdit Venantius, ait; *Augustinus meus totus est.* Sic etiam Augustini autoritate sperabat Wicleffus facillè se depulsurum notam omnem novitatis. Extat ejus apud Waldensem vox confidentiæ plena; *A modernis dissentio, sed cum multis Sanctis antiquis, & specialiter Augustino convenio.* Eundem Waldensis exhibet vociferantem & strepentem sæpè; *Sic habet Augustinus, ut doceo: sic lex Papalis & Concilia. Quomodo ergo adversa mihi docentes, & tenentes non sunt hæretici capitales?* Sic magnum Athanasii nomen sonabant altissimè Nestoriani, præcipuè ubi Apollinarii hæresim extremè contrariam Nestorianæ confutaverat. Quamquam quid necesse est singulos commemorem? Satis certi sumus, D. Baccalauree, vestrorum hominum propositiones 16. 17. & 18. quæ sunt de differenda absolutione inter 31. damnatas ab Alexandro VIII., nullâ ratione approbari, aut approbandas unquam ab Eminentissimo Cardinale. Neque approbabit omnes recentius denuntiatas in jam sæpiùs allegato libro, cui titulus *Propositiones per Belgium disseminatæ.* Videri illic possunt paginæ antea citatæ.

Quidquid sit, inquit Parochus; quem vos jam nominastis Cardinalem, is non improbat certè has propositiones quas ab aliquo Lovaniensi collectas accepi ad meam institutionem. His dictis, bonus Parochus extraxit commentariolum cum conspiciis, cœpitque legere sequentes propositiones.

„ Ratio & experientia persuadent communiter dispositos non venire primâ vice, qui peccatum aliquod mortale

„mortale confitentur.” Joannes Opstraet Licentius Lovaniensis in Pastore Bono anno 1689. pag. 264.

Hic liber, adjiciebat Parochus, est planè insignis omnibusque animarum Pastoribus unicè necessarius. Quamobrem ego nullum intermitto diem, quin ex eo legam unum bonum punctum. Et idem ut faceret, commendavi meo Capellano. Librum istum, inquit Venantius, satis novi. Perge modò propositiones recitare. Frendebaturque Baccalaureus de illa Parochi simplicitate; non ausus tamen palam sese opponere, nisi edendo gestum aliquem quem, cum Parochus non inteligeret, sic pergebat.

„ Qui infirmitatè, casu prorsus extraordinario, & tentatione insolitè in crimen labitur, vitæ alioquin probatæ & Christianæ, etsi hujus frequentior, facilior & brevior solet esse conversio; non tamen mox & uno, alterove aut tertio post peccatum die absolutio impenda est.” Idem Opstraet in Thesibus Mechliniæ in Seminario Archiepiscopali anno 1690., 26. Januarii.

„ Qui cum criminibus exercitia spiritualia ingressi sunt, ne post 8. vel 10. dierum secessum, etsi à novis criminibus abstineant, credant se satis probatos, ut absolutionem accipiant.” Idem Lovanii postquam ex Seminario Archiepiscopali tam iniquè dimissus est anno 1692. in Theologo Christiano pag. 45.

„ Qui non verbis solùm, sed operibus ostendunt seriò se agere, & ad totalem emendationem plane conniti: ut si V. G. occasiones fugiant, media à Confessario præscripta adhibeant, nihilominus tamen, quæ hominum est infirmitas, in eadem relabuntur, absolvi non possunt.” Idem in Pastore Bono pag. 206.

„ Neque obstat quòd relabantur solùm ex infirmitate; undecumque relabuntur, relabuntur tamen: ideòque absolvi non possunt.” Idem in Thesibus Mechliniæ anno 1690., 26. Januarii.”

Lapsus ex infirmitate tunc tandem absolves, cum „per amorem Dei prædominantem peccata infirmitatis, superaverit ac dimiserit.” Ibidem.

Hic Ariovistus rupit silentium. Ergo, inferebat, omnes

nes quia à D. Opstract, D. Parocho & similibus Confessariis absoluti semel sunt, certi sunt se nunquam relapsuros, sive non habent quod *formident*, ne unquam relabantur. Nunquid itaque absolutio differenda passim videbitur usque ad ultimum vitæ momentum? Nam ante illud non apparet, quandonam satis cautum sit homini in hoc vitæ curriculo, nisi in gratia confirmatus sit, ut *formidare* non possit de se, vel Confessarius de poenitente, ne unquam relabatur: portamus enim thesaurum in vasis fictilibus. Propterea, inquit Parochus, rarius ego absolutionis beneficium impendo. Sed progrediamur in propositionum relatione, & tunc judicate.

„ Ratio differendi absolutionem, donec proportionata delictis poenitentia peracta sit, est, quia sanatio spiritualis peccatoris de lege ordinaria non minori tempore indiget, quàm corporalis, imò majori.” Ægidius Gabrielis Licentiatius Lovaniensis in specimine Moralis Christianæ &c. Bruxellis anno 1675. pag. 131.

„ Hæc objectio, quid si moreretur non absolutus, vana & frivola est. Vel enim peccator efficaciter intendit converti, vel non. Si efficaciter intendit converti, poenitentiam implebit; & si moriatur ante absolutionem, solâ voluntate efficaci conversionis salvabitur. Si non intendit, absolutio illi oberit; quia ad illam non est dispositus: sicque addit peccatis suis sacrilegium ad majorem sui damnationem.” Idem pag. 144.

Hæc opinio, inquit Ariovistus Venantio in aurem insusurrans, est D. Pastori valdè commoda. Interim Parochus prosequebatur.

„ Provocamus P. (Marcum Carmelitam excalceatum) ut vel unum exemplum ostendat, Ecclesiam tempore Veterum Patrum permisisse, ut eidem personæ, ter absolutio impertiretur. Contrà satis probari potest, fuisse tempus, quo aliquibus peccatis, quibus Christiani se contaminare etiamnum audent, numquam absolutionem concesserit. Ab aliis delictis gravibus tantum semel absolvi poterat, ita ut peccator post primam poenitentiam recidens, moreretur extra Ecclesiam excommunicatus, sine absolutione, sine communione.” Ægi-

Ægidius de Witte in libro cui titulus *Aurea Fodina suffossa*, impressa Lovanii cum approbatione anno 1688. pag. 32.

„Inter illa peccata quæ non remittebantur (ne quis de peccatis istis gravibus tam mirabilia cogitet) erat adulterium. Postmodum permissum fuit, ut pro eo & aliis delictis gravibus pœnitentia ageretur semel, sed non amplius. Quando hæc pœnitentia per relapsum destruebatur, nulla olim ab Ecclesia expectari misericordia poterat. Idem pag. 34. ”

„Negamus & pernegamus quodd SS. Patres frequentem usum Sacramenti Pœnitentiæ unquam suaserint.” Idem pag. 11.

„S. Augustinus nunquam fuit confessus.” Idem parte 2. pag. 46.

„Nullus ostendi potest antiquorum Patrum, V. G. Ambrosius, Augustinus, Hieronymus, qui unquam fructum sacramentalis confessionis acceperit.” Ibidem pag. 44.

„Tempore SS. Patrum confessio peccatorum venialium non fuit in usu.” Ibidem pag. 45. ”

„Methodus tractandi Sacramentum Pœnitentiæ hoc ævo non omnino inerudito, hoc tempore, his rerum circumstantiis....petita ex Ritualibus, mihi supra modum abscondita visa est, & monstro similis.” Joannes Cantor sub annum 1690. in refutatione conclusionum Theologico-præcticarum Martini Steyaert in præfatione.

„E Ritualibus documenta mutuare, quibus rectum Sacramenti tam momentosi administrandi usum stabilias, quid hoc est aliud quam ex vulnere remedium quærere?” Ibidem.

„Pauci sunt boni operarii & fideles dispensatores, ut alia omittam, si consideremus cum quibus dispositionibus & quibus viis hic & iste Pastor intruserit se in suos pastoratus sine vocatione per preces & supplicationes Magnatum. Si ab alia parte attendamus, quomodo intretur hodie in Religiones; sic scilicet, ut nullus ad illas sine pretio & simoniaca labe admittatur: si consideremus quantum vitium particularitatis, sive habendi

„bendi sibi aliquid proprium vigeat apud plerosque Religiosos; si, inquam, hæc sola ex multis attendamus, credo, nostrum de multorum Confessariorum probitate iudicium suspendemus.” Matthæus Rouvroy Theologus Lovanienſis in Dictatis Namurci §. 4. de absolute.

An iſta, quærit Baccalaureus, ibi habet Rouvroy? Non equidem memini me iſta ibi legere. Habet, reſpondet Venantius, & inde ibidem concludit ſuſpectas ordinariè eſſe debere confeſſiones vulgariũ talibus Confeſſariis factas, idèdque ordinariè iſtituendas eſſe à talibus pœnitentibus confeſſiones generales. Miror, inquit Arioviſtus, quòd utrobique adjunxerit particulam ordinariè. Plus aliquid audent Ægidius de Witte: etenim juxta hunc non eſt in poteſtate Archiepiſcopi Mechlinienſis, neque ipſius Romani Pontificis, concedere facultatem Parochiano in Paſchate conſitendi alteri quàm proprio Parocho, qui hic ſolus eſt *Sacerdos proprius*, cujus in Lateranenſi *facultas* requiritur, ut ſatiſſiat præcepto. Hoc inculcat in *Aurea Fodina ſuffoſſa* pag. 51. his verbis. „Fundamentum Religioſorum contra hoc præceptum eſt, quòd per hæc verba SACERDOTI PROPRIO, intelligi debeant etiam Epicoſopus loci ac Summus Pontifex, & CONSEQUENTER illi, qui eorum permiſſu, & privilegiis ab illis conceſſis facultatem acceperunt audiendi populi confeſſiones. Verùm præterquam quòd poſſint CONSEQUENTIÆ multa opponi; ſi poſſit oſtendi quòd neque Epicoſopus, neque Romanus Pontifex nomine Sacerdotis proprii intelligi valeat, neque eum intelligere liceat, ſponte ſua corrueſcit quidquid ædificii eo fundamento nititur. Atqui hoc non eſt difficile demonſtratu; & ſi quis modò aliquod intellectus lumen non offuſcatum adducere voluerit, tamen evidenter id probabitur, ut nulla quantumvis vel callida à cupiditate inſtructa cavillatio judicanda ſit digna, quæ velut reſponſio contra illud audiatur.”

Juxta hoc principium, inſert Venantius, non ſatiſfacerent fideles conſistentes Epicoſopo vel Summo Pontifici, niſi Parochus facultatem antè feciſſet. Hoc, ait Paro-

Parochus, omnino tenendum est in sana Theologia. Tanta est Parochorum potestas atque autoritas. D. Parochus, inquit ridens Ariovistus, est Cicero pro domo sua.

Verum, addit Ariovistus, idem Lovaniensis Theologus & Exdecanus Mechliniensis Romanum Pontificem in aliorum Episcoporum redegit ordinem Mechliniæ in convivio funebri anno 1685. Ubi plurium juratis testimoniis convictus est dixisse: *Jacobus praesedit in confessu Apostolorum, non Petrus; quia hic confessus celebrabatur in Diocesi Jacobi*. Hinc quid ni gradus fiat ad concludendum? Ergo, quotiescumque Concilium extra Romanam cogitur Dioecesim, jus praesidendi convenit Episcopo loci, non Romano Pontifici. Sunt & aliae similes ejusdem Theologi sententiæ contra auctoritatem Romani Pontificis, quas jussu Illustrissimi Internuntii, pars sanior Facultatis Theologicæ Lovaniensis suâ censurâ perstrinxit eodem anno 1685., 13. Novembris.

Revertamur potius, inquit Parochus, ad meum Commentariolum, in quo extant tam piæ & tam sanctæ Pastorum institutiones. "In tanta hujus seculi corruptione, ne Confessarii rectè instructi debent frequentem Eucharistiæ sumptionem restringere. Sacer hic cibus plebisque convertitur in venenum, qui eum magna cordis puritate & ferventi Dei amore non percipiunt." Petrus de Ligny in declaratione sub annum 1690. ab eo missa ad Episcopum N. Sed ex sequenti monito patebit adhuc clariùs, quanta Eucharistiæ reverentia debeat. Attendite igitur.

"Non sunt ad communicandum admittendi, qui nondum uni Deo perfectè uniuntur, neque penitus inculpabiles sunt." Hoc est monitum viri illius incomparabilis Arnaldi Magni lib. de frequenti Communione, editionis Parisiensis, anni 1644. pag. 23.

Tum Ariovistus dixit; videtur D. Parochus legisse Paulum Aurelium: nam & hic Arnaldum *Magnum* vocat. Arnaldus, ait Baccalaureus, Belga non est. Suspexit Parochus, & nescius quare id à Baccalaureo diceretur, positis tantisper conspiciis; Quid tum? Inquit: *non*



*enim est distinctio Judæi & Græci.* Ariovistus autem Baccalaureum ita allocutus est; Arnaldus est à Belgis recens adoptatus. Sic enim Joannes Opstrate Licentiatum in Theologo Christiano, anno 1692. pag. 97. *Pro materia de pœnitentia legantur libri de frequenti Communione; Methodus remittendi & retinendi peccata.* Ubi prior liber est Arnaldi, posterior Gummari Huygens Lovaniensis Doctoris, gravissimis censuris ab Inquisitione Toletana notatus.

Porro Parochus his censuris nihilo magis quàm antea commotus; Pergamus, inquit; in præceptis meis salutaribus.

„ Quæ magis accommodata pœnitentia esse potest, quàm pro tempore separari ab Eucharistia in vindictam peccati? ” Ægidius Gabriëlis in Speciminibus Moralis Christianæ pag. 161.

„ Per statum firmum & immobilem in virtute Christiana, homo judicari debet dignus Eucharistiâ. ” Ibidem pag. 119.

Firmitas illa & immobilitas, inquit Venantius, nequidem Petro Apostolorum Principi obtigit; antequam in gratia confirmaretur: & quandonam *folium quod vento rapitur*, erit immobile nisi in alterius vitæ beatitate? Eò usque igitur Communio differenda est, si talis doctrina admittatur. Ah! Venanti, inquit Parochus, sermo tuus est in persuasilibus humanæ sapientiæ verbis & Aristotelicis argutiunculis, quibus qui indulgent, non capiunt verbum istud. Quo dicto, abiturus Parochus surrexit, dixitque; Valet Viri Fratres. An fortè, quærit Venantius, tibi adeundus est æger? *O stulti*, Parochus exclamat, *& tardi corde ad credendum, in omnibus* quæ jam ex doctissimis Viris prælegi vobis, nominatim ex Ægidio Gabriëlis: ” Vel enim ille æger efficaciter intendit converti, vel non. Si efficaciter intendit converti, pœnitentiam implebit; & si moriatur ante absolutionem, solâ voluntate efficaci conversionis salvabitur. Si non intendit, absolutio illa oberit; quia ad illam non est dispositus; sicque addit peccatis suis sacrilegium ad majorem sui damnationem. ” Qua de causa ego, Viri Fratres, nol-

lem

lem propter ægrum deferere vestrum tam bonum confortium. Verùm alia causa me domum revocat; rogo igitur vos, habete me excusatum. His dictis, Parochus discessit.

Continuò Ariovistus, Nonnetibi, inquit, Venanti, dixeram eam opinionem Domino Parocho percommendam esse. Hi sunt fructus severioris illius ethicæ, hi effectus. Et tamen jaçtat Hennebellus, *de differenda absolutione se suosque per omnia sentire cum Eminentissimo Cardinale de Aguirre*. Et quis, ait Venantius, adduci se umquam sinet, ut credat ullam è jam memoratis propositionibus ab eodem Cardinale approbari? Sed delibemus etiam quædam alia.

Quàm difficiles sunt novi isti Theologi in permittendo fidelibus accessu ad Christum sub speciebus Eucharisticis latitantem, tam faciles sunt in Sanctissimæ ejus Matris cultu circumscribendo perangustè, quando titulum *Mediatricis* & hoc genus alios in Ecclesiæ precationibus Litanisque tribui consuetos, obliterari cupiunt. Cum autem Doctor Hennebel Memoriale Gallicum oblatum Statibus sive Ordinibus Brabantiae contra Decreta Regia adoptaverit; quærere ex ipso oporteret, ubinam sit illa præfatio quæ ibi §. 4. citatur tamquam Cardinalis Bellarmini, in qua Paulo V. facti sui rationem reddens, notat " se in Litanis Lauretanis Divæ Virginis complures versus expunxisse, propterea quòd essent „nimis metaphorici; quales sunt hi, TURRIS EBURNEA „HORTUS CONCLUSUS, & alii similes: se alios quoque „omississe, quia quamvis habere possint sensum bonum, „possunt tamen habere nimis durum, unde hostes Ecclesiæ occasionem arripiunt blasphemandi. Tales sunt qui „sequuntur; MARIA DEI ET HOMINUM MEDIATRIX „INTERCEDE PRO NOBIS; AB OMNI PECCATO LIBERA „NOS, DOMINA: & alia ejusmodi; quia tales invocationes videntur attribuere D. Virgini, quod Jesu Christo „tamquam Deo est proprium."

Id ipsum, inquit Ariovistus, intelligere optabat Autor Motivi Juris pro Decretis Regis Catholici à calumniis vindicandis, Autor ille inquam, optabat intelligere,

quænam esset ista Bellarmini præfatio: deinde quomodo versus, *Turris eburnea*, inductus sit ex Litaniis Lauretanis, in quibus hodie extat? Quomodo eliminatus, *Hortus conclusus*, ex Litaniis Lauretanis, in quibus non fuit? Vocatur Deipara *Mediatrix nostra* per totam Ecclesiam, ubi recitatur antiphona *Salve Regina*. Certè S. Bernardus, S. Bonaventura, & Sancti alii, etiam Patres, non tam scrupulosi fuerunt in tribuendis Deiparæ titulis nominibusque honorificis, quàm sunt Doctor Hennebel, Guilielmus Van de Nèsse Pastor S. Catharinæ Bruxellis, Gummarus Huygens Doctor Lovanienfis & ceteri istius Memorialis Autores, uti & alii Approbatores libelli, cui nomen faciunt *Monita salutaria B. M. V. ad suos cultores indiscretos*. Inter hujus Approbatores esse complures Belgas, libellum autem non leves turbas & scandala in Belgio excitasse, notissimum est.

Hic, Venantius subjunxit, refricatur mihi memoria, quanto scandalo fuerit Mechliniæ in libellis, quos *Abedarios* vocant, ad institutionem puerorum impressis post Orationem Dominicam videre SALUTATIONEM ANGELICAM, totâ parte posteriore truncam; SANCTA MARIA MATER DEI &c.? Sed dein libelli isti prohibiti sunt.

Per partis illius resectionem, inquit Ariovistus, factum est ut novi Theologi non abfuerint à suspitione Nestorianismi, tamquam si cum tortuoso illo colubro, (ita enim à Cyrillo Alexandrino Nestorius nuncupatur) negarent Virginem esse Θετόκην sive *Matrem Dei*. Neque levis, ait Venantius, vel temeraria istæ mihi umquam visa est suspicio: quæ enim causa alia potuit ipsos impellere ad istam partem detruncandam?

Videmini mihi, interjicit Baccalaureus, nugas velle agere. Minimè, reponit Ariovistus, & hæc suspicio, Domine Baccalauree, immane quantum augefcit, dum apud Cardinalem Baronium ad annum Christi 431. lego hæc verba; "Tunc (Nestorianâ impietate damnatâ) additamentum illud accepisse creditur Angelica salu-  
tatio: SANCTA MARIA MATER DEI ORA PRO NOBIS  
&c. Quod, prosequitur Baronius, omnium fidelium  
ore

„ore dici , ac frequentius repeti , & tamquam prima  
 „quædam elementa à piis parentibus unà ferme cum la-  
 „cæ infantibus propinari consuevit : ut fieret secundùm  
 „illud Propheticum : ex ore infantium & lactentium per-  
 „fecisti laudem tuam , illuderentque superbo draconi  
 „pueruli ” Quæ tibi , D. Baccalauree , jam surgit senten-  
 tia? An illi Novatores propè absunt à Nestorio? An  
 Virgini Matri non invident laudem quæ ex ore infan-  
 tium & lactentium perficitur? An non contenderunt præ-  
 pedire , quo minus *abecedarii pueruli illuderent superbo dra-  
 conì* , & Nestorianam execrarentur perfidiam?

Cum Baccalaureus nullum hîc sibi cerneret effugium  
 patere , culpam omnem in Typographum contulit , id  
 quod utrique adversario visum est adedò ridiculum , ut  
 hoc ejus dictum sibilo exceperint.

Aliquanto pòst cœpit Venantius narrare , quanto  
 molimine , & quodammodo vi , etiam per Archiepis-  
 copum Mechliniensem immediatum hodierni decesso-  
 rem , conati fuerint novi Theologi abrogare in Belgio  
 Proceffiones publicas , in quibus cum Venerabili Sacra-  
 mento circumferri solent Imagines Sanctorum juxta an-  
 tiquissimum Belgii usum , approbatum à Clemente VII.  
 Pontifice Constitutione anni 1531. , 11. Kal. Februa-  
 rii. Verùm , inquiebat idem Venantius , opponente se po-  
 pulo huic novitati , & propterea tumultibus exoriri cœp-  
 tis Bruxellæ , Lovanii , Alosti , censuerunt Internuntius  
 & Belgii Gubernator autoritatem interponendam esse  
 suam. Ita illi Reformatores desistere jussi , viderunt se *co-  
 gitasse consilia , quæ non potuerunt stabilire*. Utinam nec pos-  
 sint cetera , quorum apud illos infinita còpia est !

Reposuit Baccalaureus , tantùm conati fuimus istas  
 Proceffiones abrogare , ne dividatur cultus. Calvinii ille  
 scrupulus est , ait Venantius , adedque non confutandus  
 pluribus. Ab incunte ætate edocemur Belgæ , uti & Cæ-  
 tholici omnes , cultum latriæ distinguere à cultu duliæ  
 & hyperduliæ , ac propterea nullum hîc pravi divisi-  
 onis periculum metuendum est.

Sed dubium , inquit Ariovistus , hîc mihi novum oc-  
 currit. Incipio dubitare , an-Novatores illi multùm ab-

horrucrint ab hac doctrina Michaëlis Molinos; *Nulla creatura, neque D. Virgo, nec Sancti, sedem habere debent in corde nostro: quia Deus solus vult occupare illud, & possidere.* Est propositio 36. inter 68. quas Innocentius XI. in illo *perditionis filio*, tamquam hæreticas, suspectas, erroneas, scandalosas, blasphemias, piarum aurium offensivas, temerarias, Christianæ disciplinæ relaxativas & everivas, & seditiosas respectivè condemnavit.

Plura Novaturientium facta adjicere Ariovistus meditabatur, cum Venantius dissertationem sic abruptit; Sed nos singulis recensendis immorari hîc non possumus. De his autem Dominus Hennebel dicere non poterit, *vel ad nos non pertinent, vel apertè calumniosa sunt, vel falsum manifestè supponunt.* Nam Autores omnes in Belgio sunt & satis noti. Ita se res habet, subnectit Ariovistus; solum *Joannes Cantor* nomen est commentitium: verum ex communi fama, scriptionis stylo, & audaciâ habetur satis exploratus. Tunc iterum Venantius Baccalaureum respectans; Tu, inquit, D. Baccalauree, ad Magistrum tuum Hennebellum scribe, eique narra omnia quæ in hac dissertatione dicta sunt. Si quid autem calumniiosi aut falsi in relatis hîc vel alibi putat D. Hennebel se deprehendere, velim singula accuratè annotet; nec non si quid censet ad suos non pertinere. Nihil meâ interest, inquit Baccalaureus, ea ab Hennebello petere. At verò Hennebelli interest, Ariovistus reponit: etenim non tantum in hac sua Responsione, sed etiam in Memoriali Belgico adoptato ita assumit causam omnium eorum, qui de Jansenismo, Rigorismo, & Novitatibus accusantur in Belgio, ac si omnia ista commentitia sint vel extranea, sive ad Belgium non spectantia. Fortè visis talibus tuis litteris, hæc ipsius audacia & quidlibet fingendi libido comprimetur.

Sic hodiernæ de Rigorismo ceterisque Novitatibus dissertatio non infeliciter finem cepit, & simul condicta fuit dissertatio alia in subsequenter diem.

## DISSERTATIO IX.

*De præcipuis artibus & dolis malis quibus utuntur  
Novatores in Præsidium suæ sectæ.*

**A**ffuerunt omnes condicto tempore, dixitque Ariovistus; Nunc illuxit ille dies, cum fides data Baccalaureo me adigit ad Thomisini larvâ Hennebellianis Theologis detrahendam. Pulcrum profectò, inquit Venantius, hujusce dissertationis argumentum, diuque exoptatum, & idoneum quod me magnopere delectet; semper enim dolui, doctissime Arioviste, ac molestè tuli, doctrinam Thomisticam in tam turpes usus ab hocce hominum genere adhiberi.

Eadem, ait Ariovistus, sacrarum Tabularum fors est; eadem SS. Patrum, ac præsertim Augustini quemadmodum colligere est ex iis quæ hesterno die attulimus. Ibi habes, unde te cum tuis Thomistis consoleres. Attamen, amicissime Venanti, non statim in ipso dissertationis aditu atque exorsu, istud argumenti aggredi fas est: nam Hennebellus huic articulo illigavit quædam alia, minimè à nobis prætereunda.

Ne itaque abeamus à solenni nostro, verba Hennebelli prælegam. Sic autem sonant; "Dicit (P. Palazol) „num. 97. quòd *Posuimus mendacium spem nostram, & „mendacio protecti sumus.* Id de nobis dicit, qui à sexennio coram Apostolica Sede stamus, suppliciter postulant quid ad clarissimam disertissimamque doctrinæ nostræ expositionem amplius desideretur. Hæc omnia „facimus in conspectu Reverendissimi Patris Thyrsi; „cujus nomine Memoriale hoc offertur; & ipsum & „alium quemcumque provocamus, rogamus, obtestamur, ut coram Apostolica Sede clarè edicant, quid in „nostra doctrina culpent, majorive expositione egere „censeant; spondemusque id semper facere quod hæcenus præstitimus, nempe clarè ad singula respondere, „omnia Apostolicæ Sedis judicio submittere, atque ad



„ejus nutum emendare, retractare, explicare, quidquid  
 „emendatione, retractatione, vel clariori expositione  
 „egere Sedes Apostolica censuerit. Judicet æquus lector,  
 „sitne hæc dispositio hominum, qui *posuerunt mendacium  
 „spem suam, & mendacio protecti sunt*. At, inquit Pater  
 „Palazol, tangi nolunt, quin prius servato juris ordi-  
 „ne pröbentur omnia. Respondeo falsum esse; aliud  
 „enim non petimus quàm ut Breve Apostolicum ad se  
 „missum observent Belgii Episcopi: id enim si faciant,  
 „manifestum est quòd Jansenismi phantasma brevî in  
 „Belgio evanescet.”

His auditis, illico Baccalaureus suo Hennebello ap-  
 plaussit, inquiens; Pulcra & nervosa respondendi ratio,  
 quam Doctor Hennebellus ad hunc 7. Paris Palazol §.  
 adhibuit! Imo verò fraudulenta, reponit Ariovistus.  
 Quid enim? Lamentatur Hennebel & queritur, tamquam  
 de gravissima injuria sibi suisque illata, propterea quòd  
 Belgii Jansenistis applicetur illud Isaiæ 28. *Posuimus men-  
 dacium spem nostram, & mendacio protecti sumus*. Ad lu-  
 culentas autem hujus applicationis probationes, quas P.  
 Palazol toto §. adducit, designando istorum hominum  
 fraudes manifestas & convictas, altum silens, solum oc-  
 cinit antiquam cantionem suam, protestationem scilicet  
 de magna sinceritate sua & perfecta erga S. Sedem obe-  
 dientia.

Hæc sinceritatis, inquit Venantius, & obedientiæ pro-  
 testatio non rectè cum ipsius actionibus consentit. Hæc  
 tamen, reponit Ariovistus, conatur incautis fucum fa-  
 cere, omniaque eludere argumenta, licet fortia, licet  
 convincentia. Id præter me observarunt quoque multi  
 alii; imò fuit unus.... qui ut tanto malo occurreret,  
 eundem Doctorem Hennebellum, palàm provocavit  
 nomine Patris Palazol, ut vel unam fraudem Novato-  
 ribus toto illo §. imputatam inficietur, si possit; sed pro-  
 bationem simul dissolvendo.

Tum Venantius quæsit, quid Hennebellus ita pro-  
 vocatus fecerit. Quid fecisset? Inquit Ariovistus. Siluit;  
 saltem ego illum respondisse quidquam, non inaudivi  
 usque adhuc. Et verò, amicissime Venanti, quando con-  
 sidero

fidero omnia tum quæ P. Palazol, tum quæ nos hie illic protulimus, adeò mihi videntur esse irrefragabilia, ut Hennebellus solvendo non sit. Atque adeò protestatio sinceritatis & perfectæ obedientiæ in hujusmodi Autore quid aliud esse potest, quàm novum fraudis & simulationis argumentum?

Ariovisto hæc dicenti Venantius annuit, neque dubitavit apertè dicere ea quæ subsequuntur; Huic Doctoris Hennebelli pro se suisque protestationi, non cedebat illa Wicleffi scribentis ad Urbanum VI. Pontificem, quam ego ipse adhuc allegavi in dissertatione nostra secunda; "Gaudeo plane, inquiebat, cuicumque fidem meam & specialiter Romano Pontifici detegere: quia suppono, quòd si sit orthodoxa, ipse fidem meam humiliter confirmabit; & si sit erronea, emendabit." Numquid hîc loqui diceres Doctorem Hennebel? Item Lutherus, ut ibidem commemorare memini, Thesium suarum Analysim prolixam dedicavit Leoni Pontifici, ita scribens inter cetera: "Beatissime Pater, prostratum me pedibus tuæ Beatitudinis offero, cum omnibus quæ sum & habeo. Vivifica, occide; voca, revoca; approba, reproba, ut placuerit; vocem tuam, vocem Christi in te præsentis & loquentis agnoscam. Si mortem merui, mortem non recusabo." Potestne dari submissio generosior? Non minùs gaudet Lutherus quàm Wicleffus *planè detegere cuicumque fidem suam, & specialiter Romano Pontifici*. Uterque non minùs quàm Doctor Hennebel, "quemcumque provocat, rogat, obtestatur, ut coram Apostolica Sede clarè edicat quid in eorum doctrina culpet, majorive expositione egere censcat. Uterque spondet iò semper facere, quod hæctenus videri vult præstitisse, nempe clarè ad singula respondere, omnia Apostolicæ Sedis judicio submittere, atque ad ejus nutum emendare, retractare, & explicare, quidquid emendatione, retractione, vel clariori expositione egere Sedes Apostolica censuerit." Talia protestarentur Wicleffus & Lutherus: multos deceperunt etiam ex Ecclesiæ Proceribus, ut hæc ab eis seriò dici existimarent, & fortè aliquid suspicarentur zeli nimii, privata

privatæ simultatis, odii, vel aliarum turbationum animi, in eorum adversariis & accusatoribus residere. Quidni autem Wicleffus & Lutherus post tam præclaram obedientiæ protestationem, expositionem suæ doctrinæ &c. ita ludere potuerint, ut Doctor Hennebel? Judica nunc, D. Baccalauree, & tecum omnis æquus rerum æstimator, "sitne hæc dispositio hominum qui *Posuerunt mendacium spem suam, & mendacio protecti sunt.*"

Ha, nimium atrociter, ait Baccalaureus. Hæc Wicleffi & Lutheri protestatio non tenuit diu. Tenuit, reponit Venantius, quamdiu speraverunt Romanum Pontificem & Cardinales hæc fucatâ obedientiæ specie fascinandos. Hæc spe abscissâ, Pontifex Wicleffo Antichristus fuit: & de Luthero Ulembergius in ejus vita ad annum 1518. sic scribit; "Quæ paulò post secuta sunt; testantur eum hæc submissione nihil aliud spectasse, quam ut captaret favorem hominum, atque interim dum res suas stabiliret in Germania, Summo Pontifici glaucoma objiceret; aut fumos, quod aiunt, venderet." Nam haud multo post conspicatus factionem suam satis roboratam, in Responsione ad Silvestri Prieratis Epitomen, Imperatorem ceterosque Christianos Principes incitavit ad excindendos *hos Cardinales, hos Papas, & totam istam Romanæ Sodomæ colluviem.* En terminum obedientiæ hæreticæ.

Quæ istæ, inquit Baccalaureus, sandi libertas est? Apagæ tam invidiosam comparisonem. Sincera minimeque fucata est nostra obedientiæ protestatio. Tum è vestigio Ariovistus assumpsit; Quàm sincera sit vestra protestatio obedientiæ, cernere erit tunc, cum Pontifex vestris sese conatibus opponet vehementius. O quot tunc in Petri Cathedram audientur convicia, quot diæteria, quot maledicta!

Audiuntur jam nunc, subjungit Venantius; imo haud scio, an five Wicleffus five Lutherus, antequam apertum Ecclesiæ bellum indixere, tam absona de Pontificibus jactarint, quam tui Confœderati in Belgio. D. Malpaix in litteris datis 2. Februarii 1691. "Misera, exclamatur, Dei Ecclesia! quomodo gubernaris hoc tempore!"

„pore! S. Paulus vult ut omnes fideles volvant suas  
 „Epistolas; Episcopi Romanus, Mechliniensis, & Ca-  
 „meracensis id nolunt. Cui credendum? Priori sine du-  
 „bio: scimus enim quia huic locutus est Deus. Iterum  
 „dico, quale Neophytis scandalum!” Et immediatè su-  
 „pra de eadem prohibitionem Episcoporum, ut loquitur,  
 „Romani, Mechliniensis, & Cameracensis:” Horrida  
 „excœcatio! scandalosæ ordinationes Fratribus nostris  
 „separatis! idoneæ quæ ipsos in perpetuum à commu-  
 „nionem Ecclesiæ sejungant! perniciosæ & exitiales om-  
 „nibus Christi fidelibus!” Plura effutiit in convivio su-  
 „nebri Ægidius de Witte; plura Autor nuperæ editionis  
 „operum Baii cum notis & vindiciis; plura Ignatius Ey-  
 „kenboom, & tot alii antè memorati tradiderunt contra  
 „Sedis Apostolicæ autoritatem, contra ejus Constitutio-  
 „nes & definitiones, eas partim per cavillationum cuni-  
 „culos subruendo, partim apertâ vi & contumeliis inva-  
 „dendo.

Hoc loco non potest, inquit Ariovistus, prætermitti  
 Joannes Martinus de Hont, qui, ut alio die adhuc dixi-  
 mus, suam privati hominis sedem non pertimuit equi-  
 parare ad Cathedram Pontificis, ad immobile fidei fun-  
 damentum. *Ego, inquit, ex mea sede loquor, sicut Pon-  
 tifex ex Cathedra.* Audis, D. Baccalauree? inquit Ve-  
 nantius. De Hont ex sua sede loquitur, sicut Pontifex  
 ex Cathedra, & ibi Pontificem erroris arguit. Quale  
 scandalum! His adde innumeras alias novitates intole-  
 rabiles, quarum non exiguum numerum hic illic pro-  
 tulimus.

De his omnibus, prosequitur Venantius, cautè filet Ro-  
 mæ Doctor Hennebel; & tamen gloriatur se sua suo-  
 rumque *sensa coram Apostolica Sede usque ad apicem expli-  
 care.* Jactat nihil in Belgio *Fansenismum* esse, nisi *phantasma*?  
 Neque dissimiliter superius loquitur de Rigorismo &  
 Novitatibus; atque illud quod superest inane phantaf-  
 ma, quo tamquam spectro multorum animi commo-  
 ventur, attribuendum ait *Belgii Episcopis*, qui juxta Bre-  
 ve Apostolicum, tam infundatos, ut persuadere nititur,  
 rumores non comprimunt, eorumque Autores pro mè-  
 ritis

ritis non castigant. Quid jam sentis, D. Baccalauree? An hic procedendi modus Doctoris Hennebel suos & omnium, qui in Belgio de Jansenismo, Rigorismo, aut Novitatibus suspecti habentur, *sensus usque ad apicem eorum Apostolica Sede explicat*? An in sinceritate ac simplicitate Christiana *spem suam ponit*? An veritate & iustitiâ *protectus est*?

Sequitur, inquit Ariovistus, mox aliud illustre specimen sinceritatis in eodem Doctore eique adhærentibus. Hic tantum nota, D. Baccalauree, Doctorem Hennebel contra Belgii Episcopos suscipere patrocinium omnium, qui in Belgio suspicionem Jansenismi incurrant: dicit enim Jansenismum illic esse merum phantasma, & omne malum hæere in Episcopis, qui phantasma illud nutriendo, causæ sunt barbararum omnium, rumororum, atque calumniarum; sed nos verius dixerimus eam esse insignem illius Doctoris calumniam in tam pios & religiosos Antistites, ac suum imprimis Superiorem, Archiepiscopum & Primatem.

Hoc, ait Ariovistus, quam non à vero absit, liquet ex evidentissimis probationibus, quas nos in variis dissertationibus attulimus, ac propterea non hic hærendum est diutius, sed veniendum ad alium Hennebelli textum. Quem Baccalaureus confestim recitavit: Est autem huiusmodi; "Ars quædam diabolica est, inquit Pater ille num. 99., quod passim proclamant solos Jesuitas eis adversari, seque in materia de prædestinatione & gratia Christi tenere cum Patribus S. Dominici, & Carmelitis Discalceatis. Respondeo non proclamare eos passim, quod soli Jesuitæ, sed quod hi præ ceteris eis adversentur."

Hic Ariovistus Baccalaureum interpellavit; D. Baccalauree, clamabat, Hæccine tibi probatur responsio. Quid ni? Baccalaureus respondit. Tum iterum Ariovistus; Ut unum Hennebellum tuearis, quam multos deferis! Etenim si quærat ex Ignatio Eykenboom quis Autor fuerit, cur Jansenii Augustinus proscriptus sit, & quinque ejus propositiones damnatæ; respondet in adumbrata Ecclesiæ Romanæ defensione contra Leydeckerum

kerum anno 1696. pag. 49. " Quòd Pontifex Jansenii „Augustinum falsis Molinistarum suggestionibus pro- „scripsit, ac 5. propositiones ipsi ad censuram exhibitas, „&, ut fateris, arte contextas declaravit hæreticas, & uti „tales damnavit, utcumque ostendisti. " Si ex eodem quæras unde factum ut Bullæ Urbani VIII. insertum sit, quòd Gregorius XIII. confirmaverit Bullam Pii V. contra 97. Baii & aliorum articulos; respondet pag. 17. *Id malis artibus Jesuitarum Urbani VIII. Bullæ ab Albizio eorum cliente insertum, jam nemo est eruditorum qui dubitat.* Idem inculcat Autor nuperæ editionis Operum Baii cum notis & vindiciis.

Vidimus Eugenium de Gelder, inquit Venantius, in ultima voce zelatricis innocentiae anno 1689. pag. 114. folis *Jesuitis tribuentem condemnationem doctrinae Jansenii & Michaelis Molinos.* Vidimus Theologos Lovanienses nomine istius Academiae ad Universitatem Parisiensem anno 1644., 10. Martii scribentes Epistolam, in qua dicunt, *Bullam à Theologis Societatis adversus Reverendissimum D. Episcopum Isprensem Romæ extortam.* Vidimus etiam eos anno 1649. in libello cui titulus *Planctus Augustinianæ veritatis in Belgio patientis*, non minùs falsò quam lacrymabiliter conquerentes, quòd *nullus dignitate, officio, aut beneficio deinceps donetur, nisi qui abjuratà in Jansenio Augustini doctrinà, se Jesuitarum dogmata, sensus, judicia secuturum profiteatur ac mentiatur.*

Constat, prosequabatur idem Venantius, à Clemente IX. singulari Constitutione damnatam fuisse Novi Testamenti Versionem Gallicam, vulgò *Montensem*, anno 1668., 20. Aprilis, *tamquam temerariam, damnosam, à Vulgata Editione difformem, & offendicula simplicium continentem.* Cum autem Belgii Hispanici Antistites conformantes se huic Pontificiæ Constitutioni librum illum in suis Diocesisibus prohiberent, eorum Decretis varia à nova factione objecta sunt; atque inter ceteros ab Autore notarum in Decretum Archiepiscopi Mechliniensis anno 1691., 9. Januarii pag. 12. his verbis: " *Quodnam singulare periculum est in lectione Versionis Novi*



„Novi Testamenti vulgò dictæ Montensis, quæ legitime approbata ac edita est; & in qua nemo, nisi Jesuitis qui Versionis istius Autores summè oderunt, totius devoti sint, ullum errorem potuit deprehendere.” Prærogativas Pontificis tametsi multi in Ecclesia pridem ante Jesuitas defenderint & defendant quotidie; tamen hos à nova factione, cui id ingens crimen est, solis Jesuitis velut proprium imputatur. Eugenius de Gelder in ultima voce zelatricis innocentie pag. 116., *Numquam, inquit, Papales Prærogativas magis depresso Jesuitæ, quàm quando illas ad puncta fidei extulerunt.* Quin imò, adjungit Ariovistus, anno 1687. prodiit libellus insulis, ut præfertur, impressus sed Lovanii divenditus, cui titulus; *Perniciosa consecraria hæreseos Jesuitarum contra Regem & Statum*: hæresis autem hæc erat, *Infalibilitas Pontificia in definitionibus fidei & morum.*

Et cum Ariovistus plures libellos depromeret ad citandos plures hujusmodi locos, dixit Venantius; Infinitum est, Arioviste, omnes producere. Hi pauci sufficiant ad probandum D. Baccalaureo, quàm non immeritò Pater Palazol hanc inter ceteras Janfenistarum artes & fraudes numeraverit, *passim proclamare solos Jesuitas eis adversari.* Nam quamvis subinde alios sibi adversari fateantur, plerumque tamen id ipsum Jesuitis tribuunt tamquam hortatoribus. Verùm Jesuitas nec solos, nec proprios esse Hennebellianæ factionis in Belgio adversarios, demonstravit nuper clarissimè, tabulisque & actis publicis planè evicit Autor *Motivi Juris pro Decretis Regis Catholici à calumnia vindicandis*, pag 48. usque ad 59.

At quem usum, quærit non sine risu Baccalaureus, quem finem habet prætensa illa Nostrorum ars? Usus, respondet Ariovistus, & finem habet multiplicem: Sic enim facilius à se hæreseos infamiam amoliuntur, quando & populo & Principibus etiam Ecclesiasticis persuadent nihil sibi contra omnes Ecclesiæ sententias contentionis esse, sed solùm contra doctrinam Societatis; quo natum est fieri, ut Ecclesiæ Principes ferè de solo silentio utrique parti indicendo, non au-

tem

tem de hæreseos lue extinguenda solliciti sint. Hinc indignatio contra Jesuitas fraudem tam perniciosam impatientius ferentes, tamquam contra homines inquietos, gloriæ & vindictæ cupidos, privatarum harum opinionum nimis contentiosos ac turbidos propugnatores. Sic Janseniani facilè in suas partes trahunt quotquot forte Societati quibuscumque de causis infensi sunt. Jamne vides, D. Baccalauree, quanti vestrâ interfit illam artem exercere? Age, nunc Hennebelli verba nobis prælege.

Hoc, nullâ interpositâ morâ, Baccalaureus præstitit. Verba Hennebelli, inquebat, hæc sunt. "Porro se circa quæstiones controversas in materia de prædestinatione & gratiâ Christi cum Patribus S. Dominici & Carmelitis Discalceatis sentire, quidni proclamarent? cum id prorsus manifestum sit ex plurimis eorum scriptis, ac nominatim ex refutatione Synopsis cap. 2. super articulo 2. inter 42. à Doctore Steyaert accusatos. Ne quis autem suspicari possit quòd & hîc fraus lateat, disimulentque præfati Theologi sensum suum; sciendum est, quòd jam pridem Doctor Hennebel tam suo quàm Theologorum, quorum partes agit, nomine subscripserit doctrinæ Patrum Dominicæ, non tantum prout explicatur ab ipsis Patribus Dominicanis, in 5. articulis Theologorum, qui se discipulos S. Augustini vocant, Summis Pontificibus Alexandro VII., & Alexandro VIII. oblatis; sed etiam prout explicatur ab ipso Reverendissimo P. Thyrso, tom. 4. selectarum suarum Disputationum pag. 304. de statu naturæ puræ §. 69., ac ibidem his articulis comprehenditur."

1. Patres Dominicani gratiam efficacem ponunt in prædeterminatione Physica essentialiter connexa cum consensu."

2. Dîcti Patres expressè asserunt cum hac gratia componi, quòd voluntas maneat libera libertate indifferentiæ."

3. Dicunt quoque voluntatem simul cum prædeterminatione ad actum salutarem habere proximam potentiam ad oppositum."

4. Si

„ 4. Si ex sua gratia Physicè prædeterminante judicarent sequi everſionem libertatis indifferentiæ, eam omnino negarent. ”

„ 5. Has ipſas conſuſiones eſſe Catholicas & ſanas, dicit Reverendiſſimus P. Generalis. Quibus articulis ab annis jam pluribus Doct̃or Hennebel ſub hoc verborum tenore ſubſcripſit. Ego inſcripſus declaro hanc ipſam eſſe ſententiam Theologorum Belgii, quorum partes ago. Si quis autem de eorum, aut ſaltem aliqujus ex illis ſenſu dubitet, eum nominare dignetur; meumque erit intra bimeſtre fidem facere per propriam illius ſubſcriptionem, quòd hanc meam declarationem, nomine ſuo factam, habeat ratam ac gratam. ”

Postquam Baccalaureus hæc legendi finem fecerat; Ecce, Inquit Arioviſtus, pedetentim ingreſſi ſumus in eum locum, ubi Venantius plurimum jucunditatis hauriat, in ſubdolam, inquam, doctrinæ Thomiſticæ ſimulationem & larvam, quæ calliditate & dolo inter Hennebelli de grege homines facilè Princeps eſt. Ergo attendite.

Suorum Thomiſmum vult nobis Doct̃or Hennebel *manifeſtum eſſe ex plurimis eorum ſcriptis*; cùm tamen pauciſſimi eorum aliquid dogmaticum publicè ediderint expreſſo nomine præter Theſes, in quibus nihil occurrit, unde quis prudenter judicare poſſit Theologos iſtos eſſe Thomiſtas; plurima verò quæ Thomiſtis proriſus ſunt oppoſita. Refutationem Synopſeos hîc non habeo. Neque ego, Venantius ſubdebat. Maſte tamen animis, ait Arioviſtus: quippè quidquid ſcriptorum Belgicorum circa eam materiam in promptu eſt, diſcutiemus.

Cum D. Hennebel ſuſtineat *manifeſtum eſſe, quòd phantaſma Janſeniſmi brevi in Belgio evaneſceret, ſi Episcopî obſervarent Breve Apoſtolicum ad ſe miſſum*; non eſt nobis ſtudioſius requirendum quinam ſint illi, quorum ſe agere cauſam Doct̃or Hennebel proſitetur. Nam ex his aliſque ſuperius notatis ſatis liquet, eum partes agere omnium qui in Belgio vocantur Janſeniſtæ, vel de hoc quaqua ratione habentur ſuſpecti; illorum nominatim, quorum

quorum sententias collegit Eminentissimus Cardinalis de Aguirre in defensione Cathedræ S. Petri disp. 20. & 21., quorum sententias illic citatas, nullâ omninò propositione exceptâ, Doctor Hennebel defendendas suscepit articulo 5., aded ut jactet, *Eminentissimum Cardinalem agnoscere sibi circa illas esse satisfactum.*

Porrò ad id, quod sequitur de 5. articulis Theologorum, qui se discipulos S. Augustini vocant, Summis Pontificibus Alexandro VII. & Alexandro VIII. oblatis; respondet Eminentissimus Cardinalis de Aguirre tom. 3. Theologiæ S. Anselmi Prolegomeno 5. pag. 27. & 28. his verbis: "Vix Romæ vulgata fuerunt tolia 5. articulo- rum, cum statim ex adverso prodire scripta aliquo- rum longè aliter narrantium, quæ Lutetiæ Parisiorum, gesta fuerunt in eorumdem articulorum collatione, & negantium omninò illos Ab Alexandro VII. probatos fuisse. Contendunt præterea multis considerationibus, & reflexionibus, sub iis latere Jansenisium, veluti ignem suppositum cineri dolofo, ut ille accinebat.... Sanè ejusmodi objectiones aliquam mihi difficultatem ingesserunt, ut saltem judicium suspenderem & quæ- stionem in medio relinquerem." Adeoque ex articulis istis non probatur, quòd omnes qui subscripserunt, sint veri & genuini Thomistæ, & à damnata 5. propositionum Jansenianarum doctrina alieni.

Deinde idem Arioivistus hunc sermonem habuit: De articulis istis dicamus breviter id quod res est.

1. Autor præcipuus istorum articulorum fuit Natalis de Lalane, qui causam 5. propositionum in sensu Jansenii sustinuit ante condemnationem Romæ sub Innocentio X.

2. Idem fuit Autor libelli trium columnarum, & alterius de *gratia victrici*, qui uterque ab Innocentio X. damnatus est. In priore libello fatebatur. "se & universos S. Augustini discipulos 5. propositiones non in sensu alieno ad quem trahi possent, sed in sensu legitimo, semper defensuros. In posteriore docebat 5. propositiones verissimas esse maximèque Catholicas, eo videlicet sensu quo istas adversus Jesuitarum errores, inquit, sustinuit Iprensis Antistes."

Q

Næ

3. Notorium est in *foliis istis* quæ incipiunt, *In nomine Salvatoris*, & quibus articulis isti recens recusati proponuntur, haberi pag. 21. quod sequitur; "Unum est, quod observari maximè velim, nempe articulos istos, omnium consensu, ut videbimus, approbatos fuisse... Neque hoc cuiquam mirum videri debet, cum eandem semper doctrinam docere se illi professi sint libris, innumeris, illoque imprimis, cui titulus. Antonii Arnaldi Doctoris Sorbonici super illa propositione SS. Chrysostomi & Augustini, DEFUIT PETRO TENTATO GRATIA, SINE QUÀ NIHIL POTERAT, Dissertatio Theologica." Quæ est ipsa propositio tam graviter superius censuretur à Sorbona; & propter cujus obstinatam defensionem ex numero Doctorum expunctus est Arnaldus, & tamquam membrum putridum, resectus à Facultate Theologica. Dissertatio autem ista conscripta ab Arnaldo fuit, postquam à Doctoris gradu jam dejectus erat: undè intelligi debet, *Doctor Sorbonicus*, per distractionem, sicut homo mortuus subinde homo nuncupatur.

4. Notorium est quòd in *isdem Articulorum foliis*, seu *expositione doctrinæ Augustinianorum Theologorum* pag. 24. dicatur *primum tandem aliquando* (anno 1663.) *Episcopi unius ope & operâ*, *Theologis illis ad Alexandrum Papam patere cœperat aditus*, *quem illis adversarii omni arte & studio antea præcluserant.*

5. Demonstrandum assumo, quando Doctori Hennebel vel D. Baccalaureo placuerit, quòd articuli quoad omnes apices in Augustino Jansenii contineantur: quapropter, quamvis non omnes sententiæ, quæ in Jansenio habentur, sint damnatæ; neque ex hac parte velim ullam articulis istis censuram inurere: cum tamen Augustinus Jansenii contineat sensum damnatum 5. propositionum, neque usquam sibi contradicere deprehendatur; evidens est etiam atque perspicuum, Jansenium retinendo doctrinam totius sui libri posse *Articulis* subscribere, adeoque ex subscriptione ista nullo modo probari quòd Doctor Hennebel cum suis sit Thomista, vel ad latum unguem à doctrina Jansenii remotus.

Concisus ille Ariovisti sermo, suisque distinctus nume-

ris, Venantio mirum in modum placuit, sed super omnia ipsius conclusio, in qua inferebatur suspicionem Jansenismi non posse adimi per illorum articulorum subscriptionem, quia, inquiebat Venantius, articuli illi affecti sunt præjudiciis jam indicatis, quod originem duxerint à talibus Autoribus, qui 5. propositiones in sensu Jansenii sustinuerunt, nec unquam cecinisse palinodiam sciuntur: quod ipsi articulorum præcones fateantur conformes esse doctrinæ quam eorum Autores semper tenuerunt, & quam Arnaldus contra tam atrocem Sorbonæ censuram defendere perrexerit: quod avidè arripiantur etiam ab iis, qui calumniantur Alexandrum VII. & Romanam Curiam, quasi discipulos S. Augustini audire detrectaverit, donec post elapsum sexennium à Bulla ejusdem Pontificis contra Jansenium; *Tandem ope & operâ unius Episcopi Convenensis*, cujus scripta aliquot Sedes Apostolica condemnavit; *patere his cæpit aditus* ad justitiæ & veritatis tandiu oppressæ defensionem.

Aliqui tamen, objicit Baccalaureus, in articulis istis termini Thomistici sunt. Fateor, Ariovistus reponit, imò videntur mihi dedita operâ ad devinciendos Thomistas inserti. Verum, ut nulla propositio tam clara & univoca apparet, quam Doctor Hennebel cum suis non noverit facere æquivocam, ut antea vidimus, ita non levis suspicio est alium sensum ab his prætensis Augustini discipulis, alium à Thomistis etiam illis paucis, à quibus articuli approbati sunt, subintelligi.

Baccalaureus non cernens ullam viam quâ hinc commodè elaberetur, aliò contulit animum, & dixit; Superest alia magisque propria Doctoris Hennebelli probatio, quâ nulla desiderari potest magis convincens quod ipse & omnes, quorum partes agit, debeant esse liberi ab omni Jansenismi suspicionem. Est autem hæc; Clara professio omnis istius doctrinæ, quam R. Adm. P. Thyrsus Gonzalez Generalis Societatis censet esse Thomisticam & à censura intactam; simul & condemnatio totius sensûs, quem idem Generalis in 5. propositionibus censet esse damnatum. Sed an hoc, inquit



Ariovistus à Doctore Hennebel reverà & sine fūco præstetur, sedulò investigandum est. Nam usu edoctus sum, non citò & leviter illiusmodi hominum fucatis protestationibus & speciosis verborum corticibus credere. Idipsum edoctus sum & ego, ait Venantius.

Tum Ariovistus petiit sibi dari tomum 4. P. Thyrsi ab Hennebello citatum, & cum cum indigitato loco legisset tacitus ac penes se, En, inquit D. Baccalauree, ad primum illud quod ab Hennebello dicitur, " Patres „Dominicani gratiam efficacem ponunt in prædeterminatione physica essentialiter connexa cum consensu, " patet responsio: etenim verba R. Adm. P. Thyrsi loco citato à Doctore Hennebello hæc sunt: " Quamvis Jan- „senistæ artificiosè conentur Patres Dominicanos in pa- „trocinium suæ sententiæ vocare; multum tamen in as- „sertis differunt ab illis. Nam Patres Dominicani, quam- „vis gratiam efficacem ponant in prædeterminatione „physica essentialiter connexa cum consensu; tamen ex- „presse asserunt cum hac componi, quòd voluntas ma- „neat libera libertate indifferentiæ ad oppositum, & di- „cunt voluntatem simul cum prædeterminatione ad „actum salutarem habere proximam potentiam ad op- „positum; & ita gratiam per se efficacem defendunt, „ut, si judicarent ex illa sequi eversionem libertatis indif- „ferentiæ, eam omninò negarent. " Unde patet " possi- „tionem gratiæ efficacis in prædeterminatione physica „essentialiter connexa cum consensu, " neque adduci „tamquam signum quòd quis rectè sentiat, neque tam- „quam discrimen inter sententiam Thomistarum recen- „tiorum & Jansenii, ut persuadere vult Doctor Henne- „bel.

Rectè observasti, inquit Venantius, quia & ipse Jan- senius lib. 8. de gratia Christi cap. 4. " Eundem, inquit, „gratia victrix habet operandi modum, qui prædeter- „minationi physici tribui solet. Ibidem: Eodem modo „libertas jam dicta voluntatis sub illo Christi auxilio in- „columis manet, quo sub physica Thomistarum præ- „determinatione salvatur. Et cap. 21. Fieri nequit ut „actualis dissensus cum actuali Dei motione jungatur. "

Imo,

Imo, subjungit Arioivstus, estne ullus Theologus si-  
ve Catholicus siue hæreticus, qui neget *gratiam effica-  
cem*, quâ efficacem, siue efficacem formaliter & redup-  
licativè sumptam, *esse essentialiter connexam cum con-  
sensu*? Explicandum itaque est à Doctore Hennebel, an  
gratiam efficacem hîc in sensu formali & reduplicativo  
accipiat, an verò in sensu etiam materiali & specifica-  
tivo; ita ut gratia efficax merè secundùm entitatem  
suam sit essentialiter connexa cum consensu; deinde an  
sit essentialiter connexa cum consensu, quem hîc &  
nunc à voluntate impetrat. Nam licet Jansenius in eo  
cum Thomistis congruat, quòd gratia efficax semper  
impetret consensum, nempe aliquem; non tamen ea-  
dem gratia efficax in omnibus circumstantiis consensum  
eundem obtinebit juxta jansenium; sed gratia victrix  
quæ in majore delectatione cœlesti consistit, & obtinet  
plenum & efficacem consensum ad servandam E. G.  
castitatem, in eo qui habet motum concupiscentiæ minùs  
ardentem, eadem non consequeretur consensum plenum  
& efficacem, sed tantùm velleitatem quandam in eo in  
quo fuerit concupiscentia ardentior, vel etiam in eo-  
dem subjecto, quando concupiscentiæ motus seu de-  
lectatio terrena creverit ultra intensiorem motûs boni  
seu delectationis cœlestis.

Juxta Thomistas verò cùm prædeterminatio sit appli-  
catio potentiæ ad actum, quantumcumque intensâ sit  
concupiscentia, semper prædeterminatio effectum eun-  
dem præstat. Sic enim ipse Jansenius inter cetera dis-  
crimina inter suam & Thomistarum gratiam hoc affert  
lib. 8. de grat. Salv. cap. 2. : " Prædeterminatio phy-  
sica talis esse dicitur, ut in quibuscumque circumstan-  
tiis voluntas collocetur, semper valeat facere, & ope-  
retur effectum suum, omnemque superet resistantiam;  
Christi adjutorium nullo modo: nam delectatio victrix,  
quæ Augustino est efficax adjutorium, relativa est: est  
victrix quando alteram superat. Quòd si contingat alte-  
ram ardentiorē esse, in solis inefficacibus desideriis  
hærebit animus; nec efficaciter unquam volet, quod  
volendum est." Opto itaque intelligere, an D. Hen-

nebellus omnesque ejus partiarum hinc teneant cum Thomistis contra Jansenium, an cum hoc contra Thomistas.

Alterum, quod de eodem Doctore aveo cognoscere, est, an ipse cum suis omnibus eandem gratiam physicè prædeterminantem, quam admittit in statu naturæ lapsæ, admittat etiam in statu naturæ integræ; & an idèò illam gratiam statuatur, quia Deus necessariò debet esse causa prima in omni statu & actione, saltem non mala; an verò, quia natura per peccatum ita debilitata est, ut movere se non possit ad bonum, nisi priùs moveatur à Deo. Sic autem magis perspicuum apparebit, an plusquam Jansenianam libertatem admittat cum gratia efficaci in statu naturæ lapsæ. Nam idèò Jansenius gratiam suam efficacem negavit naturæ ante lapsum, quia statuebat hominem ante lapsum verà præditum fuisse libertate, quæ cum gratia efficace, qualis naturæ lapsæ datur, non potuisset consistere.

Thomistæ ex adverso, cum sentiant nullum amittendæ libertatis periculum esse ratione gratiæ physicè prædeterminantis, hanc nullo modo verentur tribuere Angelis viatoribus, & homini in statu naturæ integræ. Idèò horrendum vapulant à Jansenio lib. 8. de grat. Chr. Salv. cap. 2., ubi postquam septem discrimina, suam inter & prædeterminantem Thomistarum gratiam assignasset, ita subjungit: " Quapropter qui medicinalem Christi Salvatoris gratiam sic defendere conantur, ut eam in talem prædeterminantem physicam transforment, omni statui hominum lapsorum & innocentium, ex vi causæ primæ & indifferentiæ voluntatis, necessariam; magis profectò Aristotelici, quàm Augustiniani sunt: nam talis prædeterminatio sic asserta, non solum nullo testimonio ejus probari potest, sed potius universam doctrinam ejus innumeris locis traditam, inexplicabili confusione perturbat, ... tollit, obscuratque veram radicem, necessitatem gratiæ medicinalis; ... cogitur enim inferre non exiguam vim Scripturis Sacris. .... Totum ergo fundamentum gratiæ medicinalis Christi funditus evertitur, & Scriptura

„ræ subnervantur, dum gratiæ necessitas non ex vulne-  
 „re voluntatis, sed ex naturali ejus indifferentia, & om-  
 „nium causarum naturali subordinatione sub altiore,  
 „suspenditur. Quæ duplex ratio necessitatis gratiæ, si-  
 „cut in universis Augustini operibus inaudita est, & re-  
 „pugnat principiis ejus; ita quoque indicat prædetermi-  
 „nationem physicam, tamquam gratiam eo modo & la-  
 „titudine ad omnes humanæ naturæ status dilatatam,  
 „ab Augustini ~~sanctis~~ <sup>sanctis</sup> esse remotissimam, & potius vi  
 „humanæ Philosophiæ, quàm Augustinianæ Theologiæ  
 „expressam & inventam esse.”

Hæc ubi in Jansenio Ariovistus ostendisset, os ocu-  
 losque & totum corpus ad Baccalaureum convertit,  
 aiens; Hanc Jansenii censuram omnis Thomista rejiciet  
 tamquam falsissimam à capite ad calcem, & tamquam  
 apertissimam calumniam. Sine dubio, inquit Venan-  
 tius. Commodum Ariovistus percunctatur; Utri igitur  
 parti Hennebellus causam adjudicabit? Jansenianæ, an  
 Thomisticæ? Utri tu, D. Baccalauree? Hic Baccalau-  
 reus pendere animis, cruciari, angi, impallescere, par-  
 tes sese versare in omnes, ringi, obmutescere denique.  
 Quod cum Ariovistus observasset, miseratus hominem  
 dixit; Hic oraculum tuum, sive Hennebellum consu-  
 le, ab eoque pete responsum didacticum.

Sanè, inquit Venantius, nulla hîc Hennebello patet *eva-  
 sio*, quæ extra rem non sit. Peritissime Venanti, ait Ariovi-  
 stus, ita es doctissimi Cardinalis de Aguirre placitis quasi  
 additus & consecratus, ut te vel ad ejus verba adstringere  
 velle videare. Sic Cardinalis iste fatur in Def. Cath. S. Pe-  
 tri, disp. 21., sect. 2., ubi de 2. Jansenii propositione agi-  
 tur; ”Lepidum autem est, inquit, dum tradunt homines  
 „ad singulas actiones prædeterminari à Deo physicè, quin  
 „resistere possint prædeterminationi. Sanè hæc *evasio*  
 „extra rem est, cum non solùm multi ex iis negent  
 „ejusmodi prædeterminationes; sed etiam qui illas tra-  
 „dunt, profitentur gratiam interiorem purè sufficientem,  
 „cui sæpè voluntas humana resistit.

Aveo videre, inquit Venantius, quid ad illa Henne-  
 bellus Cardinali respondeat. Sed pergamus ad secun-  
 dum,

dum, ubi Rev. Adm. Pater Generalis Jesuitarum dicit Thomistas *expresse asserere cum hac gratia* physicè prædeterminante *componi quòd voluntas maneat libera libertate indifferentiæ*. Dicit Ariovistus; additum oportebat *ad oppositum*. Id, inquit Baccalaureus, Hennebellus non addit. Scio, reponit Ariovistus, sed id addit Pater Generalis, quemadmodum videre est ex ipsius verbis quæ jam statim recitavimus. Cur autem Doctor Hennebell citans ejusdem Generalis verba omiserit hanc particulam *ad oppositum*, non satis assequor. Age, fac nihil latere mysterij, nihil fraudis; sed vel Doctoris vel Amantissimi inconsiderantiâ, vel aliâ ratione innocuâ præteritam, & debere subintelligi. Quomodo D. Hennebell cum suis omnibus, sive cum omnibus in Belgio prætensis Jansenistis, admittit *libertatem indifferentiæ componi cum sua gratia efficaci*?

At verò, pergebat Ariovistus, hæc res nobis tractanda est paulò uberius. Quamobrem recordamini, Viri doctissimi, recordamini inquam, quanto studio mentisque impetu Hennebellus omnes istos Lovanienses Theologos, quorum opiniones ac sententias Cardinalis de Aguirre collegerat, defendendos suscipiat tamquam suos & ab omni Jansenismi suspitione liberos. Hoc primum. Proximum quod hic recordari debetis, est eundem Doctorem Hennebell locis pluribus asserere, quòd Jansenismus in Belgio sit merum phantasma.

Jam assumo; Atqui Gerardus van Werm Lovaniensis Doctor anno 1678., 2. Aprilis Thesi 1. "Liberum arbitrium, inquit, situm est in deliberato rationis & voluntatis motu. Hinc & Christus voluntatem Patris, non obstante præcepto sibi imposito, liberè adimplevit; & Sancti in cœlis non minus liberè quàm libenter amant; & sic non libertatis defectus impedit quo minus ipsi mereantur in cœlis, & reprobi demereantur in infernis." Idem in Thesibus anno 1651. die 11. Februarii; "Indifferentia, quam gratia non permittit, ad voluntatis libertatem impertinens est, ad quod sufficit rei placitæ spontaneus appetitus." Ubi statuit quòd gratia, quæ omnis apud illum est indeclinabiliter efficax

in

in hoc statu, non permittat *indifferentiam*: uti neque eam permittit visio beatifica indeclinabiliter voluntatem determinans ad Deum amandum; neque tamen ejusmodi indifferentiæ defectus impedit meritum juxta illum Doctorem. Unde Eminentissimus Cardinalis de Aguirre in Defensione Cath. S. Petri, disp. 21. sect. 3. sententias illas Gerardi van Werm adducens, dicit *cas, quantum apparet, renovare propositionem tertiam Jansenii, damnatam ab Innocentio X. velut hæreticam.*

Hujus vestigiis insistit Franciscus de Ladersous, qui nuper ex professore Theologiæ in Monasterio Dilleghemensi propè Bruxellas factus est Professor Philosophiæ Lovanii. Audito illo nomine Venantius subruit, noluit tamen interturbare Ariovistum qui sic persequeretur orationis suæ seriem; Hic (Ladersous) Tract. 2. De Deo ut causa exemplari cap. 2. de voluntariolibero §. 1. "Distingui, inquit, potest voluntatis libertas alia ad bonum, quæ in Deo, Angelis, Beatis, & Viatoribus, maximè gratiâ per se efficaci præventis reperitur; alia ad malum, quæ reperitur in diabolis, hominibus damnatis, & Viatoribus, maximè excœcatis & obduratis. Cùm illa rationis advertentiâ & voluntatis determinatio non importet quandam indifferentiam, talis esse potest, ut quandam necessitatem seu potius agendi infallibilitatem tum ad bonum tum ad malum inferat. Sic Deus seipsum, & Beati Deum clare intuentes, felici quâdam necessitate quâ non coguntur sed feruntur, ut ait S. Augustinus, non possunt non se determinare ad amandum Deum." In ejusmodi tamen actibus juxta hunc Theologum adest sine indifferentia sufficiens libertas ad meritum vel demeritum: sic enim §. 1. "Quæritur, inquit, 1. quale liberum requiratur ad actum humanum. Respondeo sufficere liberum essenziale. . . . Quæritur 2. an saltem non requiratur libertas accidentalis (seu indifferentiæ) ut actus humanus sit meritorius vel demeritorius. Respondet, in rigore non videri talem requiri; quia, inquit, SS. Patres agentes de libertate maximè contra hæreticos, agunt de illa in ordine ad meritum vel demeritum



„meritum, non tamen recurrunt ad indifferentiæ liber-  
 „tatem.” Ibidem; Conformiter S. Thomæ q. 10. de  
 potent. art. 2. ad 5., „docet” Deum à se ipso liberè ama-  
 „ri, & Spiritum Sanctum liberè producere, quæ tamen  
 „ita sunt necessaria ut non possint esse cum ulla indif-  
 „ferentia.” Numquid hæc est insignis libertas ad meri-  
 „tum & demeritum sufficiens? Quomodo hic Theologus  
 cum suis discipulis subscribet, quòd *cum gratia sua effi-  
 „caci componatur libertas indifferentiæ?*

Petrus de Ligny Theologus Belga, in Academia  
 Duacena Baccalaureus Formatus & Philosophiæ Pro-  
 fessor sub annum 1690. in Epistola; „Protestor, inquit,  
 „me alienissimum esse ab opinione, aut si mavis erro-  
 „re, adstruente libertatem indifferentiæ.... Hanc no-  
 „vitatem induxit Molina, & sola Thomistarum igna-  
 „via hanc falsitatem suscepit.”

Idem Theologus uti & Jacobus Gilbert ex Lovanien-  
 si Theologo Universitatis Duacenæ Cancellarius; item  
 Petrus Rivette, Theologus Lovaniensis, postea Dua-  
 cenus Professor, cum Dominis Laleu, Wille, Bru-  
 neau, Du Bron, & duobus Malpaix ejusdem Acade-  
 miæ Theologis approbarunt anno 1690. mense Novem-  
 bri, unanimi consensu & subscriptione non sine insigni  
 elogio septem famosas Theses, tamquam *apprimè Ca-  
 „tholicas & Augustinianas*, quarum hæc est tertia: „Quo-  
 „modo cum illa peccati Philosophici censura concilia-  
 „ri potest bicornis voluntatis indifferentia, & Aristoteli-  
 „cæ libertatis definitio: Libertas est potentia, quæ po-  
 „tissimis omnibus ad agendum prærequisitis, potest agere  
 „& non agere, cum utique non possit tam vitari quàm  
 „non vitari quod ignoratur? Cave ad sensum divisum  
 „& compositum, aut ad indifferentiam judicii confugas:  
 „vana enim sunt illa neotericorum effugia, declinandis  
 „Semipelagianorum terculamentis male adinventis. Sa-  
 „tis igitur nobis videtur & S. Augustini principiis con-  
 „formius, ejusmodi libertatem in flexanimi ad libitum  
 „voluntatis indifferentiæ, & in expedita ad utrumlibet  
 „potentia consistentem, POST PECCATUM ADÆ PROR-  
 „SUS REJICERE. Hoc loco Venantius interjecit; ”  
 Num.

Numquid, D. Baccalauree, hi egregii Thomistæ sunt?

Nondum audistis omnia, inquit Ariovistus; nam idem Petrus de Ligny in sua declaratione quam sub idem tempus misit ad Episcopum N." Credo, ait, libertatem indifferentiæ in statu naturæ lapsæ non esse nisi „chimæram, & inventum humanum, Philosophiæ hu-  
„manæ reliquias.... prædeterminationem Physicam eo  
„modo quo explicatur in Schola Thomistarum, esse  
„doctrinæ S. Augustini prorsus contrariam: quoddque  
„solutiones, quæ illic dantur, sensus compositus, divisus,  
„& indifferētia judicii, sint cavillationes, quarum ne  
„minimum quidem est in Patribus vestigium." Hi omnes Theologi sunt. In his aliisque eorundem Duacenorū assertionibus non merum Jansenismi phantasma deprehenderunt Theologi Parisienses à Rege deputati, ut ex eorum censura colligitur, data anno 1691. 26. Decembris. Dic igitur, D. Baccalauree, dic, quomodo omnes illi Belgii Theologi, stantibus principiis jam memoratis, admittent *gratiam prædeterminantem Thomistarum*, & cum ea *libertatem indifferentiæ in voluntate*?

Baccalaureus respondit; Fortè Doctor Hennebel cum suis, per *libertatem indifferentiæ* inmanentem cum gratia efficaci, tantum intelligit mutabilitatem, sive quòd per illam gratiam homo non sit affixus bono in perpetuum, ut Beati; sed gratia illa desinere possit, & voluntas à concupiscentia vinci ac superari.

Eo sensu intellectam indifferentiam, reponit Venantius, non gravatè admittit etiam Jansenius lib. 6. de grat. Christi, cap. 26., dicens: *Ceteras quidem humanæ vitæ actiones (scilicet omnes deliberatas viatorum) reipsa.... non solum sine violentia; sed & cum quadam indifferentia contradictionis, imò contrarietatis, ut ex Augustinè & veterum citatorum mente antè dictum est, fieri credimus.* Ariovistus subjungit; Quid ad hoc, D. Baccalauree? Et cum Baccalaureus conticesceret, conclusit Ariovistus; Evidens ergo est minimèque obscurum, quòd vel D. Hennebel non admittat indifferentiam Thomisticam, prout hæc in Thomistarum sententia distinguitur ab  
indiffé-

indifferentia Jansenii, vel quòd non habeat omnes Belgii Theologos, qui aliis in suspensionem Jansenismi venerunt, sibi consentientes.

Tempus est, inquit Venantius transeundi ad tertium. Ad tertium, dicebat Ariovistus, respondeo explicatio-  
ne opus esse, quomodo D. Hennebel omnesque illi, quorum partes agit, id est, omnes in Belgio prætensi Jansenistæ & Augustini discipuli affirmant *Voluntatem simul cum prædeterminatione ad actum salutarem habere proximam potentiam ad oppositum*, quandoquidem Laurentius Neesen Theologus Lovaniensis & Mechliniæ in Seminario Archiepiscopali per multos annos Professor, cujus discipuli toto Belgio dispersi sunt, Tractatu de actibus humanis dub. 4. ita doceat; *Christi gratia infallibiliter infert actum, utpote ab ea inseparabilis: cum illa non consistit proxima potentia ad agendum & non agendum*. Et paulò ante sic definit generatim: *In statu naturæ lapsæ liberum arbitrium habet solam remotam indifferentiam; & hæc est sententia conformior Scripturæ Sacræ & SS. Patribus*. Utramque hanc sententiam, ait Venantius, citat Cardinalis de Aguirre in Defensione Cathedræ S. Petri disp. 21., sect. 3. inter propositiones, quæ Eminentissimi judicio *innovant propositionem tertiam, Jansenii damnatam veluti hereticam*.

Tum Ariovistus; Norunt omnes, qui in Belgio sunt Theologi, à nova factione magni fieri Laurentium Neesen & Gummarum Huygens. Opera Theologica Domini Neesen typis edita, sæpius recusa, tam avidè expetuntur, ut nullus quodammodo sit istarum partium Theologus quin libros illos habeat, & ut Auctorem sibi maximè classicum ad amussim sequatur. Quomodo itaque omnes illi conciliabunt hæc duo; *Voluntas simul cum prædeterminatione ad actum salutarem habet proximam potentiam ad oppositum*, quæ est sententia Thomistarum, & istud Laurentii Neesen *Cum gratia Christi non consistit potentia proxima ad non agendum; in statu naturæ lapsæ liberum arbitrium habet solam remotam indifferentiam*. Quomodo Joannes Opstraet cum gratia effica-  
ce ad actum salutarem admittit potentiam proximam  
ad

ad oppositum? cùm in Thesibus Mechliniæ anno 1687, 2. Maii dicat: *Est libertas in statu naturæ lapsæ, sed ita ut non nisi remotè voluntas ad agendum & non agendum indifferens sit.*

Hic Venantius subsumebat; Atqui notorium est, & fatebitur D. Hennebel, quòd nullus magis sibi adhæreat, quàm hic Theologus. Hic Theologus, inquit Baccalaureus, est Vir egregius, & scriptis suis ubique famosus. Sed nonne; interrogat Venantius, famosus est etiam privatione lectionis, & dimissione ex Seminario Archiepiscopali, factâ ab Archiepiscopo, Senatu Regio, ad quem Opstratus recurrerat, factum Archiepiscopi sententiâ publicâ approbante? Nonne famosus est etiam laceratione atque exustione Thesium per sententiam ejusdem Parlamenti Regii Mechliniæ? Nonne etiam famosior laceratione & exustione sui Motivi Juris per sententiâ Rectoris Academiæ Lovaniensis, Concilio Regis sanctiore, seu privato ut appellant, sententiam Rectoris confirmante? Similia ait Baccalaureus, Nostri suspiciunt quasi totidem insignia & monumenta honoris: nam agere & pati fortia Christianum est. Atque ideò hic Theologus post dimissionem ex Seminario Archiepiscopali, Lovanium reversus à Gummaro Huygens Collegii Pontificii Præside perhonorificè susceptus est; & nunc præest Collegio Doctoris Hennebel, dum is abest. Sic uno avulso, inquit Venantius, non deficit alter.

Visum fuit Ariovisto hujus sermonis filum abrumperé, dicendo; Extra chorum saltatis; redeamus ergo unde digressi sumus, & dicite mihi, quomodo tot discipuli Joannis Opstratii, *potentiam proximam ad oppositum actûs salutaris cum gratia efficaci* admittent? illi discipuli, illi inquam, qui in hoc statu non esse nisi *indifferentiam remotam voluntatis* à Magistro edocti sunt? Illud semper premendum est, ait Venantius. Cui assentiens Ariovistus hunc in modum perrexit; In eundem Opstratii sensum videtur non obscurè collimare illud Gummaro Huygens in Compendio Theologiæ Romæ damnato, pag. 12: "Definitio illa libertatis, potestas ad agendum, & non agendum &c. non fuit nota Aristoteli; & cùm etiam

„etiam SS. Augustino & Thomæ ignota fuerit, modò  
 „non est necessaria Theologiæ. Et ibidem art. 1., obser-  
 „vat. 2. : Objicies fortè quòd definitio libertatis, hæc  
 „nimirum, potestas ad agendum & non agendum po-  
 „sitis &c. repugnet libertati amoris beatifici. Verùm in-  
 „trepidè negamus illam definitionem: neque enim tan-  
 „tâ vel autoritate vel ratione nititur, ut eam admittere  
 „cogamur; neque etiam adeò bene de Theologia merita  
 „est, ut eam vel explicare teneamur: etenim nimium  
 „propendit in Pelagianorum & Semipelagianorum er-  
 „rores.”

Hem, inquit Venantius, quid Thomistis videbitur de hoc novo scholæ suæ candidato? Alvarez de auxiliis lib. 4., cap. 14. dicit hanc definitionem admitti ab omnibus Catholicis; *Habetur enim*, inquit, *definita in Concilio Tridentino, sess. 5. de justificatione, cap. 5. & can. 4.* Ab hoc Thomistarum vindice quantum Gummarus distat.

Non inferiora, inquit Ariovistus, secutus est Polycarpus Goze Professor Theologiæ in Monasterio S. Gisleini prope Montes Haemoniæ, quæ est Provincia Belgii. Hic anno 1694., 21. Junii pronuntiavit Thesi 3. ”  
 „à se repudiatam, utpote veritatibus Theologicis minùs  
 „convenientem, vulgarem & Aristotelicam libertatis  
 „definitionem, quâ dicitur facultas quæ positis omni-  
 „bus ad agendum prærequisitis, potest agere & non age-  
 „re. Ibidem: Licet enim libertas hominis viatoris, non  
 „quidem proxima sive actûs, sed remota sive potentiæ,  
 „tam contradictionis quàm contrarietatis indifferentiam  
 „semper comitem habeat, haud tamen hujus defectus  
 „libertatem destruit; sed hanc sola perimit necessitas  
 „coactionis, vel defectus judicii rationis.” Quod videtur non discrepare ab hac damnata hæreseos in Jansenio propositione 3. inter 5. famosas: ” Ad merendum & de-  
 „merendum in statu naturæ lapsæ non requiritur in ho-  
 „mine libertas à necessitate, sed sufficit libertas à coa-  
 „ctione.” Nam D. Polycarpum agere de libertate etiam in ordine *ad merendum & demerendum*, apertè declarat eadem Thesi 3. quam ita orditur; ” Hominem esse li-  
 bero

„bero arbitrio præditum nemo inficias ierit, qui hunc „meriti & demeriti capacem esse consenserit: inest quip- „pè ei voluntas, quæ nec ab ipso quidem Deo in acti- „bus suis elicitis violentiam pati potest, quamvis ab ip- „so insuperabiliter agi possit.” Cum igitur libertas à co- „actione Theologo isti sufficiat ad meritum & demeritum, sive *libertas quæ non proximam, sed tantum remotam in- „differentiam habeat*, quomodo ad meritum requireret, ut gratia efficax ad actum salutarem relinquat *potentiam proximam ad oppositum*?

Professor ille, inquit Venantius, à Moderatoribus suis punitus est & à Cathedra amotus. Id quidem audi- vi, Ariovistus reponit. Verum anne propterea senten- tiam mutarunt ipsius auditores, præsertim Paulus du Hamel & Hieronymus de Raïsne qui Theses suscepe- rant defendendas? Quid de re sit, non scio; hoc autem scio difficulter eradi quod teneri discipulorum animi imbibere. Quid opus est pluribus? Accipite jam quid ad quartum respondere oporteat.

Jam nunc prospicio, inquit Venantius, quid sis di- cturus. Quartum hoc erat; *Si Thomistæ ex sua gratia phy- sicè prædeterminante judicarent sequi everisionem libertatis indifferentiæ, eam omnino negarent*. Porro quàm verè P. Generalis hoc dixerit, colligitur vel ex eo quòd Jan- senii doctrinam illi indifferentiæ contrariam jam inde ab initio Thomistæ impugnaverint, putà PP. Sebille & Nicolai ex ordine S. Dominici: deinde ex eo quòd Jan- senii doctrinam agnoscant in hoc puncto damnatam esse; neque ullus Thomista, saltem post Constitutionem Alex- andri VII., quantum intelligere licuit, recusaverit aut recuset agnoscere 5. propositiones rectè proscrip- tas esse in sensu à Jansenio intento. Id autem cum hæ- tenus neque Doctor Hennebel, neque ullus eorum quorum partes agit, agnoscere voluerint; sed in hoc semper tergiversentur, quin etiam cum passim tradant tam multa, quæ videntur prorsus consonare Jansenio opponique libertati indifferentiæ, quis videt, aliquid amplius quàm quod hætenus cum suis Doctor Hen- nebellus præstitit, requiri ac postulari, ut illi omnes Tho- mistis annumerentur.

Men-



„se efficacem, quamvis sentiant cum illa non componi libertatem indifferentiæ ad oppositum.”

„ 2. Jansenistæ expressè dicunt, non dari auxilium „verè sufficiens, ab efficaci distinctum.”

„ 3. Docent quoque, quod omnis gratia propriè loquendo sufficiens sit efficax.”

„ Quos eisdem errores damnavit præfatus Doctor his „verbis; *hos tres articulos damno, & omnes Theologi quorum partes ago, unanimiter mecum damnant, eodem sensu, quo damnantur à ceteris gratiæ per se efficaciæ deensoribus: imo eas damnamus eodem sensu, quo eas damnandas censet Reverendissimus Pater Generalis, qui non dubitat hos articulos optimè damnari ab iis, qui admittunt gratiam sufficientem, qualem admittunt Thomistæ passim omnes.*” Quo, inquit Baccalaureus, quid dici possit sincerius, ego non video.

Itane verò? ait Venantius. An ergo tibi, mi Baccalauree, jam nunc exciderunt illi recentiores Belgæ quos apertè adversantes libertati indifferentiæ non exiguo numero statim protulimus? Quomodo igitur omnes à Doctore Hennebel dicuntur eam asserere? Mysterium fortè se pandet in sequentibus: hoc interea responsum ad primum sufficiat.

Propero itaque, pergebat idem Venantius, ad secundum & tertium, quæ ut consideranti liquet, eodem redeunt. Doctor Hennebel cum suis omnibus damnare tamquam *Jansenistas* paratus est quoscunque dicentes *non dari auxilium verè sufficiens ab efficaci distinctum*. Credis hoc, mi Baccalauree? Iterum tibi in memoriam revoca, omnes ab hoc Doctore defendendos suscipi quicumque in Belgio aut Jansenistæ aut de Jansenismo suspecti vocantur: *Jansenismus* enim in Belgio juxta D. Hennebel non est nisi phantasma, ut eum aliquoties in hoc suo scripto asserentem audivimus. Neque tantum vivos propugnat, sed etiam mortuos; eos scilicet Lovanienses omnes, quorum sententias refert Eminentissimus Cardinalis de Aguirre in defensione Cathedræ S. Petri totâ disput. 21 tanquam impingentes in Bullam Innocentii X., & alteram Alexandri VII. contra Jansenii

R

scii

senii propositiones editam. Circa hos omnes Theologos & eorum doctrinam ait Doctor Hennebel *Cardinalem sibi pridem satisfactum agnoscere.*

Sed, Sapientissime Venanti, inquit Baccalaureus, vides Doctorem Hennebel cum omnibus *prætenfis Fansenistis*, qui sunt in Belgio, damnare & quidem ut ait eo sensu quo damnat Generalis Societatis, assertionem hanc *non datur auxilium merè sufficiens ab efficaci distinctum*, & hanc *omnis gratia proprie loquendo sufficiens est efficax*. Nunquid igitur quisquis hæc legit, confiteri debet nullum esse in Belgio, qui alterutram propositionem sustineat? minimè autem sustineri ab iis, quos ab Eminentissimo Cardinale de Aguirre prædictâ disputatione citatos Doctor Hennebel defendit?

Tum Venantius depromsit plurium propositionum catalogum, & dixit; Istud, mi Baccalauree, confiteri nec debet, nec potest quisquis æquus arbiter hunc catalogum inspexerit. His dictis, catalogum tradidit Baccalaureo, qui de illo recitavit sequentes propositiones.

Laurentius Neesen tract. 18. quæst. 1. dub. 8. *Nulla datur gratia proximè sufficiens, quæ non sit efficax.*

Joannes Sinnich in Thesisibus anni 1650. 26. Februarii *Imaginaria est & inutilis in hoc statu gratia sufficiens.*

Laurentius Neesen tract. 18. quæst. 1. dub. 8. *Damnosa est talis gratia: quid enim damnabilius, quàm abundare tali gratiâ?*

Idem dub. 5. *Gratia Christi semper est efficax, qui producit semper effectum, quem Deus vult producere per illam.*

Andreas Laurent in Thesisibus anni 1672. 18. Martii, *Nullum omnino à Deo datur auxilium, quin semper sit aliquousque efficax, & efficiat semper in homine id quod ei vult Deus.*

Idem in Thesisibus mense Maii ejusdem anni. *Omnis gratia habet necessitatem ad id quod ordinatur à Deo.*

Facultas Lovaniensis in Justificatione Censuræ cap. 11 *Fieri posse, & de facto sæpè fieri, ut quis auxilium habeat præveniens omnino sufficiens in genere auxilii prævenientis ad conversionem, & tamen non convertatur, quia non vult, doctrinæ Augustini, Apostoli, & Prophetæ Ezechiëlis non est consentaneum.*

Eadem

Eadem facultas ibidem: *Non est in quoquam gratia sufficienter operans ad credendum, nisi in eo qui vult credere.*

Gerardus van Worm Doct̃or Lovaniensis in Thesi anni 1649., 21. Aprilis *Nunquam est sine effectu vera Christi gratia.*

Idem triginta annis post, nempe 1679., 11. Aprilis *Gratia ad conversionem sufficiens ipsa convertit, quæ verò non convertit, non sufficit.*

Lambertus Vincent 12. Martii 1676 in Thesi; *Apage gratiæ sufficientis propriè dictæ inventum, Augustino contrarium.*

Hrofnata van Saftinghen eodem anno 1676., 2. & 3. Septembris in Thesi; *Illæ gratiæ non est Christi, quæ non dat actum.*

Hæc ubi Baccalaureus invito planè ac reluctante animo recitaverat, subjunxit Venantius; Has omnes sententias cum suis Autoribus affert Eminentissimus Cardinalis de Aguirre, in defensione Cath. S. Petri disp. 21. sect. 2. ut ostendat propositionem 2. inter 5. famosas damnatas in Jansenio fuisse traditam à multis aliis Belgis, præsertim Lovaniensibus, tum ante tum post censuram hæreseos inflictam ab Innocentio X. & Alexandro VII. In Memoria habeo, Ariovistus inquit; sed demus, prosequebatur, etiam recentiora quæ ego collegi & hic penes me habeo in adversariis; quanquam ut dictum est, liber Laurentii Neesen, uti & censura Lovaniensis cum sua Justificatione, saltem quoad doctrinam illâ contentam, approbetur hodie Lovanii à multis. Demus inquam recentiora.

Franciscus van Vianen Doct̃or Lovaniensis in Thesi anno 1697., 2. Junii: *Quisquis sufficiens gratiæ adiutorium in statu naturæ lapsæ asseris, cogaris admittere, quod potius in sola spe virium liberi arbitrii, quàm gratiæ innitendum sit.*

Gummarus Huygens in Compendio Theologiæ 1684. pag. 331. *Si gratia sufficiens requiratur ad libertatem, gratia non est gratia.*

Idem in eodem Comp. pertinenti 5. ad 2. pag. 29. *Singuli gradus gratiæ semper in nobis obtinent id quod per illos vult Deus.*

Joannes Opstraet Licentiatuſ Lovaniensis in Diſtatis de gratia quæſt. 2. cap. 6. §. 6. *Gratia incongrua* (ut à ſuis aſſertoribus adſtruitur) *ad nihil aliud ſervit, quam ad magis peccandum*, adeòque non eſt gratia, nec datur.

Ibid. juxta S. Auguſtinum numquam adeſt gratia præparans voluntatem, quin ſimul etiam adſit deliberata volitio.

Joannes Sulivane Doct̃or Lovaniensis in Theſibus anno 1682., 1. Februarii: *Gratiam in rigore ſufficientem, non dantem actum*, ut Scripturæ Sacræ ſanctoꝛum Auguſtino non ſat conſonam rejicimus.

Matthæus Rouvroy Theologus Lovaniensis & Profeſſor nuper in Seminario Episcopali Namurcenſi, nunc ibidem Decanus, in Diſtatis de fide §. 11. *Aſſertores gratiæ ſufficientis minuunt numerum articulorum fidei, qui ſub obligationem cadunt.*

Idem obſer. 5. de gratia; *Quid non electis, inter quos multi ſunt ſancti, ſervit illa gratia ſufficiens, & cur datur? Certè tantum ut poſſint peccare.*

Idem in Theſibus anno 1682., 22. Octobris, *Gratia ſufficiens Thomiſtarum reverà non eſt ſufficiens.*

Idem in Diſtatis de fide §. 11. *Doctrina de gratia ſufficienti ducit ad laxitatem.*

Idem de gratia obſervat. 7. *Ex doctrina de gratia per ſe ſufficienti ſequitur non recta adminiſtratio pœnitentiæ.*

Idem ſuperiùs obſerv. 5. dixerat, *ſtatuentes gratiæ efficaciam in prædeterminatione, non rectè ſentire de differenda abſolutione.*

Jacobus Gilbert, & Petrus Rivette Theologi Lovanienses, ac dein Profeſſores Duaceni cum DD. Laleu, Wille, de Ligny, Bruneau, Du Bron, & duobus Malpaix anno 1690. menſe Novembri approbarunt velut Catholicam & verè Auguſtinianam hanc Theſim; *Qui gratiam aliquam ſufficientem ab efficaci diſtinctam in hunc amiſſæ innocentie ſtatum invehunt, mirum quantum ab Auguſtini mente deficiunt, qui naturæ integræ gratiam ſufficientem tantum, lapſæ verò efficacem tantum attribuit. Hæc ſi indubitata Auguſtini principia vel minimum concutias, tota cœleſtis illius doctrine compages ſolvatur neceſſe eſt. At quid de gratia ſufficienti in ſenſu Thomiſtico? Minus diſplicet:*

cet: quia nisi hallucinari velis, particulam includit alienantem, & nebuloso tempore occulendis gratiæ Evangelicæ mysteriis est peridonea. Interim cum vox illa & res voce expressa purioribus Ecclesiæ seculis ignota fuerit, illam meritis ex sana Theologia relegendam judicamus.

Petrus de Ligny in Declaratione ad Episcopum art. 4. Post peccatum Adæ non datur gratia sufficiens, sed tantum efficax; sententia Molinistarum circa hoc est Semipelagiana, & damnata in Congregatione de Auxiliis. Opinio Thomistarum est mera stultitia & ineptia.

Idem in Epistola anno 1691., 1. Februarii. Nunquid modo verum est gratiam sufficientem Molinistarum esse errorem, Thomistarum autem esse stultitiam? Quid sibi volunt novæ hæc decisiones de gratia sufficiente? Novæ tunc decisiones erant Alexandri VIII. Pontificis in Decreto anni 1690., 20. Decembris, ubi inter 31. propositiones damnabatur hæc 4. : Dedit semetipsum pro nobis oblationem Deo, non pro solis electis sed pro omnibus & solis fidelibus. Et hæc 5. Pagani, Judei, Heretici, alique hujus generis nullum omnino accipiunt à JESU CHRISTO influxum, adeoque hinc rectè inferes in illis esse voluntatem nudam & inermem sine omni gratia sufficiente. Et hæc 6. Gratia sufficiens statui nostro non tam utilis, quàm perniciosa est, sic ut proinde meritis possimus petere, a gratia sufficiente libera nos Domine.

Sed Dominus Malpaix, interjicit Venantius, in Epistola scripta anno 1691., 2. Februarii pro sua auctoritate declarat hoc Pontificis Decretum esse scandalosum.

Hic non illepidè, Ariovistus dicebat; si D. Malpaix ista prolocutus fuisset ex Sede Joannis Martini de Hont, plus auctoritatis, vel dicam potius infallibilitatis habuisset. Nam Pater ille de Hont..... Ne iterum proferas ipsius verba, ait Venantius; sat sæpè illum Cynicum audivimus allatrantem adversus Summi Pontificis Cathedralam, adversus quam ne stygius quidem Cerberus umquam prævalebit. Ad Hennebellum revertamur. An meritis, D. Baccalauree, potest jactare ille Doctor, Jansenismum in Belgio non esse nisi phantasma? An potest jactare se cum suis omnibus, ut vocat, prætensis Jansenistis sive cum omnibus, qui in Belgio suspensionem Jan-

fenissimi incurrerunt *admittere gratiam sufficientem*, *quam admittunt Thomistæ passim omnes*, & propositiones ei oppositas *damnare eodem sensu*; quo *damnandas censet R. P. Generalis Societatis*?

Nequaquam, inquit Ariovistus; aut hæc sufficiunt ad convincendum Doctorem Hennebel de fide pessima, aut nihil ad convincendum quempiam potest unquam sufficere. Nunquid igitur, interrogat Venantius, hic applicari posset, quod de quadam legatione hæreticorum & schismaticorum ad Cornelium Pontificem ait S. Cyprianus Epistola 55. *Romam cum mendaciorum suorum mercibus navigaverunt, quasi veritas post eos navigare non posset, quæ mendaces linguas rei certæ probatione convinceret.* Sed adhuc clariùs se evolvit dolus in sequentibus.

Imò sinceritas, dicit Baccalaureus; nam in sequentibus gratiam sufficientem discretè admittit: sic enim habet; "Ne quis autem, me hæc dissimulare aut sub ambiguo gratiæ sufficientis nomine solum facere velle arbitretur, hic subjungo declarationem quam super ea exhibui S. Congregationi S. Officii, estque tenoris sequentis."

EMINENTISSIMI AC REVERENDISSIMI DOMINI.  
 „ Cum spargi à quibusdam audiam, me non admit-  
 „ tere gratiam sufficientem ab efficaci distinctam, prout  
 „ communiter admittitur & explicatur in scholis Tho-  
 „ mistarum, aliisque scholis, quæ gratiam per se effica-  
 „ cem ad singulos pietatis actus necessariam tuentur, co-  
 „ ram Eminentiis Vestris declarandum putavi, quòd ad-  
 „ mitto, semperque admisi ejusmodi gratiam sufficien-  
 „ tem ab efficaci distinctam, prout illam admittunt Tho-  
 „ mistæ, aliique gratiæ per se efficacis defensores; ad-  
 „ mitto quòd gratia illa sufficiens dat verum posse & qui-  
 „ dem tam propinquum, ut ex parte potentiae nulla  
 „ alia requiratur gratia adtribuendam illam potentiam  
 „ seu virtutem internam, quâ homo proximè dicatur  
 „ posse bene agere, licet alia requiratur scilicet efficax  
 „ ad actu operandum; hæc autem est gratia illa sufficiens,  
 „ quam Theologi alio nomine excitantem, seu ineffica-  
 „ cem appellant, quâ homo excitatur, illuminatur &  
 inspi-

„inspiratur ad bonum faciendum, quæ stat ad ostium  
 „cordis & pulsat, cui nisi defuerimus & pravâ nostrâ  
 „voluntate resisterimus, Deus sicut per illam incipit in  
 „nobis opus bonum, ita per gratiam efficacem perficiet  
 „juxta illud Apostoli, Deus est, qui operatur in nobis &  
 „velle & perficere. Porro Eminentissimi Domini, hanc  
 „meam de gratia sufficiente sententiam jam pridem in  
 „responsione ad articulum 5. inter 42. à Doctore Mar-  
 „tino Steyaert mihi aliisque Collegis meis objectos,  
 „tam aperte exposui, ut idem Doctor Steyaert nihil aliud  
 „in sua Synopsi respondendum habuerit, quàm hæc ver-  
 „ba; Rectè admittit responsio gratiam sufficientem. Quæ  
 „quidem scripta typis edita jam dudum Congregationi  
 „exhibita sunt. Hanc eandem declarationem iterum hu-  
 „millimè judicio Eminentiarum Vestrarum subjicio,  
 „quas Deus &c.”

Hæc ubi Baccalaureus recitaverat, Ariovistus quærit;  
 Nihilne tu D. Baccalauree, hæc observasti? Et cum  
 Baccalaureus respondisset à se observatum esse nihil,  
 Ariovistus sese ad Venantium convertens percunctatur;  
 Nihilne, tu acutissime Venanti?

Ego, respondet Venantius, hoc observavi quoddam quo-  
 ties Doctor Hennebel protestatur se admittere gra-  
 tiam sufficientem, semper sollicitè addat particulam  
 hanc *in sensu Thomistarum*, vel *in sensu illorum, qui gra-  
 tiam per se efficacem ad omnes pietatis actus necessariam  
 tuentur*. Solers observatio! subdit Ariovistus. Et quan-  
 do, pergebat Venantius, dicit se sententias, gratiæ verè  
 sufficienti oppositas, damnare *eodem sensu, quo eas dam-  
 nat Rever. Pater Generalis*, fucus latet in hoc quod  
 immediatè subjungitur; *Qui non dubitat hos articu-  
 los optimè damnari ab iis, qui admittunt gratiam sufficien-  
 tem, qualem admittunt Thomistæ passim omnes*. Hæc ver-  
 borum ambage & circuitione aliud non intelligit Do-  
 ctor Hennebel, quàm se sententias, oppositas gratiæ suf-  
 ficienti, *damnare eo sensu, quo damnant Thomistæ*. Cum  
 autem juxta hunc Doctorem ejusque socios, imo &  
 juxta Rev. Adm. P. Generalem, gratia *Thomistarum* non  
 sit simpliciter & propriè sufficiens, licet à Thomistis



propriè sufficiens existimetur; particulæ illæ *Thomisticæ*, in sensu *Thomistarum*, eo modo quo *Thomistæ* &c. apud Doctorem Hennebel, & ei adhærentes sunt particulæ alienantes, ita ut *sufficiens Thomisticè* sit idem, ac non propriè *sufficiens*. Similiter cum admittunt gratiam propriè sufficientem in sensu *Thomistico*, intelligunt propriè sufficientem in opinione *Thomistarum*, reipsa non propriè sufficientem; Et consequenter quando dicunt se damnare, sicut damnant *Thomistæ*, sententiam quæ negat gratiam verè sufficientem, idem illis est ac damnare verbo, reipsa non damnare, sive damnare merum phantasma.

Perinde loqueris, inquit Baccalaureus, tamquam si esses καρδιωγράφης sive cordium & renum scrutator. O bone Baccalauree, reponit Venantius, tui illi externa signa ediderunt sat multa, unde hanc esse illorum mentem colligam: multos enim paulo antè vidimus clarissimè negantes, explodentes, censurantes gratiam omnem sufficientem ab efficaci distinctam, etiam *Thomistarum*.

Rectissimè, inquit Ariovistus. Quin imò, idem Ariovistus adjiciebat; Si nunc quæramus ex Doctore Hennebello, an reipsa admittat aliquam gratiam sufficientem eo sensu, quo vel unus Jansenista eam negavit, fallor si unquam affirmativè respondeat. Quæramus rursum, an cum superiùs dicit se omnesque Theologos, quorum partes agit, tres articulos libertati indifferentiæ & gratiæ sufficienti contrarios damnare eodem sensu, quo damnantur à ceteris gratiæ per se efficaciæ defensoribus, non damnent articulos commentitios, sive quos nullus in Ecclesia Theologus unquam tenuit. Ne unum quidem assignabit Docteur Hennebellus erroris alicujus Auctorem in tota Ecclesia. Sed neque unum proferet Jansenistam, quantumvis notorium, qui talem gratiam sufficientem negavit, qualem hîc ipse statuit.

Ne Jansenius quidem, addit Venantius, tali gratiæ sufficienti refragatus est. Fateor quidem esse permultos qui contendunt eam gratiam non esse sufficientem, & reverà sufficiens non est; sed tamen hoc iterum iterumque dico & inculco; Gratiam illam secundùm se nec

Jan;

Jansenius, nec ullus ipsi adhærentium rejecit. Sic enim Jansenius profitetur lib. 3. de grat. Christi cap. 1. " Quod si verò sic accipiatur ut sufficiens dicatur, sicut à quibusdam dicitur, quod satis est ut homo dicatur posse operari, quamvis aliud adhuc necessarium sit, ut de facto operetur, de ejusmodi sufficienti gratia non est hîc nostra controversia: talem enim sufficientem fortasse non difficulter S. Augustinus admitteret: solam ait ibidem se rejicere illam sufficientem gratiam seu sufficiens adjutorium, præter<sup>b</sup> quod nihil aliud ex parte Dei per modum principii necessarium est, ut homo velit aut operetur. " Illam quoque sufficientem gratiam rejecit Doctor Hennebel.

Quid, interrogat Baccalaureus, in eo piaculi est? Eam pariter quidam rejiciunt Thomistæ; atque adeò si illi vobis sint probè Catholici, quid est, cur & Hennebelus cum omnibus suis S. Augustini discipulis non videatur vobis esse talis?

Thomistæ, respondet Venantius, saltem multi amplectuntur talem gratiam sufficientem, ut sufficiens sit non tantum ad *posse agere*, sed etiam ad *agendum*, quod negat Dominus Hennebel cum suis. En tibi ex principis Thomisticis sententias aliquot. Gonzalez de Albel-da in 1. part. disput. 58. num. 16. " Indubiè, inquit, tenendum esse censeo, voluntatem creatam solum sufficienter adjutam à Deo, habere ultimum complimentum potentiæ activæ, habere totam illam virtutem, quæ sufficit & requiritur ut in actu primo sit ultimè completa & proximè expedita ad consentiendum Deo, si velit, " & non tantum ad posse consentire, " quare ex sua malitia non vult, non autem ex defectu principii proximi ultimè requisiti, necessitate antecedente, seu ex parte causæ. " Vincentius Ferre tom. 2. tract. 9. de voluntate Dei §. 23. statuit gratiam sufficientem esse " auxilium completè sufficiens ad operandum talis conditionis, quod illo dato actus simpliciter sit voluntati possibilis. " Joannes Paulus Nazarius Cremonensis in 1. part. ad quæst. 23. art. 3. " Datur autem, inquit, gratiæ sic excitans auxilium sufficiens

„ciens non respectu operationis uniuscujusque operationis, sed ejus tantum, ad quam efficiendam excitat hominis voluntatem, ita ut, si excitet ad credendum, sit sufficiens ad actum fidei; si ad poenitendum, sit sufficiens ad actum dilectionis, ” Nihil horum admittit Doctor Hennebel.

Nec ego, reponit Baccalaureus; sed sunt, instabat, etiam aliqui Thomistæ, qui gratiam suam sufficientem docent dumtaxat esse sufficientem ad posse, non autem ad agendum. Mirabilis quidem, inquit Ariovistus, hæc mihi videtur esse sufficientia. Attamen si tales Thomistæ reperiantur, sunt probè Catholici. Quid ita? quærit admirans Baccalaureus. Ariovistus respondit; Quia censent gratiam illam ” esse verè, propriè & in omni rigore sufficientem, ita ut potentia agendi sit omnino completa, nullo modo ligata vel impedita. ” In tua autem, D. Baccalauree, ceterorumque prætensoꝝ Discipulorum S. Augustini sententia, voluntas impedita est & ligata arcto concupiscentiæ tentationumque vinculo, donec eam spiritus liberaverit infundendo delectationem cœlestem terrenâ fortioꝝ.

Ideò Thomistæ sincerè tenent ac defendunt præcepta nulli homini esse impossibilia potentiâ antecedente liberam hominis determinationem. Ideò tenent hominem, qui sufficiente gratiâ munitus non observat præceptum, demereri: etenim nulla ipsum ab observando præcepto cœercebat propriè dicta necessitas, nempe antecedens & quam tollere vel præveniendi excludere in ejus potestate non esset. Ideò nullam difficultatem inveniunt in damnando libro Jansenii & ejus doctrina circa 5. propositiones ab Innocentio X. & Alexandro VII. hæreseos & aliis censuris perstrictas: secus autem omnia se habent in tua & Doctoris Hennebel factione: nam hæc ideò gratiam non simpliciter & absolutè sufficientem, sed tantum sensu Thomistico admittit, quod censet sufficientiam Thomisticam non esse veram proprièque dictam sufficientiam. Ideò dum vult incautis illudere, ait se verè & propriè dictam gratiam sufficientem admittere, prout admittitur à Thomistis, vel ab aliis  
qui

qui ad omnes actus salutare requirunt gratiam per se efficacem ut necessariam, quia tum si quæ dicatur merè sufficiens sive ab efficaci distincta, non est reipsa & propriè sufficiens. Hinc secundum eandem factionem quisquis in peccatum labitur, præceptum in rigore & propriè observare non potuit, utpote auxilio necessario & omni verè ac propriè sufficienti destitutus, atque adeò peccavit ex propriè dicta & liberam hominis determinationem antecedente necessitate. Idèò semper studiosè cavent, ne agnoscant 5. propositiones esse rectè condemnatas in sensu Jansenii seu ejus libri, quia satis vident hunc esse ejus sensum obviùm.

Baccalaureus cum Thomisini larvam sibi suisque ita avelli persentisceret, nihil habuit potius quàm ut ista Venantii dicta omnia cum stomacho respueret. Fabulæ, (vociferabatur) nugæ, somnia, commenta, deliria, male feriatorum hominum atque malevolorum intemperiar. Ariovistus verò effervescentem Baccalaurei animum lenire conatus est, quem in finem ei proposuit singularem illam, quam affectat Novatorum factio, gravitatem morum. Ostendit etiam nihil hîc peccatum esse à Venantio, dictum nihil quod probari haud queat evidentissimis exemplis. Estne, mi D. Baccalauree, inqueiebat. inter alia, illud liber qui à prætensis S. Augustini discipulis tanti fiat, quanti Epistolæ Provinciales Ludovici Montaltii? Hæ post Romanam condemnationem in plerasque linguas translata, typis eduntur novis elegantissimisque, obtruduntur omnibus, laudantur, inculcantur. Epistola autem 2. sic habet; " Certè, mi Pater, si quid in Gallia possem, hoc curarem publicè, à præconibus prædicari: Notum omnibus esto, cum omnibus adesse gratiam sufficientem Dominicani dicunt, id eos significare velle non omnibus adesse gratiam, quæ reverà sufficiat. Hoc tacto tum vobis (Dominicanis) sufficientis gratiæ buccinandæ fieret potestas. At priùs nullo modo hic nostræ disputationis finis, ex qua facilè cernes hanc gratiam politicè tantùm sufficientem esse proximæ potestatis plane gemellam." Nonne hîc idem dicitur quod à Venantio dictum est?

Sed

Sed juvat, ait Venantius, alia quoque proferre testimonia. Nuperus Palladius apertus Jansenii defensor, in Crisi contra Martinum Steyaert Doctorem Lovaniensem conclus. 7. eum redarguit, quòd gratiam admittat Thomisticè sufficientem." Miram, inquit. quandam & exoticam gratiam sufficientem Thomisticam, quæ non sufficit, tametsi essentiam ejus saltem quemadmodum à Theologo nostro depingi videtur, non velimus rejectam, nomenclaturam tamen insigni absurditate deliram arguere nondubitamus: dicit esse nuncupationem ludicram, quia, inquit, verbo sufficit, re non sufficit." Ibidem dicit " Querimur vocem omnibus innatis nationibus repugnantem. nec nisi politico cuidam concentui, vel decipiendis imperitis ac Molinisticæ demùm gratiæ inferendæ idoneam in Lovaniensem Academiam jam intrudi. " Vides? mi Baccalauree, Palladius *Essentiam gratiæ istius*, prout depingitur debilis quidam motus obtinens tantum velleitatem, *non vult rejectam*; sed ægre fert eam vocari *gratiam sufficientem*, cum non sufficiat. Nihil quoque, inquit, *ad obvelandam vocis turpitudinem confert, quòd addatur Thomisticè, nec enim magis licitum delirare Thomisticè quàm Scotisticè*. Veretur Palladius fictitius, sed Belga satis notus, ne paulatim cum vocibus introducatur doctrina Thomistica, imò ne multi discipuli conspicati gratiam sufficientem admittendam esse, atque aliunde fortè non assequentes, quomodo gratia, quæ Thomisticè sufficiens vocatur, verè sufficiens sit, transeant ad gratiam sufficientem tradi solitam à Doctoribus Societatis; & ne damnata Jansenii doctrina paulatim Belgio eliminetur & inducatur directè opposita. Ita dum liberiùs loquuntur, nec Thomistarum patrocínio, nec pallio ad obtegenda sua sensa indigere se arbitrantur, simul cum respectu humano rejiciunt modos istos loquendi politicos, gratias Thomisticè, sive ut ajunt, politicè tantum *sufficientes*, potentiam agendi cum tali gratia sufficienti *proximam politicè*, utpote *gratiæ isti gemellam*; neque curant concinere Thomistis, quibus videri volunt consentire.

Inter hos candidioris pectoris, subdit Ariovistus, nuper

per erat Eugenius de Gelder Brugensis, & est Matthæus Rouvroy, qui tamen nunc urgente durissimo necessitatibus telo, nempe Decretis Regiis contra suspectos, & metu ne Roma adhibeat remedium efficacius ad reliquias Jansenismi radicitus evellendas, non minus quàm Doctor Hennebel & ipse Doctor Huygens assumet gratiam politicè sufficientem, & ei gemellam proximam potestatem.

Hunc, pergebat Ariovistus, cum Thomistis *concentum* discere coacti fuerunt nuper Duaceni aliquot Theologi, quamvis fraudulenta hæc politica detecta statim fuerit, productis in medium eorum litteris & scriptis occultis. Rem hanc exhibeo ipforum verbis, quæ hic habeo penes me fideliter descripta.

Petrus de Ligny in Epistola scripta anno 1690., 5. Novembris: *Sensum nostrum expressissimus terminis fortioribus*, approbando 7. Theses doctrinæ Jansenii planè conformes, " sed rationes sequentes continuerunt Dominos De Laleu & Rivette: non potuerunt clariùs se explicare, nisi occasionem præbendo inimicis gratiæ Jesu Christi, eos accusandi contradictionis, ut nihil dicam de calumnia graviore; quia paulo post quam D. Gilbert jussus fuerit excedere Duaco, qui fuit effectus furoris Jesuitarum, subscripserunt cuidam scripto, in quo gratia efficax & sufficiens exponuntur more Thomistico. Duo Domini De Laleu & Rivette, docentes & explicantes in scholis publicis utuntur ordinariè modis loquendi Thomistarum in materia de gratia: atque ita Molinistarum malignitas eos traduxisset tamquam homines habentes pondus & pondus."

Petrus Rivette in Epistola data anno 1690., 23. Augusti: " Quandoquidem Deus hanc mihi gratiam præstiterit quòd studuerim Lovanii, apprimè imbutus sum omnibus sententiis S. Augustini quæ illic traduntur, præsertim de adjutorio sine quo non naturæ innocentis, & de adjutorio quo naturæ corruptæ; atque ita quòd non debeamus illam prædeterminationem admittere: nihilominus quamquam pro eo quod debeo veritati, protestor &c. " Tamen in scholis publicis simulabant se

se illam *tenere* propter rationem in Epistola D. de Ligny expressam.

Idem Revette in iisdem litteris ; " Utinam liceret in scholis Philosophicis loqui de gratia & libero arbitrio quemadmodum Augustinus locutus est ! sed nondum est tempus. Gratia sufficiens devenit quasi necessaria ; si ad actionem , ad quam sufficiens vocatur , non sufficit , sufficit saltem ut nos liberet ab adversariorum nostrorum insidiis. Ceterum *ea* voce utor quàm possum rarissimè & semper sollicitè addendo particulam alienantem sensu Thomistico." Audin D. Baccalauree , interjicit Venantius , ultimas illas particulas ?

Mox iterum Ariovistus profecutus est , aiens ; D. De Laleu in Epistola anno 1690. , 8. Augusti." Ad nos quod attinet , satis persuasum habemus , quòd præstaret , uti modis loquendi antiquorum , verùm judicamus nondum esse tempus : non est modò nobis tempus triumphandi , sed solum tempus defendendi nos in recessu."

Idem in Epistola ejusdem anni 2. Novembris. " Exultarem gaudio , si tempus advenisset nos explicandi , & haberemus libertatem loquendi , ut S. Augustinus. Fateor me non satis exploratum habere statum rerum , ut de hoc judicare queam ; ceterum caveamus , ne præveniamus horam à Deo constitutam. Etiam D. Gilbert crediderat illam advenisse , sed eventus docuit contrarium. Similiter & Eugenius de Gelder putaverat tempus advenisse , sed & ipsum eventus contrarium docuit."

Tum Venantius subjunxit ; Ita quoque Jansenianus ille , qui Epistolam scripsit sub nomine Ministrorum Lugdunensium in Hollandia anno 1693. , 3. Martii , censebat tempus advenisse , ubi ad terrendum Pontificem & Regem hortabatur suos , *ut exirent ex illa Babel Ecclesia Romana* , & transirent ad Reformatos. Hæc Epistola , dicit Baccalaureus , nihil ad nos attinet. Attinet enim verò , Venantius affirmat : nam hanc Epistolam typis editam non esse Ministrorum Calvinianorum , sed alicuius Jansenistæ , satis evidens apparet vel ex eo quòd Autor post medium dicat " Ad non leves angustias & ad ipsam pænè , ut in scholis loquuntur , non loqui me-

tam



„tam redacti eramus per quosdam Romano-Catholico-  
 „cos, quos Janſeniſtas, aut cum Humberto ( Archie-  
 „piſcopo Mechlinienſi ) Severiſtas vocant. Seripſerant  
 „non contemnenda verè opuscula de cultu Sanctorum,  
 „Reliquiarum & Imaginum, de Morali Chriſtiana, de  
 „lectione Scripturæ Sacræ, aliisque id genus argumen-  
 „tis; & ſatis plauſibiliter probaverant non poſſe à nobis  
 „eo in negotio Eccleſiæ Romanæ niſi abuſus aliquot &  
 „exceſſus, quos & ipſa improbat, objici.” Hactenus  
 Epistoła.

Profectò, Doctiſſime D. Baccalauree, inquit Ario-  
 viſtus, hîc debeo iterum aſtipulari Venantio : quippè  
 quam illius Epistołæ appellavit laciniam, hæc Auto-  
 rem factionis Janſenianæ, non autem Miniſtrum Cal-  
 vinianum eſſe ſatis probat omnibus, qui utcumque ex-  
 ploratum habent talium Miniſtrorum ingenium atque  
 ſuperbiam : *Redigere* quempiam ad non loqui metam phra-  
 ſis Lovanienſis eſt ſignificans idem quod aliquem re-  
 digere ad incitas, ita ut argumentis reſpondere nequeat,  
 ſed cogatur ſilentio ſuo fateri victum eſſe ſe. Hoc ſibi  
 contigiſſe à Janſeniſtis fatebuntur publicè impreſſâ Epi-  
 ſtolâ Miniſtri Calviniani ? Id nemini umquam perſua-  
 ſeris. Quoad illam Epistolam, ait Venantius, unum  
 oportet addere. Lovanii ordinarius novæ factionis Ty-  
 pographus exemplar in conſortio obtulerat Rectori Aca-  
 demiæ, à quo propterea in iudicium vocatus, reſpon-  
 dit ab ignoto ſibi miſſum, atque iſtud ſe Rectori tam-  
 quam ſuperiori deferre. Sic pœnam evaſit niſi quod ali-  
 quos litis ſumptus ſubierit. Si ſimilia, inquit Arioviſtus,  
 in Italia fierent, S. Inquiſitio brevî detegeret & Auto-  
 rem & Typographum.

Satis crediderim, Venantius ſubnexuit ; & mox ex  
 ultro citròque dictis ſic arguebat ; Habent itaque novi  
 homines larvas omnis generis. Pro alia & alia cir-  
 cumſtantiarum opportunitate larvas etiam alias atque  
 alias aſſumunt. Modò apparent Calviniſtæ, modò Au-  
 guſtiniani, modò Thomiſtæ, modò etiam conſentien-  
 tes Generali Societatis ; ſemper tamen retinent ſenſum  
 ſui Janſenii, atque huic omnes ceteros aptare & ſubjice-  
 re

re machinantur. Ne Roscius quidem, inquit Ariovistus, tot personas agat tamque diversas; non Proteus tot formas induat? Qua in re iterum imitantur consuetudinem veterum hæreticorum; nam simile quid in Arianis observat S. Basilius Epist. 73. "Habent illi, inquit, „astutum quoddam dogma ad ejusmodi mutationes paratum; nam verbis fidei more medicorum utuntur pro „commoditate aliter sese ad affectionum rationem ac „varietatem attemperantes."

Potesne, D. Baccalauree, adjungit Venantius, audito Basilii nomine, non reminisci illius comparationis, quam nuper coram te instituebat aliquis juris utriusque Doctor, scis ubi. Doctor ille, Arioviste, Novatores nostros scitè comparabat polypis, qui dicuntur colorem mutare maximè in metu. Nam ut ille aiebat, persequentibus piscatoribus, petris affigunt se, & cuicumque petrae adhæserint, ejus colorem corpore imitantur, videlicet ne queant deprehendi. Quin ut refert S. Basilius, alii pisces falsâ imagine decepti, nonnumquam annatant, ultro sese prædonibus offerentes. Non invenusta comparatio, subdit Ariovistus, & quæ non tantùm versipelle hominum istorum ingenium adumbrat, verùm etiam aliorum non satis cautorum, quos decipiunt, deplorandam calamitatem.

Jam verò, prosequebatur Ariovistus, quo D. Hennebellus clariùs perspiciat, quòd ad hoc, ut aliquis verus Thomista sit & à Jansenii doctrina semotus, non sufficiat profiteri "gratiam sufficientem, verum posse „& quidem tam propinquum, ut ex parte potentiae nulla alia requiratur gratia ad tribuendam illam potentiam seu virtutem internam, quâ homo proximè dicatur posse bene agere, licet aliqua requiratur, scilicet, et efficax ad actu operandum: " etiam Jansenius quamvis veram libertatem observandique præcepta potentiam planè destruxerit; tamen in omnibus qui cadunt, præsertim justis volentibus & conantibus observare præcepta secundùm præsentem quas habent vires, admisit potentiam illa servandi, nec remotam tantùm, sed etiam propinquam, adeò ut nihil amplius videretur

re-

requirere ex parte potentiae: nam lib. 3. de grat. Christi cap. 15. statuit primò in quovis homine potentiam observandi praecepta, quia habet voluntatem capacem gratiae recipiendae, atque ita ad bonum à Deo flexibilem. Deindè propinquiorem potentiam admittit in omnibus praeclatis habitu fidei. Tertiò, inquit, dicimur multo propinquius posse per caritatem, per quam homo iustificatur. Denique in iis qui volunt & conantur licet imperfectè & non plenè, admittit alibi gratias quasdam actuales, sed concupiscentiam debiliores, quae potentiam adhuc maiorem tribuant quam habebatur per solum habitum. Capite citato "Ista, inquit, quae de posse diximus, quod per fidem & caritatem datur, de donis istis, habitualibus potissimum intelligenda sunt: nam per illa dicuntur iusti orare, diligere, bene vivere tentationesque superare posse, etiam quando nihil istorum agunt." Unde evidens est quòd non negat propinquius posse per auxilia actualia, quae in iustis, etiam dum labuntur, producant velleitates quasdam bonas. Imò tam propinquum posse illic praedicat Jansenius, ut dicat, "si noluerint, defectus est voluntatis, non potestatis: hinc igitur etiam fit, ut quemadmodum ea peccata vitare possunt, ita quoque non committant necessariò, càm videlicet necessitate, quae repugnat libertati, culpamque abstergat exorbitantis voluntatis."

Sed quorsum, quaerit Venantius, ista tam altè repetitis? Nisi Doctor Hennebellus nos vellet ludificare suam potentiam proximam per gratiam sufficientem, numquam doctrinam D. Gumhari Huygens adoptasset. Huygens autem ad praecepta adimplenda etiam supernaturalia non requirit ullam gratiam: sic enim habet in compendio Theologiae pag. 24. "Neque tamen est, quòd sine gratia sufficiente non essent liberi ad supernaturalem praeceptorum adimpletionem: Quam libertatem constat esse fictitiam, imò impossibilem: Idem Doctor Huygens in Theſibus Lovanii anno 1684., 3. Martii confidentius sic pronuntiat: "Nihil à veritate magis alienum, quam haec assertio, AD LIBERTATEM AD AC-

S

GRA:

„GRATIÆ ADMITTANT NECESSE EST.”

Baccalaureus, qui videbat ita sibi suisque larvæ Thomismi detrahi, inconditè vociferabatur, effusiens aliqua in quibus neque pes neque caput comparebat. Tum autem Ariovistus, quid D. Baccalauree, inquit, opus est insulsis tuis & inconditis vociferationibus? Agedum, dic nobis, an illa non est doctrina D. Gummari? An illam doctrinam non adoptavit Hennebellus? Conticuit Baccalaureus.

Ariovistus verò sic perrexit; Ab Hennebellio & Gummario abeamus etiam ad alios. Jacobus Gilbert ex Theologo Lovaniensi, ut aliàs meminimus, Academiæ Duacensæ Cancellarius post censuram suam doctrinam tamquam Jansenianam à Doctoribus Parisiensibus, ad Episcopum Tornacensem confugerat, à quo hoc tulit responsum per litteras datas 1687., 27. Junii. ” Significas, ” Frater, te nihil nisi justum & religiosum defendere, ” cum ais quicumque caret gratiâ efficaci mandata Dei, ” non solum adimplere, sed NEC ADIMPLERE POSSE, ” & hic est totius tui de gratia systematis cardo, atque ut ” ita dicam, occulta macula. Sed quodnam, amabo ” Frater, discrimen intercedit inter tuam puram putam ” doctrinam & primam è quinque ab Innocentio X. atque Alexandro VII. damnatam propositionem disertis ” verbis à Jansenio Iprensi conceptam? ” Cum itaque, ne apud illum quidem Episcopum patrocinium inveniret, à quo potissimum speraverat, & ad retractationem urgeretur ab Episcopo Atrebatensi die 27. Julii, Insulis coram Directore Seminarii Episcopalis ad hoc delegato subscripsit inter ceteros huic articulo 31. ” Gratiam sensu Thomistico sufficientem quæ det posse etiam propinquissimum libenter admittimus.” Vides hic D. Baccalauree, professionem Hennebellianæ plane similem. Sed idèone Dominus Gilbert sensum suum retractavit? An vel lato ungue recedere voluit à Jansenio? Postea deprehensus est sub finem anni 1690. subscripsisse Thesi, in qua dicitur: ” At quid de gratia sufficiente sensu Thomistico? minus displicet, quia particulam includit alienantem, & nebuloso tempore occulendis gratiæ Evan-

„Evangelicæ myſteriis eſt peridonea : interim cum vox  
„illa & res voce expreſſa purioribus Eccleſiæ ſeculis ig-  
„nota fuerit, illam meritò ex ſana Theologia relegan-  
„dam judicamus.” Quis hæc conciliet? Cum illo ante-  
„riore dicto, ” Gratiam ſenſu Thomiſtico ſufficientem  
„quæ det poſſe etiam propinquiſſimum, libenter admit-  
„timus.”

Hic non illiberaliter jocans Venantius dixit; Illa duo,  
Eruditiffime Arioviſte, conciliantur inter ſe quàm fa-  
ciliſſimè: quippè cum ſit nulla propoſitio in qua non ſin-  
gant Doctores iſtiæquivocationes, nulla poſſunt pugna-  
re tam manifeſtè, ut ſimul conciliari haud queant, at-  
que ita ſubſcribere norunt cuilibet profeſſioni, modò non  
cogantur umquam diſerte confiteri, ſe vel Janſenium  
vel aliquem ſuorum aut ſociorum aut majorum contra  
fidem erraſſe. Nonne ſic eſt, ut dico, D. Baccalauree?  
Et ut nihil diſſimulem, tui omnes ” in comminiſcen-  
„dis vitiligationibus nihil alienum à pravitate ſuæ indo-  
„lis faciunt, neque id mirum, cùm tam vario ſint &  
„verſipelli animo, quàm Chamæleontes ſint in mutan-  
„dis coloribus; quippè quibus tantisper pudor adſit, dum  
„refutantur inopia hæſitationeque reſpondendi: ſed mox  
„tamen reſumptâ audaciâ ad cauſificationes fingendas  
„recurrant, quas ſi denuo convincas, fatiſcunt illi qui-  
„dem, verùm non diutiùs, quàm ut denuò ea, quæ  
„nuſquam ſunt, audaciùs fingant, & ut in Pſalmis eſt,  
„inania cogitentur non alia de cauſa, quam ut in ſua  
„hæreſi perdurent.”

Hæc verba ultima, excipit Arioviſtus, non videntur  
eſſe tua, Venanti. Enimverò, reponit Venantius, mea  
non ſunt, ſed ſunt verba quæ de Euſebianis pronuntia-  
vit Magnus Athanaſius in Epistoſa de Synodi Nicænæ  
Decretis contra Arianos. Nonne in Novatores Belgii  
perbellè conveniunt? Quis dubitat? inquit Arioviſtus;  
& ut D. Baccalaureus id clarè cernat tamquam ea quæ  
oculis cernuntur, reviſamus Jacobum Gilbert.

Postquam hic viſus erat receſſiſſe à ſua & Janſenii  
doctrina atque Thomiſticam amplexus, quando tamen  
vidit ſuam priorem doctrinam ab Episcopo Atrebatenſi

anno 1687., 13. Augusti censurâ publicâ declarari damnatam à Sede Apostolica, audacissimè in scriptis ei respondit doctrinam suam esse *undecim seculorum* traditione consecratam, neque ab ullo reprehensam, præterquam ab uno Pontifice Alexandro VII. qui voluit auctoritatem suam *ultra Jesu Christi institutionem* evehere. Idem Doctor postea, scripsisse deprehensus est Alexandrum VII. sua Constitutione inflixisse vulnus gratia Jesu Christi. In eadem Epistola gratulatur amico, quod gratiam ab illo vulnere sanaverit, licet cicatrix nondum plane obducta sit, & tamen anno 1687. circa mensem Maium in Thesim. 39. dum videmur, inquit, à gratia sufficiente sensu Thomistarum recentiorum recedere, nullo modo recedimus à re per illam in sensu Thomistico importata: quod quis iterum conciliet cum hac Thesi, ab eo cum summo Elogio approbata? Cum vox illa & res voce expressa purioribus Ecclesiæ seculis ignota fuerit illam ex sana Theologia relegandam censemus. Per rem voce expressam hinc intelligit gratiam verè sufficientem ab efficaci distinctam; dum autem dicit se à re non recedere, intelligit gratiam excitantem, quæ à Thomistis sufficiens vocatur, sed reverà non sufficit in his circumstantiis ad obtinendum alium actum præter eum, quem obtinet. Hic perpetuum faciunt labyrinthum multiplici & erratico terminorum flexu intricatum, unde egressum facilè reperiatur nemo, nisi Autores ipsi, vel qui ab Autoribus edocti sunt & ab eis quasi ariadnæo filo donati.

Veniantius, D. Baccalauree, in Novatores nostros antea intorsit verba S. Athanasii; liceat & mihi, obsecro, verba S. Augustini in eisdem intorquere. Libro de peccato originali cap. 18: loquens de Pelagii litteris, videte, inquit, latebras ambiguitatis falsitati præparare refugia, offendendo caliginem veritati, ita ut nos cum primò ea legimus, recta vel correctæ propemodum gauderemus; toties (nempè Pelagius) Dei gratiam inclamabat, quoties Doctor Hennebel cum suis gratiam Thomistarum sensu sufficientem.

At Pelagius, interjicit Baccalaureus, per gratiam semper intelligebat legem atque doctrinam. Et Hennebellus cum

cum suis, reponit Ariovistus, per gratiam Thomisticè sufficientem intelligit verè ac propriè non sufficientem, ut autè demonstratum est. Tum iterum Baccalaureus; Quid magis Catholicum esse potest quàm istud ejusdem Doctoris Hennebel? Cui gratiæ excitanti, nisi defuerimus „& pravâ nostrâ voluntate restiterimus, Deus sicut per „illam incipit in nobis opus bonum, ita per gratiam efficacem perficiet juxta illud Apostoli, *Deus est qui operatur in nobis & velle & perficere.*”

Intelligo, continuò subdebat Ariovistus, sed & Jansenius lib. 3. de gratia Salv. cap. 15. de habentibus ejusmodi gratiam excitantem vel solam habituales vel etiam solam nudam voluntatem, *si noluerint*, inquit, *peccata vitare, defectus est voluntatis non potestatis*, quam voluntas supplere non possit. Toto cœlo erras, ait Baccalaureus, juxta Jansenium potest voluntas defectum supplere si velit. O plumbeum acumen! exclamat Ariovistus. Quis est qui illud non rideat? *Potest voluntas defectum supplere si velit.* Quis, inquam, illud non rideat? nam D. Baccalauree, velle non potest in his circumstantiis, utpote destituta omni auxilio ad volendum necessario. Sic & juxta Doctorem Hennebel *nisi gratiæ excitanti defuerimus & pravâ nostrâ voluntate restiterimus, Deus opus bonum per gratiam efficacem perficiet.* At quomodo poterimus non deesse, non resistere gratiæ excitanti, quamdiu non habemus gratiam necessariam, ut propriè & simpliciter possimus non deesse, non resistere? Igitur toto isto verborum circuitu atque anfractu aliud non dicit Doctor Hennebel, quàm quòd Deus gratiâ efficaci bonum opus quod incepit, sit perfecturus, si nos opus bonum non omittamus, sed ad non omittendum non minùs requiritur gratia efficax quàm ad faciendum, imo quid aliud hîc est non omittere, non deesse, non resistere, quàm ipsum efficere? Istud *potest si velit*, Waldensis vocat GLOSSAM COMMUNEM WICLEFFI ET GENERALE EMPLASTRUM. Sic habet lib. 1. Doctrinalis art. 1. cap. 15. ” Sub hac glossâ communi POTEST SI VULT sedent „omnes Wicleffistæ securi; non tamen sicut Elias sub „juniperi umbra, sed sicut Jonas sub hedera. Accedat



„igitur vermis ille, qui est prima veritas; mentiar, si  
 „radices hujus glossæ non comedat, unde herba mar-  
 „cescat: cur negas Deum posse majorare mundum, quod  
 „tamen potest, si cum vult potest? non inquis, cur hoc?  
 „quia non vult, & quia nihil potest nisi volens: jam ec-  
 „ce supposui tibi quod velit, non inquis, potest velle,  
 „sed si vult, potest.” Similis est cavillatio Hieronymi  
 Zanchii aliorumque Calvinistarum, qui quantumvis  
 ineluctabili hominem necessitate peccandi constrictum  
 censeant, ajunt tamen eum abstinere à peccando posse  
 si velit, hoc est, cum posse à peccando abstinere si non  
 peccet: nam velle absolutè non peccare, procul dubio  
 non peccare est. Quapropter iterum recordari nos  
 oportet illud Justiniani in Edicto de tribus capitulis,  
 „Solent hæretici ut simpliciores decipiant, vocibus qui-  
 „dem uti, quæ ab orthodoxis pie dicuntur, rectum au-  
 „tem eorum intellectum & expositionem ad suam im-  
 „pietatem transferre.”

Sed in immensum, inquit Venantius, hæc nostra  
 dissertatio excrescet, si sedeat hoc animo cuncta profer-  
 re. Tum Ariovistus; Scio, Venanti, sed multa præteri-  
 bimus? Hoc autem dico: Non leve argumentum in  
 ejusmodi circumstantiis de bona fide novæ factionis,  
 ut levissimè dicam, dubitandi videmur posse ducere ex  
 dogmatum convenientia, quam profitetur cum Cal-  
 vinistis, & vicissim cum ea Calvinistæ. Dominus Ger-  
 main in Defensione Romanæ Ecclesiæ & Summorum  
 Pontificum contra Leydeckerum Calvinistam anno  
 1696. cum approbatione, ut præfertur, Joannis le Beau  
 Examinatoris Synodalis, Decani & Pastoris Leodii pag.  
 9. ” Nihil, inquit, jam amplius imò & à longo tem-  
 „pore solidæ controversiæ invenitur Catholicos inter  
 „& Calvinistas quoad materiam de gratiâ, id est, quo-  
 „ad cooperationem voluntatis cum gratiâ in opere ju-  
 „stificationis humanæ.” Similia dederat idem antè &  
 jam videtur communis esse eorum sensus: unde Petrus  
 Jurius Calvinista Gallus in libello cui titulus, *Spiritus*  
*Domini Arnaldi*, de Jansenii sequacibus sic scribit: *Verum*  
*est quod ad nos omnino accesserint in materia de gratia, &*  
 certè

certè Calvinistæ in hac materia satis pressè inhærent vestigiis sui Magistri & ab annis 47. adoptarunt Catechismum de gratia, quem Jansenii & Baii sequaces in Gallia ediderant, atque Innocentius X. damnaverat anno 1650., 6. Octobris *tamquam continentem complures sententias à Pio V., Gregorio XIII. & Urbano VIII. damnatas.* Eundem Catechismum novis typis donavit Samuël Marefius Minister Calvinianus Groningæ anno 1651. notis & præconiis auctum, qui dein rursus damnatus est ab eodem Pontifice anno 1654., 23. Aprilis: sed his nequidquam obstantibus, rursus fertur à prætenfis Augustini discipulis in lucem protrusus recentissimè.

Imo ipse Jansenius, dicit Venantius, in Epistola Lovanii scripta 1628. ad Joannem Vergerium Abbatem Saucyratum, fatebatur se cum Calvinistis Dordracenis consentire in materia de prædestinatione & reprobatione. "Concilio, inquit, Dordraceo finis impositus est; illud jam multo tempore habeo Flandricè, Latinum, quod ad te mitterem exemplar, consequi non potui; vix differunt Dordraceni à doctrina orthodoxorum in materia de prædestinatione & reprobatione prætermisso, quidquid durum sonabat in doctrina Calvini, si exceperis quam retinent certitudinem de prædestinatione, justitiam perdi nesciam, & quosdam alios errores."

Tum sic prosecutus est idem Venantius; Vicissim Melchior Leydeckerus Minister Calvinista Ultrajectinus in sua de *Jansenismo Historia* anno 1696. pag. 275. postquam retulit aliqua ex Carolo de Bont Licentiatò Lovaniensi adhuc superstite. *Hic, inquit, Carolus Bontius, quem laudamus ut Jansenistam ingenuum præ ceteris, ipsoque Patriarchâ meliorem.*

Multa evidentiora & graviora, inquit Ariovistus, contra eundem Licentiatum habemus testimoniis Autenticis comprobata. Quæ omnia quamvis enormia sint & quantum apparet evidenter consentanea in sensu obvio damnatis in Jansenio propositionibus; tamen non recusabit is subscribere cum Doctore Hennebel, & in ejus sensu, gratiæ Thomisticè sufficienti, ac quibuscumque terminis superius ex eodem Doctore allegatis.

Cur igitur, quærit Baccalaureus, non acquiescitis? Respondit Venantius; Cur his acquiescere nequeamus, ratio multiplex à nobis allegata jam est, pluribus aliis brevitatis causâ prætermiſſis. De Pelagianis dicebat olim Leo Papa Epist. 86. "Novimus hanc eorum esse verſutiam, ut in quacumque particula dogmatis execrandi, quâ se à damnatorum societate discreverint, nihil ſibi ſenſuum ſuorum exiſtiment eſſe non ſalvum." Eſtne ulla particula dogmatis, quod ut damnatum execrantur omnes Doctores Hennebel adhærentes, cujus damnationem non ita temperant, ut intactam relinquant univerſam Baii & Janſenii doctrinam? Edicat nobis Doctor ille Hennebel, an ſaltem apex aliquis, & quis ille ſive in Baio, ſive in Janſenio rectè damnatus ſit eo ſenſu, quo ab iſdem Autoribus traditus fuit. Edicas tu, D. Baccalauree. Quid iterum conticeſcis?

Hæc interrogatio Baccalaureo vocem tandem expreſſit. Ut ut ſit, inquiebat, Thomiſtæ ſumus. Vos Thomiſtæ? ait Venantius. Qua in re obſecro? Certè Thomiſtæ omnes tamquam à blaſphemia abhorrent ab hac propoſitione; *Multorum utilitati non ſatis accommodatus eſt S. Thomas*. Nihilominus hanc propoſitionem impavidè tradit Joannes Opſtrate in Theologo Chriſtiano Lovanii anno 1692. pag. 100. Idem ibidem: pag. 119. & 120. invehitur in Theologos Scholaſticos; "Ab ipſo, inquit, curſus Theologici initio immergunt ſe in lectionem ſterilis alicujus Scholaſticæ, in qua quæſtiones quidem, ſed philoſophicè pertractatas inveniunt: ubi hoc maxime deplorandum, quòd qui deberent totos ſe in hoc impendere, ut ideas, quas inter Philoſophos hauſerunt, cum veteri homine exuerent, jam quaſi tantum è Philoſophia in Philoſophiam tranſlati, unum hoc putant eſſe Theologi negotium, ut quemadmodum priùs de rebus Philoſophicis in Philoſophia contendere didicerant, ita nunc in Theologia diſcant contendere de rebus Theologicis." An huic placito conſentient Thomiſtæ?

Hic mihi pæne exciderat Matthæus Rouveroy Theologus Lovaniienſis, qui Namurci in dictatis publicis de gratia,

gratia, observatione 7. ubi dixerat "quod qui statuunt  
 „gratiæ efficaciam in prædeterminatione non rectè sen-  
 „tiant de differenda absolutione, hæc addit; Aliud est  
 „quod istos Theologos facit malè judicare de conver-  
 „sione peccatoris, & consequenter de dilatione ab-  
 „solutionis, nempe certi modi loquendi S. Thomæ &  
 „Thomistarum veterum, quos minùs intelligunt, ut  
 „sunt hi; MINIMA GRATIA, MINIMA CARITAS SUFFICIT  
 „AD JUSTIFICATIONEM."

Dum hi hæc scripserunt, subdit Ariovistus, habuerunt  
 verissimiliter in promptu id quod contra Theologiam  
 Scholasticam effutiit Lutherus in confutatione rationis  
 Lathomianæ sub finem. Sic autem garrit; "Ex iis puto  
 „satis monstratum, Theologiam Scholasticam esse aliud  
 „nihil, quàm ignorantiam veritatis, & scandalum jux-  
 „ta scripturas positum, &c. Ex fructibus suis cognosci-  
 „tur Philosophia & Scholastica Theologia. Thomas Au-  
 „tor est regnantis Aristotelis, vastatoris piæ doctrinæ &c."  
 Quid adversùs eandem Theologiam scripserit Calvi-  
 nus, quid Melancthon, quid Beza, quid Suavis Polanus,  
 quid denique alia hujuscemodi hominum monstra,  
 mitto dicere, tum quia id satis notum est, tum quia  
 restant aliæ Hennebellianorum propositiones recen-  
 sendæ.

Autor notarum in Decretum Archiepiscopi Mechli-  
 niensis anno 1691. pag. 6. "Libri fodalitatum errori-  
 „bus, superstitionibus ac mendaciis referti sunt."

Petrus de Ligny in declaratione ad Episcopum N.  
 Duaci circa anno 1690. art. 11. "Monachi consopiant  
 „plebem, eamque in pravis suis peccandi consuetudini-  
 „bus detinent spe impunitatis, & fiduciâ quarundam  
 „indulgentiarum pro articulo mortis annexarum qui-  
 „busdam ludicris devotionum figmentis, quæ ad muta-  
 „tionem morum non conducunt sed sistunt in cultu  
 „quodam exteriori & semi-Judaico."

Idem art. 12. "Inter eas devotiones populares nume-  
 „rari possunt Scapulare, Rosarium, Funiculus, aliæ-  
 „que Confraternitates. Obsequium præstaret Ecclesiæ, qui  
 „devotiones illas phantasticas, & plus ludi mimici quàm  
 veræ

„veræ pietatis continentes aboleret. ”

Zegerus Van Espen Doctor Canonum Lovanii, domesticus Gummari Huygens dictavit publicè ex professo tractatum de devotionum istarum, ut aiebat, *abusibus*. Quo Religiosos, nominatim Thomistas, contra se non parum commovit, dicentes ordinariam esse Novaturientium praxim, ut Lutheri, Erasini &c. totos effundi in Ecclesiæ ac vulgarium devotionum abusus, ut devotiones ipsæ ac proprii earum præcones paulatim in contemptum & ludibrium adducantur.

Joannes Opstraet in Thesibus Mechliniæ 1690., 6. Februarii agens contra eum qui moribundo proponit indulgentias plenarias lucrandas in articulo mortis, & nihilominus suadet ut curet fieri post mortem sacrificia pro anima sua; non intelligo, inquit Opstratius, „quid opus sit Missis, si valeat ipsius indulgentia, ut sonat, „ni fortè non tam Missis opus sit quàm Missarum stipendio, non ad refrigerandas animas in Purgatorio, „sed in refectorio. ”

Os infrunitum! exclamat indignabundus Venantius. Nullus umquam Erasmus adhibuit tam sacrilegos sales. Quàm sacrilegi, inquit Ariovistus, sint isti sales, non est, Venanti, hujus loci discutere. Hoc autem quæro ex D. Baccalaureo, an ullus verus & genuinus Thomista cum tanta despicientia locuturus sit de Theologia Scholastica, de S. Thoma, de prædeterminatione physica, de Sodalitatum libris, de Monachis, de Scapulari, de Rosario, de Funiculo, de Indulgentiis, de Missæ sacrificiis denique pro tali mortuo offerendis.

D. Baccalauree, ait Venantius, ne umbram quidem Thomismi in tuis invenio. Immediò ergo Hennebellus dictis suis, quæ jam confutavimus, subnexuit; „Ex „his judicare dignabitur æquus Lector, quantæ sint fraudes nostræ, dissimulationes & artificia, & quàm verè „dicamur mendacium posuisse spem nostram, qui dogmata nostra non tantùm verbis Thomistarum, sed ipsis eorum, qui nos accusant, imò ipsius Reverendissimi Patris Thyrsi verbis expressimus? Dicant nunc deinceps qui voluerint nos nobis pro arbitrio nostro ob-

vios

„vios propositionum damnatarum sensus fingere. Nobis  
 „sufficiet accusatoribus ejusmodi reponere, quòd in 5.  
 „propositionibus eos omnes damnemus errores, quos  
 „damnat Generalis Societatis Jesu: nisi forte alios aper-  
 „tè damnet, alios verò per cuniculos quasi damnatos  
 „haberi velit.” Immeritò, inquam, ista subnexuit Hen-  
 nebellus.

Tum Ariovistus dixit; Nullius Lectoris judicium for-  
 midat P. Generalis Jesuitarum. Atque utinam his no-  
 stris concertationibus interfuissent omnes qui Henne-  
 bellianum Scriptum umquam legerunt! statuere possent,

1. An nihil Jansenismi, Rigorismi & Novitatum sit  
 in Belgio?

2. An Doctor Hennebel, qui hæc omnia satis perspe-  
 cta habet, rectè defendendos suscipiat omnes istarum  
 sententiarum Autores.

3. An non hoc ipso valdè suspectum se faciat, imò  
 & reum omnium istarum propositionum?

4. An satis sincerè Sedem Apostolicam informet de  
 statu Belgii, quando de his omnibus silet, & tamen se  
 omnes suos & omnium, quos defendit, sensus exponere  
 testatur.

5. An sit digna Doctore Catholico & Sacerdote ea  
 temeritas, quâ se audet opponere suo Ordinatio & om-  
 nibus Belgii Episcopis, ut Novatores defendat, neque  
 veretur coram Sede Apostolica omnes Episcoporum,  
 septem Provincialium Religiosorum aliorumque de No-  
 vitatibus querelas falsitatis arguere.

6. An Doctor ille rectè prospiciat incolumitati Bel-  
 gicæ, quando persuadendo, quod nihil Jansenismi Ri-  
 gorismi, aut Novitatum in Belgio sit, persuadet non  
 esse opus ulteriori remedio, & quidem illi se opponit  
 Memorialibus & machinationibus.

7. An non sit reus læsæ Majestatis Regiæ, quando  
 illam ream facit inobedientiæ inauditæ contra Decreta  
 Apostolica, perfidiæ, perjurii, injustitiæ summæ, & Re-  
 giminis Tyrannici, ut facit in Memoriali Pastoris S.  
 Catharinæ Bruxellis oblato, & à se adoptato.

8. Quam pœnam mereatur, qui in Memorialibus  
 publi-

publicis audet imponere atque ita contra Regem concitare Illustriſſimos Brabantiae Ordines?

9. An non meritò de tali factione uſurpetur illud Iſaiæ *Posuerunt mendacium ſpem ſuam, & mendacio proteſti ſunt.*

Enumerandi finem fecerat Arioviſtus, cum Venantius dixit; Nihil neceſſum eſt, candidiſſime Arioviſte, quidquam respondeas ad cetera, utpote ad quæ ſatis ſuperque reſponſum eſt antea. Æquum dicis, inquit Arioviſtus, & quòd Rev. Adm. P. Generalis non Alios ſenſus quæſi damnatos haberi velit, quàm Sede Apoſtolica damnaverit, pateſcet ex diſſertatione proxima, quam, ſi viſum fuerit, horis ſerotinis inſtituemus.

## DISSERTATIO X.

### *De Concluſione Hennebelli.*

**S**UB veſperam remearunt ad eundem locum. Et dum Venantius confabulabatur cum Baccalaureo de rebus ſatis indifferentibus; Arioviſtus proſpiciens per fenestram, mirabatur horti ſitum, naturam & ornatum. Accessit tandem uterque ſocius, & quærebat Venantius, quid rerum volutaret animo. Reſponſum autem, quod retulit, tale erat; Vehementer recreor, optime Venanti, horti tui amœnitate; ſed ut quod res eſt libere eloquar, longè magis recreor noſtris de Hennebelliano Scripto ſermonibus. Illos, inquit Venantius, reſumemus, ubi tibi placuerit. Tum Baccalaureus ait; Nihil ſupereſt niſi ejuſdem ſcripti concluſio, in qua Magiſter meus Hennebellus non ſolum ſubtilem diſputatorem ſe præbet, verùm etiam oratorem vehementiſſimum. Tam pulchrè perorat adverſus Jeſuitas perturbatores pacis publicæ. Illum audite, & ad ſingula animum advertite.

” Cum præfati Thologi tam clarè ſenſa ſua exprimant, tantaque veneratione deciſionibus Apoſtolicis ſe ſubmittant, nemo eſt qui non videat, quàm facilè omnia Belgii diſſidia componi poſſent, ſi Pater Generalis ejuſque ſocii pacem amarent: verùm ab hoc pacis ſpiritu



„tu multum hæcenus alieni videntur, usque aded, ut  
 „quo clarius præfati Theologi doctrinam suam exponunt,  
 „tanto impotentius eos accusent omnesque, mundi Po-  
 „testates contra eos commovere nitantur: nempe ipso.  
 „rum interest fovere in hominum mentibus Jansenif-  
 „mi ac Rigorisini phantasma, ac de illo suspectos sem-  
 „per reddere præcipuos Academiæ Lovaniensis Theo-  
 „logos: jam enim experti sunt, quomodo hoc artificio  
 „Doctores SS. Augustino & Thomæ addictissimos &  
 „Morali laxiori præ ceteris infensos, per fas & nefas, de  
 „Jansenismo & Rigorismo eos accusando, à Cathedris  
 „excluserint: quomodo iis exclusis alios sibi devotos ad  
 „Cathedras aliasque dignitates evexerint: quomodo stu-  
 „diosam juventutem ab Academia Lovaniensi averte-  
 „rint, & ad scholas suas allexerint persuadendo paren-  
 „tibus quàm sit periculosum liberos suos erudiendos  
 „tradere professoribus, quorum fides suspecta est, qui  
 „si professorum suorum principiis adhæreant, ab om-  
 „nibus muniis autoritate Regia arcendi sunt. Exaggerant  
 „insuper jam passim ab iplis Episcopis tam à Beneficiis  
 „quàm Ordinibus sacris arceri quotquot ejusmodi prin-  
 „cipiis imbuti sunt, aut etiam de iis suspecti habentur.

Non diffiteor, subdit Ariovistus; hîc vehementem  
 & audacem oratorem agit Hennebellus, sed tamen isto-  
 rum nihil poterit persuadere iis qui quæ à nobis hæcenus  
 probata sunt, diligenter expenderint. Quidni? inquit  
 Baccalaureus. An forte non credis illos Theologos sen-  
 sa sua clarè exprimere, summaque veneratione decisio-  
 nibus Apostolicis sese submittere? Jocone hæc dicis,  
 inquit Ariovistus, an serio? Serio, reponit Baccalaureus.

Tum iterum Ariovistus; Quomodo, D. Baccalauree,  
 hoc potest jam saltem cadere in tuum sinciput? Etenim  
 quàm clarè & adæquatè *sensa sua* quæ habent in Belgio,  
 exprimant Theologi isti Romæ, *quantâ veneratione de-*  
*cisionibus Apostolicis sese submittant*, planum fit ex jam relatis  
 eorum sententiis propositionibusque. Neque potest, ad-  
 jungit Venantius, tibi D. Baccalauree, ulla dubitatio  
 relinqui.

relinqui de relationis fidelitate. Libros, paginas, capita quantâ potuimus accuratione maximâ designavimus, nec non tempus ac locum defensionum Thesium, & ipse oculis pleraque usurpasti tuis. Quod si lubet, tibi iterum scripto dabimus omnia, etiam illa quæ tuus recitavit Parochus. Exhibe ea cuicumque volueris, & sicubi error ex inconsiderantia irrepperit, non dissimulabunt tui. Imo, Inquit Ariovistus postulamus, ut non dissimulent, atque ita indubitata fidei fiant reliqua. Tale scriptum, ait Baccalaureus, non recusabo. Etiam dabitur, reponit Venantius.

Interim ex his, idem Venantius prosequabatur, *nemo est qui non videat omnia Belgii dissidia non aliunde orta esse*, quàm ex tot novitatibus dogmaticis & practicis, ex tam irreligioso Constitutionum Apostolicarum contemptu, ex tam scandalosa irreverentia contra Episcopos, ex tot famosis & absurdissimis libellis contra Ecclesiasticos Superiores etiam Cardinales, Quæsitores fidei, Pontifices, uti & contra Regem Catholicum, & supremos ejus Administros. Quomodo hæc omnia, D. Baccalauree, *componi possunt* cum debita Episcopis & summis Ecclesiæ Principibus, atque eorum Decretis reverentia observantiaque? Non existimo repertum iri vel unum non præoccupatum, qui auditis nostris dissertationibus, Judicaturus sit, hæc omnia, sive cum Christiana pace, sive cum fide Catholica *facile componi*. Et cedo, D. Baccalauree, mutarentne tui omnes sententias suas, eisque directè pugnantes tenerent, si *Pater Generalis ejusque socii pacem amarent*?

Vix Venantius ista finierat, cum Ariovistus ita fatus est; Factioni Hennebellianæ adversarios neque solos neque præcipuos Jesuitas esse demonstravit Autor *Motivi Juris* pro Decretis Regiis à calumnia vindicandis toto cap. 3. part. 2. pag. 48. & sequentibus: illic evincitur præcipuas in toto hoc negotio partes agere omnes simul Belgii Episcopos, ut patet ex eorum Decretis, ex Epistolis communibus ad Pontificem & Regem, ex tot eorum Congressibus, in quibus plerumque partem aliquam Doctores Academici Lovanienses

ex Clero & Religiosis Ordinibus habere noscuntur, nullam Jesuitæ. Lovanii, Doctori Hennebello & ejus sociis adversatur pars major Universitatis: & quidem major pars Facultatis Theologicæ, ac Professores Theologicæ, qui Lovanii sunt, ferè omnes. Ab his scribuntur contra Doctorem Hennebel, & ei adhærentes litteræ gravissimæ Romam, inconsultis imò insciis Jesuitis; nisi quoddam his postquam scriptæ sunt, ostendantur ut dispiciant, an sua nomina nominibus aliorum qui subscripserunt, velint adjicere: inter 7. Ordinum Provinciales quoque qui contra tuos scribunt, neque primus, neque præcipuus est Provincialis Societatis.

At Jesuita est P. Palazol, inquit Baccalaureus, & is in Hispania agit contra Hennebellianos. Sed, D. Baccalauree, subdit Venantius, an illa digna est Baccalaureo consecutio? P. Palazol Jesuita agit in Hispania contra Hennebellianos; ergo Hennebellianis adversarii sunt soli & præcipui Jesuitæ. Profectò injuriam facis Lovanienstem Dialecticæ ubique aded celebratæ. Quod in Hispania agit Pater Palazol, est, ne omnibus Belgii Episcopis, plerisque Religiosis Ordinibus, majori parti Theologorum Lovanienstem etiam Academicorum in tam pio opere deesse sola ferè Societas videretur & quidem contra instituti sui rationem.

Et dic quæso D. Baccalauree, unde bellum ex tantis contentionibus exarsit ultimo decennio? Nunquid tumultuandi occasionem primam & unicam arripuerunt Novatores ex Decreto Alexandri VIII. contra propositiones 31. & ex Decretis Episcoporum pro Constitutionum Romanarum observatione? Contra illa tanti clamores excitati sunt: contra illa tantus infamium libellorum turbo defæviit. Hæc audacia, quia non satis refrænata initio fuit, progressa est ad defensionem apertam totius doctrinæ Jansenii; inde gradus factus ad resurrectionem totius Bajanismi, recenti editione emissis in lucem omnibus Baii operibus, & MSS. etiam iis, quæ nunquam antea impressa fuerant. His additæ notæ, & vindiciæ, quibus hostes Romanorum Pontificum & Ecclesiæ insensissimi non possent excogitare magis virulen-

tas. *An hæc omnia facile componi possent, si P. Generalis, ejusque socii pacem amarent? Quo clarius* adversarii nostri, doctrinam suam exponunt tot Pontificum Constitutionibus directè & manifestè in sensu obvio repugnantem; *quo clarius* produnt contemptum omnis potestatis Apostolicæ, Episcopalis & Regiæ; *quo clarius* instaurant, quidquid umquam in Bajo, Jansenio, eorumque sequacibus supremâ autoritate damnatum est; eo magis necesse est contra audaciam in Ecclesiarum Belgicarum exitium vergentem, commovere Ecclesiæ Potestates etiam seculares, ad quas pertinet ea, quæ à Sede Apostolica definita declarataque sunt, contra refractarios ac perduelles defendere, & executioni mandare.

D. Baccalauree, inquit Ariovistus, hîc Venantius oratorem sese præbet adeò vehementem, quàm Hennebellus ipse. Verùm an Hennebellus agat etiam bonum Dialecticum, ubi concludit *Jansenismum* ac *Rigorisum* esse phantasma, potes tu ipse satis discernere, si cuncta quæ in eam sententiam diximus, volueris animo æquo ponderare, & mentem à partium studio tantisper abducere.

Sed quâ specie veri, rogat Venantius, potuit Hennebellus affirmare, Societatis *interesse foveri* hæc diffidia? Certè si commodum temporale spectetur, nullum tale in Societatem inde redundat. E contrario, inquit Ariovistus, Societatem gaviissimas propterea pati persecutiones, vulgo notissimum est. Tota enim factio, quæ & numero & patrociniis pollet, suam rabiem in unam ferè Societatem evomit. Quot calumniarum jaculis Societas impetitur! his plerique Novatorum libri pleni sunt: & si istiusmodi homines talia palam scribunt, quid non præsumendi sunt insinuare clam, ubi mendacia convinci nequeunt? Quàm multi minùs cauti partim his fidem habent, partim suspicari sinistrè incipiunt de Societatis integritate, partim saltem de ea dubitare, meliori æstimatione cohibitâ, quam ab ipsa pueritia sibi à parentibus instillatam, & sub Patrum disciplina in scholis auctam, hucusque conservarant! quot inde præclari juvenes à Societatis instituto avertuntur! Infinitus  
sim

sim, & fortè odiosus, si damna quæ ex his diffidiis Societas subire cogitur, persequar distinctiùs.

Fac, ait Venantius, jam componi ista diffidia. Quid tum? Parum aut nihil *intererit Societatis*, siue Doctor Hennebel & Doctor Huygens, siue alii ad lectiones publicas aliaque officia promoveantur. Quin & ubi aliquid tunc fortè ad Doctoris Huygens & Doctoris Hennebel promotionem, Societas contulerit, non minus ab his, quàm à ceteris humanitatis poterit expectare.

Sic & ego, inquit Arioivstus, mihi persuasum habeo. Sed miror, optime Venanti, quòd Doctor Hennebellus se suosque vocet *precipuos Academiæ Lovaniensis Theologos*. Miror, respondet Venantius, id mirari te; quasi verò ignores Factionem illam semper hoc sibi vindicasse, ut eo ipso quo aliquis ei nomen dederit, fiat *doctrinæ & pietatè conspicuus, excellens, plenus meritis &c.* Tertullianus lib. de præscrip. adversus hæreses cap. 16. *nusquam, inquit, faciliùs proficitur, quàm in castris rebellibus, ubi ipsum esse illic, promoveri est.* Hoc ipsum haud inconcinne explicuit Leontius lib. 1. contra Nestorium & Eutychem in princip. *Se ipsos sapientes esse jubent, & sunt tamquam ex iussione sapientiæ præditi, quos eruditos esse facit velle tantum.*

Res mira! Subdit Baccalaureus. Hic iterum Doctores, SS. *Augustino & Thomæ addictissimos*, tacitè comparatis cum hæreticis. Nonne vobis religio est id facere? An illi Doctores, quærit Arioivstus, sunt SS. *Augustino & Thomæ addictissimi*? Ita quidem Hennebellus asseverat, iateor, sed id tum credam, cum S. Augustini & S. Thomæ erga Apostolicas sanctiones obedientiam imitati fuerint. Non multum SS. Augustinum & Thomam sapiunt tot sententiæ ab Eminentissimo Cardinale de Aguirre, ab Autore libri *disseminatarum per Belgium propositionum* circiter mille, & aliquot à nobis superius collectæ. Mihi crede, tot infamium librorum, atque imprimis operum Baii cum talibus notis & vindiciis editionem, eorumque doctrinam nec Augustinus unquam, nec Thomas approbasset.

*Morali laxiori quoque*, subdit Venantius, tam parum *in sensu* reipsa sunt qui rigorem verbis buccinant, ut sit

T

nullus

nullus in Ecclesia Theologus, qui tam intolerabiles laxitates unquam, tamquam probabiles, vel oculis aspicere ausus sit, quales Rigoristæ illi tamquam Evangelia amplectuntur & insinuare omnibus cupiunt. D. Baccalauree, considera tantum paulo attentius aliqua ex iis quæ allegavimus principia, & judica quid omnibus hætenus à Sede Apostolica definitis dogmatibus, addeque quid Ecclesiæ, quid fidei nostræ futurum sit, si talia etiam ceteris definitis articulis, ut eadem facilitate possunt, applicentur. Quare, desinat, conseo, Hennebellus suos prædicare, quasi Morali laxiori insensos. Alioqui dicam ego, quod ordinaria hæreticorum fraus sit reformatio laxitatis. Ita scribit Florimondus lib. 1. cap. 10. de Luthero, *Pronis auribus accipiebatur, quod nihil nisi reformationem spectare aut poscere dicebat, protestans cetera integræ & illæsa sibi fore.*

Hoc loco metuebat Baccalaureus, ne nubes integra similium exemplorum in se exoneraretur. Sed imminentem tempestatem cautè avertit sciscitando, an non verus sit Hennebellus, dum dicit *Societatem* aliquos *per nefas de Jansenio & Rigorismo accusando à Cathedralis exclusisse*. Sed vix Baccalaureus id sciscitatus fuerat, cum Ariovistus simul & Venantius pari consensu clamant, eam esse enormem calumniam.

At saltem, inquit Baccalaureus, Patres Societatis maluit scholas suas quam alienas & non oppositas frequentari. Ecquid, reponit Venantius, in hoc faciunt alienum à moribus Academiæ Lovaniensis & cujuscumque scholæ, quæ suis, quam contrariis principiis imbuti malunt juventutem? Si persuadent parentibus, quod sit periculosum, liberos erudiendos tradere professoribus, quorum fides suspecta est, qui si Professorum suorum principis adhæcant, ab omnibus munis autoritate Regia arcendi sint, exaggerantes insuper jam passim ab Episcopis tam à Beneficiis quam ab Ordinibus Sacris arceri quotquot ejusmodi principis imbuti sunt, aut etiam de his suspecti habentur, prudenter monent, atque addeò hac in re reprehendendi non sunt.

Baccalaureus ad istam responsionem obliuiscit ac tactus



tactus fuisset de cœlo. Ut se recepit, arripuit sacram suam anchoram, Hennebellianum scriptum inquam, legitque sequentia; " Sic tandem sperant ( Patres Societatis ) quod à longo jam tempore propositum habent, consequi, hoc est, funditus evertere Academiam Lovaniensem, illam inquam Academiam quam Leo X. in Bulla contra Lutherum vocat *agri Domini*, *ci piissimam religiosissimamque cultricem*, quamque Philippus II. aliquando vocavit unicum præsidium & lumen fidei Catholicæ in inferiori Germania, falsus etiam quantum Catholicarum & obedientium Provinciarum in Belgio reliquum est, doctrinâ & auxiliis Academiæ Lovaniensis, Romanæ Ecclesiæ & sibi servatum esse. " En novam calumniam, inquit Ariovistus. Tum exandescens Baccalaureus; Quid? inquebat, citne calumnia laudare Academiam Lovaniensem?

Hoc ego non dico, respondet Ariovistus. Magna olim elogia Academiæ Lovaniensi data fuisse non inficior, neque omni hodie laude destituta est; sed fatendum est pariter, D. Baccalauree, quod à Joanne Hesselio, Michaële Baio, Cornelio Jansenio, ac præsertim obstinatis eorum sequacibus aliquid maculæ aspersum illius gloriæ videatur, ut constat vel ex Brevibus Urbani VIII. & Alexandri VII. alio tempore citatis. Idem notat Cardinalis Palavicinus in Historia Concilii Tridentini, atque ipse Caramuel Lovaniensis Doctor, ac dein Episcopus. Audiamus alterum Reverendissimum D. Stryen Episcopum Middelburgensem Lovaniensis Academiæ Doctorem. Ita scribit in Epistola anni 1588., 2. Februarii. " Post mortem meorum Præceptorum Ruardi Tapperi & Judoci Tiletani, & excessum ex hac Academia ad Episcopalem residentiam Martini Rithovii Iprensis, & Cunei Leovardienfis Antistitem, ut Africa semper aliquid monstri, ita hæc Facultas novæ doctrinæ aliquid gignit: adeo ut liberas opiniones (Leonardi Lessii) affligat prætextu fidei hæreseos; " horum autem Michaelis Baii & Joannis à Lovanio ( seu Hesselii ) discipuli sunt, quicumque nunc temporis Lovanii & in recentiore Univeritate Duacensi Theologi nominantur.



Hic Baccalaureus caput movebat, quo signo satis ostendebat hanc Ariovisti responsionem sibi non admodum placere. Et mox resumens animos, Quam igitur, inquit Arioviste, memorabas hic esse novam calumniam? Calumnia nova, respondit Ariovistus, in eo sita est, quod Hennebellus effutiat Patres Societatis *sperare & à longo tempore propositam habere everisionem Academiae Lovaniensis*. In eo, inquam, sita est calumnia eaque non mediocriter maligna: hic enim Hennebellus in Societatem concitat omnia Academiae membra & alios omnes, qui aliquo ejus studio tenentur.

Sed quomodo, subdit Venantius, omnes in Lovanensi Universitate adeo cœci sunt, ut id præter Doctorem Hennebellum eique adhærentes non videant? Hennebellus, inquit Ariovistus, cum suis solus perspicax est, solus lynceus, reliqui omnes cœcutiunt, non vident Jesuitarum machinationes. Vident enim verò, ait Baccalaureus, & hoc satis constat ex libello isto supplice, quem haud ita dudum Lovanienses aliqui obtulerunt Serenissimo Bavariae Duci Gubernatori Belgii. Illi aliqui Lovanenses, dicit Ariovistus, Hennebelliani sunt, sat scio.

At verò D. Baccalaureus, addit Venantius, suo sibi jumento malum accersit, dum hunc nobis libellum objicit: etenim supplices illi Lovanienses petunt, ut Dux Bavariae jubeat Jesuitas toto Belgio Hispanico scholas suas humaniores occludere. Nil autem simile adversus Lovanensem Academiam umquam petierunt Jesuitæ. Ergo illi Lovanenses potius dicendi sunt propositam habere everisionem scholarum Societatis, quam Societas everisionem Academiae Lovaniensis.

Porro hoc propositum habet Societas, ut Universitas Lovaniensis consequatur Professores & Directores, qui condemnent Baii & Jansenii sensum in propositionibus à Sede Apostolica condemnatum, neque adhærescant aliis novitatibus proscriptis ab eadem Apostolica Sede. Hoc autem propositum habere non est *sperare*, neque *propositam habere everisionem Academiae Lovaniensis*. Si irtur per suffragia ipsius Academiae, & quæreretur utrum Academia esset funditus evertenda, si neque D.

Hen-

Hennebel, neque D. Huygens neque Joannes Opstraet, neque eorum sequaces promoverentur umquam ad Lectiones publicas vel alia officia & dignitates, credo plures negaturos.

Imò, inquit Ariovistus, staret Universitas, & floreret magis, quando amotis duobus aut tribus turbulentis & novaturientibus ingeniis, pax solida & prisca paulatim fama Universitati restitueretur. Quod si impugnare Doctorem Hennebel & ejus sequaces sit impugnare & velle evertere Academiam, multo magis Doctor Hennebel Academiam impugnat & vult evertere, quando impugnat Doctorem Steyaert & majorem Theologicæ Facultatis partem.

Hæc Ariovistus dixerat, cum Venantius recitavit hunc alium Hennebelli textum; " Sic eversâ Academiâ Lovanienſi, ceteras quoque in Belgio scholas, Thomistarum nempe & Augustinianorum, vel evertere vel sibi subſſicere ſperant. Cum enim hi tantum intra Monasteriorum ſepta, ſua dogmata tradant, vix ea ad ſecularum res propagantur, atque ita fiet, ut populus paſſim omnis Jeſuitarum dogmatibus imbuendus ſit. " Audisti Doctoris verba? Sic pergit ſomniis ſuis & calumniis ſuperſtruere machinam imaginariam, qua ſimul cum Lovanienſi Univerſitate ſubruendæ à Jeſuitis ſint omnium Religioſorum Ordinum ſcholæ, niſi Doctor Hennebel, Doctor Huygens, & Licentiaſ Opſtraet ad Cathedras, ad ſanctiorem Facultatis Magiſtratum admittantur. Verum ſine iſtis Atlantibus ſat ſibi, ſat Univerſitati tutum arbitrantur Doctores ceteri ac Profeſſores Academiae. Multo magis inanes has umbras ridet Religioſi Ordines, quorum ſcholæ & per ſe ſtant, & non magis ſibi à Jeſuitis, quàm à Baii & Janſenii ſequacibus metuunt.

Sed, inquit Arioviſtus, quid cauſæ eſt, quominus iſti Hennebellianæ imaginationi indulgeamus? Eſto itaque ex ſuppoſitione imaginaria, *populus paſſim omnis in Belgio Jeſuitarum dogmatibus imbuatur*; nulla hinc perniciēs imminēbit Belgio, ſicut nec creatur aliis Provinciis E. G. Germaniæ, ubi Societas fere ſola Univerſitatibus

tatibus præfinitur. Jesuitæ ut ceteri mortalium, erroribus obnoxii sunt, sed his non hærent pertinaciter; sicubi quispiam aberraverit, facile à moderatõibus vel à Sede Apostolica corrigitur, non ita Baii & Jansenii sequaces.

Numquam vos, inquit Baccalaureus, tam bellè dicetis, ut ego & Doctor Hennnebëllus à Societate metuerè Academiæ Lovaniensi desinamus. Sed me multum recreat id quod hîc habet Hennebellus; "Sperare, audeo. quòd singulari attentione expensura sit Sedes Apostolica, quàm æquum sit non pati, ut evertatur, artificijs ejusmodi tam florens Academia, quæ modò non aliam ob causam tam gravia patitur, quam quòd doctrinam, quam Apostolicæ Sedis sensui maxime conformem esse cõfset, constanter, ut semper fecit, tueatur."

Hæccine, inquit Venantius, digna Doctore locutio est? *Sperare audeo quòd?* Ne nos, excipit Ariovistus, remorentur illæ Grammaticorum quistquilæ. Rem excutiamus, non verba. His dictis, Ariovistus egit hunc in modum; Nec *gravia*, nec *levia patitur Academia*, saltem ab externis; si quid patiatur, patitur à suis. A suis? quæsitivit Baccalaureus non sine summa admiratione. Imo à suis, reposuit è vestigio Ariovistus. A suis, inquam, qui contra majorem Facultatis Theologicæ partem & sentiunt & scribunt; qui contra præcipuum Universitatis Collegium typis divulgant tam infamia motiva juris, quale nuper Joannes Opstraet, quod Rectoris sententiâ à Senatu Regio arcana approbatâ, cremari publicè debuit; qui tam scandalosè & violenter in Rectoris officium intrudere moliuntur illum, quem norunt pridem à strieta Facultate jussu Regis exclusum, & non unâ sententiâ tum Romæ, tum alibi condemnatum.

Præterea, addit Venantius, si quid patitur Universitas, non patitur *ob doctrinam Constitutionibus Sedis Apostolicæ maxime conformem*, sed ob quorundam doctrinam, quæ propositionibus in Jansenio-damnatis tam similis est, ut non possit esse *ovum quo similis*, teste Eminentissimo Cardinale de Aguirre. Denique neque contra

tra Facultatem Theologicam oblatum est Memorialē à P. Palazol, sed tantum contra eos, quibus pars major Facultatis Theologicæ non minus adversatur, imò multo ardentius quàm Societas.

Cito absolverimus, inquit Ariovistus, quia quantum video, pervenimus ad calcem Hennebelliani Scripti. Restant adhuc paucula, ait Baccafaureus, & ea uno spiritu decurram. Ut placet. subdit Venantius. Baccafaureus ergo uno spiritu decurrit sequentem Hennebelli textum.

„ Nota est ex dictis doctrina ejus (Academiæ) de præ-  
 „ destinatione gratuita & gratia Christi per omnia con-  
 „ formis doctrinæ SS. Augustini & Thomæ. prout ea  
 „ in ejus censura contra propositiones Lessii ante annos  
 „ 100. lata, & ejusdem Censuræ Justificatione contine-  
 „ tur, atque ab utriusque S. Doctoris Discipulis in ce-  
 „ leberrima Congregatione de Auxiliis coram Clemen-  
 „ te VIII., & Paulo V. exposita fuit. Notus est eorum  
 „ zelus contra Moralem laxiorem. quam coram Innocen-  
 „ tio XI. tam constanter accularunt, ut ab eo 65. propo-  
 „ sitionum censuram reportarint. Et hæc quidem illa cen-  
 „ sura est, quæ Patres Societatis tam graviter offendit,  
 „ & ob quam ad Apostolicam Sedem detulerunt tan-  
 „ tam propositionum farraginem, ac Lovanienses Theo-  
 „ logos tamquam Rigoristas toto orbe pergunt traducere:  
 „ hac nempe recriminatione inustam sibi notam, & orbis  
 „ Christiani contra opinionum illarum laxiorum Auto-  
 „ res indignationem abolere arbitrantur; sed bene habet,  
 „ quod artes illæ jam pridem Apostolicæ Sedi innotuerint,  
 „ quodque eidem clariùs in dies innotescant. Idèdque  
 „ sperare licet. quod florentissimam illam Academiam,  
 „ majorum suorum vestigiis constanter inhærentem, eo-  
 „ dem favore prosequi perget, quo eam ab incunabulis  
 „ prosecuta est, & quo ipsa Academia fundata fuit. cre-  
 „ vit, ac etiamnum subsistit. Quæ vicissim illi, utpote  
 „ fidei, & omnium Ecclesiarum Matri ac Magistræ,  
 „ prout filiam obedientissimam decet, se totam omni  
 „ cum veneratione semper submitit, atque etiamnum  
 „ submittit, quemadmodum totâ hac responsione de-  
 „ monstratum est.

T 4

Ita

tatibus præficatur. Jesuitæ ut ceteri mortalium, erroribus obnoxii sunt, sed his non hærent pertinaciter; sicubi quispian aberraverit, facile à moderatoribus vel à Sede Apostolica corrigitur, non ita Baii & Jansenii sequaces.

Numquam vos, inquit Baccalaureus, tam bellè dicetis, ut ego & Doctor Hennnebellus à Societate metueret Academia Lovaniensi desinamus. Sed me multum recreat id quod hîc habet Hennebellus; "Sperare audeo. quòd singulari attentione expensura sit Sedes Apostolica, quàm æquum sit non pati, ut evertatur, artificijs ejusmodi tam florens Academia, quæ modò non aliam ob causam tam gravia patitur, quam quòd doctrinam, quam Apostolicæ Sedis sensui maxime conformem esse censeret, constanter, ut semper fecit, tueatur."

Hæccine, inquit Venantius, digna Doctore locutio est? *Sperare audeo quòd?* Ne nos, excipit Ariovistus, remorentur illæ Grammaticorum quisquiliæ. Rem excutiamus, non verba. His dictis, Ariovistus egit hunc in modum; Nec *gravia*, nec *levia patitur Academia*, saltem ab externis; si quid patiatur, patitur à suis. A suis? quæsit Baccalaureus non sine summa admiratione. Imo à suis, reposuit è vestigio Ariovistus. A suis, inquam, qui contra majorem Facultatis Theologicæ partem & sentiunt & scribunt; qui contra præcipuum Universitatis Collegium typis divulgant tam infamia motiva juris, quale nuper Joannes Opsitæ, quod Rectoris sententiâ à Senatu Regio arcana approbatâ, cremari publicè debuit; qui tam scandalosè & violenter in Rectoris officium intrudere moliuntur illum; quem norunt pridem à stricta Facultate jussu Regis exclusum; & non unâ sententiâ tum Romæ, tum alibi condemnatum.

Præterea, addit Venantius, si quid patitur Universitas, non patitur *ob doctrinam Constitutionibus Sedis Apostolicæ maxime conformem*, sed ob quorundam doctrinam, quæ propositionibus in Jansenio damnatis tam similis est, ut non possit esse *orūm quo similis*, teste Eminentissimo Cardinale de Aguirre. Denique neque contra

tra Facultatem Theologicam oblatum est Memoriale à P. Palazol, sed tantum contra eos, quibus pars major Facultatis Theologicæ non minus adversatur, imò multo ardentius quàm Societas.

Citò absolverimus, inquit Ariovistus, quia quantum video, pervenimus ad calcem Hennebelliani Scripti. Restant adhuc paucula, ait Baccalaureus, & ea uno spiritu decurram. Ut placet. subdit Venantius. Baccalaureus, ergo uno spiritu decurrit sequentem Hennebelli textum.

„ Nota est ex dictis doctrina ejus (Academiæ) de præ-  
 „ destinatione gratuita & gratia Christi per omnia con-  
 „ formis doctrinæ SS. Augustini & Thomæ. prout ea  
 „ in ejus censura contra propositiones Lessii ante annos  
 „ 100. lata, & ejusdem Censuræ Justificatione contine-  
 „ tur, atque ab utriusque S. Doctoris Discipulis in ce-  
 „ leberrima Congregatione de Auxiliis coram Clemen-  
 „ te VIII., & Paulo V. exposita fuit. Notus est eorum  
 „ zelus contra Moralem laxiorem. quam coram Innocen-  
 „ tio XI. tam constanter accusarunt, ut ab eo 65. propo-  
 „ sitionum censuram reportarint. Et hæc quidem illa cen-  
 „ sura est, quæ Patres Societatis tam graviter offendit,  
 „ & ob quam ad Apostolicam Sedem detulerunt tan-  
 „ tam propositionum farraginem, ac Lovanienses Theo-  
 „ logos tamquam Rigoristas toto orbe pergunt traducere:  
 „ hac nempe recriminatione injustam sibi notam, & orbis  
 „ Christiani contra opinionum illarum laxiorum Auto-  
 „ res indignationem abolere arbitrantur; sed bene habet,  
 „ quòd artes illæ jam pridem Apostolicæ Sedi innotuerint,  
 „ quodque eidem clariùs in dies innotescant. Idèdque  
 „ sperare licet, quòd florentissimam illam Academiam,  
 „ majorum suorum vestigiis constanter inhærentem, eo-  
 „ dem favore prosequi perget, quo eam ab incunabulis  
 „ prosecuta est, & quo ipsa Academia fundata fuit, cre-  
 „ vit, ac etiamnum subsistit. Quæ vicissim illi, utpote  
 „ fidei, & omnium Ecclesiarum Matri ac Magistræ,  
 „ prout filiam obedientissimam decet, se totam omni  
 „ cum veneratione semper submitit, atque etiamnum  
 „ submittit, quemadmodum totâ hac responsione de-  
 „ monstratum est.

T 4

Ita

Ita Hennebellus. An quidquam, ait Baccalaureus, potest dici melius præstantiusque? Tum Ariovistus, inquit; Videris mihi, D. Baccalauree, vovisse pertinaciam: nam ex nostris dissertationibus jam tibi perspicuum fit Hennebellum hîc iterum à veritate aberrare. Sed, inquit Venantius, ne imitemur malos Poëtas qui in fine operis sui deficiunt, proderit & hîc more nostro respondere ad singula.

Imprimis, adjungebat Venantius; Tam parum *notum est*, doctrinam Censuræ Lovaniensis contra Lessium, prout in ipsius Censuræ Justificatione explicatur esse *per omnia conformem doctrinæ SS. Augustini & Thomæ*, ut vteriorum Ordinum Theologi & præ ceteris Eminentissimus Cardinalis de Aguirre in Defensione Cathedræ S. Petri disp. 21. sect. 2. & sequentibus, multas ex illa Justificatione collegerint propositiones, quas testantur se à damnatis in Jansenio erroribus nullatenus posse discernere. Plurimas alias Belgarum ac præcipuè Lovaniensium propositiones totâ illâ disputatione Eminentissimus allegat, ostenditque cum proscriptis Jansenii opinionibus omnino congruere. Tali doctrinæ de gratia & prædestinatione favere non voluissent, credo, SS. Augustini & Thomæ discipuli in Congregatione de Auxiliis sub Clemente VIII. & Paulo V. Certè minimè vellet Augustiniani & Thomistæ hodierni post Constitutiones Innocentii X. & Alexandri VII.

Illâ jam toties, inquit Baccalaureus, ad nauseam usque inculcasti. Malim equidem audire aliquid de nostrorum zelo contra Moralem laxiorem, quem Hennebellus tam opportunè commemorat. Et de illo, subdit Venantius, dicta sunt passim plurima, quæ intellectui minimè pertinaci possint sufficere. Tamen D. Baccalauree, quia urges, superaddam aliquid. Aio ergo; Zelus contra Moralem laxiorem laudandus est, uti & contra nimis rigidam: in medio enim virtus est inter vitiosos oppositorum excessus, ut accinebat ille;

*Est modus in rebus, sunt certi denique fines,  
Quos ultra citraque nequit consistere rectum.*

In accusandis propositionibus 65. sub Innocentio XI.

non



non minimam partem habuit Doctor Steyaert Lovaniensium tunc in urbe delegatus; atque ille modò cum majori parte Facultatis Theologicæ, etiam accusat moralem Doctoris Hennebel de nimio & plane noxio rigore.

Et quid est, inquit Ariovistus, cur censura Innocentii XI. contra 65. magis offendant Patres Societatis, quàm alios quorumcumque Ordinum, aut etiam Lovanienses Academicos? nam ut à P. Joanne Pollenter & aliis demonstratum est, propositionibus istis vel ante condemnationem palam in libris suis, thesibus, & dictatis publicis adversati sunt Societatis Theologi. Nonnullæ quidem ab aliquibus è Societate, sicut & à Theologis aliorum Ordinum, etiam à Sacerdotibus secularibus & Academicis Lovaniensibus, ante condemnationem traditæ fuerunt, nec primùm à Societatis Patribus, sed hi alios & quidem Lovanienses Academicos, ut Duces & Magistros secuti sunt. Laudamus itaque in hoc recentiores Lovanienses, quòd nec suorum Majorum doctrinæ noxiæ pepercerint. Utinam in extirpandis Jansenismi & Bajanismi reliquiis zelum parem omnes illi ostenderent!

Quid hoc? ait Venantius; an ego tibi, Arioviste, hîc debeo suppetias ferre, & te memorem facere maximi cujuspiam inter Societatem & Jansenianos discriminis, quod prætermittis. Hoc Societatem inter & Jansenianos interest, quòd illa quamcumque doctrinam à quocumque suorum traditam, simul atque Romæ improbatur, procul ab se rejiciat atque detestetur; Janseniani nullis contra se quantumvis sæpè repetitis definitionibus Apostolicis acquiescant, sed eas subreptionis accusent, ac mille cavillationibus contentur reddere invalidas. Estne ullus sive Societatis, sive illi faventium, qui vel unum libellum, vel epistolam, vel folium, vel verbum scripsit contra Innocentii XI. Decretum quo prohibentur propositiones 65.? At nulla Constitutio, Decretum nullum contra Jansenii & ejus sequacum doctrinam edi à Sede Apostolica potest, quin statim undique volitent infames libelli, quibus Pontifex, Cardinales, Consultores S. Officii, & quicumque aliquid ad condemnationem contulerunt, atrocissimè proscinduntur; atque ita quid-

quidquid damnatum est, defenditur cum pertinacia, adco ut S. Augustinus de iis diceret quod scripsit olim de Donatistis contra Epistolam Parm. lib. 1. cap. 6. *Puto quod ipse diabolus, si autoritate Iudicis quem ultro elegerat, toties vinceretur, non esset tam impudens, ut in ea causa persisteret.* Discrimen illud, inquit Ariovistus, ego prætermiseram, tum quia illud satis notum autumabam, tum quia meditabar diluere calumniam istam aliam, quã Hennebellus ait Patres Societatis propter offensionem ex censure *Innocentii XI.* conceptam, *detulisse ad Sedem Apostolicam tantam propositionum farraginem.*

Quod ubi Baccalaureus intellexerat, tantum non ex-candescens, Hancine, inquit, tu Arioviste, calum-niam dicis? Ariovistus respondet; jam audisti D. Bac-calauree; neque sine causa id dixi: etenim vel agit Do-ctor Hennebellus de propositionibus delatis sub Innocen-tio XI., vel sub Innocentio XII. Fuerunt sub Innocen-tio XI. delatæ propositiones per R. P. Patricium Duffium Franciscanum & Regis Catholici Theologum ad hoc specialiter à Sua Majestate Romam delegatum. Comis-sionem quidem habuit Religiosus iste à variorum Ordini Theologis, etiam à Clericis Secularibus & Lovanien-sibus Academicis, quibus nomen suum junxerunt Pa-tres Societatis. Sed ab his Patribus non fuit specialiter delegatus. Porro ex istis propositionibus sub Innocentio XI. censurâ notatæ fuerunt plures quàm 30. verum cen-sura tantum prodiit sub Alexandro VIII. cum exigua, ut quidam ajunt, mutatione.

Tamen alicui è Societate, ait Baccalaureus, tribui-tur liber ille cui titulus *Specimen doctrinæ Theologicæ ex Academia Lovanienfi per Belgium manantis*, qui liber est collectio innumerabilium propositionum facta pro infor-matione Romanæ Curiae. Sic est, reponit Ariovistus, sed liber iste est typis editus ante Decretum Innocentii XI. contra propositiones 65. Quomodo ergo hoc fieri potuit propter offensionem ex Decreto conceptam? De-latio, autem propositionum sub Innocentio XII. facta est non à Societate, sed ab Archiepiscopo Mechlinien-si, & quidem ex mandato S. Congregationis intimato  
per

per litteras Eminentissimi Cardinalis Cybo; si Societatis Theologi rogati ab Archiepiscopo Mechliniensi aliquid operæ contulerint ad eas colligendas, evidens est eos propositiones illas non *detulisse ex offensione* propter Decretum Innocentii XI., quod plus quam 12. annis tunc prodierat.

Domine Baccalauree, inquit Venantius, habesne aliquid quod huic demonstrationi opponas? Jam vides quàm falsò Hennebellus ista scripserit. Falsum est quoque, prosequatur idem Venantius, quòd pergant Theologi Societatis *Theologos Lovanienses* indefinitè tamquam *Rigoristas traducere*. Tantùm minorem partem Theologorum Lovaniensium arguunt, imò illos solos quos major pars Facultatis ejusdem Academiæ ut tales oppugnat & accusare cœpit apud Apostolicam Sedem. An ergo etiam major pars Facultatis Theologicæ accusationem illam tantùm instituit pro *recriminatione*, ut *inuistam sibi notam*, & *orbis Christiani contra opinionum illarum laxiorum* ab Innocentio XI. proscriptarum *Autores*, *indignationem aboleat*?

Tum Arioivstus subjungebat; Non habet Hennebellus quod de Societate, sed Societas habet quod de Hennebello conqueratur. Nam quantas Doctor Hennebell cum suis sequacibus calumnias contra Societatem occultis spargat sermonibus, videtur utcumque colligi posse ex tam multis, quas non veretur scripto publico, & Sedi Apostolicæ exhibendo, infarcire. At spero ego, inquit Venantius, audaciam hanc non tantum in calumnianda Societate, sed etiam aliis Ordinibus, & quidem Episcopis, atque ipsa Catholica Majestate ejusque Ministris & Decretis, aliquando rescrenandam, detegendas quoque coram toto mundo & elidendas artes, quibus totus, quantus quantus est, Bajanismus & Jansenismus cum tot aliis damnatis novitatibus in Belgio hætenus cum multorum pernicie fovetur & propagatur. Neque propterea, D. Baccalauree, Academiæ Lovaniensi nobis dilectissimæ quidquam mali imprecamur, sed aprecamur bona omnia. Vivat, vigeat, floreat magis quàm unquam ante; sit semper *Agri Domini piissima Religiosa*,  
que

*que cultrix*; sit Constitutionum omnium & Decretorum Apostolicorum propugnatrix; sit debellatrix novitatum, & hæreticorum viatrix.

De vestra, inquit Baccalaureus, in Academiam Lovaniensem benevolentia ego numquam dubitavi. At verò non ita loquuntur Jesuitæ, genus istud intractabile. Et Jesuitæ, subdit Venantius, sunt homines pacifici. Sic est, affirmat Ariovistus; Jesuitæ non sunt à pace tam alieni, quàm illos Hennebellus depingit. Et ut ostendant pacem amare se, eam ipsi offerunt honestâ & facili conditione, videlicet ut & Doctor Hennebel cum suis quorum partes agit, & Rev. Adm. P. Generalis cum suis recipiant omnia, quæ à Sede Apostolica definita sunt ac declarata: circa cetera quæ à S. Sede decisa nondum sunt, ejusdem judicium expectetis, idem pariter amplexuri, ubi emanaverit: interea neutra contendentium pars alteram censuret.

Res illa, inquit Baccalaureus, obnoxia erit multis cavillis & sinistris suspicionibus. Ne metue, dicit Ariovistus; ut cavillis & suspicionibus aditus præcluderetur, id quod terminis generalibus tam efficaciter obtineri non solet, Jesuitæ jam nunc dictam Declarationem proposuere. Feruntur quoque rogasse Doctorem Hennebel, ut si quid addendum vel demendum vel aliter immutandum censuerit, ne gravetur suggerere. An possunt agere honestiùs? *Quidquid id est*, inquit Baccalaureus, *timeo Danaos*. Mox iterum Ariovistus, nihil hîc timendum video. En Declarationem ipsam, quæ ex variis Pontificum Decretis concinnata est. Baccalaureus autem in manus Declarationem accepit; noluit tamen recitare fortè quoddam metueret ne illa Declaratio esset quasi pomum Acontii. Ergo Venantius eam recitavit, & sic sonat;

„ Declaramus sequentia. 1. Propositiones omnes à Pio „ V. anno 1567. Kal. Octob. à Gregorio XIII. anno „ 1579. quarto Kal. Febr. & ab Urbano VIII. pridie „ nas Martii damnatas, quamquam nonnullæ aliquo „ pacto sustineri possent, in rigore & proprio verborum „ sensu ab assertoribus intento hæreticas, erroneas, sus-  
pectas

„pectas, temerarias, scandalosas, & in pias aures offen-  
 „sionem immittentes respectivè, ac quæcumque supra  
 „iis verbo scriptoque emissæ damnamus.” Et quando-  
 „quidem Michaël Bajus jussu Gregorii XIII. professio-  
 „nem scripserit, nos juxta illam” plane nobis habemus  
 „persuasum, earum omnium sententiarum damnatio-  
 „nem atque prohibitionem, jure meritoque ac non nisi  
 „maturo judicio, & diligentissimâ discussione præmis-  
 „sis, factam atque decretam esse. Fatemur insuper pluri-  
 „ma ex iisdem sententiis in nonnullis Bullis ab eodem  
 „Baio olim, & ante emanatam Sedis Apostolicæ super  
 „iis censuram, conscriptis & in lucem editis contineri &  
 „defendi. etiam in eo sensu quo reprobantur.”

„ 2. Liber, cui titulus *Augustinus Cornelii Jansenii Episcopi*  
 „*Iprensis*, multas ex propositionibus damnatis ab Urbani  
 „VIII. prædecessoribus continet, & magno cum Catholi-  
 „corum scandalo & autoritatis S. Sedis contemptu contra  
 „præfatas damnationes & prohibitiones defendit. Urbā-  
 „nus VIII. huic malo in scandalum totius Reipublicæ  
 „Christianæ & fidei Catholicæ perniciem vertenti, op-  
 „portunum remedium adhibere volens, non tantum Con-  
 „stitutiones suorum prædecessorum perpetuò confirma-  
 „vit, & approbavit, sed etiam librum prædictum aliaque  
 „omnia opera litteris suis subinserta, meritò prohibuit.”

„ 3. Hæc propositio Petrus & Paulus sunt duo Eccle-  
 „siæ Principes, qui unicum efficiunt; vel, sunt duo Ec-  
 „clesiæ Catholicæ Coriphæi ac supremi Duces, summâ  
 „inter se unitate conjuncti, vel, sunt geminus Ecclesiæ  
 „universalis vertex, qui in unum divinissimè cõaluerunt;  
 „vel, sunt duo Ecclesiæ summi Pastores ac Præsides qui  
 „unicum caput constituunt; ita explicata ut ponat om-  
 „nimodam æqualitatem inter S. Petrum & S. Paulum  
 „in potestate suprema & regimine universalis Ecclesiæ,  
 „est hæretica.”

„ 4. Libellus Gallicus, cui titulus, *Catechisme de la*  
 „*grace*, meritò damnatus est ab Innocentio X. 6. Octob.  
 „1650. quia in eo continentur quam plures sententiæ,  
 „aliàs per felicitis recordationis Pium V. Gregorium  
 „XIII. & Urbanum VIII. damnatæ.”

5. Quin-

„ 5. Quinque Propositiones ab Innocentio X. damnatas  
 „ anno 1653. pridie Kal. Junii pariter damnamus ut hære-  
 „ ticas, & aliis censuris, quæ in Constitutione Apostoli-  
 „ ca continentur. Idem Pontifex memoratâ Constitutio-  
 „ ne in 5. propositionibus Augustini Cornelii Jansenii Epif-  
 „ copi Iprensîs damnat doctrinam ejus libro contentam,  
 „ cui titulus Augustinus, & nos eam damnamus uti &  
 „ librum ipsum.”

„ 6. Rectè ab Alexandro VII. vocantur iniquitatis fi-  
 „ lli, qui prædictas 5. propositiones vel in libro prædicto  
 „ ejusdem Cornelii Jansenii non reperiri, sed fictè & pro  
 „ arbitrio compositas esse, vel non in sensu ab eodem  
 „ intento damnatas fuisse, asserere magno cum Christi  
 „ fidelium scandalo non reformidant.”

„ 7. Idem Pontifex 5. illas propositiones ex memo-  
 „ rato libro excerptas ac in sensu ab eodem Cornelio Jan-  
 „ senio intento damnatas fuisse, rectè definit & declarat,  
 „ & uti tales, inusâ scilicet eadem singulis notâ, quæ in  
 „ prædictâ declaratione & definitione unicuique illarum  
 „ sigillatim inuritur, iterum meritissimè damnat.”

„ 8. Assentimur Alexandro VII. in Decreto anni 1661.  
 „ 12. Januarii. declaranti, quòd quidam perditionis filii in  
 „ perniciem animarum, & novitatibus studentes, & Eccle-  
 „ siasticas sanctiones ac praxim contemnitentes, ad eam  
 „ nuper vesuniam pervenerint, ut Missale Romanum  
 „ Latitio idiomate longo tot seculorum usum in Ecclesia  
 „ probato conscriptum, ad Gallicam vulgarem linguam  
 „ convertere, sicque conversum typis vulgare, & ad cu-  
 „ jusvis ordinis & sexus personas transmittere auli suc-  
 „ tint, & ita sacrosancti ritûs majestatem Latinis vocî-  
 „ bus comprehensam deicere ac proterere, ac sacrorum  
 „ Mysteriorum dignitatem vulgo exponere, temerario  
 „ conatuentaverint.” Cum eodem Pontifice dicimus;  
 „ Quemadmodum novitatem istam perpétui Ecclesiæ de-  
 „ coris deformatricem, inobedientiæque, temeritatis,  
 „ audaciæ, seditionis, schismatis, aliorumque plurium  
 „ matorum faciliè productricem abhorremus, & detesta-  
 „ mur; ita Missale prædictum Gallico idiomate à quo-  
 „ cumque conscriptum, vel impofterum aliâs quomo-  
 „ dolibet

„dolibet conscribendum & evulgandum. . . . damnamus  
 „& reprobamus. . . . denique illud sub pœna excommu-  
 „nicationis latæ sententiæ ipso jure incurrendæ perpetuò  
 „& rectè esse prohibitum agnosceimus. ”

„ 9. In Edicto Vicariorum Parisiensium promulgato  
 „5. Junii 1661. sanè imprimis non minus temeraria quàm  
 „mendaci narratione profertur, tempore felicitis recerda-  
 „tionis Innocentii X. non aliud actum fuisse, quàm in-  
 „quisitum, an propositiones illæ 5. de gratia veræ & Ca-  
 „tholicæ, an potius falsæ & hæreticæ censendæ forent;  
 „cum eo plane tempore necdum de propositionibus ipsis  
 „cognitio habita fuerit, verùm quòd è Jansenii libro Au-  
 „gustinus nuncupato, extractæ essent, & ita in sensu ab  
 „eodem Jansenio intellectæ damnatæ, ut Alexander VII.  
 „Constitutione 17. Kal. Novemb. 1656. luculenter ex-  
 „pressè declaravit. ”

„ 10. Propositiones 28. damnatæ ab Alexandro VII.  
 „die 24. Septembris 1665. & aliæ 17. damnatæ ab eo-  
 „dem Pontifice die 18. Martii 1666. omnes & singu-  
 „læ ipsarum sunt ut minimùm scandalosæ. ”

„ 11. In libro cui titulus Rituel Romain du Pape Paul  
 „V. à l'usage du Diocèse d'Aler avec les instructions,  
 „& les rubriques en François; non solum continentur  
 „nonnulla ab ipso Rituali Romano jussu felicitis recer-  
 „dationis Papæ Pauli V. edito aliena, sed etiam doctri-  
 „næ quædam & propositiones falsæ, singulares, in praxi  
 „periculosæ, erroneæ, & consuetudini in Ecclesiâ com-  
 „muniter receptæ atque Ecclesiasticis Constitutionibus  
 „oppositæ & repugnantes, quarum usu & lectione Chri-  
 „sti fideles in tam damnatos errores sensim induci ac-  
 „pravis opinionibus infici possent; ideo jure librum il-  
 „lum damnavit, reprobavit, & interdixit Clemens IX.  
 „die 18. Aprilis 1668. ”

„ 12. Liber cui titulus le Nouveau Testament de Nô-  
 „tre Seigneur Jésus Christ traduit en François selon l'e-  
 „dition vulgaire avec la difference du Grec, vulgò Te-  
 „stamentum Montense merito damnatus est à Clemen-  
 „te IX.; tamquam temerarius, damnosus; à vulgata  
 „editione difformis, & offendicula simplicium continens.

13. Pro-



- „ 13. Propositiones 65. & unaquæque ipsarum ab Innocentio XI. damnatæ 11. Martii 1679. sicut jacent, „ sunt ut minimùm scandalosæ, & in praxi perniciosæ „ & tamquam tales meritò prohibitæ & condemnatæ.”
- „ 14. Propositiones 68. Michaëlis de Molinos, tam- „ quam hæreticas suspectas, erroneas, scandalosas, blas- „ phemas, piarum aurium offensivas, temerarias, Chri- „ stianæ doctrinæ relaxativas & everivas, & seditiosas „ respectivè damnamus.”
- „ 15. Duas propositiones sequentes juxta Decretum „ Innocentii XI. 23. Novembris 1679. damnamus ut „ temerarias ut minimùm & novas. 1. Deus donat no- „ bis omnipotentiam suam, ut eâ utamur, sicut aliquis „ donat alteri villam, vel librum. 2. Deus subjicit no- „ bis omnipotentiam suam.”
- „ 16. Liber Amadei Guimenii Lomariensis olim Pri- „ marii S. Theologiæ Professoris tradit doctrinam peri- „ culosam, cujus usu & praxi animæ infici, & in æter- „ næ salutis detrimentum adduci possent, & uti talis „ damnatus & reprobatus meritò est ab Innocentio XI. „ 16. Septembris 1680.”
- „ 17. Rectè damnavit Alexander VIII. 24. Augusti „ 1690. duas sequentes Theses seu propositiones, 1. Bo- „ nitas objectiva consistit in convenientia objecti cum „ natura rationali: formalis verò in conformitate actûs „ cum regula morum. Ad hoc sufficit, ut actus moralis „ tendat in finem ultimum interpretativè; hunc homo „ non tenetur amare, neque in principio, neque in de- „ cursu vitæ suæ moralis. 2. Peccatum Philosophicum „ seu morale est actus humanus disconveniens naturæ ra- „ tionali & rectæ rationi. Theologicum verò & mortale „ est transgressio libera divinæ legis. Philosophicum, quan- „ tumvis grave, in illo qui Deum vel ignorat, vel de Deo „ actu non cogitat, est grave peccatum, sed non est of- „ fensa Dei, neque peccatum mortale dissolvens amici- „ tiam Dei, neque æternâ poenâ dignum. Et primam „ quidem Thesim seu propositionem damnamus ut hæ- „ reticam; secundam ut scandalosam, temerariam, pia- „ rum aurium offensivam, & erroneam.”
18. Idem

„ 18. Idem Pontifex meritò damnavit propositiones „triginta & unam, die 7. Decembris 1690. tamquam „temerarias, scandalosas, male sonantes, injuriosas, „hæresi proximas, hæresim sapientes, erroneas, schis- „maticas, & hæreticas respectivè.”

„ 19. Quisquis legit etiam occultè librum à S. Sede „quacumque de causâ prohibitum peccat mortaliter, „nisi facultatem acceperit ab eo, ad quem spectat eam „concedere.”

Hiscæ recitatis, Venantius dixit; Profectò non video, quid à tali Declaratione Doctorem Hennebel abstergere vel abstrahere debeat, præsertim cum ipse tam liberalis fuerit, ut ultro Declarationem suo suorumque nomine proposuerit, & obtrudere pergat Rev. Adm. P. Generali Societatis ad ostendendum se consentire Thomistis. Per hanc autem declarationem, quam jam recitavi, multo melius probabit ac plane persuadebit, se & Thomistis consentire & Sedi Apostolicæ. Persuadebit etiam non esse talem suam erga Apostolica Decreta reverentiam & submissionem, quali solent sententiæ quædam civiles excipi, etiam ab iis qui censent esse injustas.

Hic iterum Baccalaureus ingeminavit suum; *Timeo Danaos*. Ariovistus autem, quid inquit, hinc timendum est? Nam 1. in omnibus his declarationibus, ut patet, nihil est in præjudicium aut favorem alicujus privatæ sententiæ aut scholæ. 2. Non uni contendentium parti potius quam alteri creatur invidia, cum subscribatur æqualiter omnibus Sedis Apostolicæ Constitutionibus cujuscumque partis, libros, vel sententias reprobantibus. 3. Nullum hic est jusjurandum. 4. Præscinditur hinc ab actû fidei divinæ & humanæ, sed declaratur tantummodo simplex assensus, sive judicium internum de proposita rei veritate. 5. Evidens est nullas hinc fieri additiones ad Formulæ Alexandri VII., nullas ejus explicationes vel interpretationes, utpote de quo non agitur. 6. Tantum agitur de Decretis damnantibus libros vel sententias; si tamen velitis addi declarationes aliquas de Brevibus Innocentii XII. ad Episcopos Belgii, uti ex Decreto circa sensum Formularii, & quinque propositiones; Jesui-

tæ illas jam nunc obtulerunt, neque alio intelligendas fen'u quàm obvio. „ Quin imo, inquit, si declarationes alias adjiciendas censueritis, non tergiverlabimur; sed promptissimè subscribemus omnibus, quas vos nobis volueritis proponere, modò sicut nostræ sint alicui Constitutioni vel Decreto Apostolico consentaneæ. ” Quid nunc judicas, D. Baccalauree? Suntne Jesuitæ alieni ab ineunda pace? Suntne genus intractabile?

Sed quare, inquit Baccalaureus, non sunt contenti generali subscriptione, quâ quis profiteatur, quòd se omnibus Decretis Apostolicis submittat? Quid opus est declaratione tam fusâ tamque distinctâ?

Quia, reponit Ariovistus, quilibet rogatus præstabit professionem obedientiæ & submissionis ejusmodi generalis erga Constitutiones Apostolicas. Quando autem ad casus particulares descenditur; hærent aliqui, tergiversantur, neque ullam sententiam rectè condemnatam fateri volunt eo sensu, quo à Bano. Jansenio, vel alio prætenso Augustiniano tradita est: similiter nec ullum librum ab aliquo suorum editum agnoscunt justè proscriptum esse, aut ejus proscriptionem obligare sub peccato mortali, ne quis librum, etiam occultè, legat. Illa illa est ratio, quare Jesuitæ istac generali subscriptione contenti non sint. Nonne æqua est, D. Baccalauree? Nonne justa?

Tum Venantius aiebat; Frustra, optime Arioviste, id D. Baccalaureum interrogas, quem scis non responsurum. Ostende mihi potius Jesuitarum Declarationes ex Brevibus Innocentii XII., quas jam nunc adversariæ parti oblatas esse dixisti. Illas habes, inquit Ariovistus, in ea ipsa charta, quâ Declarationes aliæ continentur. Verte, quæso paginam, & illas invenies. Ergo Venantius, Ariovisto morem gessit, & in averfa paginæ parte adinvenit sequentia.

## DECLARATIONES CONFORMES BREVIUS

*Apostolicis Innocentii XII. ad Episcopos Belgii  
& Decreto Anni 1694., 28. Januarii.*

„ Q Uinque propositiones damnatæ ab Innocentio X.  
„ & Alexandro VII. sunt rectè damnatæ in sensu ob-  
„vio, quem ipsamet propositionum verba præ se ferunt.”  
„ Eædem sunt ex libro, cui titulus Augustinus Cor-  
„nelii Jansenii, excerptæ in sensu obvio, atque eodem  
„illas damnamus.”

„ Formulæ Alexandri VII. intelligi debet non alio  
„sensu, quàm eo, quem ipsius verba præ se exhibent.”

„ Juramentum in Formulæ præstari debet sincerè,  
„absque ulla distinctione, restrictione, seu expositione.”

„ Non potest quis repelli ab officiis, muniis, benefi-  
„ciis, gradibus, vel quacumque functione Ecclesiasti-  
„ca, nisi servato juris ordine eam pœnam ipsum com-  
„meruisse probatum fuerit.”

Hæc, Venantius prælegerat, cum Ariovistus dixit;  
Quidquamne in hisce Declarationibus vides, quod ho-  
minem probè Catholicum à subscribendo deterreat? Ni-  
hil omnino, respondet Venantius, è contrario omnia  
ad subscriptionem alliciunt. Tum denuò Ariovistus;  
Quidni igitur his Declarationibus Hennebellus cum suis  
subscribit? Quidni in hac conditione oblatam pacem?  
Quidni suos ad hanc conditionem accipiendam exsti-  
mulat? An putatis, inquit Baccalaureus, carere dolo  
Declarationes ab Jesuitis concinnatas? Concinnatæ sunt,  
reponit Ariovistus, ex ipsis Pontificum Decretis, &  
servantur primæva eorum ac genuina verba. Itaque do-  
li suspicio esse quæ potest?

O Arioviste, ait Baccalaureus, mihi meisque hodie non  
dices tam commodè, ut me hoc metu liberes. *Sinite illos,*  
insit non sine risu Venantius, *caci sunt & duces cecorum.*  
Hennebellianum Scriptum jam examinavimus totum,  
nec hilum apud D. Baccalaureum profecimus. Diebus

consequentibus perlustrabimus Acta Eruditorum ultima quæ ego Lipsiâ accepi. Hi fortè sermones magis delectabunt D. Baccalaureum. Dein Baccalaureus; Numquam non, inquit, delectant sermones me vestri excellenti eruditione ac venustate conditi; verùm (pro dolor!) non est mihi hîc diutius remanendi facultas nam propediem Lovanii habebitur solennis disputatio, ad quam aliqui etiam ex Hollandia invitati sunt. Ab hac disputatione abesse non possum. Idcirco discedendum est die crastinâ. I ergo bonis avibus, inquit Venantius, & fac quam primum redeas multaquæ nova apportes. Interim verò hoc vespere de rebus minus seriis colloquemur animi causâ.

Atque hîc fuit harum super Hennebelliano Scripto dissertationum exitus, multo profectò moderatior, quàm à tam acribus & tam animosis disputatoribus expectari poterat. Postridie quoque maximâ cum urbanitate dicto utrimque vale, Baccalaureus iter ingressus est.

## DISSERTATIO XI.

*De ejusdem Memorialis Confutatione edita in Belgio per Belgas Theologos.*

CUM Ariovistus & Venantius in discutiendis Eruditorum Actis dies aliquot posuissent, Venantio ex civitate allata est noti Memorialis Confutatio quæ edita est in Belgio per novæ factionis Theologos. Exemplaria autem erant duo: alterum coëmptum ab aliquo cui curam similes coëmendi libros Venantius demandaverat; alterum missum à factione & sub involucri chartaceo in formam litterarum complicatum. Solent hoc pacto novi illi homines suas veneno turgidas lucubrationes dissipare quaquaversum, quandoque etiam non exacto portorio. Modus propagandi scetam, qui haud scio, an etiam ullis umquam hæreticis fuerit utilis.

Visis istis exemplaribus, ait Venantius; En iterum, familiarissime Arioviste, novum aliquid à Novatoribus

in



in lucem emittitur. Tum recitabat libelli titulum, & mox alterum exemplar porrigebat Ariovisto, alterum sibi reservabat. Facile crediderim, inquit Ariovistus, esse illud opusculum, quod, ut significavi primo dissertationum nostrarum die, sudare sub prælo audiui. Ut ut est, subjungit Venantius, illud opusculum quisque scorsim evolvamur quam citissime, & scrutemur singula, quo simus melius comparati ad impetus Baccalaurei retundendos. Sine dubio nobis aderit primo quoque tempore: nam nova illa Confutatio ipsi alas addet pariter ac animos iterum dissertandi.

Neque vanus augur fuit Venantius: etenim Baccalaureus postero die affuit; & quasi partâ victoriâ triumphans, exultansque insolentius, ostendebat novum opus. Ecce, inquiebat, hîc sunt pro Hennebelliano Scripto vindiciæ: has legite, & quidquid contra Hennebelli Scriptum antè attulistis, nullius momenti esse cernetis. Tum Ariovistus renidenti vultu Baccalaureum aspiciens; Ego, inquit, & Venantius, libellum istum jam nunc evolvimus, & animadvertimus editum esse sine approbatione, sine nomine Typographi sine expressione loci & determinati Autoris. An non habetis aliud, dicit Baccalaureus, quod in eò virgulâ vestrâ perstringatis? Jam video verum esse id quod inchoabam dicere, omnes vestras anteriores dissertationes esse protritas.

Ne nimium præpoperè, D. Baccalauree, ait Venantius. Multa alia habemus in eò Opere reprehendenda, vel potius jam nunc reprehendimus & refutavimus in Hennebelliano Scripto, ex cujus centoribus totum hoc novum opusculum confarcinatum est, adeoque refutatum, antequam natum, si excipias aliquot calumnias, quas illi Theologi Belgæ addiderunt de suo. Sic & mea fert opinio, subjungit Ariovistus, & miror profectò, quòd magni illi Theologi alienos eniti partus voluerint, quasi non possint proprio Marte eudere aliquid, quo se defendant.

Habent plurima, inquit Baccalaureus, quæ D. Hennebel in suo Scripto non observavit. E. C. pag. 3. aiunt quòd P. Thyrsus Gonzalez Societatis Jesu præpositus

Generalis, "ab ipso Memorialis sui exordio, hoc Suae Majestati sophismate illudat: *Plures olim hæretici sub externa castigatioris vitæ ac doctrinæ professione dissimularunt hæresim: Igitur qui castigatorem hodiæ vitam ac doctrinam exterius profitentur in Belgio, sub ea professione dissimulant hæresim Jansenianam.*"

Nonne dixeram, inquit Venantius, Theologos illos de suo addere aliquot novas calumnias? Calumnia est enim, quod ille Pater Regiæ Majestati illudat tali sophismate. Ad pœnam libri, D. Baccalaurce; Memoriali loco citato inspice, & perspicies aliud nihil dici, quàm quòd jam condemnatâ tamquam hæreticâ doctrinâ Cornelii Jansenii, non sit in Ecclesia novum ab ejus sequacibus dissimulari illam hæresim multis fraudibus, nominatim externâ aliquâ castigatioris vitæ ac doctrinæ professione, quia illud antiquitus experta est Roma in Valentinianis, Marcionitis & Arianis.

Ariovistus, qui eodem tempore, quo hæc à Venantio dicebantur, legerat assignatum Memorialis locum, assererat ita esse ut dicebat Venantius. Unde, inquebat, Belgæ illi Theologi si voluissent bonâ fide procedere, debuissent P. Generalis argumentationem sic contrahere; Plures olim hæretici sub externa castigatioris vitæ ac doctrinæ professione dissimularunt hæresim; Igitur novum non est aliquos in Belgio sub ea professione dissimulare hæresim Jansenianam. Ubi ex illo antecedente non inferitur, quòd aliqui in Belgio sub externa castigatioris vitæ ac doctrinæ professione dissimulent Jansenianam hæresim, sed hoc potius supponitur tantisper hîc, & postea locis aliis probatur, adeòque hîc solùm inferitur quòd hoc in Ecclesia non sit novum. *Non est novitas in Ecclesia.* Usque adeò non poterat ista Theologorum turma Autorem Memorialis impugnare, nisi tam stolidum argutandi genus ipsi affingeret.

Non equidem scio, inquit Venantius, quomodo hoc Viro erudito affingere ausi fuerint? Saltem non poterant in spem venire fore ut hic dolus lateret diu: norunt enim omnes, quòd castigatorem vitam ac doctrinam exterius profiteri non sit dissimulare hæresim, nec

ex



ex eo quòd quidam sub ista professione hæresim olim dissimulant, rectè inferri possit, omnes hæresim hodie dissimulare, qui castigationem vitam ac doctrinam profitentur; atque adeò satis videbant cuivis lectori faciliè movendam suspicionem adulterati loci. Sibi, inquit Ariovistus, propositum habent istud; *Calumniare strenuè, semper aliquid adhibere cet.*

Papæ exclamat Baccalaureus, quantum estis immutati! Nunc tandem agnoscitis quòd non dissimulemus Jansenismum. Hoc nos non diximus, inquit Ariovistus, sed diximus quòd Autor Memorialis hoc ex superiori antecedente non deducat. Istud autem dicere non est dicere quòd nulli sint in Belgio, qui Jansenismum dissimulant. Tum quærit Baccalaureus; suntne ergo tales in Belgio? Sunt enimverò, respondet Ariovistus, idque satis superque ostendimus totâ dissertatione 7. An ista omnia jam nunc exciderunt?

Ridiculum, inquit Baccalaureus; accipite quæ habent Belgæ Theologi in Memorialis Confutatione pag. 4. "At quomodo Jansenismum dissimulamus, qui, vel ipso Patre Palazol teste, omnibus nos Tribunalibus ultrò sistimus? Si Tribunalia & Judices nostros legitimos fugeremus, posset hoc nobis dissimulandi artificium impropèrari: nunc verò cum fateatur ipse ad omnia nos Tribunalia confugere, profectò vel ipse contra se testis est, quòd malè nos de dissimulandi artificio accuset."

Hic, quemadmodum sub initium dissertationis 2 (a) vidimus, inquit Venantius, tantum agitùr *de obfirmatis sequacibus doctrinæ Cornelii Jansenii de hæresi ab Ecclesia condemnate*. Nemo autem nominatur: quamobrem Belgæ illi Theologi, dum hîc irascuntur atque rescribunt, suo quasi mus produntur indicio, & videntur confiteri se tales esse; neque illam notam eluunt allato argumento. Quid enim? prosequeretur idem Venantius Hoc cine argumentum, tibi D. Baccalauree, videtur esse alicujus ponderis? Si P. Palazol diceret quòd omnibus vos Tribunalibus ultrò sistatis ad causam vestram viriliter defendendam, tale fortasse ad hominem argumentum posset

posset inde utcumque formari. At verò cum dicat quòd omnibus vos Tribunalibus sistatis *ritu hominum oppressorum, plangentium, & clamantium innocentiam suam ab adversariis implacabilibus conculcari, uti & integritatem doctrinæ quam à S. Augustino & priscis Ecclesiæ Patribus didicere*; tale argumentum formari nequaquam potest: nam possunt & solent hæretici quoque, qui hæresim dissimulant, talibus de adversariorum asperitate querimoniis, commiserationem Judicum commovere. Notæ Crocodyli lacrymæ, notus planctus Draconum, & luctus Struthionum.

Hæc Venantius dixerat. Ariovistus autem Baccalaureum, hoc modò aggressus est; Quàm rudi minervâ, D. Baccalauree, hîc argumentati fuerint tui illi Theologi, non inveniunt demonstravit Venantius. Jam mihi dispiciendum est, an nobis non porrigatur mucro, quo Dominum Opstraet, D. Verschuren, & D. Claes ingulemus. Hi tres, ut dictum est dissert. 6. (a) subterfugerunt Tribunalia & legitimos Judices, coram quibus viri aliqui; omni exceptione majores, obtulerant eos servato juris ordine eos Jansenismi agere. Qua de causâ ego sic ratiocinor; Belgæ Theologi hanc ponunt propositionem: *Si Tribunalia & Judices nostros legitimos fugeremus, posset hoc nobis dissimulandi artificium impropèrari*. Subsumo; atqui Dominus Opstraet, D. Verschuren, & D. Claes Tribunalia & Judices suos legitimos fugerunt: Ergo Domino Opstraet, D. Verschuren, & D. Claes potest hoc dissimulandi artificium impropèrari. D. Baccalauree, an hæc consecutio non est ineluctabilis?

Sed quid necesse erat, inquit Venantius, argumentationem tuam ad hos tres dumtaxat restringere? quasi verò reliqui omnes nulla Tribunalia, nullos Judices pertimescerent. Si res ita se haberet, Arioviste, non adhibuissent tot machinas ad impediendam *functam* sive Congregationem in Hispania; è contrario illam omnibus votis ipsi debuissent ultrò expetere, ac promoverè, ad suam innocentiam patefaciendam, ut adhuc aliàs indicare me memini. Verùm age, D. Baccalauree, demus ad omnia ipsos Tribunalia confugere. Hoc dato, subjun-

git

git Baccalaureus, perspicuum est, non posse cuiuspiam notrorum impropere artificium dissimulandi.

Non tenet ista conclusio, inquit Venantius. Quid enim? An dissimulandi artificium impropere non potuit Pelagio atque Cœlestio? tamen damnati ab Africanis Conciliis ad diversa Tribunalia contigere; Romanum iudicium, datis ad Innocentium litteris, flagitavit Pelagius intrepide: Cœlestius verò Romam ipse accurrit, Zosimum Pontificem appellans. Postea & Romæ victi, adeò non acquievere, ut toto extorres Occidente, ausi fuerint sollicitare Orientem, & ad Concilii Ephesini confugere Tribunal. Dies me deficiet, si cunctos recentem hæreticos, qui licet alia & alia Tribunalia fatigarent, tamen non caruerunt dissimulandi artificio. Hoc igitur ad varia Tribunalia pertugium, D. Baccalauree, malè afferunt tui Theologi tamquam certissimum, minimeque dubium suæ innocentiae argumentum.

Hoc non afferunt tam malè, ait Baccalaureus, quàm vos quidem existimatis: etenim è vestigio annectunt; ”  
 „Jam sex anni sunt, cum stamus coram Sede Aposto-  
 „lica, parati de ea, quæ in nobis est fide, doctrina, &  
 „vita, omni poscenti rationem reddere: accusat nos  
 „Mechliniensis Archiepiscopus, qui & alios Belgii Epif-  
 „copos contra nos non semel commovit: Ex Academia  
 „Lovaniensi suppetias ferunt Steyartius, Harnæus, De-  
 „sirantius accusatores exercitatissimi: Mundi potestates  
 „omnes, Regulares non pauci, ac præcipuè Jesuitæ in  
 „auxilium vocantur: Res tota palam geritur, in facie Ec-  
 „clesiæ, in facie adversariorum implacabilium, in facie  
 „ipsius Reverendissimi Patris Thyrsi Gonzalez; causa  
 „discutitur à viris Eminentissimis, & supremis Ecclesiæ  
 „Romanæ Inquisitoribus. Est quæstio gravissima, in qua  
 „negligentes esse non decet: agitur enim de detegenda  
 „quorundam hominum dissimulatione, atque adeò de  
 „hæresi Ecclesiæ & Reipublicæ perniciosa: agitur de ir-  
 „reverentia & rebellionem adversus Sedem Apostolicam.  
 „Et post hæc omnia (si Memoriali fides) aut nos adeò  
 „callidi sumus, aut Sedes Apostolica adeò stupida, ut  
 potuerit



„potuerimus jam ultra sexennium, circumstantibus tot  
 „adversariis oculatissimis, a iudicibus perspicacissi-  
 „mos, sensa nostra dissimulare, & Summo Pontifici il-  
 „ludere.”

D. Baccalauree, inquit Ariovistus, sub initium dissertationis nostræ 9. (a) audivimus pariter Hennebellum de isto sexennio gloriantem. Considera quæ tunc diximus, & ea his Belgii Theologis cum proportionem applica. Effet etiam operæ pretium, adjungit Venantius, recollere dissertationem 2. (b) ibi enim hoc ipsum argumentum sat fusè refutatum est exemplo variorum hæreticorum, qui aliis & aliis temporibus satis diu Summo Pontifici illuserunt, licet circumstarent adversarii oculatissimi, perspicacissimique Iudices: nam ut alia tunc dicta præteream, an quando Romæ accusabatur Michaël Molinos, non erant accusatores exercitatissimi? an non Regulares multi & præcipuè Jesuitæ in auxilium vocabantur? an res tota non agebatur palam? in facie Ecclesiæ? in facie adversariorum implacabilium? in facie ipsius R. P. Pauli Segneri? an causa non discutebatur à viris Eminentissimis, & supremis Ecclesiæ Romanæ Inquisitoribus? an non erant oculatissimi adversarii? an non erant Iudices perspicacissimi? an non erat quæstio gravissima, in qua eos negligentes esse non decebat? an non agebatur de detegenda quorundam hominum dissimulatione, atque adeò de hæresi Ecclesiæ & Reipublicæ perniciose? an non agebatur de irreverentia & rebellionem adversus Sedem Apostolicam? Et post hæc omnia adeò callidus fuit Molinos, ut potuerit ultra sexennium sensa sua dissimulare, & mentitâ sanctitatis specie Summo Pontifici illudere.

Durissime Venanti, inquit Ariovistus, hic D. Baccalaureum & Belgas Theologos egregiè depexos reddidisti. Quod si ita pergas, te referent in numerum suorum adversariorum implacabilium. Id ego mihi ducam honori reposuit Venantius, & altâ voce prælegit cetera, quæ hic pag. 5. 6. & 7. Hennebelliano de grege Theologi garriunt. Dum autem absolverat, Baccalaureum

(a) Pag. 231. (b) Pag. 41. & 41.

reum ita allocutus est; Estne hîc aliquid, D. Baccalauree, ad quod vel à me vel ab Ariovisto non abundè responsum est in dissertationibus aliis? non lubet iterum eandem incudem tundere; neque id tu à me D Baccalauree, opinor, exigis. Ubi responsum est, rogat Baccalaureus, ad id quod dicunt num. 3. " Neque illud tantum, sed & *Clamorum vi atque adherentium potentia* (si eidem Memoriali credimus) Decreta quædam à Sanctissimo Patre, Nostro Innocentio XII. extorsimus, parum scilicet, erat dissimulationis accusasse nos, nisi & ignaviæ argueretur Summus Pontifex, Decretaque ipsius Apostolica apud ipsum Regem Catholicum tamquam *Clamorum vi atque adherentium potentia* extorta traducerentur." Tum Venantius dixit; Ignosce mihi, D. Baccalauree, non memineram ad ea responsum esse dissertatione 1. (a) quando tu nondum aderas. At verò cum Ariovistus cuncta litteris consignaverit, velitque aliquis ea juris publici quamprimùm facere, ea ibidem poteris cum otio legere.

Ego autem, adjungit Ariovistus, debeo quidpiam ex te, D. Baccalauree, sciscitari; dic ergo, estne semper ignaviæ aliquid largiri propter *Clamorum vim atque adherentium potentiam*? Vide quid dicas, alioqui dicam ego ignavos esse Reges ac Principes, quando ob miserabiles pauperum clamores & procerum potentiam sive auctoritatem, æquum aliquid ac justum decernunt. Imò verò dicam ignavum fuisse Christum, quando cæco Evangelico magnâ *clamorum vi* petenti ut sui miseresce-ret; restituit oculorum usum. Dicam ignavum esse æternum Patrem, quando nobis clamantibus *Abba, Pater*, propter potentem Christi interpellationem postulata concedit. Dicam etiam Deum ignaviæ argui à vate Regio, quando Psal. 119. dicit; *Ad Dominum cum tribularer clamavi, & exaudivit me.* Debes itaque confiteri, D. Baccalauree, eum non semper esse ignaviæ reum, à quo aliquid extorquetur *clamorum vi atque adherentium potentia*: Confiteor, inquit Baccalaureus, si id quod extorquetur, non sit malum per se, si omni turpitudinis labe careat,

careat. Atqui, subiūnit Ariovistus, Decreta illa Apostolica juxta Memorialis Autorem, non sunt mala è contrario juxta eundem Autorem sunt *sanctissima*, sunt *justissima*. Ergo quòd illa dicat esse extorta *Clamorum vi atque adherentium potentia*, non propterea Summum Pontificem ignaviæ arguit.

Si, inquit Venantius, luberet par pari referre, hîc nobis esset excutiendum pluribus, quâ vos reverentiâ excipiat, non jam dico Bullas Pii V., Gregorii XIII. Urbani VIII. Innocentii X., Alexandri VII., & Alexandri VIII., (nam vobis nihil esse earum irreverentius constat ex antè dictis) sed hæc ipsa Innocentii XII. Decreta sive Brevia, propter quæ hîc tempestatem tantam in simpulo cietis. Effet, inquam, nobis excutiendum, quid de his Decretis dicatis, dum vobis facta est paulo liberiùs inter vos colloquendi copia. Certè vester Paulus Aurelius in Prologo Galcato pluribus contendit, in his Innocentii XII. Decretis, præcipi manifestum perjurium, & in fine pag. 61. sic habet; *Horreo fateor, cum mente perpendo, viros, alioqui laxitati inestros, in jurationem adeò tetram & horrificam; quâ Episcopus (Jansenius) doctrinâ ac vitæ sanctitate illustris, coram facie Ecclesiæ, invocatâ in caput suum (si secus habeat) irâ divinâ vindice, de quinis hæresibus reus agitur; tam frivolis obtentibus audere prærnuere.* Frivoli igitur obtentus sunt Decreta Innocentii XII. D. Baccalauree, inquit Ariovistus, uter est istorum Decretorum reverentior? hiccine qui in iis præcipi perjurii crimen affirmat, an qui ea dicit *extorta Clamorum vi atque adherentium potentia*, ita tamen ut ea simul *sanctissima* atque *justissima* esse pronuntiet?

Nihilo reverentior horum Decretorum est Vincen-  
tius Palæophilus in illo libello, qui inferibitur; *Gratia triumphans de novis liberi arbitrii deceptoribus, inflatori-  
bus, deceptoribus ac præsertim scribillatore notarum Bre-  
vium in refutationem prodromam BREVIS MEMORIALIS de  
statu ac progressu Jansenismi in Hollandia.* Pag. 61. sic scri-  
bit; "Nullos (proprie ac verè loquendo) Jansenistas um-  
quam extitisse, nec existere umquam posse, ex eo in-  
dubitè



„dubitare conficitur, quod nullius umquam dogmatis  
 „Jansenius Auctor fuerit. Igitur nec vel ipse Jansenius  
 „(si rem æquâ lance expendas) Jansenista esse potuit:  
 „quia non docet, quid Jansenius sentiat, sed refert quid  
 „Augustinus tradat. Stupidus, infidus, fraudulentus  
 „historicus esse quivit, non erraticus, aut hæreticus dog-  
 „matistes: Sed stupiditatem, perfidiam, vel dolos illos  
 „non aliter, quam collatione libri ejus cum Augustino,  
 „assignatâque evidenti utriusque discordiâ, demonsttran-  
 „dos esse vel cæci vident.” Hactenus ille. Sed quid, in-  
 „quit Baccalaureus, in his verbis reperis quod Innocen-  
 „tii XII. Brevibus adversatur? Jam videbis, reponit Ario-  
 „vistus. His verbis falsitatis arguit Bullas Innocentii X.  
 „& Alexandri VII. utpote in quibus dicitur Jansenistas  
 „extitisse & in Jan enio contineri quinque illa dogmata.  
 „Jam verò cum Innocentii XII. Brevia, ut ostendit ipse  
 „Paulus Aurelius, has decessorum suorum Bullas ac Con-  
 „stitutiones quoad omnia stabi-iat, etiam Brevia Innocen-  
 „tii XII. arguit falsitatis: sic autem Pontifex ille loquitur;  
*Imprimis precedentibus Constitutionibus Innocentii X. &  
 „Alexandri VII., exemplo prædecessorum nostrorum firmiter  
 „inherentes, easque in suo robore fuisse & esse declarantes  
 „&c.* Videsne iterum, D. Baccalauree, quinam majori  
 cum reverentia ista Brevia recipiant? Antea diximus  
 quoque Hennebellum dedisse Epistolam; quam Eminen-  
 tissimi Cardinales judicarunt Brevi Innocentii XII. esse  
 contrariam. Denique plura in hanc rem dedimus disser-  
 tatione I., ubi & insinuavimus susceptionem illorum  
 Brevium in tuis, D. Baccalauree, esse *protestationem fa-  
 „cto contrariam, quæ secundum Jurisconsultos nihil opera-*  
*tur.*

Post hæc Venantius dixit; si velimus singula tam opero-  
 sè ad examen revocare erunt iterum tot dies quot nuper  
 in umendi. Quare cum nihil hic occurrat quod ante con-  
 futatum non sit, à Præfatione transcamus ad §. I. Ante-  
 quam hoc faciamus, inquit Ariovistus, non possum non  
 observare Belgas Theologos hîc num. 10. & alibi locis  
 variis non satis memores fuisse eorum quæ Eugenius de  
 Gelder scribit in ultima voce zelatricis innocentie an-



no 1689. pag. 6. *Repleta sunt à planta pedis usque ad verticem capitis omnia subsellia, dignitates, ministeria in tota ditione Hispanica personis unicè quærentibus quæ sua sunt; non quæ justitiæ, Regis, aut Reipublicæ vel Dei &c.* Horum si fuissent memores, puduisset eos, credo, innocentissimis adversariis irreverentiam erga Regem ejusque Ministros toties objicere. Alia reverentiæ ipsorum specimina, ait Venantius, præbuimus diebus aliis. Nunc age, perlegamus primum paragraphum. Itaque sicut singuli singula habebant exemplaria, sic istum paragraphum totum legerunt singuli taciti, & dixerunt etiam ipse Baccalaureus, ad omnia in aliis dissertationibus responsum esse; sed addebat Baccalaureus; Rectene an secus, jam non disputo, postea inquiram. Istud facito, inquit Venantius; interim § 2. percurramus, forte ibi novum aliquid sese offeret. Certè illud, inquit Ariovistus, quod hic dicitur de Guilielmo Vāder Nesse Pastore S. Catharinæ Bruxellis, novum non est; refutatam est dissertatione nostrā quartā. (a).

At novi aliquid clamat Baccalaureus, conspicor num. 19. ubi sic habent; " Ait (Memoriale) nos in ipsos, etiam Reges Christianissimos loqui & scribere irreverentiùs, cum dicimus Aulam Gallicam Jansenio infensam ob *Martem Gallicum*, ideòque condemnationem quinque propositionum ipsius à Sede Apostolica postulasse. Sed hoc etsi à nobis dictum scriptumve probaret, nec ipsa tamen, credo, Gallia injuriæ loco haberet. Quod porro inde infert, sentire nos & dicere, propositiones illas censuram non meruisse, impudens calumnia est; cum testis sit Orbis universus, nos profiteri disertissimè, & propositiones illas meritò condemnatas esse, & à nobis eas sincerè condemnari." Hoc saltem, quantum memini, nusquam dixit D. Hennebellus.

Esto, inquit Ariovistus; sed D. Baccalauree, inspicere Memoriale num. 30. & invenies clarissimè probatum quòd hoc à tuis Confœderatis dictum scriptumve fuerit, & quidem in vestro Memoriali, quod anno 1696. Madriti sparsum fuit. Ibi §. 2. hæc habetis, quæ

ego

ego fideliter Latinitate donabo. Liber, inquit, quem decem annis post in lucem emisit (Janſenius) adverſus Galliam pro deſenſione ſui Regis ſuæque Patriæ, hortatu Miniſtrorum Catholicæ ſuæ Majeſtatis; ipſi adverſarios peperit multo potentiores. Cardinales Rubelius & Mazarinus primarii Miniſtri Regis Chriſtianiffimi id ipſi non condonarunt umquam; neque jiverunt elabi occaſionem oſtendendi ſuum ſenſum, quæ ſe offerebat, quando ejus liber de gratia erat impreſſus. Fortiter contra eum concitarunt Aulam & Clerum Galliæ, omneſque quos potuere Principes, ut ejus nomen extinguerent & illud darent Sectæ. Uſi ſunt (Jeſuitæ) adverſarius ad finem ſuum conſequendum, & hi uſi ſunt illis ad ſuum emolumentum; & quantum primi conabantur exteros adverſus hunc Præſulem commovere atque exacerbare, tantum iſti curabant, ut in propria patria oblivioni traderetur Zelum, quem pro ſuo Rege teſtatum ſecerat eſſe originem ac cauſam omnium perſecutionum, quæ contra illum in Gallia tanto cum ardore excitabantur. Tum ſubditur, Hactenus hoc ultimum Memoriale. Quo igitur pacto, D. Baccalauree, dicunt tui Hennnebello addicti Theologi, ſed hoc eſſi à nobis diſtinctum ſcriptumve fuiſſe probaret? An hoc his veſtris probatum verbis abundè non eſt? Fare, quid deſideras amplius? quid evidentius?

Hic pænè pudore ſuffuſus eſt Baccalaureus, nihilominus dicere audebat hîc rectè à ſuis dictum; Quod inde inferatur, ſentire nos & dicere, propoſitiones illas cenſuram non meruiſſe, impudens calumnia eſt, & hoc ſemper tenebo, inquit. Itane verò, D. Baccalauree? inquit Arioviſtus. Sed cur tu & tui non dicitis Propoſitiones illas quinque Janſenii, ſicut Autor Memorialis ibi diſertè loquitur? Cur ſimpliciter dicitis illas propoſitiones? Certè prætermiſſio nominis Janſenii hîc vos iterum prodit. In hac tota Conſutatione, inſit Venantius, quotieſcumque ſit 5. propoſitionum mentio (ſit autem ſæpenumero) ſemper nomen Janſenii ſubticetur, ſicut & in anteriore Scripto Hennebelli obſervavimus. Quare verò ſubticetur, ſatis expreſſimus alibi, nominatim diſſertatione 4. (a) quæ hîc cum temporis diſpendio retextenda non eſt. Non igitur, inſert Arioviſtus, ca-

lum.



*lumania* est, nedum *impudens* dicere, quòd Hennebelliani censeant 5. propositiones sui Jansenii ut hæreticas in ejus sensu à Sede Apostolica damnatas esse, non quia aliquam censuram reverà in ejus sensu commeruerunt, sed quia hæc censura extorta est *vi & potentiâ Gallorum* qui Jansenio intensi erant. Et quid aliud volunt ultimi vestri Memorialis verba jam relata?

Hæc profectò, inquit Venantius, audax ne quid gravius dicam, irreverentia est erga æquitatem infallibilitatemque Sedis Apostolicæ. Quid enim potest esse iniquius, quàm innocuas & verè Catholicas alicujus propositiones in ejus sensu damnare hæreseos propter adversantium *vim atque potentiam*? quid magis repugnat falli nesciæ Sedis Apostolicæ autoritati? quid magis potest evertere fidem Catholicam? Et tamen, subdit Ariovistus, iidem illi Theologi quantas excitant tragœdias, dum apud adversarios legunt, extorta esse *Clamorum vi atque adherentium potentiâ* quædam Apostolica Decreta, quæ simul confitentur, esse *justissima sanctissimaque*! Auti illi, D. Baccalauree, Apostolica contra Jansenium Decreta agnoscunt etiam esse *justissima & sanctissima*? Vide denuò quantum inter Hennebellianos & eorum adversarios interfit.

Accedit, inquit Venantius, quòd Decreta, quæ innocuas & orthodoxas alicujus propositiones damnant ut hæreticas, numquam *justa*, numquam *sancta* esse possint, adeoque hîc non tantum Sedi Apostolicæ faciunt injuriam, verum etiam Regi Galliarum ejusque Ministris, & tot Episcopis: etenim si summæ injustitiæ & impietatis sit ejusmodi Decreta edere, est etiam summæ injustitiæ & impietatis eadem postulare, & *vi ac potentiâ extorquere*. Quid de Gallia censeant isti Belgæ Theologi, mitto quærere. Certè dum supra dicunt; *Hoc etsi à nobis dictum scriptumve probaret. nec ipsa tamen, credo, Gallia injuriæ loco haberet*, non mediocrem præ se ferunt Christianissimæ illius Nationis contemptum: significant enim Galliam adedò perditam esse, ut susdeque habeat, sive *justa*. sive *injusta* in Jansenium fulmina elicerit, modò potuerit de Jansenio ob *Martem Gallicum*

su-

sumere vindictam. Quo quid adversùs Galliam, ejus Regem, Ministros, & Episcopos dici potest atrocius? Quid magis iniquum? An illa verba, quærit Baccalaureus, habent mei Theologi? Tum iterum Venantius; illa tu ipse, D. Baccalauree, nobis prælegisti. An itaque, reponit Baccalaureus, ponunt *credo pro credimus*? Ut vides, inquit Venantius; usque adedò Confœderatorum Scriba, qui, ut fert constans fama, est Joannes Opstratus, immemor fuit se hîc plurimum personas sustinere.

Quo magis, subdit Ariovistus, superiora illa verba confidero, eo clariùs perspicio iis aliquem Galliæ contemptum contineri. Imo videntur mihi consentire Autori libelli Gallicè conscripti, cui titulus *sententiæ & agendi ratio Archiepiscopi Mechliniensis*. Hic pag. 26. dicit *Franciæ regimen esse magis injustum & crudele, quàm sint Tribunalia Inquisitionis*. Ibi unâ sepiâ, inquit Venantius; Autor ille denigrat & regnum Galliæ & cuncta Inquisitionis Tribunalia, adeoque & Romanæ. Imo & Regem Catholicum, subjungit Ariovistus, quia talia Tribunalia in Regno suo non patitur tantum, verùm etiam fovet.

Sed veniamus, prosequitur Venantius, ad numerum 20. nam & ibi videntur habere aliquid novi: *Non minor, inquit, est calumnia quæ sequitur, nos libellos famosos scribere in Episcopos, qui se Sectæ nostræ minùs propitios exhibent, ac præcipuè in Archiepiscopum Mechliniensem, qui Athanasii constantiam imitatus, acerrimùm se Catholicæ doctrinæ defensore ostendit.*

Illà omnia, inquit Ariovistus, quàm vera sint, adeoque quàm longè à calumnia absint, patet ex dissertatione nostra quarta (a) ubi Venantius inter alia narravit, ttes diversos contra Mechliniensem Archiepiscopum libellos famosos uno die, carnificis manu, flammis traditos esse, mandante supremo Geldriæ Senatu. Et postea ego tibi, D. Baccalauree, prælegi *Propositiones per Belgium disseminatas* pag. 14. 15. & 16., ubi cernebamus calumnias contra Archiepiscopum ita atroces, ut, quod

X

rarò

(a) Pag. 83. 84. & 89.

rarò contingit, tu ipse crubesceres. Aliquæ adhuc obversantur animo, putà hæc; "Qui prius Brugenſis, mo-  
 „dò Mechlinienſis Eccleſiæ ſponſus eſt contra datam  
 „fidem & ſanctiores Eccleſiæ regulas, nonne adulter  
 „magis, quàm ſponſus cenſendus eſt? " Quis hoc dicit?  
 inquit Baccalaureus. Autor ille, reſpondet Arioviſtus,  
 qui Archiepiſcopi Mechlinienſis Decretum anno 1691.  
 notis illuſtravit, idque pag. 3. Libellus hic totuſ ſcatet  
 injuriis adverſuſ eundem Illuſtriſſimum, qui cum in  
 illo ſuo Decreto de more ſcripſiſſet; *Dei & Apoſtolice*  
*Sedis gratiâ Archiepiſcopuſ &c.* Hæc verba infamiſ Autor  
 eâdem pag. 3. ſic corrigit; *Veriùs dixiſſet: tremendo Dei*  
*judicio ac Jeſuitarum artibus.* Et immediatè ſubdit eum-  
 dem Archipræſulem deſignans; " Nulla major calami-  
 „tas, quàm Eccleſiam regi ab iis qui ſpiritu Chriſti, qui  
 „veritas eſt, non aguntur, ſed ſeduçti plurimoſ ſedu-  
 „cunt, & clavem ſcientiæ non habentes, clave poteſta-  
 „tiſ abutuntur."

Non ſunt, Arioviſte, inquit Venantiuſ, ſupprimen-  
 da ea quæ idem Autor ibidem præmiſerat. Sic loqui-  
 tur; " Burgundum hunc (ita per contemptum vocat Ar-  
 „chiepiſcopum) omnia in Belgio ſubvertere & bonoſ  
 „quoſque viâ facti à ſuo gradu deſicere, nemo mirabi-  
 „tur qui meminerit, Burgundum Cardinalem Gran-  
 „vel primum Eccleſiæ Mechlinienſis Archiepiſcopum  
 „cuncta perturbâſſe, ac partim in cauſa fuiſſe, cur Hol-  
 „landi à Rege Catholico & à Catholica fide deſecerint."  
 Plura vide citatiſ paginiſ.

Tum Arioviſtus, manu corripientiſ librum *diffeminata-  
 rum propoſitionum?* Nihilo magiſ, inquit, parcunt reliquiſ  
 Belgiſ Episcopis. Si viſ, D. Baccalauree, ſpecimina habere  
 plura, quàm nuper diſſertatione quartâ (a) exhibuimus,  
 conſule hunc librum pag. 103. 104. 105. 106. 107. &  
 108. Et reverà aliqua inde recitata ſunt, nominatim  
 illa verba Domini Malpaix deprompta ex ejus litteriſ  
 datiſ 2. Februarii anno 1691. quibuſ inſectatur Epiſco-  
 porum Decretum de non legendiſ promiſcuè volumi-  
 nibuſ ſacriſ in lingua vulgariſ. " Novum ſcandalum!

Ado-

(a) Pag. 84.

„Adoranda verba, quæ Deus omnibus suis famulis reliquit ad solatium in exilio ( solatio habentes sanctos libros &c.) ipsis sunt erepta è manibus, quasi malus & perniciosus liber, idque per Archiepiscopum Mechliniensem & Cameracensem. Horrenda excœcatio! Scandalosæ ordinationes &c. ” Recitatum est etiam quod habet liber ante allegatus, cui titulus *sententiæ & agendi ratio Archiepiscopi* pag. 27. *Decretum hoc maxime injuriosum est Deo.* Sed visum fuit Venantio, maxime ponderare id quod de eodem Episcoporum Decreto habet libellus inscriptus *Brevis & necessaria instructio de lectione Scripturæ Sacræ* pag. 25. *Fure dici potest hujusmodi Decretum non à Deo, sed à diabolo esse suggestum.* An ergo Episcopi, inquiebat Venantius, quos *Spiritus Sanctus posuit* in Belgio regere *Ecclesiam Dei*, spiritu aguntur diabolico? Quid est, D. Baccalauree, libellos famosos scribere in Episcopos, si hoc non est? Nihil dico de Epistola illa Flandrica sub nomine *7. Verleeghten Presbyteri* recentissime typis edita, quâ cuidam Devotæ ostenditur; *Quod in consuetudine valeat continuare lectionem Testamenti Embricensis, signanter privatam, etiam non obstante propositione Archiepiscopi.* Epistola illa redundat in Episcopos calumniis. Scio, inquit Ariovillus, sed ex variorum litteris cognovi D. Hieronymum Harts Pastorem in Burcht aliquând scriptiunculæ contra illam meditari. Faxit Deus, excipit Venantius, ut quamprimum prodeat, omniumque manibus non sine fructu teratur.

Hic Hennebellianorum Scriptum Ariovistus iterum inspiciens, quid, inquit, conspicor? Ægrè ferunt illi novi Theologi, quod Archiepiscopus in defendenda Fide Catholica dicatur Athanasii constantiam imitari. Hanc laudem, credo, soli suo Arnaldo attributam volunt, idcircoque hic adedò debacchantur. Sed videte quæso; subdit Baccalaureus, constantiæ Archiepiscopi specimina, quæ ibi recensentur & conferuntur cum veri Athanasii constantia. Brevi mutabitis iudicium.

„I. Ab ipso, inquirunt, Archiepiscopatus sui exordio, cepit Confessarios, Concionatores, Monialium Rectores, Archipresbyteros, aliosque è suis Officiis de-

„turbare. Numquam hoc fecit Athanasius; sed ipse è  
„sede sua sæpius deturbatus est.”

„2. A potestate seculari postulavit, ut iis, quos deturbabat, omnis ad Tribunalia Regia recursus ac via iustitiæ præcluderetur. Numquam viam iustitiæ claudi iussit Athanasius; sed ipsi ea per Arianos apud Imperatorem clausa fuit.”

„3. Clericos suos & Pastores innocentissimos de hæresi, de seditione, aliisque excessibus accusavit. Numquam id fecit Athanasius; sed ipse ab Arianis falsò de his accusatus est.”

„4. Novum cum *additionibus* Formularium fabricavit, diversum à Formulario Apostolico, ideoque & à Sancta Sede rejectum. Numquam Formularia nova composuit Athanasius; sed quæ Arianorum artibus composita fuerant, rejecit.”

„5. A Sacris Ordinibus atque ab omni functione Ecclesiastica repulit eos, qui Formulario isti novo subscribere recusabant. Numquam id fecit Athanasius; sed ipsi quòd Arianorum Formulario subscribere nollet, exulavit.”

„6. Sedi Apostolicæ novum illud Formularium rejicienti non acquievit, sed Scriptis ad Summum Pontificem litteris, tentavit illud adversus Breve Apostolicum stabilire. Numquam Sedis Apostolicæ sententiæ restitit Athanasius.”

„7. Decretum edidit circa *usum Formularii*, quod non obscure ad evertenda duo Brevia Apostolica compositum est. Numquam Decretis suis Decreta Apostolica evertere voluit Athanasius.”

„8. Amplissimum Oratorii Præpositum canonicè electum, confirmare per annos omnino duos recusavit, ac tandem nè à Summo quidem Pontifice iussus, id præstare voluit. Numquam iis, quos protegebat Sedes Apostolica, refragatus est Athanasius.”

Hæc dum auditis, subjungit Baccalaureus, an adhuc libet Athanasianam Illustrissimi Constantiam prædicare? Hic tu, D. Baccalauree, inquit Venantius, cum tuis partiaris mihi risum moves. Quasi verò, ille qui cum S. Athanasio

nasio



nasio in aliquo comparatur, debeat Athanasio similis esse in omnibus. Ubi tritum illud *Omnis comparatio claudicat?*

Sed, adjungit Venantius, ne qua hic D. Baccalau-  
reo præbeatur insultandi occasio, oportet respondere ad  
singula. Ad primum respondeo, Archiepiscopum id ju-  
re merito facere potuisse: nam 1. amovit Joannem Op-  
strat à munere docendi Theologiam in Seminario Ar-  
chiepiscopa<sup>m</sup>, opposuit se Opstratius rationem exigens  
quam negabat Illustrissimus se ei debere reddere; litem vi-  
cit Illustrissimus in Regio Mechliniæ Senatu. 2. Deposuit  
& Antonium Rysack à Decanatu Christianitatis, quod mu-  
nus semper habitum est, pendens ut à nutu Episcopi: depo-  
situs litem Archiepiscopo intentavit Romæ, sed nihil illic  
obtinit. 3. Presbyteris quibusdam approbatis ad confessio-  
nes excipiendas usque ad revocationem, neque ullum jus  
aliunde habentibus, potestatem ademit, nullâ eis exposi-  
tâ ratione, sed paratus de singulis rationem reddere S.  
Sedi dumtaxat, juxta Constitutionem Clementis X. *Super-  
na magni Patris* editam an. 1670. die 2. Augusti. An in hoc  
quidquam est piculi? At uti dicunt mei Theologi, inquit  
Baccalaureus, id nunquam fecit Athanasius.

Nugæ, reponit Venantius: quis enim Autor præci-  
pius fuit Alexandro, ut Arium ejiceret, nisi Athana-  
sius? Rogavit quoque Damasum, ut Auxentium Me-  
diolanensem exautoraret, egitque eidem Damaso gra-  
tias, quòd Valentis & Ursacii asecelas ejecerit. Quàm  
multos autem ob Arianam impietatem Athanasius exau-  
torarit ipse, non facilè dixerim. Testatur Severus Sul-  
pitius libro 2. Historiæ Sacræ, quòd Marcellum Epif-  
copum Ancyræ in Galatia, cum eum ex S. Basilii lit-  
teris minùs sanæ fidei cognovisset, à communione sus-  
penderit. Nuper, inquit Ariovistus, lustrans vitam S.  
Athanasii ab Erudito Papebrochio compositam, incidi  
in ejusdem Sancti litteras ad Rufinianum datas, ubi  
significat velle se, " ut lapsis, qui duces fuerunt impieta-  
tis (Arianæ) si pœnitentiam agerent, venia daretur,  
non tamen suus locus in Clero: iis verbò qui impieta-  
ti non opposuerunt sese, sed abripi siverunt per violen-  
tam necessitatem, non tantùm venia, sed etiam locus

„suis concederetur.” Hæccine, D. Baccalauree, potuisset scribere Divus Athanasius, si nullos umquam de suis officiis deturbasset, aut saltem deturbationem approbasset?

Quando autem, prosequitur Ariovistus, Novatores adiunt *S. Athanasium ipsum è Sede sua sæpius deturbatum esse*, satis ostendunt, quantoperè Mechliniensium Archiepiscopum è Sede sua deturbari desiderent. Jam dudum, inquit Venantius, è Sede sua deturbatus esset veluti Athanasius, si Belgæ Novatores potuissent Clementissimum Regem nostrum CAROLUM suis circumvenire fraudibus. sicut Eusebiani Ario faventes circumvenere Constantinum aliosque Imperatores. Sed ut circumveniant multos, hunc circumvenire nondum potuere Eum deturbarunt votis suis, subdit Ariovistus, adeoque voluntas deturbandi non defuit, sed facultas, ut patet ex iis, quæ sparsim diximus. Imo si illi fuissent auditi, numquam ad eam Sedem fuisset promotus.

Sed nimium diu, insit Venantius, his inhæremus, quare festinemus ad secundum. Aio in eo esse manifestam calumniam. Non enim aliud Archiepiscopus & ceteri Episcopi postularunt, quàm ut deturbati ab officiis sive functionibus Ecclesiasticis, ad quas nullam habent potestatem ordinariam, sed tantum delegatam & *revocabilem ad nutum concedentis*, non acciperent in ullo seculari Senatu protectionem, sive ut vocant *manutentionem*. An hæc petitio, D. Baccalauree, habet aliquid quod Canonibus sacris repugnat? an non est consentanea re-cto ordini, qui res merè Ecclesiasticas Ecclesiasticis Tribunalibus reservat? Certè Cardinales Congregationis Concillii Tridentini, in litteris 11. Januarii anno 1699. ad Archiepiscopum Mechliniensem datis, aiunt *indoluisse se se vehementer de audita jurium spiritualium & Ecclesiasticorum apud seculares Præsides usurpatione*.

Tum Ariovistus dixit; nisi Rex, amicissime Venanti, huic Archiepiscopi aliorumque Episcoporum petitioni annuisset, quæ jam essent turbæ in Belgio! qui abusus! quæ jactura animarum! Id potest, excipit Venantius, utcumque colligi ex recentibus exemplis quæ ab

Autore

Autore motivi juris pro vindicandis Regiis Decretis afferuntur parte 1. cap. 3. Ergo è vestigio in gratiam Baccalaurei consultus est hic locus, & inventa sunt sequentia; "Pastor N. omnia perturbans à suis denuntiatur „Episcopo, citatus monetur & modestè clam reprehenditur. Hic monitionis impatiens contra Denuntiatores „suos & Episcopum palam in Cathedra debacchatur: „citatur ab Episcopo, vincitur, suspenditur: suspensus recurrit ad Magistratum secularem, ab eo protegatur, sive, ut vocant, manuteneatur: atque ita cogitur „Episcopus molestiæ pertæsus ineptum & furentem hominem rursus admittere ad curam animarum, licet „certus sit magis in audacia confirmandum, tam horrenda mox commissurum, ut suos protectores de præstita manutentia pudeat: neque opinio sua Episcopum „fessellit; nam exiguo tempore plurima & tam atrociæ „patravit, ut singula non ad suspensionem tantum, sed „& ad depositionem & incarcerationem sufficerent. Alius „Sacerdos non ex officio, sed ex mero Episcopi beneplacito admissus erat ad concionandum, & audiendas „confessiones; admissio non notabat temporis durationem determinatam, sed erat usque ad revocationem. „Revocatâ dein potestate, recurrit is ad Magistratum secularem pro possessionis suæ confirmatione. Numquid „rectè & sapienter pro Theologo? quasi verò approbationem vel jurisdictionem spirituales pro audiendis „confessionibus largiri vel protrahere possit Judex secularis. " Et subnectit idem Autor; "Plurima hujusmodi obvia sunt, nec minus absurda, ad quæ Sacerdotes „nonnulli rebelles potestatem secularem extendebant, „quidquid reclamarent & obniterentur Episcopi. " Quid jam ais, D. Baccalauree? an Archiepiscopus non fuit quodammodo necessitate compulsus cum reliquis Episcopis à Rege petere, ne talibus hominibus pateret hic ullus ad secularia Tribunalia recursus?

Neque hîc, pergebat idem Venantius, dissimilis est S. Athanasio: nam dicunt Alexandrini Patres in sua pro Athanasio proluxa defensione, quodd, *cum* Episcopi apud Tyrum " nihil culpæ in Athanasio reperirent,

„Comesque, summâ vi imminens, plura contra eum mo-  
 „liretur; ipse Comitum violentiam fugiens, ad religio-  
 „sissimum Imperatorem ascenderit, ” conquestus rem Ec-  
 „clesiasticam tractari in illa Synodo, ” cui Comes præ-  
 „sedit; ubi spiculator apparebat; ubi Commentariensis,  
 „loco Diaconorum Ecclesiæ, introducebat adventan-  
 „tes, ubi Comes verba faciebat, ceteri præsentés in si-  
 „lentio erant, vel potius Comiti obsequium suum ac-  
 „commodabant; ubi quod communiter Episcopis pla-  
 „cuit, ab illo impediabatur; ille imperio utebatur, vel  
 „potius iussis Eusebianorum sententiisque ipse Comes  
 „inserviebat. Profectò, inquit Ariovistus, iisdem ferè  
 verbis potuisset Archiepiscopus suas apud Regem que-  
 relas deponere; solum oportuisset mutare nomina. At  
 quid Belgæ Theologi sibi velint loco tertio, haud satis  
 assequor.

Verosimiliter, ait Venantius, hîc respiciunt integram  
 illam suarum *propositionum* farraginem, quam Archie-  
 piscopus ad supremum Innocentii XII. Tribunal detu-  
 lit. Si hoc sit Clericos & Pastores de hæresi, de seditione,  
 aliisque excessibus accusare; fateor quoddam Archiepis-  
 copus Clericos suos & Pastores, non tamen innocen-  
 tissimos, accusaverit de hæresi, de seditione, aliisque  
 gravissimis excessibus. Sed nonne & S. Athanasius id fe-  
 cit? Quis illo fortius constantiusque dixit contra Aria-  
 nos in Nicæna Synodo? quis eorum impietatem ac hæ-  
 resim detexit clarius? quis liberius seditiosum eorum ani-  
 mum & facta sacrilega coarguit? quis alios gravissimos  
 excessus prodidit apertius? Mitto quid in Synodo Sar-  
 dicensi dixerit, mitto quid in aliis. Hæc ignorare non po-  
 test, inquit Ariovistus, qui ipsius opera vel à limine sa-  
 lutavit. In Epistola contra Arianos sic loquitur; ” Scrip-  
 „sinus dilecto Damaso Episcopo magnæ Romæ, con-  
 „tra Auxentium, invasorem Mediolanensis Ecclesiæ,  
 „eumque non solum in communione esse Arianicæ Se-  
 „ctæ, sed præterea reum multorum scelerum, quæ de-  
 „signavit cum Georgio socio suæ impietatis. ” Atque  
 similes frequentes accusationes in causa fuerunt, cur  
 omnium hæreticorum odia in unum Athanasium, ita  
 exarsc-

exarserint, totque ei pepererint molestias atque ærumnas, quas subire numquam debuisset, nisi Arianos tam implacabiliter persecutus fuisset. Sic & Archiepiscopus potuisset multas molestias effugere, si voluisset vobis amicus fieri.

Sed juvat, addit Venantius, hîc præbere specimen aliquod, quomodo aberrantes à fide Clericos Athanasius accusaverit, ut D. Baccalaureus possit modum ipsius accusandi, quasi ex ungue leonem cognoscere, & simul videre quanto mitiùs cum suis Illustrissimus Humbertus egerit. Sic itaque scribit Athanasius, Epistolam suam ad Orthodoxos finiens; " Denique ne prolixior in scribendo videar, persecutio adest & quidem talis, qualis numquam contra Ecclesiam facta est. Nam in alia antehac persecutione, si fugam eligeret aliquis, etiam latens poterat baptizari; nunc verò major crudelitas exercetur, & Babyloniorum crudelitati simillima. Ut enim tunc adversarii Danielis, sic nunc admirabilis hic Gregorius, privatim domi suæ orantes ad Præfectum desert, & sacrorum Ministros injuriosissimè observat; adèd ut propter istam violentiam multi non baptizati periclitentur, multi sine visitatoribus ægrotent & lamententur, ipso morbo acerbiorum existimantes ejusmodi calamitatem. Etenim Ministris Ecclesiæ persecutionem patientibus, abominantur populi impietatem hæreticorum Arianorum; maluntque potiùs sic ægrotare & periclitari, quàm ut super capita sua veniant manus illorum. Arianus namque Gregorius est, & pro Arianis missus; & idèd præter hos quidem nemo illum postulat; ipse verò tamquam alienus & mercenarius, quælibet acerba & gravia per consentientem sibi Præfectum irrogat Ecclesiæ Catholicæ populo, velut minimè suo. Etenim quoniam....eum, quem Arianis priùs Eu ebiani constituerant, postquam ego de eo scripsi, vos Ecclesiæ Catholicæ Episcopi, cognitâ illius impietate, anathemati subjecistis, & excommunicatum declarastis; idèd Gregorium iisdem Arianis mittere. Ne autem etiam hic, me similiter de eo scribente, eandem pateretur ignominiam; externâ vi contra

„tra nos usi sunt, ut cum Ecclesias possiderent, Arianis-  
 „mi suspicionem viderentur effugere. Sed in hoc quo-  
 „que frustrati spe suâ sunt: nemo enim Ecclesiasticorum  
 „sefe adjunxit Gregorio, nisi vel hæretici, vel ob cau-  
 „sam ejecti, vel propter Præfecti violentiam dissimula-  
 „re persuasi.” Palam facit ibidem S. Athanasius, quo-  
 „modo ab Arianis contaminarentur Virgines; Archie-  
 „piscopus autem nondum palam fecit, Parochum N. cu-  
 „jus jam aliquoties meminimus, scurriliter gloriatum esse,  
 „quod ante sacrificium manus extenderit ad ubera duarum  
 „Virginum, & tamen eodem die sacrificium non confessus  
 „obtulerit. Ex quibus omnibus, D. Baccalauree, facile  
 „conicias, quanto vehementiùs Novatores S. Athanasius  
 „accusaverit, quàm jam facit Mechliniensium Antistes.

At ipse Athanasius, objicit Baccalaureus, de hæresi,  
 de seditione, aliisque excessibus falsò ab Arianis accu-  
 satus est. Non eo inficias, reponit Venantius; sed &  
 Archiepiscopus à vobis falsò de his accusatus est

Ita res se habet, inquit Ariovistus, & singula probanda  
 suscipio. 1. Accusatus est de hæresi, quando in diversis  
 libellis adversùs eum docuistis promiscuam Scripturæ  
 Sacræ lectionem in lingua vernacula *sine hæresi* prohiberi  
 non posse. Libellos illos & inde fideliter excerptos lo-  
 cos cernere est in *Propositionibus per Belgium disseminatis*,  
 paginis jam ante allegatis 104. 105. 106. & 107. Deinde  
 accusatus est de seditione in libello qui inscribitur *Sen-  
 tentiæ & agendi ratio Archiepiscopi Mechliniensis*. Ibi enim  
 pag. 26. sic legitur; *Illustrissimus simul pars est, testis, ju-  
 dex & executor contra Regis subditos. Nonne hoc est in hæc  
 Provincias introducere regimen purè tyrannicum, & contra-  
 rium omnibus legibus, omnibus consuetudinibus & omnibus hæ-  
 rum Provinciarum privilegiis, ad quæ observanda sua Majestas  
 jurejurando se obstrinxit?* 3. Denique accusatus est de aliis  
 excessibus. Ad quod probandum non adducam, D. Bac-  
 calauree, tuorum propositiones omnes huc facientes,  
 sed unam tantum, excerptam ex Notis in Epistolam Exi-  
 mii D. Martini Steyart editis anno 1691. Et hæc est, le-  
 giturque pag. 94. *Archiepiscopus (Mechliniensis) omnia  
 in sua Archiepiscopatu permiscet.* Imo, inquit Venantius, in  
 li.

libello inscripto *sententiæ & ratio agendi Archiepiscopi* pag. 23. dicitur *contra Ecclesiæ regulas & normam justitiæ procedere, & agere more ficiariorum*. Idipsum, subjungit Ariovistus, potest probari vel ex hoc Belgarum Theologorum opulculo, quod modò examinandum suscepimus: quæ enim in re hîc ipsi parcunt? quid ipsi non exprobrant? quas non excogitant imposturas?

Ad hæc ridebat Baccalaureus. Quod ubi Ariovistus animadvertisset; ita est D. Baccalaureus inquit, ita est ut Venantius dixit, & impostura nova seisc offert loco quarto, ubi Archiepiscopum & Primatem suum criminantur, quòd " novum cum *additionibus* Formularium, fabricaverit diversum à Formulario Apostolico. " Est impostura, inquam: non enim Formulario Alexandri VII. aliquid explicationis subtexere est Formularium novum fabricare, & ab eo diversum, nisi fortè S. Scripturam explicare sit fabricare Scripturam novam, & ab alia diversam. Aliud autem nihil fecit Archiepiscopus. Imo, inquit Venantius, ne hoc quidem fecit. Has ad Alexandri VII. Formularium *additiones* adjecit Episcopus Namurcensis Venerabilis Memorix D. Vander Perre, & sic jusjurandum in sua Diœcesi primus exegit ab Ordinandis. Si ita explicatum Formularium, novum dicendum sit; Episcopus Namurcensis, non Mechliniensis novi Formularii fabricator fuit. Quare etiam in hypothesi, quòd S. Athanasius numquam Formularia nova composuisset, non hic desineret posse cum S. Athanasio comparari.

Sed an S. Athanasius, quærit Ariovistus, nullum umquam Formulare composuit? O quàm libenter, exclamat Baccalaureus, jam vellet Ariovistus S. Athanasio adjudicare symbolum *QUICUMQUE VULT* quod ei alàs cum Eruditis abjudicare consuevit! Quæ me causa, inquit Ariovistus, potest ad hoc volendum impellere? jam enim Archiepiscopus Mechliniensis defensus est, etiam in ea opinione quæ S. Athanasio abjudicat omne Formulare sive fidei symbolum. Tamen ut agamus liberaliter & defendamus etiam Namurcensem Episcopum, aio esse qui opinantur symbolum Nicænum, quod hodie in Sacrificio recitatur, à  
S. Atha.



S. Athanasio concinnatum. Quid, quodd, secundum Theodoretum à Morerio citatum, S. Athanasius Synodum Alexandriæ coëgerit post suum ab exilio reditum, & ibidem condiderit novum Symbolum sive Formulam fidei, non tamen QUICUMQUE VULT. Verum, ut ut sit, subdit Venantius, nihil ad defensionem Episcopi Namurcensis dici potest illustrius, quàm quodd tota Occidentalis Ecclesia Symbolum QUICUMQUE VULT magnoperè veneretur, ac recitet publicè in templis, etiam prout S. Athanasio inscribitur. Hoc certè non faceret, si novas ab Episcopis fidei antiquæ Formulas condi ad reprimendas nascentes hæreses universim improbaret.

Jam satis, prosequitur Venantius, responsum est ad quartum. Ad quintum quod attinet, fateor, Archiepiscopus à sacris Ordinibus repulit eos, qui isti Formulario subscribere recusabant, saltem quamdiu illud exigere per S. Sedem licuit. Sed quid in eo egit à S. Athanasii moribus alienum? Certè ad Damasum ita scribit ille Sanctus; " Hortamur, ne suscipiatis eos, qui... „prætextu fidei obtrudunt multitudinem Synodorum. ... „& solùm apud vos autoritatem habeat fides à Patribus „Nicææ professæ; cui etiam eorum Patres, qui ipsam „nunc oppugnant, adfuere, &, sicuti diximus subscrip- „sere." Estne ullo pacto verisimile, ut Athanasius, qui petebat, recusantes subscribere Nicænæ Formulæ, à Papa Damaso non suscipi, eos ipse ad sacros Ordines & functiones Ecclesiasticas admitteret?

Multo minùs, subjungit Ariovistus, id nobis videbitur verisimile, si in memoriam revocemus, quomodo Athanasius Arianos etiam Laicos, ad alia loca migrantes, suis litteris persequeretur. Posthæc recitavit Epistolam 47. S. Basilii ad Athanasium; " Accepi Sanctitatis Tuæ litteras, quibus adversus Libyæ Præfectum, virum infamem, ingemuisti. .... Et illum quidem flagella manent „apud justum Judicem, ad eundem commensurata modum, quo ipse Sanctos præsumpsit affligere: innotuit „autem & Ecclesiæ nostræ ex litteris Pietatis tuæ, atque „averſandum & execrabilem illum arbitrabuntur omnes, ita ut nec ignis, nec aqua, nec tecti communio- nem

„nem cum illo sint habituri. . . . neque omitemus, quominus condemnationem istam omnibus ejus familiaribus, & amicis, atque etiam advenis ostendamus.”

Hic infrendens Baccalaureus. Quamdiu, inquit, in his immorabimur? Transeamus ergo, ait Ariovistus, ad sextum, ubi Archiepiscopus dicitur *Sedi Apostolicæ novum istud Formularium repicienti non acquisivisse*. Hæc est calumnia quanta potest excogitari maxima. Numquam Archiepiscopus Sedi Apostolicæ restitit; at sapissimè ei restiterunt & etiamnum resistunt ejus adversarii, tui inquam Belgæ Theologi, ut aliàs tam sæpè probavimus. Neque minor, inquit Venantius, calumnia est, quodd, ut est loco septimo, *Decretum ediderit circa usum Formularii, quod non obscure ad evertenda duo Brevia Apostolica compositum est*. Hæc ubi Venantius dixerat, Ariovistus Illustrissimi Decretum protulit, adegitque Baccalaureum illud elatâ voce legere.

## HUMBERTUS GUILIELMUS

### A P R E C I P I A N O

DEI, ET APOSTOLICÆ SEDIS GRATIA

ARCHIEPISCOPUS MECHLINIENSIS,

Primas Belgii, ad Exercitus Regios Delegatus Apostolicus, Sux Majestati à Concilio Statûs, &c.

*Omnibus has visuris Salutem in Domino.*

„**I**nnocentius XII. Pontifex maximus pro Pastoralis suæ solitudine Ecclesiarum Belgicarum necessitatibus „prospiciens, ad removendas dubitationes omnes & cavillationes circa condemnationem quinque famosarum „propositionum, & præscriptam adversus eas formulam „Juramenti, omnes, ad quos pertinet, certiores reddere dignatus est Apostolico Brevis ad Nos dato sextâ Februarii ultimò elapsi, *sc firmiter inbarere Constitutionibus Prædecessorum suorum Innocentii X. & Alexandri VII.*

„VII. in quibus quinque propositiones ex libro *Cornelii Janse-*  
 „nii, cui titulus est, *Augustinus, excerptæ & damnatæ*, unâ  
 „cum *Formulario juramenti in earumdem condemnationem*  
 „præstandi continentur, easque Constitutiones in suo robore  
 „fuisse & esse declarat. Ne verò altercatio deinceps sit de  
 „sensu, quo in memorato libro propositiones prænomi-  
 „natæ deprehenduntur, addit, eas esse *ex libro Jansenii*  
 „*excerptas in sensu obvio*. Declarat præterea Nos per *Con-*  
 „*stitutionem Apostolicam munitos esse facultate, Formularii*  
 „*subscriptionem, seu Juramentum ad praxim reducendi, in*  
 „*quo Zelum & Caritatem Nobis commendat*. Quapro-  
 „pter volumus primi omnium juxta eandem Formulam  
 „jurare, eique manu propriâ subscribere, uti reipsâ jura-  
 „vimus & subscripsimus, exemplum nostrum mox sequen-  
 „te Vicario nostro Generali, ut ceteris interioribus Pres-  
 „byteris, murmurationum ansa præscindatur. Neque  
 „enim est, cur in re tam honesta & Sedis Apostolicæ ju-  
 „dicio comprobata Oves pudeat sequi exemplum Pasto-  
 „ris, aut Presbyteros exemplum Episcopi. Præstandum  
 „autem est Juramentum juxta Formulam ab Alexandro  
 „Papa VII. præscriptam, quæ hic subjicitur, cuique ni-  
 „hil sive internè sive externè addi potest, aut demi quo-  
 „cumque prætextu; Sed omnes, qui ad *Juramentum adi-*  
 „*gendi sunt, illud præstare debent sincerè absque ulla distin-*  
 „*ctione, restrictione, seu expositione*, necque alio sensu, quàm  
 „obvio, quem ipsius *Formularii verba per se exhibent*. Si quis  
 „aliter jurare præsumpserit, hominibus fortè illudere po-  
 „terit, sed non Deo, qui scrutatur corda; & horrendum  
 „perjurii crimen non patietur impunitum. Datum Brux-  
 „ellis in Palatio nostro Archiepiscopali 5. Julii 1694.  
 „H. G. A. M. V.

„ De Mandato Illustrissimi ac Reverendissimi Domini  
 „ Archiepiscopi prælati H. J. VAN SUSTEREN  
 „ Secret.

Lectò hoc Decreto, Ariovistus sic affatus est Bacca-  
 laureum; Quid jam centes, L. Baccalauree? Estne vel  
 apex, undè colligas illud Decretum compositum esse ad  
 ever;

evertenda duo Brevia Apostolica? Imo verò estne in illo Decreto aliquid, quod non spirat summam erga duo ista Brevia reverentiam observantiamque? Fare, D. Baccalauree, quid adhuc conticescis? Vide itaque quo usque tandem progrediatur tuorum in suo Archiepiscopo & Primate calumniando protervia. Liceat mihi in eos accommodare verba, quæ Synodus Alexandrina in Arianos intorsit agens de S. Athanasio; *Nusquam non hominibus injesti sunt, ut saltem mendacis eum infamem reddant.*

Non scio, inquit Venantius, an hic aliquid, Arioville, observaveris. In hoc Decreto Archiepiscopus iterum imitatus est magnum Athanasium, quia & hic, teste Nazianzeno, Nicænæ Formulæ sæpe suâ gemmâ subscripsit, ut Episcopos aliosque presbyteros suo exstimularet exemplo. At quæ erat, inquit Baccalaureus, ista Nicæna Formulâ, quam toties prædicas?

Hæc interrogatione, respondet Venantius, mihi D. Baccalauree, aperis amplissimum campum ostendendi, quàm bene vos ab Arianis didiceritis cavillandi artem & quàm cautè Alexander VII. suam Formulam conceperit. Non satis habebant Nicæni Patres condidisse eam fidei Formulam, cujus hodie est usus inter sacros ritus divini Sacrificii; sed huic subnexuere Anathema dicendum in errores ipsos ex Arii libris articulatim excerptos. Erat igitur bimembris Formula, cui subscribendum erat ex Concilii sententia. Altero quidem membro Fides adstruebatur Catholica; altero verò Arii destruebantur errores: Ac proinde erat Formula peridoneâ solvendis quæstionibus duabus; quarum alteram dicere possis *Quæstionem juris*, quid ex sacris litteris & traditionibus de Trinitate sentiendum. Alteram verò *Quæstionem facti*, ecquid ab Ario traditum in sua Thalia aliisve scriptis contra SS. Trinitatem. Hoc certum est Nicænos Patres non utcumque errores contra SS. Trinitatem, sed errores Arii condemnasse. Sic enim scribunt; "Impia & perversa dogmata Arii coram sanctissimo Imperatore perquisita sunt: unde placuit Concilio, communibus suffragiis anathema denuntiare ejus nefariæ opinioni & verbis sententiisque execrabilibus."

Huic

Huic Formulæ, prosequēbatur Venantius, alacriter subscripserunt trecenti & amplius Episcopi; tergiversabantur Ariani, utpote quibus displicebat vox *ἐμὴν*, nec non Arii dogmata feriens Anathematismus. Tandem ad cavillationem adjecerunt animum, & distinxerunt *Questionem juris* & *Questionem facti*, quemadmodum patet ex illa Epistola, quam exilio damnati dederunt ad Synodum ipsam. "Consentimus, aiebant, illi, fidei decisioni: atque vi & notione verbi CONSUBSTANTIALIS diligenter ponderatâ, paci nos totos addiximus: atque nullum errorem secuti sumus. Sed tum quod Ecclesiarum securitati proinde consuleretur, ea, quæ in nostram cogitationem venerant, vobis suggestimus: tum quod illos, qui nostro consilio & sententiâ acquiescere deberent, certâ persuasione confirmaremus, Fidei illi subscripsimus." Videsne, D. Baccalauree, ut fateantur haud ægre se inductos ad subscribendum Formulæ, quâ parte illa respondebat *Questioni juris*? Audi cetera. "Anathemati autem Ario à Concilio denuntiato, non ob eam causam non subscripsimus, quod Fidem illam incusaremus; sed quod minimè crederemus eum, qui erat accusatus, hominem ejus generis fuisse; præsertim cum ex illis, quæ privatim ad nos ab eo, tum per Epistolas relata erant, tum per ejus sermonem coram habitum declarata, pro certo eramus persuasi, ipsum longè alium fuisse." Videsne jam, ut fateantur non potuisse se induci ad Formulæ subscribendum, quâ parte respondebat *Questioni facti*?

D. Baccalauree, inquit Ariovistus, mutato nomine de te fabula narratur. Nam tu tuique omnes damnatis quidem 5. famosas propositiones, sed numquam additis *Jansenii*, numquam *in sensu ab eo intento*, numquam fatemini illas esse excerptas ex ejus libro, cui nomen *Augustinus*; aut si quando dicitis illas esse hæreticas *in sensu obvio*, non tamen dicitis *in sensu obvio Auctoris sive libri*, quod minimè credatis eum, qui à S. Sede damnatus est, Augustinum Ipsemet ejus generis esse; præsertim cum ab iis quibus operam datis, Doctoribus persuasissetis, ipsum longè alium esse. Hæc autem à me non sine fun-

fundamento dici, conficitur ex dissertatione nostra secunda (a) ubi quædam tuorum facta in medium protulimus. Hæc, D. Baccalauree, ait Venantius, audire numquam coactus fuisses, si nullam de Nicæna fide movisses quæstionem. Et ut verum fatear, non est gutta guttæ similior, quàm vos similes estis Arianis. Clement tui Belgæ Theologi, quantum volent, *se ab Ariana perfidie suspitione expurgatos*. Numquam tamen fidem invenient apud eum, qui hæc rectè expenderit.

Tum Baccalaureus rursus Ariovistum & Venantium tam longos hæc super materia habuisse sermones, quia non poterant refellere quod ab illis Belgis Theologis octavo loco objicitur, dixit; Scitum herculè consilium! Molimini tam odiosâ comparatione me advocare aliò, & sic subterfugere responsionem ad octavum, ubi Archiepiscopus arguitur, quòd *Amplissimum Oratorii Præpositum canonicè electum, confirmare per annos omnino duos recusaverit*. Sed teneo vos, nulla fuga est, respondebitis, si viri estis.

Nobis, inquit Ariovistus, numquam in animo fuit responsionem istam subterfugere. Et verò oportet illum Oratorii Præpositum valdè laborare famâ, cum illius nomen reticeatur: quæ enim alia causa potest esse, cur Belgæ Theologi illud non exprimant? Vocatur, ait Baccalaureus, Joannes Martinus de Hont. Virum novimus, reponit Ariovistus, admodum reverens est Sedis Apostolicæ, ut alio tempore (b) demonstravimus: Cum ipsi objiceretur Romana Cathedra, damnans 5. Jansenii propositiones; se in Sede collocabat. Tum induens nescio quam mimicam majestatem; *Ego, inquit, ex mea Sede loquor, sicut Pontifex ex Cathedra; ex 5. propositionibus famosis damnatis ab Innocentio X. & Alexandro VII. nullam reperire est in libro, cui titulus Augustinus Jansenii*. Commentum, inquit Baccalaureus, & somnium. Hocceine, reponit Ariovistus, tu commentum dices & somnium, quod testati sunt viri fide dignissimi & omni exceptione majores? Hoc dicto, in medium adduxit testimonia autentica. Quæ ubi sibi præ-

Y

legit

(a) Pag. 58. & 59. (b) Pag. 38.

legi Baccalaureus audiverat, tantum non exanimis corruit: neque enim erat adeo effrons, ut testes illos mendacii postulare auderet. Postea Venantius; An ergo inquit, poterat religiosissimus Antistes talem hominem confirmare? an non debebat religione impediri, præsertim cum videret tot testimonia autentica. Quamquam fuerint & cauæ aliæ, quare Archiepiscopus eum confirmare noluerit. Nobis sufficiat aperuisse unam. Tamen eum confirmare, inquit Baccalaureus, à Summo Pontifice iussus est. Respondit Venantius; Ita quidem tui Theologi asserunt, sed id falsum est, adeoque calumniis reliquis accensendum. Sic est, inquit Ariovistus, Archiepiscopus tale mandatum Romam numquam accepit.

Sed videamus, idem Ariovistus prosequatur, an quid simile numquam præstiterit inuictus ille Arianorum impugnator Athanasius, quicum Archiepiscopum vestrum & Primatem comparari tam ægrè vos habet. A Summo Imperatore Constantino iussus Arium ad communionem fidelium recipere, constanter recusavit. Et quod amplius est, scripsit ad Damasum, *mirari se cur Auxentius nondum depositus dejectusque esset ab Ecclesia*, eundemque Pontificem iisdem litteris hortatus est, ne quos susceperet Nicænæ Formulæ subscribere detrectantes. Quibus ex litteris conijcimus; quid facturus fuisset Athanasius, si quis ei P. Joannem Martinum de Hont confirmandum obtulisset. Nunc iuvat, D. Baccalauree, tuorum mores cum moribus Arianorum conferre, quemadmodum Archiepiscopum cum Athanasio contulimus. Primò Ariani objectabant Athanasio, quòd *quorundam perjurio ad Episcopatum ascendisset*; vos Humberto objectatis, quòd cò ascenderit *tremendo Dei judicio ac Jesuitarum artibus*. Deinde Ariani malè interpungebant Evangelium S. Joannis; vos malè interpungitis Bullam Pontificiam. Tertiò.....

Doctissime Arioviste, interturbat Venantius, si cuncta ordine recensere aggrediare, non poteris tam citò exitum evolvere. Sine potius D. Baccalaureum recitare ea quæ suorum Theologorum manipulus num. 22.

pro-



proloquitur. Bonus Baccalaureus, nullâ interjectâ morâ, recitavit sequentia; "Quod tandem ait (Memoriale) „nos Breve Apostolicum SS. D. N. Innocentii XII. „tantopere extollere, non ut sacrâ Vicarii Jesu Chri- „sti autoritatem tuamur; sed ut sub apparenti Brevis „illius favore, parti Catholicæ, Regi, Regiisque Mini- „stris silentium dolosè imponamus, ea demùm in Sum- „mum Pontificem & Regem insignis contumelia est. „Quid enim hoc est aliud, quàm apertè dicere, dolum „latere in ipso Brevi Apostolico, quem nequaquam „summus Pontifex neque Rex Catholicus advertat? „Equidem cum Breve Apostolicum simpliciter, absque „restrictione, expositione, aut interpretatione admit- „tamus; non possumus per illud dolosè silentium im- „ponere, nisi ipsum Breve Apostolicum dolosum sit, at- „que ad imponendum parti Catholicæ, Regi, Regiis- „que Ministris silentium compositum." Hactenus Belgæ Theologi.

Hæc ipsa verba, inquit Venantius, unâ tecum lege- bam; sed mirabar à Belgis Theologis supprimiti id quod ibi habet idem Memoriale, nempe Theologos, qui Breve Innocentii XII. tantopere extollunt, esse. "eosdem qui „tam sæpè & tam apertè jam inde à sæctæ suæ primor- „diis exuerunt omnem reverentiam hodieque extunt „erga decreta summorum Pontificum Pii-V. Gregorii „XIII. Urbani VIII. Innocentii X. Alexandri VII. & „Alexandri VIII. qui proscripserunt novas opiniones „Michaëlis Baii, Cornelii Jansenii & novi Rigorisismi, „ita ut Alexander VII. in sua Bulla ad sacrâ anno „1657. i8. Octobris, eos vocaverit INIQUITATIS FILIOS. Miror, inquam, hoc à tuis Theologis supprimiti. Est enim antecedens, unde Autor Memorialis concludit Belgas Theologos in admittendo Brevi Innocentii XII. non sincerè procedere, sed dolum aliquem & fraudem machinari. Et numquid rectè, D. Baccalauree, hoc inde concludit? Nam si sincerè agant neque ullas struant insidias, cur hoc Innocentii XII. Breve tot aliorum jam nominatorum Pontificum Bullis & Constitutionibus anteponunt? Et ut mittam infinita alia quæ antè

adduximus, cur adhuc nuperrimè Abbas S. Juliani in Tractatu Historico de Gratia & Prædestinatione pag. 116. aliorum Pontificum Bullas appellat *turbines qui paleam quidem possunt movere & tollere, sed non triticum bonum*, quale illi Auctori est doctrina Jansenii ejusque sequacium? Usque adeò amant tui Conscēderati semper mutilare adversariorum scripta, ne observet Lēctor quàm merito illi ab his accusentur.

Tum Baccalaureus dixit; Quousque tandem. Venanti, perges & summum Pontificem & Regem contumeliā insectari? Quam ego, reponit Venantius, dixi in Regem & Pontificem contumeliam? O te obliviorum! exclamat Baccalaureus; jam nunc oblitus es quid in Confutatione legerimus. Igitur refricabo memoriā. „Dicere quòd nos Breve S. D. N. Innocentii XII. tan-  
„topere extollamus, ut SUB APPARENTI BREVIS IL-  
„LIUS FAVORE, parti Catholicæ Regi, Regiisque Mi-  
„nistris silentium dolosè imponamus, ea in summum  
„Pontificem & Regem insignis calumnia est.” Ridicu-  
lum, inquit Venantius. Næ tu Venanti, reponit Bac-  
calaureus, homo mirabilis es. Antè judicas quàm ad-  
junctam probationem audiveris. Hæc autem est: „Quid  
„enim hoc est aliud, quàm apertè dicere, dolum la-  
„tere in ipso Brevi Apostolico, quem neque summus  
„Pontifex, neque Rex Catholicus advertat?”

Si hanc probationem, inquit Venantius, involvisses silentio; melius tuorum famæ consulisses: etenim mihi visa est adeò frivola, ut eam indignam responsione putarem. Nunc autem quoniam cogis me, ad eam respondebo. Cedo igitur, D. Baccalauree, nulline hæretici magnopere extollunt Scripturam sacram, non ut falli nesciam Dei auctoritatem tueantur, sed ut sub apparenti Scripturæ illius favore hominibus dolosè imponant? Baccalaureus non poterat non hoc concedere Venantio, & reverà concessit. Extemplo Venantius, Ergo, inquebat, tu D. Baccalauree, impius es & blasphemus in Spiritum Sanctam, si quid nervi cogiteretur habere superior illa tuorum argumentatio. Nam pari jure dicam; Quid hoc est aliud, quàm apertè concede-

dere, dolum latere in ipsa Scriptura Sacra, quem neque dictans Spiritus Sanctus advertat? Imo verò sub-  
necit Ariovistus, blasphemus est S. Petrus, dum se-  
cundæ suæ Epistolæ cap. 3. ait in Scripturis esse quædam  
*difficilia intellectu, quæ indocti & instabiles depravant....*  
*ad suam ipsorum perditionem.* Contendam enim S. Petrum  
hic apertè dicere, *perditionem* latere in ipsis sacris pagi-  
nis & fuisse à S. Spiritu ignoratum.

Hic aqua hærebat Baccalaureo. Sed aliquanto post, ac  
si quis per machinam demissus Deus ad solvendum no-  
dum intervenisset. triumphabundus clamabat; Illi hæ-  
retici non admittunt Scripturam simpliciter, absque re-  
strictione, expositione, aut interpretatione, quemadmo-  
dum nos Breve Innocentii XII. admittimus; & conse-  
quenter hic dispar ratio est. Sensus Catholicus, reponit  
Venantius, sæpè à restrictione, ampliatione, aliave in-  
terpretatione dependet; adedque insulsa est hæc tua res-  
ponsio, neque quidquam ad rem facit. Sed ut ad rem  
faceret. interjicit Ariovistus, an tuæ Sectæ Theologi il-  
lud *Breve Apostolicum simpliciter, absque restrictione, ex-  
positione, aut interpretatione admittunt?* Nonne, reponit  
Baccalaureus, jam illos audisti hoc protestantes. Audi-  
vi quidem, respondit Ariovistus, sed est iterum prote-  
statio non sincera, & factio contraria, ut fidem faciunt  
ea quæ alibi adduximus, præcipuè verò dissertatione se-  
cunda (a) ex Abbate Du Manoir.

Postea itum est ad §. 3. cujus hic titulus & argumen-  
tum est, "Vindicantur Belgæ Theologi ab irreveren-  
tia erga Constitutiones Summorum Pontificum Pii V.,  
Gregorii XIII., Urbani VIII., Innocentii X. & Alex-  
andri VII. simulque eorum erga easdem observantia &  
obedientia ostenditur." Sed nihil ibi fermè inventum  
fuit quodd aliàs refutatum non sit in Hennebello. (b) At-  
que imprimis Ariovistus notabat hos Theologos aded  
presè vestigiis Hennebelli inhærere, ut etiam sequan-  
tur ipsius errorem, vel potiùs malam fidem in citandis  
litteris Alexandri VII. anno 1660. die 7. Augusti ad

Y 3

Facul-

(a) pag. 60. (b) pag. 62. 63. 64. 65. 95. 96. & seqq. pag. 114.  
& seqq. & alibi passim.

Facultatem Theologicam Lovaniensem datis. Etenim non secus atque Hennebellus (2) supprimunt illam litterarum partem, ubi Alexander VII. dicit; *Atque adeo speramus, vos non solum egregie persancteque impleturos, veram etiam omnibus aliis in hanc S. Sedem observantia & obedientia documentis effecturos*, UT OMNI RERUM PRÆTERITARUM EX ANIMIS HOMINUM EVULSA ET PENITUS ABOLITA MEMORIA, PRISTINUM DECUS EXISTIMATIONI ET LAUDI ANTIQUÆ VESTRÆ RESTITUATUR. An his litteris, inquiebat Ariovistus, vindicantur Lovanienses Theologi ab omni irréverentia erga Constitutiones Summorum Pontificum? vindicantur dico? imo verò an non potius irréverentiæ coarguantur? Et quàm meritò aliqui coarguantur, apparet omni luce clariùs ex innumeris factis scriptisque, quæ in superiorum Dissertationum decursu ego & Venantius commemoravimus.

Optime Arioviste, inquit Venantius, æquum dicis; & hunc paragraphum velle iterum confutare est velle actum agere. Quamobrem transiliamus ad §. 4. Non ita festinemus, clamat Baccalaureus. Est adhuc aliquid in fine numeri 26., ad quod aveo vestrum audire responsum. „Si tam vehementer, inquiunt mei Theologi, instemus pro debita Brevis illius observantia; quomodo sibi cohæret Palazolius, qui nos accusat de irréverentia in Constitutiones Innocentii X. & Alexandri VII.? Cum enim Breve istud Constitutiones illas confirmet, nemò potest debitam Brevis observantiam præstare, quin simul eandem erga Constitutiones in eo confirmatas profiteatur.”

Illud argumentum, reponit Ariovistus, posset fortè obtinere vim aliquam, si P. Palazolius admitteret tuos illos Theologos seriò ac sincerè instare pro debita Brevis illius observantia. At verò cum (ut ipsimet fatentur) dicat Palazolius, Breve illud tantopere à tuis extolli, non ut Sacram Vicarii Jesu Christi auctoritatem tueantur; sed ut sub apparenti Brevis illius favore, parti Catholicæ, Regi, Regiisque Ministris silentium dolosè

„dolose imponant,“ liquet argumentum illud esse nullum, atque adeò Palazolium sibi optimè cohærere. Nam & multi hæretici vehementer instant pro debita Scripturæ Sacræ observantia, non tamen ex eo consequens est, ut ipsi credant, doceant, ac profiteantur quidquid in Scriptura Sacra divinitus revelatum est. Insuper, D. Baccalauree, aliud est illi Brevipræstare observantiam, aliud pro illius Brevis observantia instare. Hoc tui faciunt, sed non seriò satis ac sincerè; illud autem faciunt nullo modo, quemadmodum jam sæpè irrefragabilibus argumentis demonstratum est.

Ad hoc ultimum, subdit Venantius, iterum demonstrandum ad hominem; uti proderit eadem, quæ adversarii usi sunt, argumentandi ratione. Si tui Theologi, D. Baccalauree, Constitutiones Innocentii X. & Alexandri VII. tractent tam irreverenter, quàm ante variis locis ostendimus; quomodo sibi cohærent iidem Theologi, dum se aiunt reverenter recipere Breve Innocentii XII.? Cum enim Breve istud Constitutiones istas confirmet, nemo potest illas Constitutiones irreverenter tractare, quin simul irreverenter tractat Breve, quo Constitutiones illæ confirmantur. Hæc argumentatio, subdit Ariovistus, non laborat eo vitio, quo superior argumentatio adversariorum, neque ullâ falsâ hypothesi innititur.

Id cum audiret Baccalaureus, ipsi venit in mentem vereri, ne cogeretur iterum audire ea omnia, quæ audierat suos in Constitutiones Innocentii X. & Alexandri VII. evomuisse. Atque hæc causa fuit, cur suâ sponte diceret; Transeamus ad §. 4. Inscriptio illius hæc est; *Concordiam Decretorum Apostolicorum cum Regiis evertit Palazolius, & Summum Pontificem cum Rege Catholico variè committit.* Hic tandem, excipit Venantius, tui mangones Theologi videntur aliquantulum à suo D. Hennebel recedere, quanto in reum Magistrum magis pii, tanto in innocentem adversarium crudeliores. Quò hæc, inquit Baccalaureus, evadit oratio? Respondet Venantius; Memoriâ repete quæ alibi nominatim dissertatione 6. diximus, (a) videbis non esse Patrem Palaz-

zol, qui negat Decreta Apostolica cum Regis consentire, sed Doctorem Hennebel. E contrario Pater ille adstruit omnimodam conformitatem inter utraque Decreta, ut ibidem ostendimus. Quâ igitur religionis specie tui Theologi culpam, quam admisit Hennebellus, in Palazolum transferunt?

Lepidus est quoque, subdit Ariovistus, modus iste alius, quo hic num. 28. iidem Theologi videntur vel à suo Hennebello propulsare invidiam, quam, quia Decreta Regia Decretis Apostolicis opposuit, meritò apud omnes bonos incurrit. *Jam supra, inquiunt, ostensum est, summam esse inter Decreta Apostolica & Regia consensionem; si qua verò inter ea primâ fronte dissensio appareat (ut apparuit Doctori Hennebello) id inde oriri, quòd quoad expressionem diversa sint.* Lepidus est, inquam, iste modus, neque sufficiens ad dictam invidiam ab Hennebello propulsandam, quasi verò Doctor ille Eximius non potuerit propter *diversam expressionem* statim cerne-  
re Decreti utriusque consensum. Estne igitur tam leviter imbutus scientiâ Grammatices?

Hoc, ait Venantius, nemini mortalium umquam persuaserint. Imo, si mihi fas sit liberè loqui, puto ego illos Belgas Theologos æque ac Hennebellum sentire quòd Decreta Regia Apostolicis adversentur, sed non audere hanc suam sententiam apertè & publicè defendere in ditione Hispanica, quemadmodum ipse fecit Romæ. Sic nec Hennebellus audet Romæ publicè effutire ea quæ hic in Belgio effutiant suæ factionis Theologi contra indicem Tridentini, contra Ritualia, contra Eminentissimos Cardinales & Consultores S. Officii, contra Summos Pontifices eorumque Constitutiones. Multo minùs audebunt iidem Theologi publicè dicere Parisiis id quòd Madriti anno 1696. in suo Memoriali sparserunt adversus Regem Christianissimum & ejus Ministros, nec quòd adversus Galliam adhuc dicunt vel in hac ipsa Consutatione. Usque adeò servi illi ad oculum gaudent ubique servire scenæ.

Diverticula quæritis, inquit Baccalaureus; quæso, respondete potius ad sequentia; "Apostolica Decreta  
inter

„inter & Regia concordiam evertere conatur Palazo-  
 „lius.... cum eos dicit juxta Decreta Regia habendos  
 „esse tamquam graviter, prudenter & fundatè de Jan-  
 „senismo suspectos, proindeque ab Officiis & Dignita-  
 „tibus excludendos, quos tales esse testantur Belgii Epif-  
 „copi. Manifestum est enim neminem juxta Breve Apo-  
 „stolicum posse isto nomine traduci aut nuncupari *nisi*  
 „*priùs suspectum esse legitime constiterit, aliquam è quinque*  
 „*propositionibus docuisse aut tenuisse*: aded ut quantumvis  
 „testentur Episcopi esse aliquem Jansenistam, aut de Jan-  
 „senismo suspectum; testimonium tamen istud pro *va-*  
 „*ga tantum accusatione* habendum sit, quandiu constare  
 „non faciunt legitime ipsum aliquam è quinque propo-  
 „sitionibus docuisse aut tenuisse, quod ad gravem, pru-  
 „dentem, & fundatam hac in re suspicionem requirit  
 „Breve Apostolicum.” Quid opus est, inquit Venan-  
 „tius, ad ista respondere iterum? in istis diluendis disser-  
 „tationem sextam ferè totam insumpsimus ut nihil di-  
 „cam de aliis, quæ adversus eadem passim alibi disputa-  
 „vimus.

Rectè ais, subdit Arioivistus; verùm pace tua dixe-  
 rim, Venanti. nobis sic prætereunda non sunt hæc ul-  
 tima adversariorum verba; *Quandiu constare non faciunt*  
*legitime ipsum aliquam è quinque propositionibus docuisse aut*  
*tenuisse*. An ergo hoc ad gravem & prudentem hac in re  
 suspicionem requirit Breve Apostolicum? Certè quem  
 Episcopi legitime probant *aliquam è quinque propositioni-*  
*bus docuisse aut tenuisse*, ille non solum suspectus habend-  
 us est Jansenismi, sed Jansenista etiam; sicuti ille qui  
 probatur homicidium commisisse, homicida dicendus  
 est; non tantum homicidii suspectus. Quid hîc, D. Bac-  
 calauræe, de tuis Theologis judicem, incertus sum. Ju-  
 dicemne illos velle, nescio quas insidias simplicioribus  
 iterum tendere; an ludibrio exponere Innocentium XII.,  
 tamquam si in suo Brevi ad meram criminis suspicio-  
 nem exigeret id quod cunctis Tribunalibus ad convictio-  
 nem sufficit? Perpende illa Pontificis verba; *Nisi priùs*  
*SUSPECTUM ESSE legitime constiterit, aliquam è quinque*  
*propositionibus docuisse aut tenuisse*, & fraudulentiam tuo-  
 rum



rum interpretationem perspexeris.

Magis fraudulenta, inquit Baccalaureus; est ejusdem Pontificii Brevis interpretatio, quam Autor Memorialis adhibuit: dicit enim "Breve Apostolicum, dum vetat, *quemquam sub pretextu (Jansenismi) repelli ab Officiis, Munis, Beneficiis, Gradibus, ac Concionibus habendis, vel alia quacumque functione Ecclesiastica, nisi servato juris ordine eam pœnam, quæ Viris alioquin Catholicis gravissima est, commensusse probatum fuerit*, intelligendum esse de officiis, muniis, &c. Jam obtentis: Mandata autem Regia, dum ab illis jubent suspectos de Jansenismo non *servato juris ordine repelli*, intelligenda esse de iisdem *nondum obtentis*." Atque secundum Belgas Theologos, hæc est altera, quàm Palazolius excitat, Apostolica inter & Regia decreta dissensio.

Sed hisce ita constitutis, quænam, ait Venantius, hic potest esse Decretorum dissensio? Audies, respondet Baccalaureus; *Ex ipso Brevi Apostolico*, ut subjungunt mei Theologi, *constat illud intelligendum esse etiam de Officiis nondum obtentis*. Bene habet, inquit Ariovistus, fac tantisper ita esse. Quomodo tui possunt dicere summam esse inter decreta Apostolica & Regia consensionem? Decreta Regia in terminis imperant, *ut dicti homines excludantur omnibus provisionibus conferendis*; vetant autem Decreta Apostolica, sicut tui quidem assentunt Theologi. An consensio est inter duo decreta, quorum unum imperat quod alterum vetat? Jam video D. Baccalauree, verum esse id quod paulò antè dicebat Venantius, scilicet tuos Belgas Theologos æque ac Hennebellum sentire, quòd decreta Regia Apostolicis adversentur, sed non audere id apertè & palam dicere in Belgio Hispanico, quamquam incauti hîc sese prodiderint. Sic semper veritati patet rima, per quam emicet. Tum Venantius inferebat; Ergo illi Belgæ Theologi, non Autor Memorialis, evertunt decretorum Apostolicorum cum Regiis concordiam, & summum Pontificem cum Rege Catholico committunt, Magistrum suum Hennebellum secuti, licet non æquis passibus.

Quid

Quid si, pergebat idem Venantius, nunc videamus argumenta quibus ille Theologorum manipulus probare nititur, Breve Pontificium *intelligendum esse etiam de Officiis nondum obtentis*? Ut lubet, respondit Arioivstus. Itaque confestim Baccalaureus recitavit sequentem suorum textum; "Probat id primum vox ista, *repelli*, quâ „Sua Sanctitas utitur: Repelli enim propriè non „dicitur, qui exuitur officio jam obtento, sed qui ab „officio obtinendo arcetur. Deinde idem significat Sua „Sanctitas manifestiùs, dum vetat quemquam repelli à *gradibus*: cum enim impossibile sit gradu jam „obtento quemquam spoliari, sequitur Breve Apostolicum de gradibus (adeoque & de aliis muniis) „adhuc obtinendis intelligi debere. Accedit quòd cum „eandem illam cavillationem in Schola Lovanienti „jactare non desineret Doctor Steyaert; jam pridem „silere ex urbe jussus sit, & Breve Apostolicum tam „de Officiis & Beneficiis obtinendis, quàm de obtentis intelligere. Si de hoc dubitet Palazolius; Doctorem Steyaert interroget; non poterit hic factum „Belgio notissimum negare. Quid, quòd ipsum jus Canonicum & Civile, ac simul utriusque fori constans „praxis sic jubeant Breve Apostolicum intelligi. Agitur enim in Brevi de iis, qui ab Officiis vel Beneficiis repelluntur *prætextu Jansenismi*; prætextus autem „Jansenismi, *titulus infamans* est: jam verò expeditum „est apud Jurisperitos omnes, titulum infamantem, „dum allegatur, probari debere, non tantum dum illius prætextu spoliatur quis Officiis jam obtentis, sed „etiam dum repellitur ab obtinendis. Postremò sic Breve Apostolicum nuper intellexit sanctius Catholicæ „sue Majestatis Consilium in Belgio. Cum enim nescio „quibus prætextibus Doctor Martin & æmuli quidam „conarentur aliquos sibi non devotos à gradu Doctorali „in Academia Lovanienti impedire, hanc sententiam „Latinè hic versam tulit sapientissimum Consilium: „*Viso hoc Libello & Epistolâ Archiepiscopi die 7. hujus mensis datâ, Majestas sua declarat, materiam dogmaticam de qua illic mentio, ad cognitionem hujus Consilii non pertinere.*

zcre

*„nere : mandat supplicanti, aliique omnibus, quorum inter-  
 „est, conformare se Decreto Suae Sanctitatis dato 6. Februarii  
 „1694. Et Mandatus Suae Majestatis super eo secutus 20. De-  
 „cembriis 1697. Declaratque Gradum Doctorem quem præ-  
 „tendunt Licentiatii Verschuren Et Claes, non impediturum  
 „quominus privari possint prærogativis jurium, quas gradus  
 „Doctoralis illis tribuet, si ita decernatur per Suam Sancti-  
 „tatem vel alios, quibus materiae dogmaticae cognitio compe-  
 „tit juxta dictum Breve Et suae Majestatis Decretum.  
 „Actum Bruxellis 14. Januarii 1699.*

Tum Venantius, hîc argumenta video esse quinque, sed omnia trivola, omnia talibus Theologis, quales haberi se volunt, prorsus indigna. Tamen propter te, D Baccalauree, respondere ad singula non gravabor. 1. Falsum est eum propriè non dici repelli, qui exiit officio jam obtento, sed qui ab officio obtinendo artetur. Etenim repelli idem est quod submoveri, ejici. Itaque quoniam submoveri, ejici dicitur de eo qui officio jam obtento exiit, consequens est, ut repelli etiam de utroque pari ratione dicatur. Et verò, addit Ariovistus, dum post reditum in Senatu dixit Tullius; *Tu meum generum propinquum tuum, tu affinem tuam, meam filiam superbissimis Et crudelissimis verbis à tuis genibus repulisti*, nonne satis indicat, quòd illi jam ad genua Clodii accidissent, ea antiquo ritu complexi?

Nihilo plus nervi est in secundo, ubi ponderant illud à gradibus, aiuntque impossibile esse gradu jam obtento quemquam spoliari. Fortè nervi esset aliquid, subdit Venantius, si Pontifex dixisset *ab Ordinibus sacris*, cum eorum character semel impressus deleri numquam possit. At quis mortalium audivit umquam, impossibile esse quemquam deturbari de gradu, E. C. Doctoris, quem semel adeptus est? Siccine obliti sunt Arnaldum suum à Sorbona exautoratum esse, sive de Doctoris gradu dejectum? Hujusmodi exautorationes, depositiones, degradationes fieri ob quædam crimina sæpe jura præcipiunt, quod præcipi quî potest. si impossibile sit? Hoc ultimum argumentum, interjicit jocans Ariovistus, non valet apud Baccalaureum ejusque Confoederatos, utpote

utpote qui etiam aliqua Dei præcepta impossibilia esse affirmant.

Hic jocus nihil moratus est Venantium, quò minùs statim pergeret ad tertium. Nusquam ego audiui, inquit, Reverendissimum D. Steyaert *silere ex Urbe jussum esse & Breve Apostolicum tam de Officiis & Beneficiis obtinendis, quàm de obtentis intelligere*. Neque ego, addebat Ariovistus. Tamen uterque nostrum soliti sumus, vel minimos hujusmodi rerum rumusculos aucupari. Mirum est, quòd fama illius facti, Belgio, ut aiunt, *notissimè*, ad neutrius aures advolarit. Puto, inquit Venantius, merum esse commentum, ne graviore verbo utar. Sic anrè num. 24. dicebant; "Tam clarè sensum nostrum, expressimus in *Responsione* ad 1. articulum inter 42. à Doctoribus Steyaert & Harney accusatos, item in *Refutatione synopses* circa eundem articulum, ut ipse Fratrum suorum Accusator Steyaert fateri coactus fuerit, nihil prorsùs habere se quod posset in *Responsione* nostra reprehendere." Et tamen tantum abest, ut Reverendissimus D. Steyaert id fateri coactus fuerit, ut reipsa aliquid reprehenderit. Non temere itaque putaverimus, D. Baccalauree, tuos Theologos & hoc silentii præceptum commentos fuisse. Sed quò de hujusce facti veritate edoccamur plenius, juvat ad Reverendissimum Dominum scribere. Ariovistus consiliùm approbavit, & Venantius sine mora ad eum scribere aggressus est, inquit; Tu interim, doctissime Arioviste, D. Baccalaureo responde ad reliqua. Neque ideo necesse est demissâ voce colloquamini: mihi enim scribenti non officietis. Pergite.

Perrexerit Ariovistus ad hunc modum. Abest à verò, D. Baccalauree, quòd ipsum *jus Canonicum & Civile, ac simul utriusque fori constans praxis* sic jubeant Breve Apostolicum intelligi. Admitto autem agi in Brevi de iis, qui ab Officiis vel Beneficiis repelluntur. PRÆTEXTU JANSENISMI. Admitto præterea prætextum Jansenismi TITULUM INFAMANTEM esse.

Hoc ultimum, clamat scribens Venantius, non videtur mihi de communi illorum Theologorum scriptum

tum esse sententia. Nec mihi reponit Ariovistus. Hoc non admittit saltem Pastor ille N. qui palam dixit *Utinam omnes essent Jansenistæ!* Non admittunt reliqui omnes qui Jansenismum censent esse puram putam S. Augustini doctrinam; aut si admittant, sibi constant parum. Hic loquuntur, inquit, Baccalaureus, de Jansenismo prout à vobis aliisque adversariis falso traducitur.

Missâ faciamus hæc, inquit Ariovistus, & ad rem redeamus. Admitto, inquam, *prætextum Jansenismi* TITULUM INFAMANTEM esse. Do etiam *titulum infamantem, dum allegatur, probari debere.* Sed nota tò *dum allegatur.* Eum non allegant Episcopi dum aliquibus in Belgio negant Officium vel Beneficium, neque ad eum allegandum ullo modo obstringuntur, sed satis est quod privatâ scientiâ norint aut certè prudenter suspicentur eos, quos rejiciunt, Jansenismi reos esse. Sic ego non debeo allegare titulum, si Titium, quem scio vel prudenter suspicor non satis fidelem esse, ad mihi famulandum admittere noluerò. Sic non debet Rex allegare titulum, dum quem scit vel prudenter suspicatur esse proditorem patriæ, arcet ab urbium præfecturis. Sic neque Officiorum aut Beneficiorum Collatores debent allegare titulum, dum alicui recusant curam animarum committere propter prudentem suspicionem incontinentiæ, Calvinismi, Quietismi. Quid itaque causæ potest esse; cur Belgii Episcopi, quemquam excludentes ob certam scientiam vel prudentem rectèque fundatam Jansenismi suspicionem, allegare titulum debeant? posthæc Baccalaureus dixit; Negant mei Theologi *parem esse de Jansenismo rationem.* Siquidem, aiunt, *potest quis de incontinentia & proditiōe prudenter esse suspectus: de Jansenismo autem neminem in Belgio prudenter suspectum esse posse, jam demonstratum est.*

Hic indignatus Ariovistus; Quid hoc, inquit, est aliud quàm omnes Belgii Episcopos, Vicarium Silvæducentem, aliosque viros integerrimos, etiam ex Universitate Lovaniensi, temerariæ suspicionis arguere? Sed inspiciamus, prosequebatur idem Ariovistus, momenta  
rationum



rationum quibus tui Theologi demonstrasse se putant, quòd de nemine in Belgio possit esse prudens Jansenismi suspicio.

Nihil cunctatus Baccalaureus sequentia recitavit; „Equidem definivit Sedes Apostolica, nullâ ratione, quemquam posse vagâ istâ accusatione & invidioso nomine Jansenismi traduci aut nuncupari, *nisi prius suspectum esse legitime constiterit, aliquam è quinque propositionibus docuisse aut tenuisse*: Jam verò adeò non legitime constat aliquem in Belgio de hoc suspectum esse, ut certissime constet contrarium. Jam enim sex anni sunt, & amplius, cum Belgii Episcopi, alique Accusatores nostri coram Sede Apostolica provocantur, ut vel unum proferant, qui aliquam è quinque propositionibus doceat vel teneat, vel de eo legitime suspectus sit; neque hætenus è tot, quos accusant, protulere vel unum. Habent tamen ipsi Episcopi potestatem, investigandi & deprehendendi Jansenistas, si qui sint; possunt quos volunt ad Tribunalia sua citare, & iuramentum in condemnationem quinque propositionum ab illis exigere: sed experti jam per annos plures, neminem in Belgio inveniri, qui non promptissime propositiones illas juxta Breve Apostolicum ejuret, vel ipsi testes esse coguntur non esse in Belgio Jansenistas, aut legitime de Jansenismo suspectos.”

O bone Baccalauree, subdit Arioivistus, non vides hæc eadem aliis verbis ab Hennebello dicta esse, & à nobis refutata dissertatione 6. ? (a) Ibi ostensum est primò, Viros dignitate præstantes paratos fuisse qui probationibus juridicis fidem facerent, Dominum Opstraete, D. Verschuren, & D. Claes Jansenianâ labe afflatos esse, sed illos Triumviros ausos non fuisse hujusmodi subire periculum. Ostensum est secundò, quare Episcopi in Belgio adversus vos juridicè procedere usque adhuc non potuerint. Ostensum est tertio, cogitandum esse de potentiore aliquo remedio à Sua Catholica Majestate adhibendo, ut Constitutiones Apostolicæ in Belgio executioni mandentur. Ostensum est quarto, quòd

(a) Pag. 124. & seqq.

quòd ex eo, quia nullus juridicè Jansenismi accusatur; non sit consequens nullos Jansenistas esse. Quintò, ostensum est alibi quomodo illud juramentum ab aliis detrectetur, restringatur ab aliis, à quibusdam etiam explodatur tamquam manifestissimum perjurium. Ostensum est sextò, idque loco non uno, quòd, quando vos quinque propositiones damnatis, numquam fateamini illas excerptas esse ex libro cui titulus *Augustinus Cornelii Jansenii*, & in ejus sensu hæreticas. Septimò denique Jansenistas grassari in Belgio, ostensum est totà nostrà dissertatione septinà. Quæ omnia si æquà mente perpendas, videbis, D. Baccalauree, ruere atque dissipari quidquid hîc tui Commilitonès ex suo Hennebelio congestere.

Dein idem Ariovistus orationem suam profecutus, aiebat; Porrò, D. Baccalauree, iidem tui Commilitonès hîc de suo adjecerunt modum loquendi, qui mihi quidem admodum mirus accidit. Est autem hic; "Definivit Sedes Apostolica, nullà ratione quemquam posse vagà istà accusatione. & invidioso nomine Jansenismi traduci aut nuncupari, nisi prius suspectum esse legitime constiterit, aliquam è quinque propositionibus docuisse aut tenuisse." Mirus, inquam, mihi accidit hic modus loquendi: quo enim ex tempore, D. Baccalauree, mera prohibitio facta est definitio, apud vos præcipuè, qui nihil familiarius habetis, quàm veras ac proprias Sedis Apostolicæ definitiones, quando vobis refragantur, naso adunco suspendere? An vultis fortè hâc loquendi formulâ persuadere rudioribus, esse punctum fidei à Sede Apostolicâ definitum, quòd nullus sit, aut possit esse Jansenista, aut de Jansenismo prudenter suspectus? Dixit quidem ille commentitius, de quo antè, Palæophilus, nullos Jansenistas umquam extitisse, nec existere umquam posse; sed id esse à Sede Apostolica definitum non dixit. Aliquid amplius in Confutatione videntur audere tui Theologi. Non puto, inquit Baccalaureus, nostros vim aliquam ponere in illa vocula *definivit*. Quare, acutissime Arioviste, per me licet, substitue voculam *prohibuit*.

Ne sic quidem, reponit Ariovistus, difficultatem omnem



omnem evaditis. Peccat enim illa tuorum argumentatio ; Prohibuit Sedes Apostolica, ne quis vagâ istâ accusatione, & invidioso Jansenismi nomine traducatur aut nuncupetur, *nisi prius suspectum esse legitime constiterit*. Atqui quæquam in Belgio de hoc suspectum esse legitime non constat : Ergo nullus in Belgio Jansenista est, vel de Jansenismo prudenter suspectus. Peccat, inquam, illa argumentatio ; quippe ex præmissis potest tantum concludi, Ergo nullus est in Belgio, qui potest vagâ istâ accusatione & invidioso Jansenismi nomine traduci aut nuncupari. Ex illo consequente, subdit Baccalaureus, conficitur ulterius, nullum in Belgio posse esse de Jansenismo prudenter meritoque suspectum. Erras, D. Baccalauree, inquit Ariovistus, & vehementer quidem erras : aliud est enim Jansenistam esse vel Jansenismi suspectum, aliud posse illo nomine traduci vel nuncupari. Sic non possum proximum palam traducere vel nuncupare incontinentiæ nomine, licet mihi sit incontinentiæ prudenter suspectus, imo licet certò sciam eum incontinententer vivere.

Hic Ariovistum plura adjicere meditantem interturbavit Venantius, qui scriptis jam, & missis ad Reverendissimum D. Steyartium litteris, aiebat ; Ex hac villa nemo nostrum prius discedet, quàm à Reverendissimo Domino responsum acceperò. Interim sermones nostros continuemus. Inter scribendum, amicissime Arioviste, animadverti te nihil respondisse ad sententiam, quam tulit sanctius Catholicæ suæ Majestatis Consilium in Belgio. Profectò, inquit Ariovistus, hujus me rei ceperat oblivio. Eapropter, D. Baccalauree, eam sententiam nobis prælege iterum ; quod cum Baccalaureus fecisset, Ariovistus sic fatus est ; Nihil in ea sententia Belgis illis Theologis video esse præsidii. Quid enim ? an *mandare supplicanti, aliisque omnibus, quorum interest, ut conforment se Decreto Sux Sanctitatis & Mandatis Sux Majestatis*, est utriusque decreta sic intelligere & interpretari, ut nemo possit juxta illa à gradibus nondum obtentis, prætextu Jansenismi vel alio simili repelli, *nisi servato juris ordine tam poenati, quæ viris alioquin Catho-*

*licis gravissima est, commeruisse probatum fuerit?* An hoc non est potius ab utriusque decreti interpretatione omnino præcindere?

Est, respondit Venantius, & quodd ab omni interpretatione sanctius Consilium præscindat. videtur ipsum Consilium voluisse significare hisce subsequenter verbis; *Declaratque Gradum Doctorem, quem prætendunt Licenciati Verschuren & Claes, non impediturum quominus privari possint prærogativis jurium, quas gradus Doctoralis illis tribuet, si ita decernatur per suam Sanctitatem vel alios, quibus materie dogmaticæ cognitio competit juxta dictum Breve & suæ Majestatis Decretum.* Vide, D. Baccalauree, quam Consilii sententiam tui Theologi in sui patrocinium adducant. Jam verò, pergit idem Venantius, excludi à gradibus & muniis nondum obtentis non esse *pœnam*, nedum *gravissimam*, dictum est aliàs. (a)

Tum Ariovistus, ne eatur, inquit, in antiquam silvam, mittamus hæc jam, & quoniam Belgæ isti Theologi id tam impotenter exoptant, concedamus decreta & Regia & Pontificia à sanctiore Regis Consilio intelligi de gradibus, beneficiis, ceterisque muniis tam obtinentis quàm obtentis. Hoc ego, ait Venantius, nunquam concessero. Ah! amicissime Venanti, reponit Ariovistus, sine hoc concedam, & monstrabo tibi aliquem, quem legitimè constat Jansenistam esse vel saltem de Jansenismo suspectum, nempè Joannem Opstratium. Hunc idem sanctius Regiæ suæ Majestatis Consilium repulit à Doctoris gradu nondum obtento; quare, si illud Consilium utraque Decreta ita intelligat, ut aiunt isti Theologi; *prius suspectum esse legitimè constitit*, Opstratium *aliquam è quinque propositionibus docuisse aut tenuisse*, & *servato juris ordine probatum fuit eum eam pœnam commeruisse*; vel Consilium in causa Opstratii non processit secundum suam illorum Decretorum intelligentiam, id quod Belgæ Theologi non ausint dicere.

Hic se non cohibuit Venantius, quin effusè rideret. Baccalaureus verò indoluit, quia videbat sibi esse angustias undique. Si affirmaret Apostolica & Regia Decre-

ta

ta ita intelligi à sanctiore Consilio, ut volunt isti Theologi, inferebatur; Ergo legitimè constat Joannem Opstratum esse Jansenisimū saltem suspectum. Sin autem negaret, inferebatur; Ergo isti Belgæ Theologi auctoritatem Sanctioris Consilii Regii ad stabiliendam suam thesim perperam falsèque allegarunt. Quid ageret miser ita malleum inter & incudem constitutus? Non habuit aliud quod diceret, quàm Opstratum non esse prætextu Jansenisimī, nec alio simili titulo à Doctoris gradu repulsum. Quod ergo, quærit Ariovistus, crimen aliud admisit tuus Opstratus? quod flagitium? Quid ei ab adversariis objectum fuit præterea? His & similibus interrogatoriis, tamquam totidem punctationibus, Baccalaureum infestabat durus Ariovistus.

At mitior Venantius; ut à Baccalaureo talem amoliretur molestiam, dixit; Nos vocat numerus 37. Hunc numerum quando vidit Baccalaureus, animos recepit. Est autem talis; " Mitto errata ipsius (Palazolii) leviora, ut quod num. 5. dicit, Doctorem Huygens. aliofque ante nominatos (DD. Van Geet, Baerts, Backx, Vande Nefse) suis officiis spoliatos esse, præmissis probationibus juridicis, & omnibus quas jus requirit solennitatibus: Cum enim Belgio toti constet id falsissimum esse, sufficiet errorem istum observasse, ut omnes intelligant, quàm hospes & peregrinus, ac temerarius in rebus Belgicis scribendis sit Palazolius, qui talia coram Rege Catholico effudit. Doctor Huygens etiamnum est Præses Collegii Adriani VI. Pontificis Lovanii, Canonicus S. Petri ibidem & Membrum Sanctioris Facultatis Theologicæ; D. Van Geet adhuc est Canonicus Graduatús & Pœnitentiarius Ecclesiæ Cathedralis Gandensis; qui & circiter à biennio, Serenissimo Bavariæ Electore commendante, Reverendissimo Episcopo Gandensi allaborante, à Capitulo Cathedrali ad dignitatem Cantoris canonicè electus est, quam tamen constanter & humiliter recusavit. D. Baerts & Backx hodieum, ille quidem in Metropolitana Mechliniensis; hic verò in Cathedrali Antverpiensi, Canonici & Plebani esse perseverant: D. Vande Nefse in

„hunc usque diem officio suo Pastoralis in S. Catharinae  
 „Bruxellis pacificè fungitur. Eundem errorem repetit §.  
 „sequenti num. 63. pari inscitia & temeritate; novoque  
 „errore addit quinque illos esse Doctores Lovanienses,  
 „cum ex illis Doctor non sit nisi unus, reliqui Licen-  
 „tati.”

Ad quæ Ariovistus, cum tam liberalibus Theologis, in-  
 quiebat, oportet & ego agam liberalius. Itaque mitto  
 vicissim errata ipsorum leviora, quæ vel hoc ipso nu-  
 mero 37. & in uno quidem versu admiscere, ut cum di-  
 cunt *Mitto pro Mittimus*, & *numero 5. pro numero 51.*  
 atque iterum in fine numeri 54. *rogo pro rogamus*. Tam  
 sæpè oblitus est eorum Scriba se personam agere multo-  
 rum. Non inquiram etiam, quàm *pacificè* officio suo  
 Pastoralis fungatur Bruxellis D. Vande Nefse.

An ergo, quærit Venantius, illis Theologis concedis  
 P. Palazolium hîc verè errasse. Non enim verò, respon-  
 det Ariovistus: Quia ex numero 51., quem volebant  
 accusare adversarii, non magis colligi potest Patrem  
 Palazol per *quosdam Jansenistas*, quos ibi dicit *ab officiis  
 exclusos & missos in exilium*, nominatim intelligere DD.  
 Van Geet, Baerts, Backx, Vande Nefse, quàm colligi  
 possit, ipsum ibidem asserere, eosdem illos exilio  
 esse mulctatos. Atqui modò nominatos Dominos in exi-  
 lium missos esse, asserere ibi non voluit Pater Palazol,  
 cum vocibus minimè dubiis affirmet num. 23. D. Gum-  
 marum Huygens *residere* Lovanii, Van Geet Gandavi,  
 Baerts Mechliniæ, Backx Antverpiæ, Vande Nefse  
 Bruxellis. Ergo P. Palazolius per *Jansenistas ante nomi-  
 natos* noluit jam dictos intelligere, sed eos de quibus  
 egerat num. 30., nempe Sancyranum, Arnaldum, alios-  
 que, quos, ut ibidem narratur, Rex Christianissimus  
 pro suo Jansenianæ hæreseos horrore, & zelo Orthodoxæ  
 Fidei in exilium expulit.

At, inquit Baccalaureus, accusato loco disertè & ante  
 omnes exprimitur Doctor Huygens. Assentior, reponit  
 Ariovistus. Quid jam? nonne iste Doctor à Strictiore Fa-  
 cultate Theologica suspensus est tum per Regem Catholi-  
 cum, tum etiam per Romanum Pontificem? Nequaquam,  
 ait

ait Baccalaureus; etenim, ut jam audistis, dicitur à meis Theologis ejusdem Facultatis Membrium. Suspendum scilicet, subjungit Ariovistus. Venantius verò dicebat; Aliquid amplius volunt illi Theologi, cum de illorum sententia *impossibile sit gradu jam obtento quemquam spoliari*. Vide, optime Arioviste, quò spectet hæc illorum sententia. Eò nimirum, ut Sux Catholicæ Majestatis & Sédis Apostolicæ mandata, quibus Doctor Huygens à Striètiore Facultate submòtus est, sensim persuadeant esse irrita, neque quidquam contra illum Doctorem perfecisse. Sic moliuntur illum in hac re sensim jurisdictioni subtrahere & Pontificiæ & Regiæ. Tum verò iterum Ariovistus; Jam ante, inquiebat, tamquam de specula prospiciebam futurum, ut falsa ea sententia & contra omnium sensum adstructa eò tandem evaderet.

Sed illud, pergebat idem Ariovistus, quod in fine subtextitur, *Pari inscitia & temeritate novoque errore addis quinque illos esse Doctores Lovanienses*, quàm illiberale est! Quasi verò ingens inscitia sit & digna quæ erudito homini in Hispania constituto exprobretur, nescire utrum Van Geet, Baerts, Backx, Vande Nèsse in Belgio *Doctores Lovanienses* sint, an *Licentiati* tantum. Mihi crede, D. Baccalauree, id vel in ipso Belgio extra urbis Lovaniensis pomerium passim ignoratur etiam ab Eruditis & rei Jansenisticæ non incuriosis indagatoribus. Quid ergo hoc exprobrant Palazolio, qui in Belgio numquam fuit? At illi Eruditissimi Domini, objicit Baccalaureus, notissimi sunt in Hispania. Estò, inquit Ariovistus, quamquam unde illi in Hispania tantopere innotuerint, ego non sciam. Sed estò, inquam. Sint in Hispania notissimi. Ideone ibi etiam notus est gradus, quem in Academia Lovaniensi adepti sunt. Estne ullus per totum, quà patet, orbem notior, quàm Michaël de Molinos? Quotus tamen quisque scit, *Doctorne* fuerit iste Michaël, an tantum *Licentiatus*.

Sic Baccalaureum ejusque Theologos refellebat Ariovistus, nec malè; multo tamen melius Venantius dixit; Certè Molinos Doctor fuit summæ impietatis, & idèò posset appellari *Doctor*, licet nullum alium quàm *Licentiati*

*tiati* aut etiam *Baccalaurei* Gradum in Academia obſtinuiſſet. Quidni igitur quatuor illi *Licentiati* Van Geet, Baerts, Backx, Vande Neſſe poſſint quoque appellari *Doctores Lovaniennes*, quia novam aliquot Lovaniensium doctrinam docent & inculcant? Doct̃or, ut noſti D. Baccalauree, à docendo dicitur, neque ſemper ſumitur pro Gradu Academico. Jam verò Palazolius non aliam ob causam quàm ob jam dictam vocat ipſos *Doctores Lovaniennes*. Atque id vel ex eo colligitur, quòd dicat; *Quinque Doctores Lovanienses supra nominati, & inter illos celebris Doctor Gummarus Huygens*. Ubi obſervate, quæſo, poſteriora illa verba *Et inter illos Doctor Huygens*, non *Dominus Huygens*. Profeſſò dum hîc Palazolius, Gummarum Huygens nominans, repetit illam vocem *Doctor*, ſatis indicat ſe quatuor aliis non tribuere hunc titulum prout ſonat Gradum Academicum, ſed tantùm prout ſonat eum qui aliquid, puta novitates, docet. Alioqui fruſtranea eſſet illius vocis repetitio, atque adeò in hac oratione eſſet turpiſſimum battologiæ vitium, quod de Palazolii ſtylo tam cultq, tam concinno; tam expoſito, & abſoluto numeris omnibus præſumi non poteſt.

Hæc diſſerendi ratio maximopere placuit Arioviſto, qui dein ad Baccalaureum converſus, aiebat; Admiror ſanè, D. Baccalauree, quòd tuorum Theologorum Scriba non diſſimulaverit hunc locum. Multis fortasſe videbitur, Doct̃oris titulum invidiſſe iſtis *Licentiatis*, præſertim cum ipſe inter eos præter ſua merita nominatus non ſit. Major, inquit Baccalaureus, eſt noſtrorum humilitas, quàm ut titulis falſò attributis delectari queant. Dignitates etiam oblatas reſpuunt, ſicut ſeciſſe jam vidimus Dominum Van Geet, dum ad dignitatem Cantoris canonicè electus fuit. D. Baccalauree, inſit Arioviſtus, numquamne legiſti id quod eſt apud Eccleſiaſti-cum cap. 19. *Eſt qui nequiter humiliat ſe, & interiora ejus plena ſunt dolo?* Examineſe ſeſe Dominus Van Geet, & videat, an illam Cantoris dignitatem non recuſaverit potiùs ad novitates faciliùs propagandas, quàm ad colendam humilitatem. Hoc autem pro comperto habeo doctrinam Novatorum, qui hærent in imis Belgii viſceribus,

ribus, posse melius à Graduato Canonico & Pœnitentiarario, quàm à simplici Cantore propagari.

Hic indignatus Baccalaureus in innocuum Arioivistum effudit quædam convicia, quibus chartam coinquinare non convenit. Non his tamen movebatur Arioivistus, sed dicebat; Abjice, D. Baccalauree, arma muliebria, & mecum revertere ad D. Gummarum Huygens, qui an immerito dicatur *convictus de Jansenismo tam in Cathedra, quàm in libris, Romæ & Madriti per Tribunalia fidei condemnatis*, potes statuere ex iis quæ dixi hætenus, & quæ mox dicam. Agedum, D. Baccalauree, cedo, nonne *Methodus remittendi & retinendi peccata* est opus Gummarianum? Est, respondet Baccalaureus, & hoc opus esse suum scetum agnoscit ipse Dominus Huygens tam publicè quàm privatim. Subsumo, inquit Arioivistus; Atqui suprema Inquisitio Toletana anno 1681. die 28. Augusti hoc opus proscripsit, *quia continet propositiones condemnatas Jansenii, temerarias, & doctrinam quæ possit avocare fideles à Sacramento Pœnitentiæ & Confessarios ab ejusdem Sacramenti administratione*. Quid est, D. Baccalauree, convictum esse de Jansenismo in libro Madriti per Tribunal fidei condemnato, si hoc non sit?

Madrito, prosequebatur idem Arioivistus, propereamus Romam, ubi Congregatio S. Officii 17. Januarii anno 1691. prohibuit & damnavit ejusdem D. Gummarii Compendium contextum ex variis thesibus, quas ab anno 1672. usque ad 1679. in lucem emiserat. Hoc Compendium dixit *Theologiæ Compendium*, sed verius dixisset *omnium Novitatum*, quæ hodie Belgium conturbant. Româ revertamur in Belgium, cujus omnes 5. Episcopi anno 1697. Bruxellis congregati, censuerunt D. Gummaro adimendam esse potestatem excipiendi confessiones, sicut Mechliniensium Archiepiscopus hanc ei potestatem reipsa ademit.

Taceo quòd variæ illius propositiones per eorundem Belgii Episcoporum Deputatum Romæ accusatæ fuerint, & illic provisionaliter censurata. Et licet censuræ publicatæ non sint, aliquid tamen ponderis accedit ad præ-



dicta, quodd conceptæ esse non ignorentur. Illum Religio jussu & Pontificio suspensum esse à Stricta Facultate significavi antea.

Sed hîc præterire non possum, quodd nuper ad tentandas vias pacis quascumque, Reverendissimus D. Martinus Steyaert Vicarius Silvæducentis per Doctorem Thomam du Jardin ex Ordine S. Dominici nihil aliud ab eo petierit, nisi ut Episcopis sese conformans, in Alexandri VII. Formularium juraret, & eorundem Decreto subscriberet. Nihil autem horum obtineri potuit, ut patet ex testimonio, quod proferam, ubi opus fuerit.

Ex his omnibus concludere contra Doctorem Huygens parabat Ariovistus, sed eum impeditit Venantius, dicendo; Si, Arioviste, fert animus ita peregrinari ex Belgio in Hispaniam, ex Hispania in Italiam, ex Italia in Belgium, & ex Belgio iterum in Italiam, idque in gratiam unius Domini Gummari; non pervenimus umquam ad Confutationis Paragraphum quintum, qui nos jam dudum expectat, ut ostendat nullos in Belgio esse Jansenistas.

Huic toti Paragrapho, inquit Ariovistus, oppono totam nostram Dissertationem septimam. Mihi crede, optime Venanti, tam inopes sunt illi Theologi Belgæ, ut hîc non potuerint quidquam de suo penu proferre, & *ut bona summa putent alienâ vivere quadrâ*. Omnia, inquam, habent eadem quæ Hennebellus, eundemque ferè servant ordinem. Hoc unum adhuc deerat, inquit Bacca-laureus, ut Ariovistus amarulenta dicta, quibus meos Theologos incesset, à Satyrico mutuaretur. Tum ad Venantium conversus, erupit in hæc lamenta; Mitissime Venanti, male fidus Ariovistus utrique nostrum imponit. Eni, mei Theologi ad calcem hujus Paragraphi de suo adijciunt hunc syllogismum.

„ Nullâ ratione quisquam invidioso nomine Jansenismi traduci aut nuncupari potest, nisi prius suspectum, esse legitimè constiterit, aliquam ex quinque propositionibus docuisse aut tenuisse:

„ Atqui hoc de nullo in Belgio Theologo constat legitimè: immo verò legitimè constat, neminem illic esse,

esse, qui aliquam ex istis propositionibus doceat aut teneat; cum nemo illic sit, qui illas non ejurarit jam pridem, aut certe illas ejurare non sit paratissimus. Ergo nullus est in Belgio Theologus, qui invidioso nomine Jansenismi traduci aut nuncupari possit; multò minus, qui sit Jansenista."

Bone Baccalauree, inquit Venantius, hîc iterum præbes Ariovisto occasionem loquendi de tuo Opstratio, tamquam de homine, quem suspectum esse legitime constat, aliquam ex quinque propositionibus docuisse aut tenuisse.

Porro Ariovistus Baccalaureum otioso animo esse imperavit. De Opstratio, inquit, jam non loquar. Sed dissimulatâ majore syllogismi, & minore pro prima parte, hanc nego pro secunda. Neque enim etiam dato quòd hoc de nullo in Belgio Theologo constet legitime, sequitur ut legitime constet neminem illic esse, qui aliquam ex istis propositionibus doceat aut teneat. Sic non constat legitime aliquem in Belgio Calvinistam aut Judæum esse, tamen non sequitur; Ergo constat legitime ibi nullum esse Calvinistam aut Judæum. Sic, inquam, non constat legitime, D. Baccalaureum aliquam mentitum esse, non tamen sequitur; Ergo legitime constat D. Baccalaureum numquam esse mentitum.

At nostri Theologi, ait Baccalaureus, secundam illam Minoris partem aliunde probant, ex eo scilicet quòd *nemo sit in Belgio, qui illas propositiones non ejurarit jam pridem, aut certe illas ejurare non sit paratissimus.*

Jam dictum est centies. inquit Ariovistus, quomodo tui Theologi illas propositiones ejurent, nempe in sensu imaginario quem istis propositionibus attribuunt, voeantque *sensum obvium*, ut imperitioribus imponant; non verò in *sensu obvio* quem in *Augustino Cornelii Jansenii*, unde excerptæ sunt, præ se ferunt; ideoque hîc iterum cautè dicunt *illas propositiones*, non autem *propositiones Jansenii*, non excerptas ex libro, cui titulus *Augustinus Cornelii Jansenii*.

Quin imo, subdit Venantius, adeò non ejurant istas  
pro-

propositiones in sensu Jansenii, ut doceant illas in Jansenii sensu esse maxime orthodoxas maximeque Augustinianas. Quinam autem hoc apertè docuerint, dictum est tum dissertatione 7. (a) tum alibi sæpius. Mitto jam Paulum Aurelium, qui 5. propositionum in sensu Jansenii ejurationem damnat perjurii. Satis nobis fuerit audire Vincentium Palæophilum in Opusculo nuperrimè edito & paulò ante adhuc allegato ita loquentem pag. 61. " Dari Jansenistas, hoc est sectatores Jansenii, qui doctrinam ejus, Evangelio, Apostolo, statutis Conciliaribus, seu Ecclesiasticæ fidei consentientem, illamque unam & eandem, quam Augustini arbitrantur, nemo umquam inficiatus est. Et qui eò futilitatis veniret, nave onerariâ chartarum, Augustini Iprensis cum Hipponensi concordiam concentumque tuentium, convinci obruique posset. Dari Jansenistas, qui quinque propositiones in sensu à Pontificibus damnato (quem Augustinianum non esse, vivæ vocis oraculo multoties declaraverunt) vel ipsas etiam propositiones nudas, ut ajacent, doceant; tu, mi Notarie, quamvis omnes angulos etiam glyribus & muribus impervios atque ignotos, excutias non deprehendes." Vides, D. Baccalauree, quomodo hic Autor distinguat inter propositiones nudas, & propositiones prout excerptæ sunt ex libro Jansenii, & substant ejus sensu? posteriore modo acceptas damnare paratissimi sunt omnes; acceptas autem priori modo non item. Quod tamen ad vitandam notam Jansenismi necessarium est etiam secundum Innocentium XII. Ait enim in Brevi 6. Februarii anno 1694. edito; *Illud (juramentum) præstare debent sincerè, absque ulla distinctione, restrictione, seu expositione, damnando eas propositiones EX LIBRO JANSENII EXCERPTAS in sensu obvio, quem ipsamet propositionum verba præ se ferunt, prout sensum illum damnarunt Summi Pontifices Prædecessores nostri, damnatumque haberi voluerunt à Christi Fidelibus.*

Jam quoque, pergit Venantius, distinguo Theologorum Belgarum consequens pro prima parte; Ergo nullus est indeterminatè in Belgio Theologus, qui invidioso

(a) Pag. 146. & seqq.

dioso nomine Jansenismi traduci aut nuncupari possit, nego consequentiam. Nullus est determinatè, transeat.

Quàm rectè dixisti *transeat*! subdit Ariovistus, quia id apertè falsum est. Non loquor jam de D. Opstratio, sed de eo qui coram me privatim defenderet aliquam è quinque Jansenii propositionibus. Quid enim? An ei dicere non possum hoc Jansenianum esse, & defendentem esse Jansenistam, & ut talem corripere inter me & ipsum congruenter legi Evangelicæ? Et tamen eum in judicio nec convincere possum nec accusare defectu testium. Eodem modo eum, qui mihi privatim profitetur Judaïsmum vel Calvinismum, possum sine dubio privatim nuncupare Judæum vel Calvinistam, eumque ut talem corripere; non possum publicè quia occultum crimen publicare non possum, nec possum in judicio defectu testium. Neque verò postulat Innocentius XII. convictionem in jure, ut aliquis possit nuncupari Jansenista; sed ut tamquam Jansenista possit *repelli* seu deturbari ab *Officiis, Munis, Beneficiis, &c.* Ad meram autem Jansenistæ nuncupationem Pontifex postulat dumtaxat, ut *suspectum esse legitime constiterit, aliquam ex 5. propositionibus, docuisse vel tenuisse.* Numquamne tu D. Baccalauree, tuique Theologi huic suspicioni fundamentum posuisti?

Ad alteram autem consequentis partem nihil attinet respondere: etenim antè demonstravi non sequi: *Nullus potest nomine Jansenismi nuncupari, ergo nullus est Jansenista.* Nec etiam sequitur *De nullo legitime constat esse Jansenistam, ergo nullus Jansenista est.* Nam quam multi sunt fures, homicidæ, adulteri, alique malefactores, de quibus id legitime non constat, nec constare potest? Quid, quodd nec sequatur, *Nullus est qui 5. Propositiones non ejuret, ergo nullus est Jansenista.* Quia, ut modò dixit Venantius, non satis est illas Propositiones simpliciter ejurare, sed oportet addere illas *ex Cornelii Jansenii libro, cui nomen AUGUSTINUS, esse excerptas, & in sensu ab eodem Autore intento, sive in sensu obvio ejusdem libri hæreticas* confiteri, & ut tales in eo sensu ejurare. Hoc ultimum quamdiu facere detrectant tui isti Belgæ Theologi,

gi, censendi non sunt ejurare Jansenii doctrinam à Sede Apostolica damnatam. Ubi jam sunt, D. Baccalauree, tui Theologi cum suo famoso & decantato syllogismo, in quo omne sibi præsidium constitutum esse existimabant?

Posthæc dixit Venantius; Istis Theologis multo sincerior candidiorque est vester ille Vincentius, quem antea audivimus ita pronuntiantem; *Dari Jansenistas, hoc est, sectatores Jansenii, qui doctrinam ejus, Evangelio, Apostolo, statutis Conciliaribus, seu Ecclesiasticæ fidei consentientem, illam unam & eandem, quam Augustini arbitrantur, nemo umquam inficiatus est.* Est, inquam, vobis multo candidior, quia quod vos non facitis, animi sensa clarè & sine ulla tergiversatione eloquitur. Et verò nonne & vos D. Baccalauree, licet illas 5. Propositiones nudè ac simpliciter ejuretis, arbitramini *doctrinam Jansenii, Evangelio, Apostolo, statutis Conciliaribus & S. Augustini placitis planè consentientem?* Responde mihi categoricè.

Categoricè autem ad hoc respondere Baccalaureus noluit, sed aliò sermonem divertens, me tædet, inquit, eadem audire toties. Tædet & nos, reposeit Venantius; eadem toties repetere & inculcare. Sed quid vis faciamus istis hominibus, qui nihil novi adducunt. Sic Paragrapho 6. qui proximè subsequitur, de Rigoristis & Novatoribus obganhiunt omnia eadem quæ Doctor Hennebellus, & quæ nos dissertatione 8. confutavimus, tum præsertim, cum nobis aderat D. Parochus. (a) Placuit tamen Ariovisto cum paragraphum relegere integrum, quo relecto, Miror, inquit, istos Theologos tam pressè sequi Hennebellum suum, ut cum P. Palazolius hîc Novatoribus multa particularia objiciat, ad ea in particulari nihilo magis respondeant, quàm ipse Hennebellus. Id nobis, ait Venantius, argumento esse debet, illos ad ea in particulari respondere non posse: nam si possent, Belgæ isti Theologi respondissent ad ea certo certius, quò major apparet suum inter & Hennèbellianum Scriptum varietas.

Sed

(a) Pag. 216. & seqq.

Sed novi aliquid, clamat Baccalaureus, cerno num. 56. qui sub medium sic habet; *Lovanienſes invaſerunt Moralem Jeſuitarum tum ſcriptis (quod inter ceteros præclare præſtitit Sinnichius) tum lato adverſus quasdam Propositiones laxiores judicio; at præcipuè miſſâ in Urbem anno 1677. legatione: ubi pugnante pro illis Sede Apoſtolicâ, ſexaginta & quinque è laxiori Theologia propoſitiones ab Innocentio XI. proſtigatæ ſunt; dum interim tota Moralis Lovaniensis à Vaticano fulmine manſit illaſa. Poſt tantam cladem non adeò mirum, tam atrociter in nos vociferari Palazolium; debacchari in nos, tamquam Sedi Apoſtolicæ rebelles, atque adeo ad reformandos mores parum idoneos; concitare nobis invidiam, quaſi alios ut carnales aſpernemur, &c.*

Hæccine, D. Baccalauree, quærit Arioviſtus, tibi nova videntur eſſe? Belgæ tui Theologi ea ex Hennebelliani Scripti Concluſione huc tranſtulere, ſicut conſtare poteſt ex iis quæ tu ipſe nobis prælegiſti diſſertatione 10. (a) Uſque adeò illis Theologis curæ fuit, ne quid ex Hennebelli Scripto periret. Et quid eſt, cur 65. iſtarum propoſitionum condemnatio Jeſuitas magis diſcruciet, quàm ullos alios ſive Religioſos, ſive Sacerdotes ſeculares, ſive Lovanienſes Academicos? Noli Arioviſſe, inquit Venantius, hoc loco cum jactura temporis repetere eadem quæ jam allegatâ diſſertatione (b) breviter quidem, ſed nervoſè contra Hennebellum ſimilia garrientem protuliſti.

Venantio obſecundavit Arioviſtus, aiens; Perluſtre-mus igitur Paragraphum ſeptimum. Hunc perluſtra, inquit Venantius, quantum volueris; nihil offendes quod Hennebellus non habeat, atque adeo quod à nobis diſſertatione 9. & alibi conſutatum non fuerit. At præcipuè hæc conquerruntur, quòd ſibi accommodetur illud Iſaiæ 28. *Populus mendacium ſpem noſtram, & mendacio proteſti ſumus.* Imo, inſit Baccalaureus, confidenter petunt mendacia ſua detegi ac probari. An non ſat multa, reponit Venantius, detecta ſunt ac probata in jam dictâ diſſertatione. Aliud mendacium novum veriſimiliter de-  
teget

(a) Pag. 295. (b) Pag. 297.

teget Reverendissimus D. Steyaert, ad quem jam scripsi. Expecto avidissimè, inquit Ariovistus, quid respondeat. Interim velis remisque, quod aiunt, contendamus ad Paragraphum 8. quo continetur Belgarum Theologorum Conclusio sive Epilogus.

Hæc saltem meorum Theologorum Conclusio, ait Baccalaureus, multùm differt ab Hennebelliana Conclusionè. Fateor, inquit Ariovistus, quamquam à num. 66. ad 68. usque, nihil fermè sit nisi repetitio & anacephalæosis eorum, quæ antè passim dicta sunt in utriusque Scripti serie atque contextu. Ob eamque causam ista Conclusionis pars novâ refutatione non indiget. Sed refutatione; subdit Baccalaureus, indiget numerus 68. ubi ostenditur imaginarium esse tumultum Civium Bruxellensium, quos Palazolius fingit *tumultuariè & junctâ manu die 39. Januarii 1698. ivisse ad Palatium Archiepiscopi Mechliniensis, vocibus incompeditis, malè sonantibus, & vultu minaci petentes, ut in Plebanum seu Pastorem S. Gudulæ Bruxellis admitteret Illustrissimus Archiepiscopus Dominum van Eesbeecke ab insigni Capitulo ejusdem Ecclesiæ electum.*

Reliqua illius numeri licet prolixissimi recitavit Baccalaureus, & ita sonant; "Imaginarius est, quem Palazolius fingit, civium illorum tumultus: sed res ita se habet. R. Admodum atque Eruditissimus D. Petrus van Eesbeecke S. T. L. natus Vilvordix prope Bruxellas, Diocesis Mechliniensis, & pro eadem Diocesi primùm ordinatus Presbyter, deinde vocatus ad Pastoratam de Helverseel, Diocesis Gandavensis, indè ad Curam Pastorallem Civitatis Cortracensis postulatus ab Episcopo Tornacensi, ac tandem ab Illustri Capitulo S. Gudulæ Bruxellis in suam Diocèsim revocatus; & ob insignes doctes Pastorales & diuturnam in animarum cura experientiam unâ ferè omnium voce die 23. Decembris 1696. in ejusdem Ecclesiæ Plebanum canonicè electus, atque in possessionem missus, petiit ab Illustrissimo Archiepiscopo, concedi sibi curam Animarum. Recusavit hic; & eam se illi daturum negavit, nisi prius ab Episcopo Tornacensi impetraret veniam, seu *Exeat,*  
ut



„ut ajunt , ad Parochiam Cortracensem deferendam :  
 „prætexebat id tum juxta SS. Canones , tum juxta re-  
 „cens aliquod Episcoporum Belgii Decretum requiri.  
 „Cumque jam minaretur Electum omni jure & posses-  
 „sione acquisitâ ipso facto privare , nisi sibi istud *Exeat*  
 „compararet , coactus hic fuit supplicare Consilio Bra-  
 „bantix die 5. Octobris 1697. ut in sua possessione ma-  
 „nuteretur ; adeoque mandaretur Archiepiscopo Me-  
 „chliniensi tollere obstacula omnia , quibus illum à pa-  
 „cifica Plebanatûs functione arcebat , & concedere cu-  
 „ram animarum , quam prætectu *Exeat* nondum obten-  
 „ti negabat : esse siquidem novitatem in hisce Provin-  
 „ciis inauditam , quâ & Subditis Catholicæ suæ Maje-  
 „statis , & beneficiorum Ecclesiasticorum Patronis gra-  
 „ve detrimentum infertur. Dum variis effugiis rem tra-  
 „hit Illustissimi Archiepiscopi consilium , atque interea  
 „Parochiam S. Gudulæ Plebano suo viduam reliquit ;  
 „cives quidam sat magno numero , iique spectabiles ,  
 „ipsum adeunt , eâ quâ par est reverentiâ humillimè ro-  
 „gantes , ne diutius Gregem Pastore suo destitui permit-  
 „tat. Sed dum nullis eorum precibus flectitur , ex illis  
 „unus , Vir honoratissimus : Si , inquit , hic repulsam  
 „patiamur , ire cogemur ad Electoralem suam Celsitudi-  
 „nem , atque ab ea remedium postulare. Ad hæc Illu-  
 „strissimus Archiepiscopus : Ivistis adhuc , ire potestis  
 „iterum. Reposuit Civis , se non ivisse : neque id falsò  
 „aut mendaciter. Duriusculum tamen ( quod hic fileo )  
 „responsum accepit : cum interim cives nullis verbis  
 „incompositis aut malè sonantibus priùs usi dicuntur.  
 „Ceterum cum sententia in Concilio Brabantix jam con-  
 „cepta ac dicta esset 22. Martii 1698. quâ in possessione  
 „Plebanatûs manutenebatur D. van Eesbeeck , lis ami-  
 „cè composita est , omneque impedimentum ab Illu-  
 „strissimo Archiepiscopo sublatum. Nec multò post cum  
 „ingenti totius Parochiæ gaudio Pastorale officium obire  
 „cœpit vir zelotissimus , & hodiedum illud cum magno  
 „fructu pacificè administrat.”

Hæc à Baccalaureo recitata Ariovistus ita excepit ;  
 Non esse imaginarium • civium illorum tumultum ,  
 vel

vel ex hac ipsa tuorum narratione conficitur. Quid enim potest esse tumultuosius, quàm cives aliquot, homines laicos, facto agmine ad Palatium Archiepiscopi concurrere, ab eoque petere, ut hominem, qui suam Parochiam deseruit, admittat ad curam animarum in alia Diœcesi, sine licentia & litteris dimissoriis Episcopi, cujus Parochiam & Diœcesim deserit? Hoc autem illi cives Bruxellenses petierunt, ut hîc confitentur vel tui ipsi Theologi. Petierunt? inquit Venantius. Imo verò, ut iidem illi Theologi confitentur, Archiepiscopo ac Primati suo comminati sunt, se, si hîc repulsam patiantur, ituros ad Electoralem suam Celsitudinem, atque ab ea remedium postulaturos. An illæ voces, D. Baccalauree, non sunt incompositæ? An non malè sonantes? An non sunt minaces? An non tumultuosæ? Quomodo igitur iste civium tumultus dici potest imaginarius?

Eo modo, subnectit Ariovistus, dici potest imaginarius, quo imaginaria ab ipsis dicitur Janseniana hæresis. Sic etiam videntur velle insinuare imaginarios, esse sacros Canones, quos ad exigendas litteras Exitûs, contra illum Plebanum Archiepiscopus allegabat: aiunt enim; *Prætexebat id tum juxta SS. Canones, tum juxta recens aliquod Episcoporum Belgii Decretum requiri.* Nota tò prætexebat. An ergo illi Canones, rogat Baccalaureus, imaginarii non sunt?

Hanc interrogationem non tulit Venantius, & cum nollet in iis stabiliendis Canonibus temporis aliquid aut operæ ponere, Baccalaurei porrexit *Motivum Juris Canonici de Translatione Parochorum*, quo aseritur *Regula Canonica*, non licere, Parochum desertâ suâ Parochiâ, transire ad ministerium alterius Parochiæ in alia Diœcesi, sine licentia & litteris dimissoriis Episcopi, cujus Parochiam & Diœcesim derelinquit, autore Petro Govarts Catholice sue Majestatis in Magno suo Concilio Mechliniæ Consiliario, Archiepiscopi ejusdem Provinciæ Vicario Generali. Porrexit quoque ejusdem Autoris *Replicam ad libellum cui titulus Réponse au Motif du Droit public en Latin.* Dixitque, cum tibi otium fuerit, D. Baccalauree, perlege utrumque Opusculum, & quàm non sint imaginarii illi Canones, vide.

videbis. Videbis, inquam, istos Canones jam inde ab ipsis nascentis Ecclesiæ primordiis ad hæc usque tempora sæpius repetitos esse in variis Conciliis per quatuor mundi plagas habitis, in iisque declarari, quòd licentia illa adeò necessaria sit, ut sine illa tam suscipiens quàm susceptus, vinculo excommunicationis irretiatur.

Sed illi Canones, asserit Baccalaureus, in hac Patria in usu non sunt. Ita quidem, ait Venantius, sentiunt tui Theologi, utpote qui dicunt *esse novitatem in hisce Provinciis inauditam, quæ & subditis Catholicæ suæ Majestatis, & beneficiorum Ecclesiasticorum Patronis grave detrimentum infertur*. Verùm non esse hanc novitatem in hisce Provinciis inauditam, evincitur per attestaciones omnium Belgii Episcoporum, Vicarii Apostolici Silvæducensis, Vicariorum Generalium Diocesis Tornacensis & Examinatoris Synodalis Mechliniensis, qui omnes testati sunt non solere quemquam in suis Diocesisbus admitti ad curam animarum, nisi priùs exhibuerint istud *Exeat* sive facultatem Episcopi sui ad aliam Diocesim migrandi.

Tum, ne qua Baccalauro relinqueretur dubitandi ratio, singulas singulorum attestaciones Venantius prælegit, nec non addidit exempla variorum, qui quòd istà sui Episcopi facultate carerent, propterea ad suam Diocesim remissi sunt. Ipse, adjiciebat Venantius, ipse D. Van Eelbeeck, ut cernere est in Actis & Registro Episcopatus Gandavensis, non inde priùs transivit ad Diocesim Tornacensem, quàm à Gandavensi Episcopo veniam exeundi obtinuerat. Et quod amplius est, numquam poterit assignari ullus Pastor, qui sese Pastoratu in hisce Provinciis abdicavit, invito & reluctante Ordinario, quemadmodum Episcopus Tornacensis reluctatus est abdicationi Pastoris Cortraceni.

Quid itaque, inquit Ariovistus, illi Theologi vociferantur hanc *esse novitatem in hisce Provinciis inauditam*? Sed agedum, D. Baccalauree, fac ita esse. Regula illa Canonica in his Provinciis non fuerit in usu. Nihil adhuc proficiunt tui Theologi: Etenim ex nudo non usu necessario non potest inferri deficiens usus seu utendi.

potestas L. *de quibus* in fin. & ibi Doctores de legibus. Imo licet defecisset usus ille, & invaluisse consuetudo Regulæ non consentiens, corruptela censenda hæc foret & consuetudo mala, adeoque ab Episcopis eradicanda: nam non sequi, sed penitus eradicare oportet malam consuetudinem C. *consuetudo* 8. dist. Panorm. in C. *cum causam* de Elect. Non enim debet attendi quod fortè non rectè factum est, sed potius quod fieri debuit L. *sed licet* de offi. Præsid. Sic Concilium Nicænum primum can. 15. Carthaginense sextum can. itidem 15. Parisiense sextum can. 36. & alia Concilia *consuetudinem* quæ contra Regulam est in hac materia omninò excindi & auferri voluere. Et ne longius evagemur, tertius Mechliniensium Archiepiscopus Matthias Hovius in sua Oratione exhortatoria ad universum Clerum in Concilio Provinciali anno 1607. congregatum, ita loquitur; *Nemo contra id quod verum, iustum, & sanctum est, quod Canonibus veteribus, quod denique novo juris sacrosancti Concilii Tridentini conforme, .... consuetudines alleget: sed evelli obedienter patiat, quod per inolitam consuetudinem male succrevit, ut meliori plantæ locus fiat: nemo hic jus acquisitum contra jus in sacris Canonibus. .... sancitum alleget.*

Neque obest, prosequatur idem Ariovistus, quod (ut dicunt illi Theologi) Dominus Van Eesbeeck *natus sit Vilvordie prope Bruxellas, Diœcesis Mechliniensis, & pro eadem Diœcesi primum ordinatus Presbyter.* Hoc, inquam, nihil obest, quo minus testimoniales & litteras *Exitus* afferre debuerit: Quia ubi Canones non distinguunt, nec nos distinguere debemus. Et nonne octo & viginti annis, quibus à Diœcesi Mechliniensis iste Dominus absuit, potuit Canonico impedimento irretiri? Ergo etiam juxta Bullam Innocentii Papæ XII. incipientem *speculatores* circa Ordinandos, testimoniales Episcoporum Domicilii afferre debuit. Profectò, subdit Venantius, si sine illis litteris post 28. annorum absentiam omnes Diœcesani (nam par pro omnibus eadem militare debet ratio) possent ita reverti, jam facinorosi atque inhabiles sese ingerent in curam animarum, & oves lupis committentur.

Solers

Solers observatio ! acclamat Ariovistus. Et hoc est etiam unum ex fundamentis, quibus sanciti hac de re Canones præcipuè innituntur. Jam adhuc, D. Baccalauree, clamitent tui Belgæ Theologi, hæc ratione procedendi & *subditis Catholicæ Suæ Majestatis, & Beneficiorum Ecclesiasticorum Patronis grave detrimentum inferri.* Grave detrimentum est scilicet ab Ecclesiis Belgicis propulsare periculum, easque securas reddere quod aliundè adventantes Pastores sint homines frugi, probatæ fidei atque doctrinæ, neque ullo impedimento Canonico illigati. Grave detrimentum est, inquam, Episcopos invigilare, ne subditi Catholicæ Suæ Majestatis, & Christi sanguine redemptæ oves credantur lupis rapacibus, ne gregem occupet hæretica scabies, aliave pestis depopuletur. Mitto plura alia quæ in hanc rem afferri queant, & solum quæro ex te, D. Baccalauree, quo jure tui Theologi hæc in Scripto publico commemorent Dominum Van Eesbeeck confugisse ad Concilium Brabantiae. Hic veritatem dicunt mei Theologi, respondet Baccalaureus; quia iste Dominus hoc reipsa fecit.

Scio, inquit Ariovistus, & antea confugerat ad sanctius Regis Consilium. Sed sanctius Consilium, audito Archiepiscopo, cum dimisit: agnoscebat enim hanc materiam ad suam nequaquam spectare cognitionem. Cur & hoc tui Theologi non commemorant? Scio ergo, D. Baccalauree, Dominum Van Eesbeeck verè ad Consilium Brabantiae confugisse; ei que supplicasse, *ut in sua possessione maneretur.* Sed tantum quæro, quo jure & quâ caritate id publicè narrare potuerint. An ergo putant tali narratione non lædi famam Domini Van Eesbeeck, neque scandalizari Christianum populum? præsertim cum id factum fuerit paucis post mensibus, quàm Episcopi Belgii Breue S. D. N. Innocentii XII. auctoritate suâ & prædecessorum suorum Constitutionibus inhibentis effugia ad Laica Tribunalia die 24. Novembris anno 1696. Romæ datum, per Belgium promulgant, & dictas Constitutiones in Decretis suis pro insertis habentes, earumdem observantiam omnibus ac singulis seriò inculcaverant, in prævaricatores, quemad-

in dictis suis Decretis declarabant, sedulo animadverturi.

Quid ille Pastor fecisset aliud? inquit Baccalaureus. Nam Archiepiscopus, ut nunc audistis ex meis Theologis, *minabatur Electum omni jure & possessione acquisitâ ipso facto privare, nisi sibi istud Exeat compararet.* Debuisset igitur, inquit Venantius, sibi ab Episcopo Tornacensi comparare istud *Exeat*, & non refugere ad Tribunal seculare. Tunc iterum Baccalaureus; Episcopus Tornacensis istud dare recusabat. Nihil hoc, ait Venantius, Pastorem Cortracenum purgat: etenim si ille Pastor censeret Episcopum suum Tornacensem id recusare sine justa causa, quod quidem præsumendum non est, debuisset ad Superiorem ejus Metropolitanum Archiepiscopum Cameracensem, vel Judicem Apostolicum recurrere juxta cap. *Nullus* & *de jure patr.*

Hoc ipsum consilium, inquit Ariovistus, D. Pastori suggerit Archiepiscopus Mechliniensis; imo inquebat hic æquissimus Antistes, Si existimes, Domine Pastor, ex recusatione mea læsum esse te, eo quod causa recusationis tibi videatur insufficiens, utere remedio ordinario appellationis ad Judicem Apostolicum ab Internuntio Belgii designandum juxta C. *Unam sanctam de Maj. & obedientia in extravag. commun.* An quid poterat dici æquius? Tamen Pastor non ad Archiepiscopum Cameracensem Metropolitanum Episcopi Tornacensis, non ad Summum Pontificem aut ejus in partibus Internuntium, ut par erat, sed denuò ad Judicem Laicum, ad Concilium Brabantiae recurrit contra inchoatum per Monitoriales ab Archiepiscopo judicium in materia merè spiritali circa observantiam SS. Canonum & Disciplinam Ecclesiasticam. Dic modò, D. Baccalauree, quid hoc est aliud, quàm ab Episcopali recusatione approbationis ad exercendam curam animarum appellare ad Judicem Laicum? Nonne, id vetitum est non solùm per sacros Canones, sed etiam per Decreta Regia & Concordata?

At Dominus Van Eesbeeck, inquit Baccalaureus, jam Plebaniae possessionem adiverat, in eaque petebat

à Brabantiae Consilio manuteneri. Hanc objectionem ubi Venantius audiverat, tantum non ipsi bilis commota est. Mitiùs tamen respondit Baccalaureo, quàm objectionis indignitas postulare videbatur. Quid? inquit, tu D. Baccalauree, tuique Theologi audetis de hac possessione mentionem injicere? Ego totis artibus contremisco, quoties subit nefasta illa dies, quâ Domino Van Eesbeeck coram vidî illam possessionem dari. Fortè Baccalaureus, dicit Ariovistus, non scit modum quo data est ista possessio, ceterasque circumstantias omnes; & ego ipse eas libenter intelligam ex teste oculato; quare amicissime Venanti, quæso te, eas nobis edisere.

Continuò dixit Venantius; Quamquam animus meminisse horreat, tamen quoniam ita vis, rei totius ferriem pandam ordine. Die 16. Aprilis anno 1697. à meridie mittit ad Archiepiscopum Mechliniensem Dominus Van Eesbeeck Notarium, qui requirat, ut dignetur Archiepiscopus curam animarum Plebaniae Bruxellensi annexam ceteraque necessaria dicto Domino conferre; & in casu ulterioris recusationis aut dilationis protestetur de damnis & interesse, ut vocant. Cum autem eo tempore Archiepiscopus impediretur, ita ut non posset positivum ab ejus Ministris responsum dicto Notario reddi; eodem tempore pomeridiano sine ulteriore requisitione; sine scientia Archiepiscopi, sine institutione autorizabili aut approbatione ad exercendam curam animarum, non agnito ad hoc Capitulo S. Gudulæ (ex quo Canonicus Cantor juxta ejus statuta solet Plebanum & Beneficiatos in possessionem introducere) Dominus Van Eesbeeck non per dictum Cantorem, sed per Notarium introduci se finit. Notarius homo Laicus ei Sedem Confessionalem, Cathedram Concionatoriam, Baptisterium, & quo nihil potest excogitari indignius, etiam Sanctissimi Sacramenti Tabernaculum aperit; in contemptum Archiepiscopi omniumque Belgii Episcoporum tunc Bruxellis præsentium, cum scandalo populi, qui tunc in templo frequens aderat. En, D. Baccalauree, qualem possessionem hîc tui jaçitent Theologi.



Crediderim ego, inquit Ariovistus; Episcopos non minus ingemiscere ad istam jaçantiam, quam ad factum ipsum ingemuere. Hoc & ego crediderim, subdit Venantius; & quam altè ad illud factum Episcopi omnes ingemuerint, non habeo dicere.

Cum adhuc recens esset, inquit Ariovistus, præclari illius facti memoria, aliquis ad me scripsit, quòd Archiepiscopus eodem illo die se ei Domino paratum obtulerat ad omnia, quæ fieri in ejus commodum permitteret religio. Id verum esse asseverabat Venantius; Et semper aliàs, idem Venantius adjiciebat, Illustrissimus illum Dominum benignissimè exceperat. Tandem 22. Aprilis prædicti anni Archiepiscopus, ut palam ostenderet se tantum velle observare SS. Canones, insinuari Domino van Eesbeeck jubet Monitoriales, quibus eum monet & hortatur, ut quam primum curet amoveri obstaculum, quo ab animarum cura arceatur, proveniens ex positiva renitentia Ordinarii sui, nempe Episcopi Tornacensis recusantis ei licentiam dimittendi Parochiam suam Cortracepam. Pastor ille, acceptis his literis, contra Archiepiscopum recurrit ad sanctius Regis Consilium, à quo, ut rectè Arioviste dixisti, rejectus est. Archiepiscopus interea non videns ullam à Pastore adhiberi diligentiam, ut ab Episcopo Tornacensi iste consensus obtineretur, misit ulteriores ad Pastorem Monitoriales, assignans ei mensem à data Monitorialium pro secundo ac peremptorio, nec non alterum subsequentem mensem pro tertio & omnimòdo termino, infra quem sæpe dictam licentiam sive *Exeat* sibi procuraret sub pœna privationis. Et in hoc Archiepiscopus secutus est canones allegatos apud Fagnanum in cap. *Admonet* & *de Renunc.*, scilicet ut curis animarum quam posset citissimè prospiceret.

Hanc narrationem Venantius absolverat, cum Ariovistus scienter & argutè insert; Ergo Archiepiscopus non ipso facto, ut aiunt Belgæ Theologi, sed tamquam Judex & ex officio Episcopali voluit istum Pastorem prætenso jure & possessione privare.

Nequiter etiam, inquit Venantius, ab iisdem Theologis

logis in fine dicitur; *Ceterum cum sententia in Concilio Brabantiae jam concepta ac dicta esset 22. Martii 1698. quae in possessione Plebanatus manutenebatur D. van Eesbeeck, his amicè composita est, omneque impedimentum ab Illustrissimo Archiepiscopo sublatum.* Nequiter, inquam hoc dicitur, & ad famam Illustrissimi denigrandam. Quasi verò fortissimus illè Archipræsul non fortius stetisset pro immunitate Ecclesiastica, & causam merè spirituales permisisset judicari in Tribunali Laico, & latæ in eo sententiæ contra Ecclesiæ Canones obtemperasset. Non sic egit profecto, non sic, sed contra temeritatem Pastoris ad summum Pontificem, ad Christi Vicarium per fugit, & contra Judicem secularem ad Scenissimum Electorem. Hic dignatus fuit inhibere Consilio Brabantiae, ne ulterius in hac materia procederet, donec aliter statutum fuerit; ille petere informationes ab Illustrissimo ac Reverendissimo Belgii Internuntio, ut de hoc casu judicaret.

Tum Baccalaureus dixit; *Lis tamen amicè composita est, omneque impedimentum ab Illustrissimo Archiepiscopo sublatum.* Vis dicere, inquit Venantius, *ab Illustrissimo Episcopo Tornacensi*: hic enim facultatem seu Exeat ad Parochiam Cortracensem deferendam D. van Eesbeeck tandem concessit. Et ipse Dominus van Eesbeeck Mechliniensi Archiepiscopo satisfecit. Atque hoc pacto *lis amicè composita est.* Aveo scire, ait Baccalaureus, quid Dominus van Eesbeeck egerit ad satisfaciendum Archiepiscopo.

Si, inquit Venantius, hæc te cura remordeat, hoc tibi perlibenter dixero. Ausculta igitur. *Omnia quæ contra Illustrissimum ac Reverendissimum Dominum Archiepiscopum Mechliniensem acta aut attentata sunt per se vel per Procuratores suos, tam in Concilio Brabantiae quàm quolibet alio modo, improbavit ac ab iis destitit. Protestationi suæ per Notarium N..... die 16. Aprilis anno 1697. factæ & sententiæ contumaciali in dicto Concilio ex parte sua obtentæ renuntiavit, totumque processum, in quantum in se est, annullavit ac pro non acto haberi voluit... Quòd ante licentiam... deferendi Pastoratum Cortracensem, & exeundi è Diocesi*

*Tornacensi ad Mechliniensem juxta modum & formam ordinariam, à prædicto Illustrissimo Domino requisitam, excesserit per irregularem procedendi modum aut alias, de hoc absolutionem veniamque enixè flagitavit. Imposterum omnem reverentiam Illustrissimo Domino Archiepiscopo debitam promisit. In quorum omnium & singulorum fidem, manu propria subscripsit die 23. Augusti 1698. Quamquam quid hæc ego tibi commemoro? Accipe potius, D. Baccalauree, ipsum exemplar, istud describe, & ostende tuis Theologis, ut si forte eum secuti sunt peccantem, sequantur & pœnitentem.*

Jam solum superest, inquit Ariovistus, istud quod hîc Belgæ Theologi filere se aiunt, nempe *Duriusculum responsum* cuidam civi ab Illustrissimo datum. Scisne, Venanti, quodnam illud fuerit? Scisne tu, D. Baccalauree? Ah! Arioviste, respondit Venantius, ne nos istud responsum sollicitet. Quivis satis novit licitum esse Archiepiscopo ac Primati Belgii, tumultuantem civem duriusculo responso rejicere. Quis hoc ipsi vitio vertat? Hic numerus resutatûs est satis, ait Ariovistus. Relinquamus igitur Dominum van Eesbeeck in pacifica sua possessione, ut pergat vir ille zelotissimus Pastorale officium cum magno fructu pacificè administrare.

Doleo sanè, inquit Venantius, quodd illi Belgæ Theologi nos hæc de illo viro enarrare coegerint. De ipso tamen mereimur meliùs, quam alii illi Belgæ: non enim, ut illi, laudabilem ipsius resipiscientiam præterivimus. Humanum est peccare, nolle resipiscere diabolicum. At minori cum sensu quædam de D. Gummaro Huygens enarranda jam sunt. Hic dant Belgæ Theologi totum numerum sequentem. Non immeritò, clamat Baccalaureus, & hîc debuissent inulto acriùs, quàm fecerunt, excipere Palazolium, utpote qui in Memoriali suo num. 104. in fine audet dicere *celebrem Doctorem Gummarum Huygens à Facultate Theologica strictiore Lovaniensi rescissum fuisse mandato sue Majestatis & Sedis Apostolicæ, tamquam omnium Belgii Novatorum caput, & ut talem notum omnibus.*

Ad hoc autem respondent mei Theologi non minùs succinctè,

cinctè, quàm mansuetè, saltem pro rei gravitate;” Quot  
 „verba, tot contumeliæ. Verum non est, Doctorem  
 „Huygens à Facultate strictiori Theologica rescissum  
 „fuisse. Verum non est, eum rescissum fuisse mandato  
 „suæ Majestatis. Verum non est, rescissum fuisse man-  
 „dato Sedis Apostolicæ. Verum non est, rescissum fuis-  
 „se tamquam omnium Belgii Novatorum caput. Verum  
 „non est, eum ut talem notum esse omnibus. Sed vera  
 „sunt hæc. I. Unanimi Magistrorum omnium suffragio  
 „eum in Facultatem strictiorem Theologicam ab annis  
 „plusquam undecim adlectum. II. Ejusdem Facultatis  
 „Munia illum obiisse. III. Suadentibus quibusdam Mini-  
 „stris Regiis, ultro eum à muniis illis obeundis pacis  
 „causâ destituisse. IV. Promisisse eosdem Ministros Re-  
 „gios, fore ut intra paucos menses iisdem restitueretur.  
 „V. Cum molirentur Æmuli loco eum suo exturbare,  
 „à Consilio Brabantiae litteras Manutentiae, ut vocant,  
 „illum petiisse. VI. Jus dixisse Consilium Brabantiae &  
 „Manutentiae litteras concessisse; sed malevolorum quo-  
 „rundam artibus impeditum, ne expedirentur. VII.  
 „Non potuisse ipsius æmulos post tot annorum labores  
 „quidquam proferre, quo eum Novatorem esse proba-  
 „rent. VIII. Innocentiam ipsius & integritatem Orbi  
 „tori notam esse, Accusatorum verò ipsius calumnias  
 „omnibus manifestas.

Itane verò? inquit Arioivstus. Mansuetè hîc loquun-  
 tur tui Confoederati Theologi? Liccat igitur & mihi uti  
 tam mansuetâ loquendi ratione, *Quot verba, tot contu-*  
*meliae.* Verum non est, dixisse Palazolium, quòd Do-  
 ctor Huygens à strictiore Facultate Theologica *rescissus*  
 fuerit, sed tantùm dixit quod ab eadem Facultate *suspensus*  
 fuerit sive *exclusus*. An Gummarum Huygens *suspensus*  
 fuisse negare audebunt tui Theologi? Id consentitur ipsi  
 in altero libello supplicis Statibus Brabantiae oblato, &  
 ad hujus Confutationis calcem pag. 80. à Belgis Theo-  
 logis prolato. Sed Palazolius, objicit Baccalaureus,  
 usurpat vocem Hispanicam *desterrado* quam mei Theo-  
 logi Gallicè vertunt *retranché*, id est, *rescissus*. An sic  
 vertunt rectè? rogat Arioivstus. Certè eandem Hispan-  
 nicam

nicam vocem vertunt iidem Theologi num. 51. *Banni*, id est, *extorris*, sive *exclusus*. Ita etiam eandem vocem vertunt num. 30. & rectè quidem, subjungit Venantius: ea est enim Hispanicæ illius vocis propria ac germana significatio.

At hîc, inquit Ariovistus, opus erat illam alio modo vertere ad fucum faciendum. Summa. Verum est, Doctorem Huygens, ut ait Palazolius, exclusum sive suspensum fuisse à strictiore Facultate Theologica, idque mandato tum suæ Majestatis, tum etiam Sedis Apostolicæ. Mandatum suæ Majestatis declaratum fuit anno 1683. per Brabantix Cancellarium D. Christyn, suæ Sanctitatis autem per Internuntium Tanara, nunc S. R. E. Cardinem.

Id quod Ariovistus jam dixit, ait Venantius, probare possum ex Epistola ejusdem Internuntii. Tum Epistolam in manus accipiens, ita affatus est Baccalaureum; D. Gummarus post hanc exclusionem accessit prædictum Internuntium petiturus consilium, quid facto opus esset ad sese purgandum Sedi Apostolicæ, cujus nomine Internuntius processerat. Internuntius verò in his, quas in manibus habeo, litteris declarat, quòd Doctorem Huygens exhortatus fuerit, ut refugeret ad Sedem Apostolicam, eidemque redderet & doctrinæ & personæ suæ rationem, cumque sciret se pariter à Catholica sua Majestate exclusum, ad eandem consimiliter refugeret. Verùm " non placuit Doctori Huygens hoc meum consilium, inquit præfatus Internuntius, vel saltem non est illud secutus, quamdiu ego habui honorem istic habitandi, & si res non sint mutata postea, apparet evidens, quòd duret ad ipsius gravamen exclusio tam Romana, quàm Hispanica, & quòd sine injuria utriusque aulæ, non possint audiri ipsius querimonix & instantix, ne extra judicium quidem." Hæc, quæ Internuntius scripserat Italicè, ita Latinè efferebat Venantius.

Tum Ariovistus; Jamne vides, D. Baccalauree, inquebat, jamne sentis, Doctorem Huygens à strictâ Facultate fuisse exclusum jussu & Regio & Pontificio?

Hîc

Hic prætereo duos vel tres illius Doctoris Confœderatos anno 1684. Bruxellis ad Regium Consilium sanctius citatos fuisse ac graviter correptos, eo quòd fuissent ausi conqueri, quòd " cum anno præcedenti in festo S. Hieronymi à Facultate sint exclusi quinque Doctores. .... Internuntius Apostolicus in hac exclusionem, Ministris Regiis id attentantibus, fuit Consiliis junctus, ipseque præ ceteris liberius Doctoribus Facultatis Theologicæ, Bruxellas evocatis, illam exclusionem intimavit." Prætereo multa alia, ut aliud tuorum Theologorum mendacium detegam. Falsum est, Doctorem Huygens, postquam à Francisco van Vianen commendatus fuerat tamquam non amplius exclusus, *unanimes Magistorum omnium suffragio in Facultatem strictiorem Theologicam adlectum*. A majori parte quidem adlectus fuit, sed non ab omnibus. Si dubites, D. Baccalauree; interroga Reverendissimum D. Steyaert qui isti vitiosæ electioni interfuit. Id agam, reponit Baccalaureus; interim hoc verum est, *eiusdem Facultatis munia illum obisse, & ultro pacis causâ destitisse*.

Ad hoc revincendum, inquit Arioivstus, sufficit expendere, quòd Internuntius Apostolicus die 14. Decembris anno 1687. scripserit mentem esse Sux Sanctitatis, ut Huygens maneat suspensus à functione, quam in stricta Facultate occupaverat. Non igitur ultro & suadentibus quibusdam Ministris Regiis à muniis illis obeundis Doctor Huygens pacis studio destitit, ut nunc asserit illa Theologorum turba; sed qui anno 1683. unâ cum quatuor aliis Regio & Pontificio decreto exclusus fuerat, is anno 1687. die 30. Septembris perperam electus, die 14. Decembris Pontificio decreto suspensus fuit. Imò, subdit Venantius, Sedes Apostolica perpetuis illius Doctoris exœffibus fatigata tandem decrevit, ut ejus in stricta Facultate locus declararetur vacans, quemadmodum cernere est ex litteris Internuntii Piazza die 17. Februarii anno 1691. datis.

Hic dictis, Venantius istarum litterarum exemplar ostendit Baccalaureo, qui cum illud legisset, dixit; Nondum video exclusum fuisse *tamquam omnium Belgii*  
 Nota-

*Novatorum caput.* Confestim Ariovistus quæsit, quam ob aliam causam exclusus fuerit? Age, D. Baccalauree, ostende nobis causam aliam. Ostende quis alius Novatorum caput sit in Belgio post obitum Doctoris van Vianen, nisi Dominus Gummarus. Abest quoque à vero quòd dixerit Palazolius, *eum ut talem notum esse omnibus*, licet id verè dici possit. Ejus verba expendamus. „Fama est, inquit Palazolius, Consilium Brabantiae al-  
„laborare ad restituendum celebrem Doctorem Gum-  
„marum Huygens, exclusum à dicto Collegio per De-  
„cretum suæ Majestatis & per Sedem Apostolicam;  
„tamquam omnium Belgii Novatorum caput, quem-  
„admodum notorium est omnibus.” Ubi hæ ultimæ particulae *Quemadmodum notorium est omnibus*, afficiunt exclusionem, non orationem illam incidentem. Ecce iterum infida versio ad imponendum populo.

Dum hæc ab Ariovisto satis subtiliter proferebantur, Venantius inspiciebat textum Adversariorum, & mox inquiebat; Quod Belgæ Theologi hîc dicunt Consilium Brabantiae egisse de restituendo Doctore Huygens, id Palazolii orationem corroborat potius quàm infirmat. Neque Palazolius id de illo Consilio asseverat, sicut Belgæ Theologi, sed tantum ait id per famam divulgari. Verumne sit an falsum, Palazol non dicit. At verum esse apertè dicunt tui Theologi. Igitur si hîc Pater Palazol peccaverit, tui Theologi peccarunt multo magis. Hîc quo se verteret, Baccalaureus nesciebat. Tandem arripuit suorum Scriptum, ex eoque iterum recitavit punctum VII. & VIII.

Ilicò Ariovistus; Quid? inquiebat. An Doctor Huygens non probatur *novator* ex jam dicta exclusionem & suspensionem? An non probatur *novator* ex libro quem inscripsit *Methodum remittendi & retinendi peccata*, & quem suprema Inquisitio Toletana damnavit? An non probatur *novator* ex Compendio Theologiæ quod Roma prohibuit? An non probatur *novator* ex famosis Theſibus de Castitate, in quibus omne luxuriæ genus & circumstantias omni ætati tam periculose exhibuit, ut eas Concilium Brabantiae publico Decreto prohibuerit ac suppresserit?



ferit? An non probatur *novator* ex variis, quas de sacro Confessionis sigillo excitavit quæstionibus? An non probatur *novator* ex praxi administrandi Sacramenti Pœnitentiæ, ob quam omnes quinque Belgii Episcopi Bruxellis anno 1697. congregati censuerunt hanc potestatem ei revocandam esse, prout Archiepiscopus Mechliniensis reapse revocavit? An non probatur *novator* denique ex multis propositionibus per Belgii Episcoporum Deputatum Romæ accusatis & illic censuratis provisionaliter? Eant nunc Belgæ illi Theologi, & *innocentiam* sui Gummari *toti Orbi notam esse* jactitent.

Talia, subdit Venantius, jactitare numquam desinent, & simile quid invenio in Donatistis, de quibus ita Baronius ad annum Christi 313. "Mira res! cum enim ipsum Melchiadis, & Coëpiscoporum judicium de condemnatione Donati, & Cœciliani absolutione sic fuerit toto Orbe Christiano vulgatum.... tamen eò impudentiæ atque procaciæ pervenerunt Donatistæ, ut petulanter jactarent, causam tunc adjudicatam fuisse Donato; Cœcilianum verò tulisse posteriores. Jactant istæ illi inter suos, ut eos in officio continerent; re autem in magna Episcoporum collatione ad judicem perlatâ, risu & sibilis digni habiti sunt." An hîc Donatistas non imitentur Belgæ illi Theologi, statui potest ex antè dictis.

Hîc etiam, ait Ariovistus, imitantur Julianum Pelagii Hæresiarchæ Discipulum. Etenim Pelagio, atque Cœlestio, ceterisque Pelagianæ impietatis convincendis pœnam exilii decreverat Honorius Imperator, sicut Rex Catholicus & supremus Pontifex Doctori Gummario decrevit prædictam exclusionem. Sanctionem Imperatoriam ludificari ausus est Julianus usque eò ut assereret, scriptoque jactaret, pro se suisque responsum esse ab Imperatore. Vide, D. Baccalauree, an Sanctionem Regiam pariter non ludificentur tui Theologi, ac præcipuè Gummarius ipse dum in libello supplice, quem Regi Catholico Madriti obtulit, audet asserere *certum esse quòd suâ sponte destiterit ab obeundis strictioris Facultatis muniis sine ullo Decreto aut Mandato Superiorum neque*  
Eccle-

*Ecclésiasticorum, neque Secularium.* Quid, quòd Gurnmarus Julianum multum exuperet: numquam enim hic ausus fuit ita *publicas potestates* allegare, ut discimus ex S. Augustino, qui lib. 3. contra Julianum cap. 1. hanc ejus jactantiam omnis veritatis expertem castigat, inquires; *Sanè, ut dicis, si pro vobis potius ab Imperatore responsum est, cur non in medium proflitis, & hoc ultrò PUBLICIS POTESTATIBUS allegatis?*

Hæc ubi Ariovistus finierat, visum fuit scrutari illa quæ in conclusione dicuntur præterea. Sed nihil deprehensum est, ad quod in superioribus dissertationibus non responderint, aded ut diceret ipse Baccalaureus; Hic mei Theologi paucis multa complectuntur & satis solida. Et licet tu, Venanti, ac Congerero tuus Ariovistus ad ea omnia antè responderitis, tamen nihil adhuc labefecistis. Tam levia sunt vestra argumenta omnia, minimeque idonea quæ me de sententia dejiciant. Dicite vos itaque quodcumque volueritis, plus apud me valebit meorum Theologorum autoritas, quàm contorta vestra & aculeata sophismata.

Hoc Baccalaurei dictum meritò riserunt Ariovistus & Venantius: quid enim egissent potius? Cernentes itaque majorem esse Baccalaurei pertinaciam, quàm ut suis dissertationibus quidquam apud eum proficerent, deinceps collocuti sunt de rebus aliis, & plusculum modicis deambulationibus indulgere, saltem per dies aliquot, donec afferrentur Reverendissimi D. Steyaertii ad Venantium litteræ, quibus jungebatur aliquod Lovanii Impressum folium.

Hujus litteras postquam Lovanio acceperat Venantius, non statim illas prælegit Baccalaureo, sed voluit illius animum ancipiti expectatione aliquandiu suspendere. Quo factum est, ut secundum illud Poëtæ Tragici *Quod nimis miseri volunt, hoc facile credunt*, Baccalaureus subinde existimaret Reverendissimi Domini Steyartii ad Venantium litteras favere suis Theologis Belgis. Idque oblata occasione non obscure innuebat, inquires; Si litteræ Steyartianæ vobis faveant, quin eas producis? Tandem ipse Venantius, impatiens longioris moræ, prælegit folium ante dictum, & tale est.

MEN.

## MENDACIUM NOVUM

Eorum qui se vocant

## BELGAS THEOLOGOS,

Omni luce luculentius.

- „**I**N Libello novo anonymo nuper edito, cui Titulum  
 „ dedere, *Confutatio Memorialis P. Palazol*, pag. 24;  
 „ post memoratam & oppugnatam tantisper explicatio-  
 „ nem quam dederat P. Palazol Brevis primo SS. D. N.  
 „ Innocentii XII. ad Episcopos Belgii, de non repellen-  
 „ dis prætextu Janenismi ab Officiis, muniis, &c. nisi qui  
 „ servato Juris ordine eam poenam commervisse probati fue-  
 „ rint; addere dignantur hi *Belgæ Theologi*: *Accedit*, aiunt,  
 „ quod cum eandem illam cavillationem, in Schola Lovanien-  
 „ si jactare non desineret Doctor Steyaert, jam pridem silere  
 „ ex Urbe jussus sit, & Breve Apostolicum tam de Officiis  
 „ & Beneficiis obtinendis, quam de obtentis intelligere. Si  
 „ de hoc dubitet Palazolius; Doctorem Steyaert interroget  
 „ non poterit hic factum Belgio notissimum negare. Ita illi.  
 „ Parùm interest, qualis sit ista suprâ dicta explicatio  
 „ Palazolii; quamquam ex jam dictis & mox dicendis  
 „ aliquid intelligi de ea possit; breviter sufficiat ad osten-  
 „ sionem hujus luculentimendacii, quod hodie à me di-  
 „ ctum est in Schola Publica, & hîc repetitur.
- „ 1. Coram Deo protestor, me neque ex Urbe, ne-  
 „ que aliunde, unquam jussum esse silere super re aliqua  
 „ hanc materiam repulsæ attingente.
  - „ 2. Tantùm abesse ut hoc factum sit Belgio notissimum,  
 „ ut ne de eo unquam vel per rumorem aliquid audie-  
 „ rim.
  - „ 3. Si de contrario saltem probabiliter convinci potue-  
 „ ro; tum velle me infamem & omni fide indignum ha-  
 „ beri.
  - „ 4. Si verò non potuero; tum petere Me, ut tanquam  
 mens-

„mendaces audacissimi, & omni in posterum fide indig-  
 „ni habeantur hi *Belgæ Theologi*; qui etsi nomen suum  
 „pro more premant, latere tamen nec possunt, nec ipsi  
 „volunt.

„ Ut verò unà disertè exprimam, quæ mea sit senten-  
 „tia, & semper fuerit, circa intellectum suprà dicti Bre-  
 „vis Apostolici de non repellendis qui juris ordine pro-  
 „bati non fuerint Jansenistæ, Rigoristæ &c. : candidè  
 „profiteor (cum submissione debitâ ad iudicium S. Se-  
 „dis) me nunquam crediturum, velle SS. D. N. Pa-  
 „pam, ut munus adeoque Sacramentum Sacerdotii ne-  
 „gare non possit ei, quem Episcopus seu Ordinarius pro-  
 „babiliter, imò certò, noverit esse vel Jansenistam, vel  
 „Calvinistam, vel Concubinarium, vel Magum v. g.  
 „si hic juridicè convinci non possit esse talis. Addo, quòd  
 „nulli id minùs prætereundum, quàm qui ad colla-  
 „tionem Sacramentorum, etiam tantò inferiorum Or-  
 „dine Sacerdotii, requirunt in conferente moralem cer-  
 „titudinem de suscipientis dignitate. In hac professione  
 „vivere & mori desidero; & in eadem à summo distri-  
 „cto Iudice judicari. Conserva, Deus, hanc volunta-  
 „tem. Lovanii 20. Junii 1699.

M. STEYAERT V. A.

Cum Venantius hoc folium prælegisset, nonne dix-  
 ram, inquit, hoc merum esse commentum? An jam  
 adhuc, D. Baccalauree, ægrè ferent tui Theologi in se  
 accommodari illud Isaïæ 28. *Posuimus mendacium spem*  
*nostram, & mendacio proteksi sumus?* Judicet orbis, an hoc  
 de iis non rectè dixerit Palazolius. Ecce autem, inquit  
 Ariovistus, in averfa folii parte adjicitur mendacium al-  
 terum, nempe *Attestatio DD. Vice-Pastoris & Custodis*  
*S. Catharinæ Bruxellis*. Deinde Ariovistus legit istam at-  
 testationem, & sic habet.

„ Infrascripti rogati dare Testimonium Veritatis de-  
 „clarant, quòd Lovanii in Schola Theologica nullus  
 præ-

præsidere possit Disputationibus publicis pro suscipiendis Gradibus Academicis, qui non sit Membrum Strictæ Facultatis Theologicæ. Insuper declarant quod sit assignata dies Lunæ proxima quæ est 1. Junii, ut Eximius D. Damen præsideat Disputationibus publicis tunc habendis, idque tamquam Membrum Strictæ Facultatis Theologicæ. Actum 30. Maii 1699. Signatum erat

G. Verschuren S.T.B.F.  
F. De Smet Pbr.

Qualis est ista attestatio? quærit Baccalaureus. Falsissima, responderi Ariovistus, & Reverendissimus D. Steyaert de hac perhibet sequens testimonium. *Attestationem supra oblatam in judicio, testor & testatur mecum Lovanium, non solum pro secunda parte falsissimam fuisse, sed nec rumorem talis rei auditum esse isto tempore. Lovanii 16. Junii 1699.*

Ne vos, ait Baccalaureus, viri estis mirabiles, qui plus uni Steyartio creditis, quam tot meis Belgis Theologis. Tum Ariovistus; Quinam sunt, inquit, tui isti Belgæ Theologi? quot? quales? Si viri honesti sint ac graves, cur se in fronte Confutationis suæ non nominant? cur latent? Hic iram diutius frænare non potuit Baccalaureus, & insalutatis Venantio & Ariovisto, foras se proripuit. Accurrunt hi subito, ut hominem revocare & placare conarentur, sed ille vento ocius evolarat. Postea famâ & auditione accepimus illum rectâ tetendisse Lovanium, & ibi inter suos de Venantio & Ariovisto cecinisse victoriam. Quâ in re Pascentium Arii sectatorem aliosque id genus homines imitatus est.

Hæc Baccalaurei fuga improvisa fuit atque inexpectata Venantio & Ariovisto: nam quis suspicaretur hominem festivæ sanè indolis, qui sub initium Dissertationum agebat tam moderatè ob spem impetrandi opulenti aliqujus Sacerdotii, qui postea etiam lepide jocabatur, & alii insultabat comiter, eosque acrius interdum vellicabât, qui jam multa devoraverat, qui tantâ cum humanitate antè discesserat, inde emerfurum tam inurbanè,

quò suâ sponte, nemine cogente, rediverat. Hujusce rei admiratio diu tenuit Venantium præcipuè, qui vehementer orabat sibi amicissimum Ariovistum, ut adhuc aliquamdiu apud se subsisteret. Verum Ariovistus huic ejus cupiditati obtemperare nequaquam poterat : cogebatur enim repetere suos, qui illius absentiam non ferebant diutiùs. Ergo postridie multo manè ad suos discessit, comitante aliquo usque Venantio, cui certum erat æstatem totam rusticando in villa procul à strepitu urbis transigere.

## F I N I S.

---

## A P P R O B A T I O N E S.

**D**ISSERTATIONES ARIOVISTI ET VENANTII, per NICEPHORUM BORRADIUM Sac. Theologiæ Professore[m] collectas ac digestas, legi attentè à principio usque ad finem : & quia in iis Ecclesiastica autoritas, variis Scriptis læsa, legitimè defenditur, censeo dignas, quæ lucem aspiant; nisi forte aliter visum fuerit Sedi Apostolicæ, cui me in omnibus lubens submitto. Datum Antverpiæ 26. Jun. 1699.

ANTONIUS HOEFSLACH  
Eccl. Cath. Can. Grad. Lib. Cenfor.

---

**L**Egi præsentēs DISSERTATIONES ARIOVISTI ET VENANTII per NICEPHORUM BORRADIUM conscriptas, quæ cum nihil omnino sapiant  
Ortho-

Orthodoxæ Fidei quod derogativum foret, sed potius ejusdem ex causis ibidem insertis potenter sint conservativæ; neque bonis moribus aliquid adversum, quin magis ad eosdem rite componendos mōnita salubria contineant, eapropter easdem pro veritatis propugnatione prælo publico committendas esse censeo. Colonix hac 28. Junii 1699.


JOANNES THEODORUS PONTINUS

*SS. Theol. Doctor. Protonotarius Apostolicus, Equestris Ordinis Melitensis Commendator ad SS. Joannem & Cordulam.*

---

**H**AS DISSERTATIONES ARIOVISTI ET VENANTII per NICEPHORUM BORRADIUM Sac. Theologiæ Professorem scriptas, quia plenæ sunt eruditione Scholasticâ, Morali, Historicâ, nec quidquam continent à Fide vel bonis moribus alienum, judico ad veritatis defensionem, & occulti Jansenismi cognitionem acquirendam utiliter edi. 1. Julii 1699.

CLAUDIUS LA CROIX SS.  
Theologiæ Doctor & in Universitate Coloniensi Professor Ordinarius.







# E R R A T A

## P R Æ C I P U A.

<i>Pag.</i>	<i>Vers.</i>	<i>Errata.</i>	<i>Corrige.</i>
8	13 <i>à fine</i>	tale	tales
14	3	ess	esse
24	24	ipse	ipsi
29	13	adstringit	adstringit
32	19	adundē	abundē
38	3 <i>à fine</i>	sacrificum	sacrificium
43	15	sua	sua
48	1	Bullas	Bulla
50	4	saluberrimus	saluberrimos
ibid.	16	<i>Pastor</i>	<i>Pater</i>
51	13 <i>à fine</i>	convenientius	convincētius
54	7 <i>à fine</i>	judicia	judicio
63	11	sed ubique	sed non ubique
ibid.	14 <i>à fine</i>	Gregorii VIII.	Gregorii XIII.
66	15	a scopus	ac scopus
ibid.	21	aboletā	abolitā
ibid.	6 <i>à fine</i>	cum Venantio	cum Baccalaureo
73	6 <i>à fine</i>	ex toto	& toto
79	23	an nullus	an ullus
84	9	tyranns	tyrannus
ibid.	22	<i>ipsam esse Massi-</i> <i>liam</i>	<i>ipsam Romam esse Massi-</i> <i>liam</i>
85	9 <i>à fine</i>	fatuum	statuum
91	8	quæ commentus est	quam commentus est
95	10 <i>à fine</i>	interpunctionem	interpunctionum
97	10 <i>à fine</i>	5. annorum	50. annorum
99	12 <i>à fine</i>	Romanæ Curia	Romanæ Ecclesiæ
112	1	Lovaii	Lovanii
117	5 <i>à fine post</i>	& Gregorio XIII. adde damnatas	
124	7	videret. Præfati	videret, quod Præfati
ibid.	14	feriunt	fovent
126	4 <i>à fine</i>	Brevia	media
133	19	nullo	ullo
			Bb 2
			165

Pag.	Vers.	Errata.	Corriga.
141	8	abuterentur	uterentur
165	20	jumnos	summos
167	4 & 6 à fine	religionibus	regionibus
173	10	ora	ova
ibid.	15	fuspiciat	fufcipiat
175	20	voluerunt	noluerunt
184	19	velut	velit
192	9 à fine	& jam	etiam
196	1	fit	fcitur
199	13	esse debet	esse non debet
ibid.	6 à fine	1653	1654
211	3	non unam	numam
ibid.	11 à fine	excerptæ num-	excerptæ, numquam
		quam	
ibid.	12	sint, excerptæ	sint, excerptæ <i>commate</i>
			<i>emisso.</i>
212	2 à fine	Theodoteti	Theodoreti
214	8	Libri	Libro
221	17	impenda	impendenda
225	2	Pachus	Parochus
235	7 à fine	phantasma?	phantasma <i>sine?</i>
237	8	97	79
ibid.	14 à fine	ac meptiatur	aut mentiatur
281	11	circa anno	circa annum
238	24 à fine	proprios	præcipuos
239	4	harum	luarum
240	19	gregre	grege
246	3 à fine	enim	<i>deleatur</i>
247	9 à fine post	inquit <i>interfere</i>	quod illius sectatores
		inculcare solent, hanc etiam esse Thomistarum do-	
		ctrinam, dum, &c.	
249	12 à fine	seruntur	fruuntur
251	13	Theologi	<i>adde</i> Belgæ
254	12 à fine	proxima	proximam
ibid.		remota	remotam
256	9 à fine	suggeret	suggereret
259	10 à fine	1697	1687
268	12	nationibus	notionibus
271	17	phrarasis	phrasis

<i>Pag.</i>	<i>Verf.</i>	<i>Errata</i>	<i>Corrige.</i>
273	7 à fine	supernaturalem	supernaturalium
274	19	adimplere	non adimplere
281	11	Sede	Sedes
285	3	accusent omnesque,	accusent, omnesque
		<i>posito commate inter</i> accusent & omnesque.	
288	14	gavissimas	gravissimas.
303	10 à fine	tam	jam
309	14 à fine	præpopere	præproperè
ibid.	11 à fine	centoribus	centonibus
323	22	propositione	prohibitione
331	8 à fine	alàs	aliàs
332	13 à fine	Ecclesiastices	Ecclesiasticas
340	12	obliviorum	obliviosum
343	21	tractat	tractet
345	1 à fine	fraudentiam	fraudentam.
368	12 à fine	Baccalaurei	Baccalaureo
379	4 à fine	cadem	deleatur

*Notandum est denique tres ultimos versus pagine 291. signandos esse uti antecedentes, quia sunt ejusdem Autoris. Reliqua per se facile eruditus Lector corriget.*





















4-3-3



